



BIBLIOTECANAZ.
XXXVII
E
59
NAPOLI

~~P. 133~~

I
46

BIBLIOTECA NAZ.
Vittorio Emanuele III
X XXVII
E
59
NAPOLI



6



2

THESAURUS LINGUAE SANCTAE

COMPLECTENS

NITIDIORES HEBRAISMOS,

ELEGANTIORES TROPOS,

QUIBUS VERBI DEI MAIESTAS

IN S. SCRIPTURA REFULGET,

SIVE

PHRASEOLOGIA HEBRAICA

AD SENSUM

S. SCRIPTURAE RITE INTELLIGENDUM,

E

CELEBERRIMIS AUTHORIBUS COLLECTA.

OPERA ET STUDIO

P. IUVENALIS POTSCHKA

FRANCISCANI RECOLLECTI, S. SCRIPTURAE IN CONVENTU BAMBER-
GENSI LECTORIS.

ACCEDIT IN FINE

SYNTAXIS HEBRAICA EX

CL. P. PETRO GUARIN

E CONGREGAT. S. MAURI.

Cum permissu Superiorum.

BAMBERGAE et WIRCEBURGI,

Sumtibus TOBIAE GOEBHARDT,

Bibliop. Univ. MDCCCLXXX.



IMPRIMATUR.

BAMBERGAE,
Die 26. Februarii 1780.

JOHANNES ADAMUS.
Episcopus Hymeriensis, Suffrag. &
Provic. Gener.



LECTORI PHILEBRAEO SALUTEM!

H*aurit aquam cribro, qui discere vult sine libro.*
Id si in aliis scientiis, in linguis certe addiscendis et intelligendis certissimum est; e lingua vero hebraea hoc adeo manifestum est, t nisi quis huius linguae genium perfecte calleat, npossibile sit, S. Scripturae libros, maxime Propheticos et Sapientiales, quos inter Psalterium rimatum tenet, recte posse quemquam intelligere: tot enim, tamque exquisitissimis tropis, et moenissimis metaphoris ac figuris foecundissima est lingua hebraea, ut et ipsa facundissima Capitolii Rostra obmutescere, et Athenarum Musae rubescere cogantur. Quam purissimum sit in divinis

A 2

vinis



vinis literis, elegantissimumque dicendi genus, quanta sit vocum singularium proprietates, quanta virtus, quae efficacia, qua *sermo Dei omni gladio ancipiti penetrabilior, usque ad divisionem animae et spiritus, compagum quoque et medullarum pertingat*, sequens demonstrabit phraseologia. Si rudis et inculta, imo sine voce et spiritu sapientiā est, cui deest sermonis gratia, cave, id sentias de plenissimo sapientiae fonte S. Scriptura; in ea enim, quidquid splendoris, quidquid dignitatis et gloriae dicendi arte continetur, uno veluti aspectu intueri possumus et contemplari. Lege libros sapientiales, propheticos, metricos, et videbis, quam simplex et naturalis omnium dictionum inter se collocatio, quae simplicissimam Authoris sui naturam quodammodo videtur imitari; quanta in sententiis gravitas, quanta et quam digna Deo loquente in tota oratione maiestas, quae humanam eloquentiam tantum supereminet, *quantum solent inter viburna cupressi*.

Locum meritissime heic sibi vendicat Ant. Pintianus, qui ita eleganter perorat *): „ut „cognoscant omnes, qui sacris libris delectantur, „illos coeteris omnibus scripturis, ut *Beda* et *Cassiodorus* adfirmant, non solum *auctoritate*, quia „di-

*) In *praelud. Isag. ad S. Bibl. intell. de Schem. et fig. S. Scripturae*.



divina gaudent; vel *utilitate*, quia ad vitam aeternam nos dirigunt, sed etiam *venustate* et *nitore sermonis* praeeminere: placuit, collectis ipsis exemplis, et aliquando cum locis profanae eruditionis collatis, palam ostendere, nihil pulchritudinis et venustatis in secularis eloquentiae Magistris inveniri, in quo S. Scriptura non praecesserit, ut novi concionatores, sacraeque eloquentiae, candidati in ipsis sacris literis paradigma inveniant, quod ante oculos proponant, simulque, ethnicorum, rhetorum ac philosophorum furta, retegant, qui omnem dicendi pulchritudinem et „splendorem a divinis literis suffurati sunt.,, Nihil aptius, dignius nihil ad Rhombum dici potuit. Notissimum sane emunctioris naris viris est, quique vel primoribus labiis hunc divinum sacrarum literarum fontem degustarunt, tot voluptatibus scateret S. linguam hebraeam, ut illiciis suis quasi hamulis vel nolentes figat, adque se trahat; tantam sublimioris styli refulgere maiestatem, quae legentium atque audientium animos extra se quodammodo rapiat, et admirationem quoque ab invitis extorqueat. Habeat suas sibi Latium paludes, retineat Graecia rivolos: ipsissimos fontes solam extra Palaestinam frustra quaesieris; dulcem illa propinet ambrosiam, quum alibi non nisi faeces inveneris.



Ne vero ista per exaggerationem a me dicta credas, sufficiat scire, S. linguam hebraeam vel ipsum Deum habuisse immediatum authorem, a quo creata, instituta, ac inter dona alia primo homini tradita fuit *). Quae autem a Deo sunt, perfecta sunt: Maiestatis est graviter et maiestaticè loqui: oportuit ergo, ut in illa lingua, cuius author Deus est, nil nisi gravitatis; maiestatis et styli eloquentiae reluceat.

Mi-

- *) Ea lingua primaeva censenda est, cuius reliquiae et vestigia aliqua in alijs linguis perseverant; at ita est de hebraea; siquidem illustra eius indicia supersunt maxime in his populis, qui Babylo[n]i, ubi linguarum divisio facta fuit, viciniore[s] sunt, puta Chaldaei, Syri, Arabes, Persae, Chananaci: sane nisi esset hebraica lingua principium omnium adinstar, nunquam posset fieri, ut tot linguae in tam varijs orbis partibus per tot annorum millia ita adfines essent, ut ad illam unam ita accedentes, ut ea diligentèr cognita, illas discas faciliore negotio, quam lingua latina quidam adiuti italicam, hispanicam, gallicam, siculicam rel. rel. Primorum quoque hominum et patriarcharum ante diluvianorum nomina propria a primitivis suis radicibus sic a lingua hebraea deflexa sunt, ut vox a voce dependeat tanquam paronyma. Percurre omnia nomina Patriarcharum, prophetarum et illustrium personarum, et omnia ex radice hebraea deducta invenies. ארץ dicitur ab ארץ *terra rufa*, ex qua formatus est. אדָם *Eva* dicta est prima mulier, quia futura erat mater לְכָל־חַיִּים *omnis viventis* a rad. חָיָה *vixit*. אֵדֶם *Cain* a rad. יָדָה *possedit*, eoquod Eva dixit: יָדָה־נָּתַתִּי *POSSEDI* hominem. Nomen *Iacob*, quod dein ab Angelo in *Israel* commutatum est, venit a radice יָצָא *praevaluit, princeps fuit*, et אֱלֹהִים *Deus*, fortis cum praefixo patronymico: ratio in textu additur: *nequaquam adpellabitur nomen tuum Iacob sed*



Mirari inde satis nequeo, quo praeiudicii genere multi abrepti a S. linguae studio et se et alios avocare studeant: solennius nihil linguae hebraeae contemtores in ore habent, quam decantatum illud: *habemus versiones graecas et latinas, quae in iis, quae credenda, facienda, fugiendaeque sunt, ab Archetypo suo, hebraea nimirum veritate plerumque non discrepant.* Obiectio haec, quantam non sa-

A 4

piat

sed Israel, quia princeps fuisti cum Deo, aut quia praevaluisti cet. *Moses* nomen hebraicum est. non aegyptiacum, quod ipsi a matre sua impositum fuit. Ex hebraeo id manifestum est Exod. II. 10. *Quum autem crevisset puer, adduxit eum (Mater sua) ad filiam Pharaonis . . . et vocavit nomen eius מֹשֶׁה dicens: quia de aqua מִן הַיָּם traxisti eum: ita autem* vertendum esse, ex regulis grammaticalibus patet; nam מֹשֶׁה est secunda persona sing. foemin. illa verba: *fuitque illi in filium*, parenthesi includi oportet. Percurre omnia primorum Patriarcharum nomina, et mirum verborum lusum cum delectatione reperies. Nomina *dignitatum*, si hebraicum calleas, nitidissime expones. Sic apud Hebraeos שַׂר *Sar principem* significat; quis neget ex hoc hebraeo fluxisse Gallorum *Sire Regum* titulum? *Sin* enim et *Samech* eiusdem organi literae saepe confunduntur. Porro a שַׂר *Sar* hebraico derivatur nomen *Cesar*, quod primus CSAR pronunciatum fuisse creditur, et postea *Cesar*; quemadmodum tandem ex *Cesar* factus est ordinarius Moscoviae Ducum et Imperatorum titulus CSAR, nempe esset שַׂר i. e. *quasi princeps*; quia *Cesaris* nomen ante usurpatam tyrannidem vix antiqui simpliciter arrogabant, atque regium titulum abhorrebant. Nomen *Sultan* ex Hebraeorum hortis desumptum est a radice שָׁלַח *schalath*, quae *dominandi* notio est; unde שַׁלְטָן *schultan*, מְשַׁלְטָן *Dominitio*,



piat ignaviam, quisque percipit. Non videntur isti legisse, quod scribit *Siracides* in prologo suo, *deficere* scilicet vocabula hebraica, quum in aliam fuerint linguam translata: *Nec enim*, inquit S. Hieronymus *): *eandem vim habent haec, quum in se ipsis dicuntur, atque quum in aliam transferuntur linguam.* Quis vero unquam infessus est, versiones

tio, Chald. *Dominator*. *Satan* originem suam hebraeo debet; est enim a rad. *שטן* *Satan* adversatus fuit.

Neque dicat quis Moysem abstulisse genuina et antiqua Patriarcharum nomina, novaque genuinis obsoletis expressit respondentia propriae linguae hebraicae, in qua scripsit. Nam Moyses ipsissima Dei verba et nomina ab Adamo imposita se referre luculenter testatur: quis credat, ipsum voluisse prudentiores decipere, et a se excogitata illis subponere? sane historici profani referunt antiqua nomina gentis, regionum, urbium, earumque mentionem diserte faciunt, ut, unde fluxerint eorum historiae, cuivis pateat, et certior eis fides adhibeatur. Ipse Moyses omnem hac de re aufert dubitandi suspensionem: nam nova nomina ab antiquis sedulo distinguit, neque lectori ea exponit, antequam ipsum monuerit pro antiquis non esse habenda. Sic Gen. XIV. monet *En-Mispbat* dictum antea *Kades*, Gen. XIII. *Kiriath-Arbe* postea nuncupari *Hebron*. *Luz* a Iacobo nomen accepisse Bethel. Quis credat Moysem invidio silentio involvere antiqua nomina Patriarcharum, ut nova subponeret? vide Matth. I. 23. Ioan. II. 16. Marc. III. 17. cet. Evangelistae semper retinuerunt nomina hebraea, quomodo erant enunciata: certe Moses etiam primigenia nomina in lucem produxisset, si alia ab hebraea fuissent.

*) Prol. in Eccl.



nes has singulari Dei providentia factas fuisse, atque uberrimam Ecclesiae adtulisse utilitatem? id tamen fatebitur nemo, nisi qui in literis divinis peregrinus videri velit ac hospes, sacrum codicem in linguam latinam aut graecam translatum nihil de sua elegantia amisisse, atque Divinum illud exemplar cum omnibus suis nativis coloribus ac lineamentis versiones istas exprimere: neque enim in iis relucet eadem verborum vis, *ενεργία*, *εμφασις* illae iucundae *παρονομαστικαί*, elegantesque verborum lusus et flosculi, quos in graecis, latinisque hortis transplantatos, aridos plane, insipidos, emarcidos, et vix non emortuos reperies:

gratius ex ipso fonte bibuntur aquae

Neque vero Cantores sacros, et hos inter Davidem adcusaveris, quod obscurioribus hisce phrasibus et loquendi modis lectissima clauferint mysteria, doctrinas absconderint sanctissimas, quia *mala aurea in lectis argenteis*, respondet Salomon *), dignissimum esse adserens, ut res sacrae, mysteriis plenissimae et ornatissimae illis efferrentur verbis et sententiis, quae, licet omnium utilissimae, ad eas tamen adcessus non pateat, nisi illis, qui tota mente, tota contentione, et humili praesertim corde Deum quacrunt: *humilibus enim dat gratiam.*

A 5

Ne-

*) Prov. XXV. 11.



Neque dedecet S. Scripturam, eiusque Authorem Deum figuris uti, quae, licet omnibus non statim obviae sint, mire tamen elevat, illustrantque loquentis Dei dignitatem. *Placuit Deo, verba sunt Theologorum Aquilae, Doctoris Hipponensis *)*, *magnifice et salubriter scripturas sacras modificare, ut locis apertioribus fami occurreret, obscurioribus autem fastidia detergeret. Voluit Deus, ut animos non tam pascant manifesta, sed etiam secreta exerceant veritate.* Ex arcano itaque Divini Spiritus consilio, qui S. Scripturam voluit tot implexam esse difficultatibus, actum est, ut in iis hominum ingenia, quibus facile vestigata vilescunt, utiliter exerceantur, superbia melius comprimatur, mysteriorum altitudo, quae sub hoc sipario obvoluta sunt, demissius suspiciatur. Neminem porro latet, Deum se ut plurimum adcomodare genio scriptorum; *adsimilatus enim fuit in manu omnium prophetarum*; Orientalibus autem frequentissimum est, uti tropica et figurata loquutione, et frequentioribus mixta parabolis; unde prophetae et Christus ipse plerumque in parabolis loquebantur populo: quomodo enim in admirabilem illius consilii oeconomiam subintrare, ac humanae sagacitati imperium providissimae operationis arcanum penetrare ullo modo liceret, nisi iuvaremur similitudinibus et per sensibilia duceremur?

Quam

*) I. II. de doctr. Christ. c. IX.



Quam utile itaque, quamque necessarium cuilibet viro docto, theologo, sacerdoti praecipue, sit studium linguae hebraicae, fatis ex his patet, et ne in re apertissima iusto sim longior, dicam duntaxat cum omnibus eruditis *), docti viri nomen haut mereri, qui aliqua saltem hebraei, graecique idiomatis cognitione non pollet, coeco esse quam simillimum, qui ignarus, quo se vertat, ducis tantum sui fide nititur, in perpetuis ambulare tenebris, quum nesciat, an haec vel illa in latina translata mendis careant, nec ne; qui ipsa sua ignorantia in fontes inquirere, profundioreque ac certiore notitiam haurire prohibeatur. Et quid? si obligationem exaggerare, prout deceret, vellem, qua quilibet sacerdos obstrictus est, indies Deo omnipotenti litare iuge laudis sacrificium labiorum suorum in vespertinis et matutinis dicendo, psallendoque Psalmos Davidicos? quis autem nescius est, quot, quamque obstrusis hebraïsinis, idiotisimis, tropis et allegoriis abundet haec divina Cythara, quae sine linguae hebraeae notitia non dicam non pulsari, sed ne adtingi quidem potest? Vel hoc animare sacerdotes oporteret, ut huic se sanctissimo studio adcingerent, ne psittacorum ad instar ore solum, sine consortio mentis, vitulos labiorum duntaxat macilentos et aridos mactent, sed ut adipe cordis pingues et electos Deo sacrificent.

*) Brian. Waltonus.



cent. Quomodo enim sacrificium tale adceptabile esse potest in conspectu Domini, quod illi immolatur ab eo, qui, quod immolat, sua negligentia ignorat, neque intelligit? Accendamus potius, ut preces nostrae cum debita oris cordisque intelligentia et sancta intentione ceu thymiama suavissimi odoris, plenum aromatibus, ceu Galbanum et storax ad Deum ascendant; et sic nardus nostra ceu balsamum aromatizans odorem dabit, et quasi myrrha electa exsufflabit odorem suavissimum Domino.

Interim tamen cum Authore anonymo *propilaei psalmodici* graviter monendum censeo, dum linguae hebraeae memini, non ego illam intelligo linguam hebraeam, quam illi se scire autumant, aut iam adsequutos fortasse putant, qui voces aliquas didicerunt ex lexicis, dum vocabula iam substituere vocabulis, et hebraicis latina sufficere norunt; hoc enim puerorum est; et si cum eiusmodi linguae adparatu misero et insulso librum aliquem metricum adgredi adtentaveris, et eum te posse explicare existimaveris, id certissime facies scripturis metricis, quod autumnus facit arboribus, qui honorem omnem ipsis abstulit, postquam folia eis decussit. Dederis enim Oden Davidicam quamque longe ornatissimam, et numeris omnibus absolutam, si neglexeris exponere, quae vis, quae emphasis, quae energia phrasium sit, si voces denique ipsas,

ipsas, et has fere singulas polysemice, anchistice, synonymice, anabathmice *rel. rel.* quibus tanquam cortice veritas continetur, explicare nequeas, vita omnium dictionum fugata luridam, exsuccam, et mortuam totius orationis faciem ab oculos pones.

Maxime itaque Tibi, mi Philebraee! necessarium ducas, ut, qui ad hoc te studium adcinxisti, ipsa sacrae linguae penetralia subcas, non vulgari notitiae hebraicae ratione, non populari quadam mediocritate, non nuda vocum translatione contentus sis, sed summus phraseologiae apex fortiter est adtentandus, ut vim ipsam phrasium, totamque energiam inquiras et adsequaris, si divinas scripturas maximo tibi usui esse velis et emolumento. At hic labor, hoc opus est; et nonnisi ex continuo usu ex sacris literis, aliisque scriptis hebraicis superandum; abstrusum id est adeo, ut vestigatione non interrupta opus habeat, donec ad ipsa linguae huius adyta, et in eius naturam, originem primam perveneris. At ne animum despondeas velim mi Philebraee! nam quae egregia sunt, nonnisi magno obveniunt labore, neque solent sublimiores scientiae oscitantibus in ora delabi; sed fortiter Maiorum nostrorum imitemur industriam, quorum aemulamur et gloriam. Suas, fateor, habet difficultates studium s. linguae: at qui huiusmodi laborem non posse exantlari adferit, convincitur vel de supina ignavia,
vel



vel de contumelia, qua linguae sanctae honori gravissime et iniuriose detrahit, quam contumeliam doctissime retundit et confundit supra cit. *Quaddinus* „non est impervium, non adcessibile, „non absconditum arcanum sermo hebraeus; me, „diocrem exigit solertiam, et honestum studium, „sine quo nec aliae inferiores addiscuntur linguae, „nisi usus et frequentia literariam et scholasticam „subpleat disciplinam. Raritas hebraice loquentium hanc advexit contumeliam, ut, quam non vident frequentari, aut in colloquio admisceri, putant ignavi homines ineffabilem, absque facto rei periculo, vel minimo adhibito experimento, obprobrium addunt, et quam nec primis gustarunt labiis, tanquam adfatu asperam condemnant, similes certe vulpi Aesopicae, quae, uvas illas, quas ex alto pendentes nullo modo degustare, nec contingere licuerat, quasi acerbos et aridos condemnavit, et libere contempsisse se dixit. Experiantur paulisper disciplinam, adgrediantur scientiam, eam, me fideiussore, facilius, quam putent, brevius, quam sperent, et, utilius, quam credant, adprehendent.,

Id sane elogii tribuit *S. Hieronymus* foeminis, dum eas scientiam linguae hebraeae feliciter, ait, consequutas. Ita de *Paula* matre ad filiam scribit *Eustochium* *): *linguam hebraeam discere voluit, et*

con-

*) Epist. LXXXVI. al. XXVII.



consequuta est, ita ut psalmos hebraice caneret, et sermonem absque ulla latinae linguae proprietate personaret. Quod eadem epistola de *Eustochio* adtestatur. Nonne erubescere heic debent viri, dum audiunt, id potuisse fragile, tenueque ingenium foemineum: et virilis labor id non poterit? et si tantae artes, tantaeque scientiae plumbea saepe penetrant ingenia; hanc, de qua loquor, dicendi artem capere non poterunt, qui tam variis iam antehac sunt disciplinis expoliti? splendidior talentorum adparatu a Deo exornati et exculti? Eant nunc contemtores vaniloqui, et derisores superbi, atque pudore suffusi a foeminis (et quid minus dici potest?) at ab iniquis sibi temperent diceriis, et cavillationibus, intelligant, neque exaggerent, aut ignavius fingant difficultates, quos vel foemineum occiput superare valuit. Characterum forma insolita, minuta punctorum varietas, apicum mutatio, facilisque in uno puncto totius vocis mutatio tanta non sunt, ut non possint consuetudine dulcescere, modo linguae amor, discendi fervor, et spes percipiendi, quae discuntur, comites adhibeantur; neque enim amari potest scientia, quae addisci posse desperatur.

Iniuriosus forem S. Hieronymo, si, quae ad Rusticum *) scribit, tacito praeterirem silentio; *dum essem iuvenis, et solitudinis me deserta vallarent,*

*) Ep. XCV. al. IV.



rent, incentiva vitiorum, ardoremque naturae ferre non poteram, quem quum crebris ieiuniis frangerem, mens tamen cogitationibus aestuabat: ad quam edomandam cuidam fratri, qui ex bebraeis crediderat, me in discipulum dedi, ut post Quintiliani acumina, Ciceronis fluvios, gravitatemque Frontonis et lenitatem Plinii alphabetum addiscerem, et stridentia, anbelantiaque verba meditarer. Quid ibi laboris insumserim, quid sustinuerim difficultatis, quoties desperaverim, quotiescumque cessaverim, et contentione discendi rursus inceperim, testis est conscientia tam mea, qui passus sum, quam eorum, qui mecum duxerunt vitam. Et gratias ago Domino, quod de amaro semine literarum dulces fructus carpo. Posteriora S. Doctoris verba plus animi et heroici spiritus tibi addere optaverim, quam priora illa te deterrire possent, maxime quod aetate nostra facilius pateat ad S. linguae penetralia aditus, quum optima grammaticarum, regularum, et magistrorum adsint subsidia, quorum ductu brevi temporis intervallo si non summam, sufficientem tamen tibi comparare vales linguarum peritiam. Opto tamen, ut hac ut ut sufficienti ac vulgari notitia contentus non sis mihi Philebraee! sed altius tendendum; quare, ut verba proferam cit. Authoris *Psalms. propyl.* latronis instar grassari oportet philebraeum per voces singulas, coelos ipsos impetere, solem adgredi cum Prometheo, nullumque non lapidem movere, nil intentatum relinquere, ut,



ut, si quos ignes in hebraicis offendit, detrahat, ut vocem suam latinam his animet, iis, quae mortua sunt, vitam inspiret et animam, tamdiu latina componat et obponat hebraicis, donec ambobus eadem sit facies, eadem frons, idem os, iidem humeri, eadem vis, eadem emphasis. Experieris mi Philebraee! si nulli peperceris conatui, quam verum sit adductum supra Salomonis encomium, Spiritus S. sententias libris sacris contentas esse *poma aurea*, quae, quamdiu colaturis suis inclusa sunt, non adliciunt, quia aciem nostram effugiunt; at si obiciantur oculis, si ponantur in reticulis argenteis, mirum in sui amorem et aestimationem omnes, qui vident, adliciunt, trahunt. Sacrarum scripturarum textus multis insipidi sunt, quia absconditi, idque vel propria ignavia, qua linguam hebraeam addiscere polunt, vel superbia quia eam intolerabili fastu contemnunt. At si retegantur, et remoto sipario in lucem ponantur, ipsi spiculis suis animum figunt, capiuntque. Sacri Codicis sententiae vocantur ab eodem sapientissimo Rege לִיטָה הַזֶּה hoc est, sunt instar pulchri ornamenti capitis, et instar pulchri torquis in collo *David*, *Salomon*, et qui huiusmodi elegantes sententias protulerunt, dicuntur habuisse aroma in ore, eructasse verbum bonum, eorum labia fuisse ceu favus distillans, masticasse aroma, salivam

B

cum



cum halitu fragrantem reddidisse ex more Orientalium, qui solent masticare aromata.

Sic ergo mi Philebraee ! operare, et sedulo labore percurrere libros metricos : est enim labor hic sacerdoti dignissimus, quia ex ore sacerdotis rogatur scripturarum divinarum intelligentia : sacerdos enim haut alio fine populo praefectus est, quam eo, ut doceat populum; neque in scriptis apostolicis alia de causa *Prophetæ* nomine insignitur, quam ut ea, quae scripserunt Prophetæ, ad populum proferat. Voret ergo libros propheticos, voret libros sapientiales, voret omnes hagiographos; et quamvis in ore eius, ubi legere eos et exponere coeperit, amari futuri sint, innumeris adpersi difficultatibus, conditi absinthio, si tamen institerit, si labori non cesserit, si insolita eos comminuerit diligentia, atque dente Herculeo contriverit, commoluerit, et commolitos in stomachum miserit, erunt illi uva ex Sorek, et botrus Cypri, fructus Baal-Hamon, et deliciae Engaddi.

Quod, ut felicibus avibus, ac faventibus praeprimis Superis Tibi eveniat, praesentem exhibeo phraseologiam, quae potissimum robur suum, viresque exerit in elegantissimis hebraïsmis, quibus,
quo-



quoniam libri sacri abundant, operae pretium du-
xi, eos aliququaliter dissolvere et explicare, ut ea,
quae hactenus de s. linguae utilitate, dignitate et
praestantia operosius dicta sunt, magis roborentur,
linguae hebraicae facies non fucato scibio, sed
naturali decore candida, quasi in speculo praesen-
tetur; eius ornamenta in vestitu deaurato, qui
circumdatus est eloquentiae florum varietate, cu-
ius textura admirabilis plane est in pretiosis monili-
bus, ut omnes concupiscant decorem illius. Ac-
cipe ergo mi Philebraee! phraseologiam hanc
commodo et utilitati tuae conscriptam, quam
multo lectione hausi et collegi ex optimis Authori-
bus, praesertim *P. Guarin* e congregatione
S. Mauri, viro in lingua hebraea versatissimo,
cuius opus IV tomis comprehensum, eoquod ra-
rum sit, atque magno pretio vaeneat, ne tanto
destituaris thesauro, quae fusius tradit, ea in epi-
tomen ad sufficientem linguae hebraeae notitiam,
atque sacrarum scripturarum intelligentiam con-
gressi. Neque tacite praetereundus est praestantif-
simus Author anonymus e scholis piis, qui in suo
praeludio Psalmorum erudita plurima ostendit, ac
vastissima scientia complectitur. Hos duces, quos
strenue imitari mihi placuit, et tu sequere, prae-
sentique opere diligenter utere, et brevi illum
linguae hebraicae gradum conscendes, quem alii



multo labore, atque vano multorum annorum impendio vix invenire potuerunt. Quoniam vero phrasēs singulas phraſeologia haec non complectitur, favente Numine typis edi curabo indicem ſeu dictionarium biblicum, quod difficilioreſ in S. Scriptura occurrenteſ locos, ac criticos textuſ expoſitoſ complectetur: opuſ iſtud iis potiſſimū conducibile et utile maxime erit, qui viribuſ deſtituti ſunt in comparandis magni pretii et maximae molis commentariis. Vale nunc Lector benevole, laboremque meum aequi bonique habe. Scripſi Bambergae in Conventu Fratrum Minorum Franciſcanorum Recollectorum die 28 Ianuarii 1780.





CAPVT I.

De Origine Phrasium hebraicarum.

Antequam phrascs hebraicas exponam, oportet, ut prius aperiatur Hebraismorum fons et origo; seu unde hebraei phrascs suas ducere soliti sint, et cui loquutiones illae, quae in sacris libris leguntur, originem suam debeant. Plures nascuntur ex adlusione ad ritus et consuetudines, mores, vestimenta, potus et cibos, atque omnes adparatus conviviales, triclinia seu lectos decumbentium, vasa et unctiones aromaticas. Magno quoque in numero occurrunt phrascs *georgicae*, *pastoriliae*, *agrariae seu rusticae*, *conviviales*, *militares*, *vindemiales*, *vestiariae* rel. rel. quumque hebraeis terra promissa, quae lacte et melle fluit, in maximis semper amoribus fuerit, gaudebant iucunde ludere cum montibus, fluviis et vallibus, locis maritimis, totaque chanaanitide, quorum exactam cognitionem, nisi philebraeus sibi comparaverit, fieri non potest, quin semper hallucinetur, haereat et caecutiat. Maximi insuper momenti, sunt alii elegantiores Hebraismi, *Anchistici*, *Anabathmici*, *Synonymici*, *Paraphrastici*, *Pleonastici*,



Elliptici rel. rel. quos omnes bene perspectos quisque habere debet, et de quibus infra secundum ordinem agam.

§. I.

De Hebraïsmis seu Phrasibus e re pastoritia, agraria prognatis.

Ut phrasēs *pastoritias*, *agrarias*, *rusticas*, *georgicas*, *bucolicas*, unde ortum suum traxerint, intelligas, praevidē scias velim, primos populi Israelitici stipites ac parentes fuisse pastores, atque vitam pastoritiam semper in deliciis habuisse: *Abraham*, *Isaac*, *Iacob* pastores erant, et in tabernaculis habitabant. *David* pastor gregis erat. Ingens ergo phrasium hebraicarum numerus, quae desumuntur a tentoriis, tabernaculis, atque omni pastoritia supellectili, ab agris, arboribus rel. rel. Sic Psal. I. 3. *Et erit tanquam lignum seu arbor*: loquitur de *palma*, quae iugiter viret, et foliorum tenacissima est, cui iustus comparatur: atque arbori, quae non solum foliorum inani luxu superbit, sed quae etiam *fructum suum dabit in tempore suo*, neque sibi tantum, sed et aliis prodest: unde illud *prosperari* phrasi hebraica idem est, ac facere rem, quae aliis prospere cadit. Sic Psal. CXVIII. 28. *O Domine bene prosperare*, i. e. fac, ut agamus prospere. Unde ex antithesi impios vocat כֶּחָץ *pulverem*, *paleas*, *glumam*, quae nihil prodest; imo data opera dispergitur per ventilationem. Sic Ieremias de *Iechonia* inquit: *scribe virum istum sterilem, qui in diebus suis non prosperabitur*, i. e. infelix, inutilis erit. Haec quoque phrasis ad latinos transit: *felicia arva*, *felices colles*. Sic ergo iustus comparatur arbori, quia utilitatem suis
actio-

actionibus non sibi solum, sed et aliis adfert. Psal. II. 9. *Reges eos in virga ferrea*: melius cum hebraeo תִּרְעֶם LXX ποιμανεις αυτους *pascet eos*. Verbum *pascendi* alias in bonam, heic autem in malam partem fumitur: vide Mich. V. 5. *Virga et baculus* Deo, Christo per ανθρωποπαδειαν tribuuntur, quibus eius cura et amor exprimitur. Unde phrasis Ps. XX, 4. *Virga tua et baculus tuus ipsa me consolata sunt*. Est metonymia signi pro signato: nam *virga* et *baculus*-seu pedum pastorale studii pastoritii signa sunt: *virga* ducuntur oves, et *baculo* arcantur lupi, q. d. quamvis gravissima mortis pericula incurram, studium tamen tuum, et amor tuus erga me proteget. Totus hic psalmus carmen *bucolicum* est: dicit Cantor, se esse *oviculam*, se regi ✠. 1 Hebr. *pasci*, quod specialiter de Christo dicitur Ezech. XXXIV. 23. *Et suscitabo super eas (oves) pastorem unum, qui pascet eos*. Gratulatur ✠. 2. in loco *pascuae*, caulam suam non esse remotam a pascuis virentibus, ut opus habeat diu currere, donec perveniat ad pascuum; et adludit ad facilitatem legis. Pulcherrime metaphoram expreslit hebraeum, quod vertit *Aquila*, Symm.; in *pulchritudine herbae habitare me fecit*. Pergit: *super aquam refectiois*, i. e. ad aquas placite, leniterque fluentes, et potandis ovibus perquam aptas. En! quomodo exprimat legem Dei et Christi, quae sunt aquae salientes in vitam aeternam. Unde gaudet, se duci per semitas planas, et minime salebrosas, non montosas, in quibus fatigatur ovis, quae sunt semitae iustitiae. Defendi se autem, si in loco tenebroso et periculoso versetur, quia hoc significat hebraeum בְּגִיָּה צֶלְמִית in valle (Vulg. in medio) *umbrae mortis*) quibus denotatur summum periculum, sicut est mors ipsa. Psal.



XXX. 4. *Deduces me et enutries me* : similitudo georgica pro fideli cura et custodia gnaviter alicui impenſa : nam paſtores educendo et reducendo oves munus ſuum implent.

TABERNACULUM ceu ſingularis proteſtionis divinae ſymbolum ponitur. Heinc quaerere Pf. XIV. *Quis ſit habitaturus in tabernaculo Dei* ? idem eſt, ac quaerere : quis favore peculiari Dei gaviſus ſit ; quia contra pluvias et quascunque aeris iniurias tuti erant paſtores in tabernaculis. Pulcherrima phraſis a *tabernaculo* deſumpta occurrit in cantico Ezechiae If. XXXVIII. *Generatio mea ablata eſt et convoluta eſt, quaſi tabernaculum paſtorum.* Quid hoc ? Arabes et reliqui populi, qui gregibus viſitant, paſcuſ hoc loco abſumtis et depaſtis convolvunt tabernacula, et alio migrant : hac ergo phraſi innuitur *excedere ex hac vita, e mundo migrare, mori.* Contra, *figere tabernaculum habere clavos firmos, paxillos immotos* ſignificat vitam quietam, tranquillam, et viciffitudinis malorum expertem, If. XXII. 23. dicitur : *figam illum paxillum in loco fideli*, i. e. expellam *Sobnam* de ſtatione ſua, ejiciam illum de templo, ubi theſauris praefuit, et ſubſtituam *Eliakim* firmiter et ſtabiliter. Terrae infelices et ſteriles dicuntur eſſe ſine tentoriis, ſine paxillis et tabernaculis. Sic If. XIII. *I on figet ibi tentoria Arabs*, i. e. erit dereliſta terra, non inhabitata. *Suſcitare tabernaculum David, quod corruit*, nihil aliud eſt, quam reſtitui domum David ſuo ſplendori et firmitati, quae ei promiſſa eſt in adventu Meſſiae. Tandem a conſuetudine educendi ad paſcua et reducendi greges natae ſunt phraſes : *egredi*, et *ingredi*, h. e. eodem cum ſociis contubernio uti, conſuetudine, hoſpitio. Sic Ioan. X. 9. quum

Chri-

Christus se pastorem diceret, eum vero, qui adhaeret Christo, oviculam, ait: *ingredietur, et egredietur, et pascua inveniet*, promittit eam fideliter a se custodiendam, pascendam, et inseparabiliter quidem, ita ut semper versetur cum Christo.

Aliae phrasae seu comparationes pecuariae occurrunt Pf. XXII. *Tauri pingues obsederunt me*; per vitulos et tauros intelliguntur hostes potentes (si sunt iudaeorum principes, qui in Christum tempore passionis ferociter influerunt) Tauros habuerunt hebraei et feroces et pingues, praesertim in regione Basanea: volentes itaque hominem ferocem designare, *taurum* adpellabant, et quidem taurum ex *Basan*. Ex his facile elucescet obscuritas illius Pf. LXVII. 31. *Congregatio taurorum in vaccis populorum*. Sic Amos IV. *Audite verbum hoc vaccae pingues* i. e. homines robusti et potentes. *Canes multi*: Superius *Tauri* i. e. potentes; heic *canes* i. e. viles homines. *Canis* metaphorice ob morsus asperitatem significat hostem ferocem et truculentum. *A cornibus unicornium*: erat notum animal vocatum קרנאי, quod uno fortissimo cornu et alto praeditum erat: huic comparabant homines feroces valde. Nota hanc phrasin saepe currentem. Hoc loquendi modo hebraeis usitato facile explicabis obscurum alias supra adductum locum Pf. LXVIII. 31 in quo elucet elegantissima phrasis bucolica: *Increpa feras arundinis, congregatio taurorum, in vaccis populorum, ut excludant eos, qui probati sunt argento*. Ferae arundinis sunt *bubali*; hic namque est eorum mos, cubare in arundinetis, quibus nimium delectantur; *metaphorice* homines barbari. *Taurorum* rel. haec omnia sunt synonyma, et dicuntur per similitudinem de populis feris olim invasuris Ierusalem sed de-



pellendis a Deo. *Ut excludant*, (verba, quae actionem important, saepe *conatum*, aut *voluntatem* significant iuxta reg. grammat. unde est, qui volunt aut conantur excludere i. e. eiicere, depellere (iam prodit sensus: *increpa* i. e. deperde, destrue *feras arundinis*, hostes crudeles (nam *חֲרִי* et *catervam*, et *feram* significat) *congregatio taurorum*; ecce congregati sunt adversum nos *tauri* hostes bellicosi et principes fortissimi, *cum vaccis populorum* cum lectissimis de populis, qui adversum nos et haereditatem nostram velut *vaccae* mugiunt, ut *excludant* i. e. expellant eos, nempe Israelitas, qui tibi *velut argentum* accepti sunt, a te electi, tibi chari sunt.

Alia pecuaria Pf. XXVIII *Comminuet eas tanquam vitulum libani*. Nota a \times 3 est elegantissima descriptio tempestatis: unde ait: *Vox Domini* i. e. Tonitru: *super aquas* pro nubibus, metonymia continentis. *Domini super aquas multas*, ellipsis: *intonuit*, aut melius: *est* i. e. velut inhabitat, residet et equitat, Psal. XVII. 8. *Confringentis cedros* species pro genere. *Et comminuet effectus tonitru* est, ut commoveat terram, et montes, moto aere: utrumque ergo describit similitudine vitulorum, quae est similitudo georgica; q. d. dum sylvae tonitru et fulmine concutiuntur, et arborum rami defiliunt, res se habet veluti quum vituli in montibus motus varios edunt. Unde bene hebraeum vertit Aquila: *et exilire faciet eas*. Sym. *saltari facit eas*. Sequitur: *et dilectus*, quemadmodum *filius unicornium*. Quis est iste *dilectus*? S. Hieron. ex hebraeo perspicue reddit: *Et Sarion* (quo nomine adpellatur mons *Hermon Libano* contiguus) sumserunt LXX $\tau\omicron$ *Sarion* pro nomine appellativo *ἠγαπημένος dilectus*; sic subin *Nathanael* datus pro *Deodedit*, *A deo datus*. *Quasi filius Rhinocerotis* supple Ellip-

Ellipsin: *erit*. q. d. veluti iuvenis Rhinoceros, aut unicornis ob terribile tonitru subfiliet. Hyperbole poetica in s. literis familiaris: sunt itaque duae synonymiae in duabus similitudinibus subsilendi, nempe concussio Libani cum suis cedris adsimilatur saltibus vitulorum, et concussio Sarion, ut habet hebraeum, cum suis arboribus adsimilatur saltibus pullorum monocerotis. *Praeparantis cervos* hebr. *יָרִיבִי* *parturire facientis cervos*, Aq. *obstetricantis*: quibus nil aliud innuitur, nisi magnus tremor et terror, per tonitru illis animalibus immissi solitus. Unde *praeparantis* idem est, ac *terrefacientis*: quod autem dicitur de praeparatione ad partum, hoc ortum habet ex modo loquendi hebraico, quia apud hebraeos graves dolores per *parturiendi* vocem explicantur; unde in prophetis, ubi dicitur *masculus parturire*. Tonitru ergo terrefiunt cervi et pleraque animalia, ut edant eiulatus, et sic orta est *parturiendi idea*. Psal. LXXVII. 31 *Occidit pingues eorum* i. e. quosque optimates, procures, principes, similitudo bucolica: sicut pingue in armento est praecipuum; sic qui inter homines sunt praecipui, vocantur *pingues*. v. 11 *Animalia tua habitabunt in ea* i. e. Israelitae in hereditate seu terra promissa.

Israelitae maxime agrorum cultura vivebant, unde maximam loquutionum partem ad sementem, ad messem, ad triticum, ad lolia, ad pluvias referre solebant: unde ortae sunt phrasae agrariae, rusticae. Huc spectant parabolae evangelicae de agricola, de zizaniis rel. Heinc ortum duxerunt hae phrasae: *qui seminat in benedictionibus, de benedictione et metet*: qui multum seminat, multum metet; qui largam et liberalem dat eleemosynam, large et liberaliter recipit a Deo. Iubilus metentium
pro



pro summo gaudio accipitur. Immunitas a bestiis, quae devastare agros, et infestare eorum cultores solent, inter felicitates populi iudaici ponitur. Unde felicitas temporum Messiae hac loquendi formula exprimitur: *Non nocebunt in universo monte sancto meo: habitabit lupus cum agno*: ubi bestiae non nocent, ibi felix reipublicae status more hebraico designatur. Per bestias intellige gentiles populos ut ut ferocissimos, mitigandos per evangelium: et *puer minabit eos*. Psal. LXXIX *singularis ferus depastus est eam*; loquitur Cantor de Sennacherib aut Nabuchodonosore: dicitur *singularis* pro sylvestris, quia animal hoc societatem odit, et singulariter seu solitarie degit in sylva, hebraice vocatur *לִּי שֶׁרִי*. Est avis ferox quae destruit vineas: metaphoricè *fera agri* truculentos Ecclesiae hostes signat: sic Apostolus Cretenses vocat *κακα θηρία* malas bestias ad venenum suum in credentes effundendum promptissimas. Eadem vox hebraea habetur Psal. XLIX. *לִּי שֶׁרִי* et *pulchritudo agri mecum est*, loquitur de quibusdam feris agrestibus, seu avibus terrestribus, quae sunt et vocantur *pulchritudo agri*. Frequenter evenit in Palaestina, ut species quaedam canum sylvestrium (*alii lupos* vocant) oberrent loca habitata, si quo modo possint famem satiare, et si nihil reperiant, horribiles edunt eiulatus: his lupis comparat cantor Psal. LVIII homines, qui alterius sanguini, bonis et vitae insidiantur: *ad vespem famem patientur ut canes*, aviditatem me devorandi habent instar canis famelici. Alio eleganti utitur loquendi modo Psal. LXII. *partes vulpium erunt*, manebunt insepulti, expositi ceu esca vulpibus et sylvestribus animalibus.

Frequens in psalmis agrorum exultatio, camporum iubilus, metentium tripudia et cantatio ponuntur pro felicif-

felicissimo rerum statu. *A fructu frumenti, vini et olei multiplicati sunt*, significatur rerum omnium abundantia, et felicitas regni Davidici, et in sensu sublimiori regni Messiae. Psal. CXXVIII *supra dorsum meum fabricaverunt* hebr. חֲרְשׁוֹ חֲרָשִׁים *araverunt arantes* similitudo georgica: explicat ad afflictionem in captivitate, in qua ita erant contemti, ut reputarentur digni, super quos ararent. *Prolongaverunt iniquitatem suam*: continuat allegoriam hebraeum: הֶאֱרִיכוּ לַמֶּעֲנִיתָם *in longum protraxerunt sulcum suum*, notat diuturnitatem afflictionum in captivitate. Eiusmodi phrasés agrariae et pastoritiae pluri-
mae reperiuntur in s. scriptura: sufficiat interim has adnotasse, secundum quas facile reliquas intelliges.

§. II.

De Hebraismis a re frumentaria desumptis.

AGER, ubi nascuntur frumenta, Ecclesiam Christi significat, uti ex Evangelio constat: *Aratio* autem ob terrae scissuram et quasi vulnerationem, calamitates et afflictiones indicat, ut supra dictum. Dein significat hominum vitam, et actiones sive bonas sive malas. Bonas Ierem. IV. 3. *Novate sive de novo arate vobis novale, et nolite serere super spinas* h. e. poenitentiam agite, pravos mores emendate, qui sunt instar spinarum, quae semen divinum suffocant. *Malas* Iob IV. 8 *vidi arantes iniquitatem, et seminant dolores, et metuant eos* h. e. qui totti ad flagitia perpetranda, et iniurias inferendas intenti sunt: quemadmodum arator in terram, ut inde fructum eliciat, operam infumit; sic illi, ut aliis noceant: at *seminant dolores*; i. e. mala, quae aliis inferunt: et *metuant illos* i. e. redeunt haec mala in caput eorum. Prov.



XXI. 4 *Exaltatio oculorum est dilatatio cordis* i. e. superbia, et נִיר *aratio impiorum peccatum est* h. e. mala opera impiorum Deo exosa sunt. Vulgatus habet *lucerna*. נִיר pro diversitate radicum utrumque significat: sensus vulgatae nostrae videtur magis energicus. Oculorum elatio signum est dilatationis cordis, aut lati i. e. superbi cordis: *lucerna*, splendor, gloria *impiorum* cet. i. e. in folis sceleribus suis gloriantur. Huc pertinet Iud. XIV. 18 *si non arassetis in vitula mea*, inquit Samson, *non invenissetis propositionem meam* sive *aenigma meum* h. e. nisi sponsae meae opera, quae in animo meo latebant, scrutati fuissetis, quemadmodum agricola iuvencae ministerio, quae sub terra latent, arando reteggit, ea nunquam invenissetis. Nota phrasin: *mittere manum ad aratrum* Luc. IX. 62 studium continuum denotat: sumta est metaphora ab agricolis, quibus continuo et indefinente studio in arandis et colendis agris opus est.

FRUMENTI ET TRITICI copia, bonorum abundantiam exprimit. Psal. LXXI. 16. *Et erit פֶּסֶת בֵּר pugillus frumenti in terra in vertice montium, commotus perstrepet sicut Libani* (arbores) *fructus eius* (frumenti) *et florebunt de* (vel potius *in*) *civitate* (homines i. e. cives) *sicut foenum terrae*. Vulgatus habet: *erit firmamentum* eodem sensu: frumentum enim est firmamentum hominis. *In summis montium*, qui alias steriles sunt, et parce in illis nascitur frumentum, grandis et copiosa seges erit, et poterit adsimilari Libano propter magnitudinem: *perstrepet sicut Libani*. Est hyperbole, ad pinguem uberemque segetem denotandam. Spicae uberes vento agitatae, ac se invicem contingentes strepitum edunt, quasi arbores vento agitatae. Ierem. XXIII. 28. veri prophetae *tritico*, pseudo-prophetae autem *paleis* denotantur. *Quid paleis*
ad



ad triticum, dicit Dominus? h. e. Quid commune est istis pseudo-prophetis et doctrinae eorum cum prophetis et verbo Domini? quidam cum Chald. probos et improbos intelligunt. Messis fementi respondens denotat tum pietatis, tum impietatis fructus et praemia. Sic Psal. CXXV. 5 qui seminant in lachrymis, in exultatione metent, nempe fructum lachrymarum suarum, gaudia aeterna: piorum status in hoc mundo fementis, sequutura autem gloria messis loquutione exprimitur.

Phrasis. PONERE MESSEM ALICUI Of. VI. II est eum ad idololatriam perducere, atque ita divinarum poenarum illi materiem praebere. En prophetae verba: *יהוה שם קציר לך* Etiam o Iuda, posuit (Ephraim vel Israel) messem tibi h. e. idololatranti ansam praebuit tibi. LXX και Ιουδα αρχε τρυγαν σπαιτω et Iuda! incipe vindemiare tibi ipsi: legebant vel *שם קציר* in imperativo et forma שות et mutato hholem in ḥhatuph ob makaph. Vel ex forma י mutati in ṽ euphonicum שṽ: eaque in bonam partem accipienda videntur, q. d. Tu vero Iuda gaudium et laetitiam, et abundantem messem tibi ipsi promittito, quum convertero captivitatem populi tui, quamvis enim in exilium deportandus sis, sicut Israel, reverteris tamen, et messem copiosam in terra tua demetes, neque omnino exterminaberis, quia ex te orietur Messias,

Quum duo in messe conspicua sint, nempe quod segetes praescindantur, et arefcant, et quod in horrea comportentur in usum, *Messis* adhibetur tum ad iudicia Dei denotanda Ierem. LI. 33. *Filia Babylonis quasi area . . . adhuc modicum, et veniet tempus messionis terrae eius* h. e. suppliciorum, quae ipsi inferentur a Deo. Tum
ad



ad Ecclesiae collectionem innuendam Matth. IX. *Messis quidem multa, operarii autem pauci.* Denique opportunum liberationis tempus innuitur messe et aestate. Ierem. VIII. 20. *transiit messis, finita est aestas, et nos salvati non sumus* h. e. omnes salutis nostrae recuperandae commoditates perierunt, et nos pariter perimus. *Messores* in spiritali messe, quae est Ecclesiae collectio, sunt verbi Dei praecones, alique ministri Ioan. IV. 36.

TRITURATIO, quae conculcatione et percussione fit, poenas et calamitates designat Is. XXI. 10 *Tritura mea et filii areae meae* h. e. O Israelitae, quos a Babylo- niis quasi frumentum, in area tritrandos i. e. maximis calamitatibus obprimendos praenuntio cet. vide Ierem. LI. 33. Amos I. 3. Habac. III. 12. Mich. IV. 13. ubi *triturare* שרשׁ sumitur pro *occidere*. PALEA et STIPULA, quae a frumento per triturationem, ventilationem, cribra- tionem separatur, et quandoque igni traditur, metapho- rice significat impiorum interitum, eumque citissimum. Abd. x. 18. *Et erit domus Iacob ignis, et domus Ioseph flamma, et domus Esau stipula, et succendentur in eis* h. e. domus Iacob et domus Ioseph, impios Esavi nepotes ea- dem celeritate, qua ignis stipulas, consument STIPULA doctrinam falsam veram vane, iactanter et ambitiose prolatam exprimit I. Cor. III. 12 *si quis au- tem supraedificat super fundamentum hoc* (Christum sive fa- nam de eo doctrinam) *aurum, argentum . . . foenum, stipulam.* Heinc verbum שרשׁ stipulas colligere metapho- rice accipitur pro *serio et accurate scrutari*; paleae enim diligentiam requirunt colligentis. Hanc tamen notio- nem metaphoricam *scrutandi*, quam Rabbinii huic voci adfingunt, antiqui ignorarunt: unde locum Sophon. II. 2.

הַתְּקִישׁוּ

וְקוֹשֵׁי וְקוֹשֵׁי LXX vertunt : συναχθετε και συνδεθετε
congregamini et colligamini.

VENTILATIO, qua grana huc illuc disjiciuntur, denotat hostium dispersionem Ierem. LI et mittam in Babylonem ventilatores, et ventilabunt eam, et demolientur terram eius. Item piorum a reprobis separationem, sicut in ventilatione frumenti grana a paleis secernuntur. Matth. III 12. Cuius (Christi) ventilabrum in manu sua (hebraismus pro in cuius manu est ventilabrum) et permundabit aream suam, et congregabit triticum in horreum, paleas autem comburet igne inextinguibili. Ventilabrum est Evangelii praedicatio, crux, tribulatio, et iudicium extremum. Repurgatio areae ipsa separandi actio. Area Ecclesia, frumentum electi, paleae improbi, horreum regnum coeleste. Cribratione, qua grana fortiter concutiuntur et agitantur, diaboli tentationes, et quidem gravissimae significantur. Luc. XXII 31. Ecce satanas expetivit vos, ut cribraret sicut triticum.

MOLITURA, qua grana frumenti conteruntur, servitutem durissimam indigitat. If. XLVII. 2 Tolle molam (Babylon) et mole farinam. In regionibus orientalibus maxima servitus erat in pistrinum detrudi: unde Iob XXXI. 10 molat alteri uxor mea h. e. vilissima sit serva. vulg. scortum alterius sit uxor mea: quod plerique interpretes de actu venereo intelligunt; atque ita etiam haec phrasis apud profanos adcipitur: et hic sensus textui conformior est ob poenam talionis, quam sibi imprecari videtur Iob.

PANIS metaphorice sumtus tum laeta, tum tristitia significat. Unde panis lacrymarum, afflictionem et calamitatem innuit. Psal. XLIX. lacrymae panes die ac nocte



sacro Pfalti fuisse dicuntur h. e. familiares instar cibi. Luc. XIV. 15 *beatus, qui manducabit panem in regno Dei* i. e. qui aeterna felicitate potietur. Elegans locus est Prov. IX. 17 *panis furtivus et aquae furtivae* adulterium denotant, in quo brevem illam et insanam carnis voluptatem aeterna mors consequitur. Est adagialis locutio, qua occulta vitia designantur. Quum etiam לֶחֶם panis et מִלְחָמָה bellum ex eadem radice deriventur, unde panis saepe bello applicatur. Num. XIV. 9. *quia sicut panem possumus eum devorare* i. e. facili negotio vincere.

FERMENTUM pani admisceri solitum significat doctrinae corruptelam. *Cavete a fermento Phariseorum* i. e. a prava Doctrina. Item morum et vitae nequitiam ac pravitatem. I. Cor. V. 7. *Expurgate vetus fermentum* scilicet malitiae. Et sequitur statim explicatio § 8. Ut enim paululum fermenti totam massam facile penetrat, ac turgidam, acidamque reddit; ita falsa doctrina et morum pravitas ad aliorum seductionem facillime penetrat, et Ecclesiae corpus inficit et contaminat. Fermentum sumitur etiam pro indignatione, exacerbatione Psal. LXXII *quia fermentatum est cor meum*.

§. III.

De Hebraismis Vindemialibus a vineis.

Vineis abundat terra Chanaan; unde plurimae phrasae. Tota Ecclesia Israelitica vocatur *vineae*, atque ut hanc vineam coleret, nihil omisit Deus. Is. V. Psal. LXXIX *Visita vineam istam et perfice eam*, ut Deus haberet eius curam, eamque pristino decori restitueret, adludit ad urbem Ierusalem et templum. Regionem quoque comparat *vineae*, Ierusalem *viti*: heinc *labruscae* sunt

sunt vitia, et transgressiones populi, mores sancti *uvae* sunt. Nomologia Dei vites sunt non qualescunque, sed vites ex *Sorek*: vitis *Sorek* optima est, quia fert uvam sine acinis, et quum unica sit in Chanaanitide vallis, quae vites has aleret, dicta est vallis *Sorek*, ibi dicitur habitasse *Dalila*. Optimae vineae fuerunt *Engaddi*, in *Baalhamon* seu planitie *Hamon*, in collibus pinguibus, oleosis. Heinc illae loquutiones ortae sunt: *Vinea plantata in cornu filii olei*, per cornu intelligitur locus eminentior: unde plantata in loco elevato, oleoso, pingui: et significatur propagatio familiae, quae inter ingentes felicitates fuit habita. Libera vinearum plantatio, pacis spiritualis in regno Messiae notionem exhibet. Sic habitare sub vite sua, sedere sub ficu sua est pace et tranquillitate frui. Eadem metaphora pax spiritualis et interna tempore Christi futura exprimitur.

Isaias praedicens Ierusalem vastatum, et populum in captivitatem abductum iri c. I. 8 ait, iudaeos ita raros fore in Chanaanitide, sicut uvas absoluta vindemia, et urbem laceratam, sicut tugurium in cucumerario, aut speculam in vinea collectis fructibus, et ut finita messe spicae paucissimae. Elegantissima periphrasi Ps. LXXIX robur populi Israelitici et magnitudo exprimitur: *vineam de Aegypto transtulisti . . . et plantasti eam, dux itineris fuisti*. Hebraeum allegoriam prosequitur פָּנִיחַ לְפָנֶיךָ *scopasti et praeparasti locum*, in quo vitis plantaretur, illumque ab omni, quod vineae tuae electae nocere poterat, purgasti, nempe a perversis gentium moribus * 11. 12. Ostendit eam adeo crevisse, ut vitis huius umbra montes operirentur: *operuit montes umbra eius, et arbuscula eius cedros Dei*. Notatur heic multitudo populi; *arbuscula* autem et *rami* adeo fuerunt fortes,



ut possent aequari *cedris Dei* i. e. fortissimis, qui maximas gentes gloria sua et potentia obscuravit, et super eas excelluit. v. 13. *et vindemiant eam* i. e. uvas decerpunt, quo hostilis gladius et irruptio insinuat.

Ierem. XLIX *si vindemiatores venissent super te, non reliquissent racemum* quod interrogative exponendum est: *nonne reliquissent racemum?* q. d. hostes tui omnia tua abripiant, te prorsus racemabunt. Heinc *racemi* paucos homines post bella et alias calamitates superstites denotant, et racemare residuos ex clade priori perdere, significat. vid. Is. XVII. 6. Pulcherrima quoque phrasid occurrit Psal. CXXVII ubi uxor comparatur *viti abundanti*, ex Dei benedictione foecunda: addit autem: *in lateribus domus tuae*, nempe restringendam esse similitudinem; vitis enim, ut sit fructifera, debet esse soli exposita: Uxor e contra debet esse abscondita in domo: Filii vero comparantur novellis plantationibus; sunt enim furculi vigorosi; meminit autem olivae, quae est arbor foecunda.

Obscura loquutio habetur Iud. VIII. 2. *Nonne melior est racimatio* (Vulg. *racennus*) *Ephraim vindemia Abiezer?* heic per *vindemiam* intelligitur pugna contra Madianitas commissa; per *racemum* vero infectatio hostium per Ephraimitas facta, qui Oreb et Zeb Madiahitarum duces comprehensos occiderunt.

TORCULAR ultionem divinam innuit. Is. LXIII. *Torcular calcavi solus*, inquit Christus, de quo hunc locum etiam veteres Rabbinii intellexerunt, h. e. solus ego hostes meos debellavi, et de iis vindictam sumsi.

§. IV.

Hebraismi ab oleis et olivetis derivati.

OLEA seu OLIVA designat populum Israeliticum Ierem. XI. 16. *Olivam uberem, pulchram, fructiferam, speciosam, vocavit Dominus nomen tuum* (h. e. instar oleae virentis et frondosae eras, quae pulcherrime efflorescit, et spem sui fructus facit magnam: verum quia votis Domini, qui plantavit te, non respondisti) *ad vocem loquelae grandis exarsit ignis in ea* (Enallage personae in te) *et combusta sunt fruteta eius* (tua) sensus est: inimici tui quasi concursantes ventorum procellae decutient flores tuos, et ramos tuos confringent h. e. parvos et magnos trucidabunt, tandemque oppidum ipsum tanquam arboris truncum igne consument. Notes velim: quia Chanaanitis tota confita fuit oleis, frutetis balsamicis, aromaticis; inde profectae sunt unctiones in symposiis, unctiones in convivii: unde *ungi, pretiosis perfundi liquoribus*, et *convivari* synonyma sunt; facile ergo intelliges nunc: quare Christus dixerit: *si ieiunaveris, unge caput tuum*; quia omni hypocrisi semota ita eos agere vult, ac si splendide convivarentur: nam vino et unguento totum saepe convivium describitur.

Noli autem cogitare, ubi unctionum meminere scripturae, eas factas fuisse in olivarum oleo, sed myrrhino, in liquoribus aromaticis, balsamicis: unde Ioan. XII *impleta est domus ex odore unguenti*. Hoc liquore aromatico Reges et sacerdotes uncti sunt, vestimenta sponforum, primogenitorum Gen. XXVII. 27 *Ecce odor filii mei, sicut odor agri pleni*. Oleum, quo reges ungebantur, Psal. XLIV. 9 *vocatur oleum laetitiae* propter celebritatem et laetitiam, quae tempore unctionis edebatur: in sensu sublimi *oleum laetitiae* sunt dona Spiritus S. qui-



bus Christus a Patre delibutus fuit longe abundantius et sublimius, quam homines, confortes eius. Liquores isti aromatici ps. cit. enumerantur v. 9 suntque *myrrha* et *gutta* et *casia*. Myrrha arbuscula est odorifera in Arabia nascens, hebr. מור unde to *myrrha* non improbabili-
liter desumptum putatur. *Gutta* seu ut graece est στακτη est gummi odoriferi species, quae ex arboris myrrhae incisione ex se fluit : in hebraeo est אֶהֱלוֹת, unde verisimiliter derivatum est to *Aloe*. *Casia* similiter pinguitatem habet cum hebraeo קִצְיוֹת et cinnamomum esse perhibetur.

Hodiedum in consuetudinibus Orientalium nil frequentius, quam unctiones in pretiosis liquoribus. Sic Orientales dicere volentes, rem aliquam esse pinguem, succo plenam, fertilem, dicunt olivam fructiferam. Oli-
va fructifera dicuntur, qui longaevi, et nihilominus vegeti sunt. Secundum hoc Psaltes ait XCI. *et senectus mea in misericordia uberi* *) sensus est : etiam in senectute laetificabis, et consolaberis me, benignitate tua Deus me sublevabis. Psal. XLIV. *Diffusa est gratia in labiis tuis* : quibus sermonis gratia in Salomone, et in sublimi sensu Messiae insinuat : unde *labia* pro sermone.

Ungi liquoribus et convivari synonymice sumi supra dixi : heinc quando propheta psal. XII. *paraisti in conspectu meo mensam* (mensa metonymice pro convivio) statim subiungit : *impinguasti in oleo caput meum, et calix meus inebrians*

*) Hebraecum habet בְּחַיִּי בְּיַדְּךָ בְּלִבִּי *delibutus sum in oleo viridi* : diversitas orta est ex diversitate radices nempe ex בְּלִיבָא *veterasce-
re*, et ex בְּלִיבָא *perfusum est*. In editionem Romanam librario-
rum mendam irrepsit, in qua est *elato misericordia* : in pluri-
que graecis codibus conformiter hebraeco habetur *elato oleo*.

inebrians quam praeclarus est. Heic explicat clarius, quod dixerat sub similitudine *ovis* et *pastoris*, videlicet Deum tria praestare. 1 quod sibi abunde provideat: nam dat victum, quod continetur in adparatu mensae. 2 liquores aromaticos, quibus perfundatur: et demum 3 continuationem huius providentiae continuat, quod calix semper sit plenus. *Impinguat Deus caput oleo*, quando consolationes inmittit, animum erigit, et confortat. Olei huius, quo iudaei in conviviis solebant caput ungere, mira erat fragrantia, quod animum recreabat, et vires reficiebat. Est ergo allegoria adlusive ad ritus conviviales.

Psal. CXL *Oleum autem peccatoris non impinguet caput meum*, eleganti metaphora dicit, malle se ferre iustorum increpationes et correptiones, quam unctiones impiorum in conviviis i. e. impiorum blanditias et blandiloquos sermones; qui *velut oleum moliti sunt*, ipsi autem *sunt iacula*: meliora enim sunt vulnera diligentis; quam fraudulenta oscula odientis. Tandem quibus specialis honor habitus, illis unctio impensa fuit, prout Christus a Magdalena pretiosis liquoribus perfundebatur: in *Aarone* et barba et vestimenta et ora seu limbus vestimentorum aromaticis perfusa erant.

OLEUM metaphorice rerum omnium iucundarum abundantiam notat deut. XXXIII. 13 *Ut fugeret (populus) mel de petra, oleumque de Saxo durissimo.* If. X. 27 hostium internecionem denotat oleum: *Et erit in die illa: auferetur onus eius (Assur) de humero tuo, et iugum eius de collo tuo, et computrescet vel dissolvetur iugum* (ab eo tibi impositum) *a facie olei* sive propter oleum aut unctionem, nempe Messiam Christum, ut explicat Chaldaeus: ratio metaphorae petitur a natura olei, quod



nodos quosvis facile laxat. Interim nota, oleum seu olivae fructus symbolum esse donorum spiritus S. Ratio huius metaphoræ est non aliunde petenda, quam ab Athletis, qui in arenam descensuri oleo ungebantur, tum ut membra eorum vegetiora essent et flexibilia; tum ut difficilius ab eorum adversariis caperentur, tenerenturque; sic Spiritus S. dona animum roborant, faciuntque, ne diaboli laqueis irretiatur, aut diu iis irretitus detineatur. Christus etiam, utpote specialiter unctus a Deo, *αντονεμαστικως* unctus seu oleum dicitur, sicut supra. Sacerdotes etiam uncti dicuntur: nolite tangere Christos meos i. e. unctos.

§. V.

Hebraismi Conviviales sive a ritibus convivorum nati.

Hebraismos ex unctionibus aromaticis in conviviiis adhiberi solitis recto ordine excipiunt hebraismi *conviviales*, seu quæ ex conviviiis, totoque mensæ adparatu originem suam traxerunt: maxima et uberrima earum phrasium seges offertur ex *calicibus*: et quia calix *tum* amari, *tum* iucundi potus excipiendi est capax, atque mos est Orientalibus, ut Paterfamilias in convivio singulis, qui discumbunt, suos destinet calices, et portionem, quam bibant, ritus iste has parit loquendi formulas, ut cuiuscunque destinata a Deo sortem, conditionem tam prosperam, quam adversam, atque ita *tum* beneficia Dei, et exortam inde laetitiam, *tum* poenas et supplicia denotet. Unde *calix benedictionis*, *calix salutaris* (salutis) *calix furoris Domini*, *calix fellis*, *calix venenatus*; *vinum compunctionis* rel. *Psal. XV. 5 Dominus pars hæreditatis meæ et calicis mei* i. e. portio mea omni-
moda,

moda, praeclarissima, optima. Sacerdotum et Levitarum calix est omnium praestantissimus, qui ipsorum fors κληρος seu portio est solus Deus; quum enim terra Chanaan funiculis distribueretur reliquis tribubus, Aaronitis obvenerunt decimae, oblationes, et sic calix eorum solus Deus mansit: unde exultans levita exclamat: *funes ceciderunt mihi in praeclaris*, nempe funiculis, quibus terra dividebatur, et statim subdit: *etenim haereditas mea praeclara est mihi*. Psal. XXII. 5 *Et calix meus inebrians quam praeclarus est*: laudat Pastoris Dei providentiam, et gratias agit pro forte, quam sibi ceu oviculae destinaverit; vocat autem *calicem inebriantem* h. c. beneficiis suis nimis largum et hilarem cum omni, ubertate et copia rerum sibi necessariorum: et si digressionem ad Dei legem ferre liceat, haec sanctis est *super mel et favum*. Huc spectat illud I Cor. X. 10 *Non potestis calicem Domini bibere et Daemoniorum* i. e. ut explicatur v. seq. *Non potestis mensae Domini participes esse et mensae daemoniorum*.

CALIX metaphorice poenas et supplicia a Deo immissa significat, qui hoc calice potantur, hi dicuntur ebrii, sed non a vino, dicuntur agi spiritu vertiginis, sopiti furore Domini, hi vacillant, hi terrae adliduntur, sicut ii, qui gravi ebrietate ex poculo venenato pressi sunt. Econtrario, qui consolationes a Deo percipiunt, ii dicuntur potati ad aquas placidas, calice saluberrimo recreati esse. Datur etiam apud hebraeos calix, quem benedicit paterfamilias כוס הברכה dictus seu *calix benedictionis*, super quo benedictiones recitat, et distribuit omnibus: item *calix salutis*, in quo gratias agunt Deo pro salute recuperata: dicitur etiam *poculum eucharisticum*.

His



His ritibus praemissis et cognitis multas in psalmis invenies loquutiones, quae ritus hoc respiciunt. Psal. LIX. 5. *Potasti nos תַּרְעַלְנוּ יין vino compunctionis.* Est autem vinum horroris, tremoris a rad. תַּרַעַל, est poculum, quod toxico seu veneno mixtum est, quod confusio, stupor, et perturbatio subsequitur: est metaphora; sunt quaedam vina, quae non solum causant ebrietatem, sed magnos quoque dolores ingerunt. At heic per Anchistiam a corpore ad mentem fit translatio, et ideo *potari vino compunctionis* significat dolores et palpitantes, mentis confusionem inferre. Sic dicitur psal. CVI. 27. *Turbati sunt et moti sunt sicut ebrius*, unde inferitur magnus timor, ut nesciant pedem figere, sed quasi in rotam agantur vertiginosi. Vinum aqua mixtum fidei morumque depravationem exprimit Is. I. 22. *Argentum tuum versum est in scoriam: vinum tuum mistum est aqua* LXX. ita habent: *οι καπηλοι σε μισγασι τ' οινον υδατι* *caupones tui miscent vinum aquis.* Ad hunc locum respexisse videtur s. Paulus II Cor. II. 17. Non enim sumus, ut multi *καπηλευοντες τ' λογον τε Θεου* *cauponantes verbum Dei* i. e. adulterantes.

VINI FAECES utpote pars pessima vini maximas calamitates innuit. Heinc elucidabis Psal. LXXIV. 9. locum aliqualem involutum: *quia calix in manu Domini vini meri plenus misto: et inclinabit ex hoc in hoc: verumtamen faex eius non est exinanita: bibent omnes peccatores terrae.* Est ipsissima allegoria a ritibus convivialibus, iuxta quos singulis sua portio ebibenda exhibetur: heinc dicit: *Et inclinavit ex hoc in hoc* i. e. proposuit huic et illi i. e. omnibus: et quia Orientales vina omnia aquis diluunt ad castigandam eorum generositatem *vinum et mistum*

mistum evaserunt synonyma. *Faex eius non est exinanita*; hebraicum habet אֶת-שֶׁמֶרֶיָּהּ יִמְצֹו verumtamen *faeces* eius guttatim expriment seu exfugent et bibent omnes.* Dicitur etiam *plenus misto*, quod forte dicitur, quia Deus calamitates temperat, ut eas sustinere valeant pii: aut plenus, ut misceatur; ponitur autem *miscere* loco propinare et distribuere ad potandum, iuxta illud: *sapientia miscuit vinum*. Porro *Vini faeces* denotant quoque securitatem et tranquillitatem. Sophon. I. 2. *Visitabo super viros defixos in faecibus suis* h. e. ut Chald. interpretatur, *qui tranquille agunt in divitiis suis*, metaphora a vino desumpta, quod, dum faecibus suis insidet, pinguius, robustius et dulcius plerumque est; quum vero ei ademptae sunt, transit in vappam: vid Ierem. XLVIII. 11. Heinc *vinum faecium* If. XXV. 6. nonnullis est vinum robustum, suave et odoriferum: alii per ellipsin hoc explicant, nim. *vinum faecium defaecatarum*, ut sequitur, i. e. a faecibus repurgatum, purum, nec turbidum. Vulg. *convivium vindemiae*, et inferius, *vindemiae defaecatae*, ubi per vindemiam *faeces* intelligere videtur.

Demum *Vinum* in bonam partem sumitur, et tunc denotat gratiae et misericordiae divinae effecta. Huc spectant sequentes loquutiones. Prov. IX. 5. *venite . . et bibite vinum, quod miscui vobis*. Pf. CIII. 15 *Et vinum lactificat*

cor

*) Ut variantiam lectionum intelligas, ubi in hebraeo legitur מִן הַיַּיִן (et) *vinum* (quod) *turbidum est* מִן הַיַּיִן מְלֵאֵם repletur *mixtione*; LXX. pro מִן הַיַּיִן legerunt מֵי מֶרִי, et *vas* ante מֵי ut superfluum neglexere: et addiderunt מֵי טָטוֹ aut in suis codicibus legerunt מֵי מֶרִי מֵי מֶרִי ex hoc in hoc. Denique pro מִן הַיַּיִן legebant מִן הַיַּיִן a verbo מִן הַיַּיִן invenit, sed in forma מִן הַיַּיִן, expressit: duo enim illa verborum genera formas saepe commutant: legent ergo: et *faeces eius inveniantur* i. e. adhuc restant, necdum effusae sunt, quod idem est: et *faex eius non est exinanita*.



cor hominis. Iud. IX. 13 *quod laetificat Deum et homines: Deus enim pietate et fide hominum quasi exhilaratur; et exprimuntur his in locis beneficia regni Christi, quae sunt iustitia, pax et gaudium in spiritu s.*

Ingens vero hebraismorum numerus ducitur a *lucernis, lampadibus*, et omni eo, quod lucet. Quum enim usus lucernarum et lampadum obtinuerit in omnibus festis cum hilaritate iunctis, in coenis legalibus, in coenis nuptialibus; inde evenit, ut felicitatem, fausta et prospera omnia per *lucem* exprimerent; afflictiones per *tenebras*. Paschale convivium cum lucernis celebratum est; sic coenae Sabbathicae, sic aliae coenae convivia seu lege seu consuetudine inducta lucernis collucentibus facta sunt. Factum heinc arbitror, quod et nos in Ss. Missae Sacrificio ad imitandos hos sacrorum convivorum ritus lampades adcendamus; sacrificium enim istud institutum est per modum convivii spiritualis, coenae nuptialis divinae non nisi cum iucunditate animi celebrandae. Porro cum lucernis in domum sponsi sponsae ductae sunt, et nulla fuit celebritas, in qua lucernae abesse possent: quidquid igitur felix, quidquid prosperum, quidquid festivum est, *lux* est. Facile nunc intelliges, quod *alicui lucernam adcendere*, sit eum beatum felicemque reddere. Deus dicitur *lucerna*, quando gratiam suam et favorem hominibus exhibet II Reg. XXII. 29. *Quia tu lucerna mea Domine.* Psal. XVII. 29 *quoniam tu illuminas lucernam meam Domine:* lucerna pro felici statu, q. d. quoniam tu felicitatis et salutis meae Authores. Et quando dicitur de Regibus, pro regia dignitate intelligitur. Sic II Reg. XXI. 17. *Iam non egredieris nobis: in bellum, ne extinguas lucernam Israel,* h. e. ne te interfecto regnum pereat, et tota Israelis tranquillitas.

Vel

Vel intelligitur *lucerna* pro successione in regno Davidico, eiusque conservatione. Sic III Reg. XI. 36 *ut remaneat lucerna David* Alibi *lucerna David* in sensu sublimiori est Messias.

Extingui lucernam alicuius, est ipsum prolabi in exitum; et ingruentium calamitatum nota est: sic de muliere sapiente dicitur: *non exstinguetur in nocte lucerna eius* i. e. eius prosperitates non turbabuntur eventibus malis. Iob. XXI. 17. *Quoties lucerna impiorum exstinguetur?* Sequitur explicatio: *et superveniet eis inundatio* h. e. miseria- rum caterva. Ibid. XXIX. 3. *quando lucet lucerna eius (Dei) super caput meum*, *et ad lucem eius ambulabam in tenebris* h. e. quando in prosperitate agebam, quum res ex sententia mea succedebant, et singulari Dei benevolentia a calamitatibus, quae heic per *tenebras* designantur, immunis eram. Verbum Dei *lucerna* dicitur, quia lex lux est ob institutionis salutiferae lucem, quam credentibus exhibet: unde ob praedicationem coelestis verbi Apostoli dicuntur *lux mundi*, et *lucerna* ob vigilantiae et pietatis studium Luc. XII. 35. *lucernae ardentes in manibus vestris* rel.

Ex ritibus *convivialibus* et *mensalibus* alius nascitur elegans loquendi modus. Apud Orientales mos obtinet, ut, dum paciscuntur, dum stipulationes et foedera ineunt, convivia et epulas instituere solent, ita ut *convivari* et *pacisci* saepe sint synonyma. Sic *Laban* et *Iacob*, dum foedus ineunt, convivantur in *Galaad* in confirmationem foederis. Christus D. dum coenam cum suis celebrat, foedus novum in corpore et sanguine suo instituit. Hoc ritu cognito facile illud intelligi poterit, quod *Ieremias* nomine totius populi queritur: *Aegypto dedimus manum et Assyriis, ut saturaremur pane*



pane Thren. V. 6. Cum Aegyptiis inivimus pacem; quia *dare manum* est pacisci: cum Assyriis pepigimus foedus; quia *saturari pane*, comedere cum aliquo est foedus icere. Deus populum suum sic adloquitur Ierem. XIII.

21 *Quid dices, quum visitaverit te? tu enim docuisti eos ad-versum te, et erudisti in caput tuum.* Est heic perfectus anabathmus; mirabantur iudaei, quomodo factum sit, ut excinderentur, ut adeo enormiter destruerentur a populis gentilibus? respondet propheta, hoc inde profectum esse, quia modo cum illis, modo cum his contra consilium et praeceptum Domini foedera inierunt. Iam anabathmice sic resolve. Qui paciscuntur cum alio, convivantur cum eo; qui convivantur, effundunt se aliis vino soluti; qui se aliis effundunt, docent, quomodo vinci possint: ergo iudaei in caput suum erudierunt hostes suos, quomodo subigi possint modo ab Aegyptiis; modo ab Assyriis, donec penitus obprimerentur: et iste fuit effectus illius, quod ipsi Iudaei confessi sunt: *Aegypto dedimus manum, et Assyriis, ut saturaremur pane*: ex his collige synonyma: *convivari, pacisci, dare manus, saturari pane.*

CIBI in mensa adpositi fumuntur pro arcanis Psal. LIV. 15 *qui dulces tecum capiebas cibos* i. e. iuxta hebraeum: qui cum summa animi voluptate secreta communicabamus: qui enim convivantur, arcana produnt. *) Psal. CXL. 4. *Et non communicabo cum electis eorum, lege cum electis cibis eorum* i. e. non me illiciat ipforum prosperitas; aut nulla mihi cum eis interveniat necessitas seu societas, cum eis comedendo, non adpetam eorum amicitias aut foedera.

SAL

*) Hebraeum ita habet: *אֲשֶׁר יִתְּנוּ וְיִתְּנוּ סֵדֶר* quod Aquila vertit: *qui simul dulce miscebamus consilium.* Verosimile est, LXX pro *סֵדֶר* *secretum* aut *consilium* legisse צִדְּ אוֹר *escam*, et sequitur: *cum consensu* i. e. frequenter, concorditer, pacifice.



SAL in sententiis, sal in coenis tam sacris quam profanis, in ipsis quoque oblationibus Deo factis praeteriri non potest: quae enim convivii seu sacri seu profani facies sine sale? Quin in convivii Orientalibus *Sal* ita necessarium est, ut *sal*, *coena*, *convivium* in synonyma abierint, et *sal* pro toto convivio accipiaturne synecdochice. Vide I. Esd. IV. 14. Hanc in rem Lev. III dicitur: *Sal foederis Dei tui non auferes de sacrificio tuo*. Vocatur sal foederis, quia oblatio salis symbolum erat, et signum foederis Deum inter et Israel initum, quod per sacrificia innovabatur. De hoc etiam alibi: *Pactum salis est sempiternum coram Domino*: et regnum super Israel datum est Davidi in sempiternum, in *pactum salis* II Paral. XIII. 13. quae enim sale medicata sunt, quae diutius durant, neque putrescunt. Unde *Sal* ob virtutem servandi a putredine, et saporem cibis conferendi transfertur tum ad Apostolos, aliosque verbi Dei praedicatores, quorum est salutare doctrina, et inculcatae vitae exemplo curare, ut ceteri ab omni vitiorum et erroris putredine sint immunes. Dein etiam ad veram sapientiam et prudentiam; ea enim actiones, vitam et mores et sermones gratos et acceptos omnibus reddit, sicut sal cibos: *Sermo vester semper in gratia sale sit condita*. Nihil loquatur, nisi bene praemeditatum. *Pauca loqui, sua verba coqui vult Providus* ceter.

Sermoni sale condito obponitur insulsus h. e. insipiens, stultus, impius. Sicut ergo *David*, *Salomon*, et qui sublimis huiusmodi sermones protulerunt, dicuntur habuisse aroma in ore: sic e contrario sententiae ineptae, scurrilia dicta vocantur sputum ex ore, in quo non fuit aroma, et optime exprimuntur latine per dicta insulsa. Talia fuerant scurrilia, de quibus queritur Psaltes: *factus sum eis in parabolam* h. e. inepta



inepta de me concinarunt carmina. Vocantur carmina haec hebraice *חשל חשלה* *infimat* fordis et fortis. Et in alio loco: *in me psallebant, qui bibebant vinum* h. e. adeo illis vilis et despectus fui, ut inter pocula scurrilibus me lacerarent canticis. In istorum profecto ore non fuit aroma, haec fuerunt sputa ex ore, quod sale, balsamo, oleo, et cinnamomo imbutum nunquam fuit; minime dicendi sales et facetiae conditae de Libano aut Engaddi, sed dicta scurrilia, *ריקים* aut *נבלים* dicteria non salita, non condita.

§. VI.

Hebraismi pluviales.

Inter benedictiones numerabatur pluvia. In Aegypto irrigabantur omnia et potabantur Nilo, et agri et pecora et homines; at in Palaestina, quae regio montosa, per consequens arida, faxis et arenis exsucca est, pluvias a Deo petere debuerant: ideo et pluviae, utpote pars magna benedictionis, ingressae sunt foedus, quod Deus fecit cum populo; et ne aliqui de populo putarent, pluvias venire fortuito, earumque dispensationes non pendere a Providentia, Deut. XXIX 19 monuit eos Moyfes, comminando ultionem Dei, nisi sententiam in melius mutarent. Solus igitur Deus beneficentissimus est, qui effundit utres coelorum Iob XXXVIII. 37. Heinc *rore coeli*, et *pinguedine terrae* exprimitur benedictio Chanaanitidis, utpote terrae non admodum irriguae, et saepe pluvia et rore carentis. Omnis eliberatio a calamitate, concessa a Deo felicitas, salus, vocatur pluvia.

Specialiter promittit Deus duas pluvias, ceu speciale et singulare beneficium: pluviam *matutinam* et *serotinam*

rotinam יורה מלקוש. Iorab mense octobri, quo femina missa sunt, decedit, lenta, mitis, pacata, quae femina praeparat, et instruit ipsam terram, ut generat. *Mal-kusch* mensis Aprilis et segetes surgentes ita promovet, ut paulo post a messoribus colligi possint.

Phraes non paucae in psalmis ex pluvia et rore ductae sunt. Psal. CIX hebr. CX multa indiget dilucidatione: hebraeum ita habet. *)

עַמְּךָ נִרְבֵּית בַּיּוֹם חֵילֶךָ בַּהֲרִי קִדְּשׁ
 sanctitatis splendoribus in tuae virtutis die in spontaneitates tuus populus
 מִרְחֶם מִשְׁחָר לָךְ טַל יִלְדֶּתָּ
 tuae iuventutis res tibi aurora ab vulva a

Popu-

*) Nihilum hic interpretes variant in versionibus: Aq. Symm. et Theod. praetereo. LXX ita legunt: *μετα σε η αρχη εν ημερα της δυναμεις εν ταις λαμπροτησι των αγιων σε εκ γαστρος προ Εωσφορου εγενησα σε. Tecum principium in die virtutis tuae in splendoribus sanctorum tuorum: ex utero ante luciferum genui te.* Alia punctatione legerunt *עִיךָ tecum.* 2. hebraeum נִרְבֵּית sumserunt in forma אָרַת aut בָּרַת aut aliqua simili: atque ita reddiderunt *αρχη principium* i. e. principatus, non vero initium; nullibi enim significatio voci *nedbabbotb* aut *דא αρχη* adtribuitur, sed *נְדִבִים principes* dicuntur. 3. *το κodesch των αγιων* reddunt, sed a genere neutro, denotando ipsum sanctuarium, vid. Pl. CXXX. 2. CL. 1. Verosimile itaque est, hac phrasi *be-hadhre kodesch in splendoribus sanctitatis* ipsum sanctuarium intelligi. Porro haec verba *lecha tal tibi ros* aut omiserunt, aut in eorum exemplaribus non extabant, sicut et Theodotio illa omittit. Aut *טל* derivarunt a rad. *שול*, quod habet significationem *excitandi, suscitandi*: unde: *tibi suscitans ego nativitatem tuam*, quod idem est, ac: *ego genui te*: scias enim, moderna lexica ex Rabbiorum promtuariis desumpta valde restricta esse; atque veteres plura alia verbis hebraicis tribuisse significata, quae in hodiernis lexicis non reperies.

In



Populus tuus *spontaneitates* supple in, in *spontaneitatibus* i. e. valde sponte, supple *aderit tibi*: in die virtutis i. e. exercitus, f. Hieron. vertit: *populi tui spontanei erunt in die fortitudinis tuae, in montibus sanctis, quasi de vulva orietur, tibi ros adolescentiae tuae*: Observa f. Hieronymum legisse pro *be-hadbre בְּהַרְרֵי* in montibus *טו* daleth in *resch* mutato. Corticem dedimus, iam nucleum inspiciamus. Si historice et literaliter accipiat: populus tuus tempore, quo bella gesturus es contra hostes, erit tibi sicut pluvia suo tempore delapsa, et valde opportuna in necessitate, adferet tibi opem et salutem. Eadem ratio est de hebraica voce *טל* h. e. *rore*, qui vices pluviae supplet in illis regionibus. Combinemus latina hebraeis

עֵמָד נְרִיבֹת Populus tuus ut pluvia liberalis.

יְלֻדֹתָ טַל Iuvenes tui ut ros sub primam auroram

בְּיוֹם חַיִּלֶּךָ tempore praelii tui

Habemus ergo iam explicationem pluviae et roris: nempe in praeliis contra hostes Deus mittit Davidi milites, et pubem generosam, quae ei erit maximo auxilio et solatio, sicut pluvia et ros, tam propter necessitatis levamen, quam etiam propter multitudinem; operiet enim terram, sicut ros, qui cadit *primo mane*.

Aliae phrasae a pluviis desumptae obviae sunt in metris Davidicis. Psal. LXVII Manna dicitur *pluvia voluntaria* h. e. liberalis, munifica, ex speciali Dei munificentia missam; quia cum eadem voce hebraica *נְרִיבֹת*

inve-

In sensu itaque sublimiori hunc versum *Messiae* adplicando noster P. Smits exhibet paraphrasticam expositionem-tempore praedicationis tuae in ipso templo quoque palam omnibus constabit, te esse principem et regni haeredem, atque te de mea substantia esse ante saecula genitum.



invenitur constructa vox גשם, Regnum Salomonicum in sensu historico, et in sensu sublimiori regnum Mes-siae vocatur pluvia, quae descendit super herbam virentem, et sicut stillulae irrigantes terram. Sic combina-bis synonyma sibi respondentia:

גשם על-גרם sicut pluvia super gramen, quod est vel-lus terrae

גשם על-גרם sicut stillulae super terram

גרם aut sectam lanam significat; germina, quae remanent detonsis pratis vocantur terrae vellera, et comparantur pauperes huiusmodi velleribus, quae ma-xime indigent pluvia suavi et benefica: designatur paci-ficus regni Salomonis introitus: pluvia enim sine strepi-tu in vellus descendit, quod Ss. Patres de incarnatione Verbi explicant.

Pulchra descriptio uberioris et frugiferae pluviae habetur Psal. LXIV *Flumen Dei repletum est aquis* i. e. maxima flumina; alii intelligunt nubes: *parasti cibum illo-rum* i. frumentum: *quoniam ita praeparatio eius* i. e. con-stitutio, ita nempe per pluviam constituitur cibus, vel terra ad ferendum cibum seu fructus terrae, qui irriga-tione pluviae praeparantur. *Rivos eius inebria* s. Hie-ron. *fulcos eius; multiplica genimina eius*: hebr. נחת גרמה descendere fac turmam eius, recte frugum abundantiae ad-plicatur, q. d. crumpant, prodeantque fruges terrae, atque ita densentur, ut cuneus densatur militibus. *In stillicidiis eius laetabitur germinans* i. e. terra pluvia irriga-ta copiose et hilariter germinabit. *Benedices coronae an-ni benignitatis tuae*: annus in se ipsum rediens corona di-citur: anno finito videbitur abundantia benignitatis Dei, et coronare annum est annum floribus et frugum copia



ornare, vel efficere, ut abundantia inter alios annos quasi coronatus incedat.

Plures eiusmodi phrascs tam in psalterio, quam alibi occurrunt. Ezech. XXII 24 *Tu es terra immunda, et non pluvia eius in die furoris* Vulg. *et non compluta* h. e. nihil solatii in poenis divinitus inflētis percipies. Eccl. XII. 2. *Antequam revertantur nubes post pluviam* i. e. antequam veniat fenectus, in qua calamitates nubibus significatae, calamitatibus succedant. Elegans loquutio est Psal. XLI. 8 *Abyssus abyssum invocat*: abyssus pro aquis, metaph: calamitates, quae per inundantiam aquarum et cataractarum insinuantur: et illud *invocat* significat *vicinitatem*; nam hebraei, quando volunt dicere, duas res esse vicinas, dicunt illas ad se clamare, se invocare, sibi occurrere, se contingere: vult ergo Cantor ibi exprimere calamitatum et adflictionum copiam et vicissitudinem; quasi tribulatio tribulationem trahit, et cedente una priore adest altera per priorem quasi *in* et *advocata*.

Ros metaphoricè etiam accipitur pro divina potentia, quam in excitandis e tumulo ad gloriam credentibus exferet Deus. Is. XXVI. 19. *Vivent mortui tui, interfecti mei resurgent; expergiscimini et laudate, qui habitatis in pulvere*, quia *רֹס אֲדָמָה* ros olerum, ros tuus, et terram gigantum detrahes in ruinam h. e. ut ros coelestis herbas ardore solis emortuas recreat et reficit: sic virtus tua o Deus! mortuos tuos eriget et vivificabit. De metaphoris ab aqua petitis infra, et in dictionario biblico v. *aqua*.

§. VI.

Hebraismi ex ritu et vita militari orti.

Consuetudo militandi populorum orientalium quum diversa sit, et a consuetudine nostrorum militum abhorreat; etiam loquutiones illorum a nostris distare necessum est. Statis mensibus militant orientales, qui, si elapsi sunt, ad sua redeunt: facile ergo intelliges, quid velit Iob, dum dicit: *militia est vita hominis super terram* h. e. statis et determinatis conclusa periodis. Deus saepe sub similitudine fortissimi pugnatoris et bellatoris exhibetur: *Dominus quasi vir bellator*, *omnipotens nomen eius*: haec dicuntur κατ' ἀνθρώπων πνεύματιν: dicitur dormire, quando impios non punit, aut pios contra impiorum obpressiones non defendit: quando autem ad ultionem progreditur, dicitur expergisci; comparatur militi, qui epoto vino clamat, et ad iram accenditur: dicitur indui vestimentis ultionis, et adsumere omnia instrumenta; quibus occiduntur homines, et vocantur *vasa mortis*, suntque sagittae mortiferae. *Sagittas suas ardentibus effecit* i. e. paravit sagittas suas iis, qui me ardentem persequuntur. *Sagittis petere* dicitur Deus, quum iudicia sua velocissime in impios exferit. Ultione absoluta dicitur reverti cum vestimentis sanguine foedatis: *quis est iste, qui venit tinctus de Bosra*; dicitur *torcular calcasse solus*, quum enim uvae orientalium potissimum rubrae sint, foedantur vestimenta calcantium uvas.

Ornamenta maxima militis sunt arma illius, et praesertim sagittae: his comparantur patrum egregii filii: Ps. CXXVI. *Sicut Sagittae in manu potentis, ita filii excussorum* i. e. filii in iuventute parentum nati: eos comparat sagittis propter robur et vigorem, et sensus



est: ob numerum et corporis robur, velut Sagittae in manu potentis, terribiles erunt filii eorum, qui fuerant de terra sua excussi et eiekti: et felix pater, qui his sagittis pharetram suam, his filiis familiam suam repleum habet * seq. בְּנֵי הַנְּעֻרִים sunt filii in aetate vegeta geniti.

Specialiter Deo sagittae tribuuntur, quibus magnae et improvisae calamitates divinitus immissae significantur. Deut. XXXII 23. *Congregabo super eos mala, et sagittas meas complebo in eis* h. e. nullum erit calamitatis genus, quo eos non adfligam. *Hasta fulgurans* Deo tribuitur, qua, sicut sagittis, significantur lapides grandinis cum fragore, tonitribus et fulgetris immissi. Habac. III *ibunt in splendore fulgurantis hastae tuae.* Obscurus locus habetur Psal. XX. 12. *Quoniam pones eos dorsum, in reliquiis tuis praeparabis vultum eorum* hebr. *in arcu denso iaculaberis contra eos*: sensus est: in fugam conicies, seu pones שֵׁם bumerum, scopum, dorsum, in quem nim. sagittas dirigas, in aut cum funibus (בְּמִיתְרֵיךָ LXX vertunt: *in reliquiis tuis*; est enim a rad יָתַר reliquum esse) seu nervis tuis praeparabis aut diriges sagittas עַל contra (LXX hoc neglexerunt ceu redundans, aut acceperunt pro articulo) *facies eorum* P. Smits exponit: per reliquias intelliguntur posterius Davidis; per vultum phrasi ordinaria favor, benevolentia: unde: in posteris Davidis praeparabis eorum, quos modo ingentissimis bellis adoriri oportet, animos et favorem conciliabis: hoc in Salomone inchoatum fuit; at in Christo Messia completum.

ARCUS et SAGITTA linguam maledicam denotant. Psal. LXIV. 4 *quia exaceruerunt ut gladium linguas suas, intenderunt arcum, rem amaram, ut sagittent in occultis immaculatam.* Vocat rem amaram; res amara vocatur venenum,

nenum, quo inficere solent sagittas: *ei sagittae* verba maledica denotant. *In occultis* i. e. in insidiis, occultis machinationibus. Et v. 8 *Sagittae parvulorum factae sunt plagae eorum*: sequitur explicatio: *et infirmatae sunt contra eos linguae eorum*; nempe prioris hemistichii sensus est: plagae, quas iniqui inferunt iustis, nullius sunt momenti, et similes illis, quos debiles infantes sagittis suis inferunt; unde eorum linguae ceu sagittae iustis nocere non poterunt.

CLYPEUS fumitur pro milite Ezech. XXVI. 8. *Et excitabit* (Vulg. *elevabit*) *contra te clypeum* h. e. militem clypeo instructum, est metonymia. item *clypei* et *scuta* principes et magnates designant, qui clypeorum instar subditos suos tutari et defendere debent. Psal. XLVI. 10 *Quoniam Dii fortes* (hebr. מַגִּי אֲרֵץ *clypei terrae* i. e. principes, qui saepius Dii vocantur) *vehementer elevati sunt*. Spolia hostibus erepta et divisa spirituales Christi adversus Diabolum victoriam significant. If. LIII. 12. *Et fortium dividet spolia*, i. e. Diaboli et mortis. Nota phrasin: *animam alicui esse quasi spoliū*, est ex praesentissimo mortis periculo se commisit.

STIPENDIUM, quod militibus dari consueverat, peccati mercedem, quae mors est, significat. Rom. IV. *Stipendium peccati mors*: *gratia autem Dei vita aeterna* i. e. bonorum operum, quae per gratiam exercentur, merces est vita aeterna.

Messias ubique sub schemate alicuius magni herois describitur a Moyse incipiendo de serpente conterendo; phrasium ergo militare notitia opus est: heinc illius hostes dicuntur devincendi *gladio oris sui* i. verbo praedicationis; baltheus seu cingulum lumborum eius dicitur esse iustitia. Qui adhaerent Messiae, illi iubentur illius



armaturam induere, ut subsistant contra spiritus nequam, qui sunt in aere. Arma haec sunt *galea salutis*, *scutum fidei* rel. omnia dona et lumina fortia.

Alia phrasis militaris occurrit Psal. LIX. 6. *dedisti metuentibus te significationem* hebr. דגל *vexillum*, signum militare, quo in altum sublato concurrunt ad pugnam milites, et ad vincendum eriguntur: aut ut sequitur: *ut fugiant a facie arcus* i. e. ut hoc signo seu vexillo si- ve in montibus sive in turribus erecto populus fugere posset, et in loco tuto se recipere.

Ex adparatu militari variae natae sunt phrasae. Psal. CXXXIX *obumbrasti caput meum in die belli* i. e. pro clypeo aut casside fuisse contra inimicos, sicut cassis caput tuetur ab ictu: sic tu me protexisti. *Gladius* significat dolores acerbissimos: *tuam ipsius animam pertransibit gladius*. If. XXXIII 6 gladius Domini dicitur *impinguatus, incrassatus ex adipe et sanguinibus agnorum et hircorum*, qua metaphora occidendorum multitudo innuitur, quasi gladius ipse adipem voraret, ex eaque impinguaretur. Per agnos autem, hircos et arietes plebeji homines, per unicor- nes, tauros &c. seq. magnates intelliguntur. Psal. XXXIV 3 *effunde frameam* i. e. distinge, vibra (irae et vindictae divinae symbolum) *et conclude adversus eos* i. e. obpone te, ne possint irrumperere, praeclude aditum, ne ad me perveniant.

§. VII.

Hebraismi ex Orientalium vestimentis desumpti.

Ut hebraismos ex re vestiaria derivatos bene intelligas, totum vestimentorum adparatum, ornatum, eorumque formam rel. rel. perspectam habeas; de hac vide Calmet *prol. in Isaiam*. Oriuntur primo loquendi for-

formulae ex mutatione vestimentorum, quae in calidioribus terris et apud orientales propter quotidianas lotiones, et abstergendos sudores frequens est. Heinc phrasis If. XL. *mutabunt fortitudinem* h. e. novum robur, novas vires acquirant. Interitus alicuius rei et destructio explicatur per abiectionem vestimenti veteris. Pf. CI coelos instar vestimenti a tineis corroso veterascere, ait Cantor, et ita Deum facere posse coelis et terrae, sicut nos facimus tunicae adtritae et a blattis adrosae. S. Paulus iubet nos abiicere opera tenebrarum, sicut abiicimus vestes veteres, et indui Iesum C. sicut vestimentum, ita mores et vitam Iesu Christi noviter adsumere. Alibi dicit: *oportet mortale hoc induere immortalitatem*, abjicitur mortalitas, sicut vestis, qua exuimur. Quum autem maxima immutatio hominis fiat per mortem, mors ipsa a s. scriptoribus venit nomine immutationis. Iob ait: *donec veniat immutatio mea*: latini dicunt: *donec vitam cum morte commutavero*.

Vestes Orientalium, quum oblongae et talaris sint, sinuosae sunt; ab hac sinuositate hae phrasae profectae sunt: *Oratio mea in sinu meo convertetur* Pf. XXXIV. cupio, ut oratio mea, h. e. quae illis precatus sum, in caput meum recidant, ita ut *sinus* pro *capite* ponatur. Sinus rebus accipiendis, portandisque adcommoda est; unde Psal. LXXVIII *Redde vicinis nostris septuplum in sinu eorum*: ipsi mala sinu suo excipiant, quae nobis inferunt; ubi enim vestes laxae sunt, omnia portantur sinu: heinc metaphorice *in sinum dari*, de quavis vel praemiorum, vel poenarum retributione adcipitur. Illud *septuplum* est nota superlativi, i. e. plurimum. Sic in genesi sub gravissima poena, quae exprimitur per שבעתים Deus vetuit, ne occideretur Cain: sic et res



vel actio saepius repetita seu iterata dicitur, repetita *septies*, posito numero definito pro indefinito. Quod retinemus memoria, dicimur portare in sinu. Ps. LXXX. 8 *Memor esto obprobrii nostri, quod continui in sinu meo, quod circumfero. Obprobrium gentium in sinu portare seu continere est inlatas injurias patienter dissimulare, et in interiori pectore abscondere. Excutere sinum significat conlecta in sinu eijcere, et est signum electionis, reprobationis a Deo faciendae.*

Orientales, dum domi se continerent, stragulam vestem fluere sinebant; domo exeuntes; aut aliquod negotium expedituri, ne longior vestis impedimento foret, sive fluentem reducebant, sive cingulo adstrictam coercebant. Hinc est, quod Christus dixit: *sint lumbi vestri praecincti* h. e. prompti, parati estote ad opus aliquod cum singulari robore expeditus exercendum, ad Evangelium praedicandum: unde *cingulum, zona, balthus* vocatur illud, quod expedit et corroborat hominem ad rem praeclare agendam: et quoniam *cingulum* firmiter adhaeret, ideo omnes bonae dotes animae, seu ut scholasticorum vox est, *habitus* nomine *cinguli* exprimuntur: sic etiam homines dicuntur praecingi a spiritu s., praecingi virtute i. e. donari, insigniri aliqua virtute et facultate munus expedite exequendi. Gedeon ut exequeretur caedem Madianitarum, corroboratus donis spiritus s. *induit eum spiritus Domini.*

Exempla psalmodum efficacissima sunt. Psal. XXXV. *induantur confusione et reverentia* h. e. pudefiant et probro adficianur. Psal. LXIV. *Et exultatione colles adcingentur* i. e. frugum amoenitate et florum oculos oblectabunt: sic et latine vocamus laetos colles, ubi sunt vineae;

vineae; prata rident rel. *induti sunt arietes ovium* h. e. oves adeo erant copiosae, greges multi, ut montes, in quibus errant, iis operirentur quasi vellere. Est profopopoeia, qua metaphora significatur abundantia singularis, quae ex Dei benedictione provenit, lanarum copia, ex quibus conficiuntur vestes.

VESTITUS Deo tribuitur, quo signatur infinita et admiranda eius maiestas, quae in magnis operibus se quasi conspiciendam hominibus praebet. Sic dicitur: *Dominus decorem indutus est*, quia Dominus et Rex est, per consequens praeditus potestate et maiestate regia. *Confessionem* autem dicitur induere; quando ab omnibus celebratur. De impio dicitur, quod *induerit maledictionem sicut vestimentum*, non quaecunque, sed sicut indusium, quod intime adhaeret; neque id quomodo tuncque, sed sicut indusium praecinctum, et quidem quotidianum, seu *cingulum*, quo *semper praecingitur*, eiusmodi loquutiones maledictionem continuatam seu maledictionis efficaciam depingunt: q. d. interius et exterius maledictionibus repleatur, eique tenacissime inhaereant; ideo dicit, quod sicut oleum in ossa et medullas se insinuet. Econtrario sancti seu sacerdotes *induantur iustitiam* i. e. sint instructi scientia legis necessaria, ut alios docere eam possint. Iob XXIX 14 *iustitia indutus sum et vestivi me, sicut vestimento et diademate, iudicio meo* i. e. iustitia me totum quasi vestis obtegit: totus iustus eram, imo et in ea velut in corona aut diademate decus meum praecipuum collocavi. *Induendi* verbum plerumque emphaticum est, et significat re aliqua plane et undequaque repleti. Sic Iob. queritur c. VII. 5. *induta est caro mea putredine* (hebr. verme) cingebatur tanquam vestimento, et velut immergebatur vermibus.



VELAMEN apud Orientales signum est pudefactionis, subiectionis. Abimelech Sarae dedit centum siclos, ut peplum emeret, in signum eam esse viro subiectam seu uxoratam: heinc in scripturis expandere alam vestimenti super mulierem, significat eam adsumere in matrimonium. *Ruth* dicere volens Boozo, ut uxorem se deligeret, ait: *expande pallium tuum super famulam tuam.* Ruth III 9. Quare velamen in tota antiquitate vocatum est *velamen dominicum*, quia signum potestatis viri ceu Domini et capitis in mulierem. Imo S. Paulus simpliciter illud vocat *potestatem* I Cor. I. 1 *Mulier in capite debet gestare potestatem* h. e. velamen, signum potestatis, sub qua est. Faciem velabant lugentes, damnati ad mortem, item illi, qui adstiterunt coram Rege, propheta, sene aut alia persona honorata, precaturi aliquid. Dum in synagogis suis orant iudaei, orant velati, quia pudefacti, verecundi coram Deo. Scraphim coram throno Dei velabant facies suas. Mulier non nisi velata in coetu comparere, et coram episcopis et sacerdotibus adstiteri atque orare iubetur. *Rebecca* velavit faciem suam, quum occurrentem sibi Isaacum videret. *Jeremias* caput calamitatis in excidio urbis et templi paucis exponere volens, ait, virgines capite discoopertas et develatas per plateas discurrisse, quod in virginibus Orientalibus inauditum, nunquam visum est, quippe quae in interioribus domorum habitaculis semper abscondita sunt, et si eas etiam prodire contingat, velatae prodeunt: profecto calamitas extrema ingruerit, si aliter visae sint.

Iam ex his nascitur facilitas aliqua plura scripturae loca intelligendi: atque ipsi etiam psalmi adiuvantur v. g. quid sit opertum esse cilicio, habitu lugubri, atrato,



to, more lugentium, cinere conspersum, incurvatum, sacco indutum, in terram deiectum, quae omnia sunt lugentium signa. Sic Iob I. dicitur scidisse vestimenta, sedisse in terra tonso capite, vulsis pilis; quia scindere vestes, pilos vellere, signum maximi et intensissimi luctus.

Inter alia ornamenta, quibus se ornabant mulieres, erant flores: unde cant. I. 3. *Caput tuum ut Carmelus* i. e. ornamentum capitis tui velut fertum est ex variis Carmeli floribus contextum. Alii ad purpurarum pificationem ad montis Carmeli radices uberrimam adtendentes, interpretantur: *caput tuum coccineum* h. e. Caesaries capitis tui pulcherrima est quasi purpura regis, quae ut colorem suum diutius retineat, firmiter adligata est in purpurariorum canalibus, ut iterum melius et penitus tingatur: unde illud: *purpura regis vineta canalibus*. Sic cap. V. 11 *Caput eius (sponsi) aurum optimum*, h. e. corona capitis eius ex auro optimo confecta est. Eodem modo intelligenda sunt secundum nonnullos, quae de *femoribus*, *umbilico* et *ventre sponsae* dicuntur c. VII quaeque ad earum corporis partium ornamenta pertinent. Huc etiam referri potest illud Is. XL. 16 *Ecce in manibus descripsi te* h. e. annulo, manus meae ornamento, in quo insculpi olim solebat imago illius, qui prae aliis diligebatur.

CALCEI infimum indumentorum genus; quum tamen duobus in locis eorum Pfalter meminerit, practereundi non sunt. *Primo* in signum venerationis depositi sunt, dum sacer locus calcandus: sacerdotes in templo excalceati ministerio suo functi sunt: quia vero et vestes lineas adhibere, incommodis multis hyemis tempore expositi fuere. Excalceatio in leviratu signum obprobrii

ex



ex lege Moysis : si enim levir esse non vult , et demortui fratris sui uxorem sibi matrimonio iungere detrectat , mulier in iudicio eum excalceat , et in faciem spuit . Difficilius est illud Amos II Magnum Israelis peccatum , quod vendiderit pauperem pro calceamentis . Habet respectum ad venditiones et emtiones agrorum , quae fiebant traditione calceamentorum . Vid. Ruth IV . Quid igitur est *vendere iustum pro calceamento* ? R. est eum ita obprimere in iudicio , ut cogatur vendere possessiones suas . Quae phrasis ideo notanda , quia passim in aliis prophetis reperitur , occultata tamen et aliis verbis facta . Psal. CVII dicitur : *in Idumaeam extendam calceamentum meum* , ad ea , quae iam diximus , respicit , et significat : *occupabo Idumaeam* , et iure dominii possidebo . Ex his deductae sunt sequentes

Phrases : *Calceamenta alicuius portare , corrigeam eorum solvere* , infimum ministerium designat : locupletissimae foeminae habebant ancillas , quae calceos herae in thecis gererent , quae vocabantur *sandali gerulae* , quia foeminae magnam cultus sui partem in calceis ponebant . Huc spectare videtur S. Ioannes Baptista , qui sese indignum gerendis aut solvendis Christi calceis adpellat , quoniam nimia eius humilitas designatur .

§. VIII.

Hebraismi Geographici , seu ex ipsa Chanaanitide nati.

Si ex ritibus , consuetudinibus , et moribus populi israelitici tot phrasēs et loquutiones trahi demonstravimus : quomodo ex ipsa terra Chanaan , situ , fluminibus , montibus , sylvis , pascuosis locis , collibus balsamicis , aromaticis phrasēs duci negabimus , phrasēs , in
quam

quam, geographicas? heinc de hebraïsmis geographicis agemus, de reliquis in seqq. *A. flumine usque ad flumen, a mari usque ad mare*, saepe haec descriptio in psalmis legitur, et nisi sciatur situs Chanaanitidis, eius vis intelligi non poterit. Flumen enim *נַחַר עֻפְרַת* est *Euphrates*; continebatur regnum Salomonicum ab Euphrate usque ad mare occidentale, ad quod est Archipelagus, seu a mari usque ad mare, h. e. a mari Idumaëo usque ad mare philistaeum, quia tanta fuit longitudo terrae Israel. Ab occidentali plaga Chanaanitis respiciebat Graeciam: Graecia in scripturis, praesertim propheticis venit nomine insularum, quia Archipelagum omnem complectitur; et iterum nomine graecorum significantur gentiles populi, ideo in psalmis facile intelligitur, quid significant hae loquutiones: *insulae munera offerent ei: laetentur insulae multae* h. e. populi Graeciae, gentiles populi tempore Messiae felices erunt, quia ad fidem et Evangelium convertentur.

Fuit Chanaanitis maiori ex parte montosa; altissimi montes fuerunt *Libanus*, mons *Basan*, *Carmel*, *Galaad*, *Selmon*, *Hermon*: hi montes vocantur *montes Elobim* *montes Dei* h. e. altissimi montes. *Elobim* est nota superlativi apud hebraeos, uti per vocem *כֶּתֶר* seu *cprona*; per vocum geminationem exprimunt superlativum: si ergo audiveris *coronam superbiae Ephraim*, scias Ephraimitas esse superbissimos; *flumina Elobim*, flumina rapacissima; *populus Elobim*, populos potentissimos: *benedices coronae anni benignitatis*, vide supra, dabis fructus uberri-
mos rel. *Corona gloriae* est maxima gloria, *corona patrum* egregii filii, morigeri. *Corripiendo corripieris* gravissime corripieris. Quia vero montes Elobim, montes altissimi feras bestias alunt, urfos, leones, et propterea formidabiles fiunt: heinc populi feroces caedibus, rapinis
et



et praedis adfueti vocantur *montes Dei*. Sic Moyses narrat, obriguiffe montes, quum populus Israel ex Aegypto egressus effet, h. e. populos alioquin ferocissimos animo concidisse, quum audirent, quae fecit Deus populo huic. Et hoc significat, quod dicit alibi: *Montes sicut cera fluxerunt*, quia, qui metuit, illius compages diffuit, solvitur sicut cera aut aqua cuius partes non cohaerent. Psal. LXXV. 5 *Tu mirabiliter inluminans a montibus aeternis*. *) Hebraei loco comparativi ponunt praepositionem *מִן* prae, latine ergo sic efferes: Tu o Deus! *es inlustrior montibus aeternis*. Qui sunt montes aeterni? Sunt principes, Reges: inlustrior es Regibus potentissimis. Aut insistendo phrasi scripturae, quo *lumen* benevolentiam, gratiam, et *inluminare* gratiam conferre, benevolum se exhibere, significat, hic prodit sensus: miram ac potentissimam opem *a montibus aeternis* i. e. a coelo nobis praebes; aut *a montibus aeternis*, a monte sancto tuo, Sion, a montibus Iudaeae, qui phrasi scripturae ob eorum antiquitatem et firmitatem *aeterni* aut antiqui

*) Multum heic differt hebraeum, sed, ut putat Calmet, vitiatum: ita habet: *אֲנִי מְרִירִי מִן־הָאֲרָצִים* Quod Aquila: *inluminatio tu praegrandis a montibus capturae*. Symm. *Inlustris es praegrandis a montibus venationis*. Theod. *terribilis es mirabilis a montibus fructiferis*. Hieron. *Lumen tu es magnifice a montibus captivitatis*. Recentiores *Inlustris tu o potens, prae montibus praedae* h. e. inlustrior et potentior es regnis praedonum seu impiorum, quorum bella iniusta, publica sunt latrocinia, cur LXX *מִן־הָאֲרָצִים* interpretati sint *αἰωνίων* non video, nisi forte aliter in suis exemplaribus legerint, aut crediderint vocem *מִן־הָאֲרָצִים* nullum ibi sensum commodum gignere, sicque de suo verterint, *a montibus aeternis*, quod non semel praestiterunt. Forte etiam interpretati sunt *ΑΙΩΝΕΩΝ* *capturarum*, ex qua voce semel lecta amanuenses fecerunt *ΑΙΩΝΙΩΝ*. Suspiciatur Richardus Cinnomanus LXX legisse *אֲנִי מְרִירִי* ante, et perspicuitatis ergo dixisse pro *a montibus ante*, *a montibus aeternis*. Aut legerunt *אֲנִי מְרִירִי* ante, quod saepe pro aeternitate venit.

tiqui adpellantur. Vid. Deut. XXXIII. 15. Baruch. V. 7.

MONTES PASCUOSI: omnes fere montes terrae Israel fuerunt pascuosi, paucis exceptis, qui erant steriles; inde Cantoris hyperbole: *suscipiant montes pacem populo*, notat felicitatem ingentem, quasi ea in montibus et collibus nasceretur, non fata, sed sponte proveniens: adludit ad tempora regni Salomonis, q. d. pacis et iustitiae erit plurima abundantia. Simile habes Ioel III. 18 *stillabunt montes dulcedinem*, sicut in illis crescunt pascua alta et pingua: habuerunt enim montes hi statis temporibus suas pluvias, et rorem subtilissimum; unde in psalmo dicitur Deus ipse *praeparare montes*, ut sint pascuosi; quia inebriat eos rivis seu pluviis, iisque non inutilibus, sed pinguiissimis: ideo pluvias has vocat *flumen Dei*, seu potius ipsas nubes sic vocat, quia effundunt has fluvias: ideo statim: *induti sunt arietes ovium*, quia ubi copiosa crescunt gramina, ibi etiam greges ovium et armentorum errant, et quidem in tanta copia, ut montes videantur tecti et cooperti quasi quodam operimento seu vestimento: heinc dum montes dicuntur *subsilire*, *subsultare*, id de vitulis intellige, qui pascuntur ibi. Si audias montes *adcingi exultatione*, id de pastoribus intellige, qui cantant et gaudent propter copiosum lac, butyrum, et coagula, quia pastorum deliciae coagula: et in prophetia Iacob dicitur: *Pulchriores sunt oculi eius vino*, et *dentes eius lacte candidiores*: de abundantia vini et lactis loquitur in tribu Iuda, quia vinum oculos lucidos, hilares, coagula multum et saepe comesta dentes albos faciunt.

Mons pascuosus, mons *Mitzar*, et tota Regio Chemonaea: de monte *Mitzar* Psaltes ait: *memor fui*, aut

E

memor



memor sum, pro *ero*, *Hermoniim a monte* מִצְעָר *Mitzar* Vulg. *modico* *) h. e. memini saepe regionis Chermomae et montis *Mitzar*; neque enim redditur adpellative, sed manet proprium. Fuit mons iste pascuosissimus, quia valde irriguus; heinc subdit: *abyssus* *abyssum* *invocat*: scaturiebant heic aquae, et harum per rivulos decurrentium susurri iucundissimo murmure respondebant sibi; heinc gramina, herbae uberrimae, et gregibus saluberrimae. *Abyssus* heic et saepius in scriptura pro aquis sumitur; sensus itaque est, ibi in illis montibus tempore aestatis volupe est videre aquas decurrentes, et se excipientes cum amoeno susurro: est descriptio poetica. Sequitur: *omnia excelsa tua et fluctus tui super me transferunt*; heic loquitur de pluvia, ex qua fit, ut pone transcant isti fluctus; et illud *super me*, intellige *iuxta me*, fluctus maris propter suum impetum calamitates denotant. vide supra.

Tota regio Basanitidis, et peculiariter mons *Selmon* et mons *Basan* pascuosissimus fuit. Psaltes vocat eum montem *pinguem*, quia pascuis refertissimus; *montem Dei* i. e. praeclarum, ut supra, *montem coagulatum*, quia in eo multa fiebant coagula; denique montem, qui non debet despici et vilipendi; sicut neque montes *Selmoni* vicini, quia in iis lac, butyrum, casei optimi et celebratissimi: sunt ergo duo synonyma: *pinguis* et *coagulatus*. Confert heic Psaltes montem *Basan*, aliosque montes celsissimos cum monte *Sion*, qui, licet altitudine

ne

*) Est heic *topographia* seu loci descriptio, quum accuratius describitur locus, et oculis quasi videndus exhibetur: per terram *Jordanis* intelligit Iudaeae terminum Orientalem; per montem *Hermon* sive *Hermonim* aut *Hermoniim* Aquilonarem; denique per *montem modicum* (*Mitzar*) montana deserti, quibus terra Israelitica a deserto Aegypti ad Austrum determinabatur.

ne ipsis cedat, eos tamen dignitate longe superat, utpote quam elegerit Deus, ut habitaret in eo: *ut quid suspicamini montes coagulatos?* LXX vocem בַּסָּן *Basan* pro pingui metaphorice sumferunt: Propheta foeminis Samariticis, quae maritos inducunt ad ferendas sententias iniustas propter pecuniam, his cominatur: *Audite vaccae Samariae*: sicut homines feroces dicuntur tauri *Basan*, sic foeminae crudeles *Vaccae Basan*. Erat praeterea mons *Basan* sylvosus; heinc quercus *Basan* erant pulcherrimae; quia vero fuit altissimus, cacumen plerumque nivibus tectum fuit; heinc in Psalmo: *Nive dealbabuntur in Selmon* i. e. obtinuistis Selmonem, qui est mons nivofus seu nivibus semper candidus. *) Propheta ait: *ululate quercus Basan* i. e. homines, qui omnia suis adscribunt viri-

*) Versus 15 psal. LXVII quum obscurus valde sit, expositionem hie inferendam exposcit. *Dum discernit coelestis Reges super eam, nive dealbabuntur in Selmon.* Discernit i. e. segregat: in hebraeo est verbum פָּרַס *paras*, quod primo *expandere* significat, q. d. dum expandit seu expandebat velut nubem Reges *super eam* i. e. in ea quasi nix candidi effecti sunt: atque ita elegans habetur allegoria a nube nigente, ac terram candidam red-dente: *nive dealbabuntur* i. e. grata et iucunda erit *supple* terra illa, *metonymice* pro incolis; sicut enim regio atra et tenebricosa incolis suis tristitiam adfert; ita e contrario, quum albet, habitatores suos laetificat. Vel per albedinem hie terrae huius fertilitas significatur. In *Selmon* i. e. nivescet h. e. albescet sicut nix, quae est in monte Selmon. Sensus totus est: dum a circumvicinis hostibus suis obprimerentur, segregabit illis Deus de populo principes et iudices, quibus protecti, et velut nube obtekti pristinus in adfectionum caligine stillabatur candor, dabaturque libertas. Respicit Psalmista historiam *Iudicum*, per quos saepissime liberati sunt Israelitae: quia tamen modico tempore haec libertas subinde durabat, recte candori nivis, rei admodum evanidae, comparatur.



viribus, quì videntur sibi immortalitate digna gessisse, et se omnia sine Deo posse existimant. Amos IV; *Audite verbum hoc vaccae Basan, quae estis in monte Samariae* h. e. regni Samariae primores, qui tanquam vaccae in Basan enutritae, proindeque pinguiore, et ob id petulantiores, potentia vestra abutimini, dum *calumniam facitis egenis, et confringitis pauperes.*

Alius mons pascuosus *Galaad: meus est Galaad, meus est Manasses*: gratulatur David, quod et vallis *Succoth*, et *Galaad* et *Manasses* et *Ephraim* sui iuris facti fuerint. Pars Chanaanitidis fertilissima et uberrima pascuorum, quia ibi fruteta seu dumeta et resinosa et aromatica, et pestendae lanæ aptissima. Heinc morbus dicebatur desperatus, cui non erat resina in *Galaad*; quia resina *Galaaditica* medebatur morbis et vulneribus. Lanæ autem *Galaaditicae* lanæ optimæ, quia inter dumeta pestebantur oves, et tingebantur lanæ *Galaaditicae* diversis coloribus. In canticis describitur venustas *Sulamitidis*, et pili eius comparantur lanæ caprarum *Galaaditicarum.*

Alius mons celebratus in Psalmis mons *Hermon*, et ex parte pascuosus: ibi enim ros subtilissimus, ut colligitur ex Psal. CXXXII *sicut ros Hermon* *) vult enim Psaltes doctrinam legis, quae debet esse in sacerdotibus, derivari debere in populum, ut ceu ros *Hermon* insuat in animos audientium; et sicuti ex rore ubertas nascitur in agris et pascuis; sic ex doctrina nascatur uberrima fan-

*) In hoc versiculo vocula *ros* bis est repetenda hoc modo: *sicut ros, qui descendit in Hermon*, et sicut ros, qui descendit in Sion; alias enim esset ridiculum, ut ros ex *Hermon* descenderet in Sion. Rorem autem dicunt iudaei pro omni re delectabili, et grata, praesertim quum in Iudaea dependeat terrae ubertas et fertilitas ex rore iuxta illud: *de rore coeli et pinguedine terrae rel.*

sanctitas in vita et moribus recte credentium. Est similitudo sumpta a rore, qui montem Hermon, et qui montem Sion rigat, et foecundum reddit.

Inter omnes autem montes celeberrimi sunt *Carmel* et *Libanus*. Libanus cedri et abietum, et altissimarum arborum feracissimus est: heinc, qui a Deo plantati sunt et rigati, illos Psaltes ait crescere sicut Cedros Libani, quia ipsorum fortitudo Deus est, ipsos Deus facit germinare, ut semper virides sint et pingues, sicut Cedri. Alias Ecclesiam Israeliticam comparat arbori, quae ramos suos, sicut cedros extendit, et palmites usque ad mare, et propagines eius usque ad Euphratem misit. Alibi homines potentes cum cedris Libani comparat; at nisi Deo nitantur, confractum iri dicit, sicut cedri Libani fulmine istae intereunt. Diximus etiam homines fortunis, robore, auctoritate potentes passim vocari *quercus Basan, Cedros Libani*. cet. Templum Ierosolymitanum synecdochice dicitur Libanus, quia cedri, quibus opus erat in aedificio templi, de Libano sumtae sunt: *aperi Libane portas tuas, ut edat ignis cedros tuas*, praedicat excidium templi.

CARMEL mons est pascuosissimus, et frumenti feracissimus, atque hoc nomine celebratissimus, quia ibi segetes et vites et pascua. Is. cap. X. ait: *et gloria saltus eius et Carmeli eius, ab anima usque ad carnem consumetur*: loquitur de exercitu Sennacherib h. e. nobiles et plebeji, qui se e rusticis adiunxerunt exercitui Sennacheribico, comburentur totaliter: nam quum Carmel sit locus confitus frumento et vitibus, obponitur sylvae, aut aliis locis, ubi sponte arbores nascuntur; heinc nobiles cum Carmelo, plebeji cum saltu comparantur. Illud autem hebraicum מִנְפֶשֶׁת וְעַד בָּשָׂר



nem habet similitudinem phraeos in nostra Teutonica :
mit Leib und Seel.

Pbrasis. Ausferri laetitiam et exultationem de Carmelo significat devastationem, sterilitatem, famem. Alia phrasis prophetica: *Convertetur Libanus in Carmel, et Carmel in saltum reputabitur*: Libanus pro superbis propter cedros, Carmel pro humilibus propter sativa adcipitur. If. X. 18 *et gloria saltus eius, et Carmeli eius*, prius dixerat; *et devorabitur spina eius et vepres*, per to spina intelliguntur Maiores exercitus Sennacherib, et per to vepres minores, gregarii milites, heic per saltum exprimit Sennacheribi exercitum; et gloria saltus eius sunt Principes et duces sui exercitus. Gloria Carmeli eius sunt acies bellatorum. If. XXXII. 15 *Et erit desertum in Carmel* h. e. loca etiam inculta erunt plena segetibus, sicut sylva arboribus; aut sicut dicitur: *florebunt de civitate, superextolletur super Libanum fructus eius* Psal. LXXI. 16. In civitate erit abundantia, in montibus segetes, sicut sponte nascentia gramina, et possunt comparari Libano propter magnitudinem. Est hyperbole ad pinguem, uberemque segetem denotandam.

At quomodo intelligendum illud: *pasce habitantes solos in saltu, in medio Carmeli*? Mich. VII. 14. & ita exponendum esse: Deus pascet suum populum habitantem in saltu, ubi alias sunt ferae noxiae, ursi, leones pascet, inquam, eos et securos reddet, tanquam si in medio Carmeli, locis videlicet sativis, et quae sunt secuta a leonibus, habitarent. Humiliores terrae, pascuosae tamen in terra Israel sunt Saron, regiones cis et transjordanæ: et quidem regiones ripenses pascuis abundantissimæ sunt, quia ab Iordane inundantur, et
inun-

inundatione verna, ubi aquae ripas egrediuntur, foecundantur.

Saron locus planus et pascuosus, in quo optima reperiuntur pascua. Heinc facile colliges illud *Isaiae: factus est Saron in desertum*, intelligendum est de hostili vastatione et desolatione, quae contigit per exercitum Assyriorum. Econtrario illud: *Gloria Libani data est ei decor Carmeli et Saron* de felicitate et restitutione ad pristinum statum gloriosum intelligendum est.



CAPVT II.

Hebraismi nitidiores sub figurarum titulos relati.

Hebraismorum origines haecenus spectavimus, et scrutati sumus, ubi non solum mores Orientalium, ritus et consuetudines politicas et sacras examinavimus, sed ipsam etiam Chanaanitidem, montes, maria, flumina, loca pascuosa, vitifera, aromatica percucurrimus, et quae ex iis natae sunt loquutiones, demonstravimus: Nunc sententias, et modos eas eloquendi non ita obvios, sed Orientalibus proprios colligimus, eosque sub certos figurarum titulos redigimus. Et quia huiusmodi loquutionibus omnes libri sacri pleni sunt, antequam istos libros sacros ad manus sumas, hos rite perspectos habeas oportet, maxime, quia non figuratam solum, sed et grammaticalem seu simplicem syntaxin, regulasque scitu necessarias addidi, quibus bene cognitis,



memoriaeque commissis sacrae linguae adparatum, et s. scripturae intelligentiam amplissimam tibi comparabis.

§. I.

Hebraismi Anabathmici.

ANABATHMUS. Iste est modus loquendi Orientalium, aut ascendendo, aut descendendo absque expressione graduum, ita ut gradus summus et infimus idem significet, quod gradus ille, unde aut ascensio aut descensio incepta est. Elegantissimum exemplum habes in *If. X. 19 Et puer scribet eos.* Loquitur propheta de exercitu Sennacherib per angelum nocte una delendo: quaeritur nunc *de reliquiis saltus eius*, quot post cladem hanc ex Assyriis superstites manserint? respondet propheta: *puer scribet eos*: anabathmice facile scies: Qui scribere didicit; coepit a litera omnium minutissima et facilissima; litera omnium minutissima est litera, *Iodb*; *Iodb* apud hebraeos est decem: ergo puer scribens reliquias Sennacherib scribit *Iodb*; ergo, seu decem remanserunt post caedem ab Angelo inslictam.

Aliud exemplum ex psalmis. Psal. LXV. 3. *Mentientur tibi inimici tui*: est perfectissimus anabathmus; quia primum inimici subjiuntur; subiecti rediguntur in servitutem; servitutem aequo animo non ferunt: non ferentes servitutem agitant consilia de se eliberandis; agentes haec consilia fingunt obsequia, quae detestantur: ergo *mentiri et servitute subjici* sunt synonyma; est enim vere servile vitium; itaque inimici se tibi submittent, verum duplici corde, simulata erunt et dolosa eorum obsequia et officia; mentientur, et primo quoque tempore a te deficient. Sic et Psal. XVII. 46 *filii alieni mentiti sunt mihi.*

Aliud

Aliud exemplum Psal. XVII. *Adipem suum concluderunt*: quaeres, quales sint illi homines? חִלְבָּמוֹ סִגְרוֹ
 respondeo constanter divites, seu ut ait propheta, sunt
 tales homines, qui incubant faecibus divitiarum; quo-
 rum enim sunt opes avitae et longaevae, eorum vita
 constanter lauta est; quorum vita lauta est, eorum
 adeps crescit, et magis surgit quotidie; quorum adeps
 quotidie surgit altius, eorum oculi ita clauduntur adipe,
 ut vix adpareant: ergo qui adipem suum concluderunt,
 illi sunt homines opulenti: qui anabathmus eo firmior
 est, quo evidentior in Iobo XXI *viscera plena sunt adipe*
 h. e. opulenti sunt. Et in alio psalmo: *prodiit quasi ex*
adipe iniquitas h. e. iniquissimi sunt; iniquitas eorum ex
 animo obfirmato in malo, et insensibili procedit: adeps
 enim seu pinguedo omni sensu destituitur. Psal. X. *Pal-*
pebrae eius interrogant filios hominum. Haec dici potest so-
 rite hebraica, his constans gradibus: qui vult iuvare,
 ille vestigat, ut cognoscat, quem et qua ratione possit
 iuvare, qui investigat, ille examinat; qui examinat,
 ille interrogat: ergo interrogans, est iuvare cupiens.

Psal. XV. 7. *Increpuerunt me renes mei* hebrais-
 mus anabathmicus his constans gradibus: Qui instituit,
 monet; qui monet increpat; ergo qui increpat, insti-
 tuit: hic institutor est Dens, qui interius docet scien-
 tiam, ministris suis ita necessariam, ut sine hac mini-
 sterio suo fungi nequeant: ergo tunc increpantur renes
 mei, dum Deus me interius instituit. Psal. LXIV. 7. ait
 David: *defecerunt scrutantes scrutiny*: qui decipere vo-
 lunt, student ita agere, ut alter, qui decipi debet, non
 advertat artificia; ut non advertat, abscondunt artes
 et machinas; dum abscondunt, auferunt et subtrahunt
 ea oculis; quae sublata sunt, deficiunt: ergo qui defe-



cerunt, hi iidem deceperunt. Tale est quoque illud Psal. LXX. 15 *Quoniam non cognovi literaturam*: Numeri hebraeorum sunt literae hebraeorum: ergo quem deficiunt literae in scribendis beneficiis, illum deficiunt numeri in computandis beneficiis: ergo qui non cognoscit literaturam, non potest computare beneficia Dei: et hic sensus est genuinus: dicit enim Psalter: iustitia tua, et salutare tuo, de quibus loquor, obvenere mihi tot beneficia, ut non cognoscam *literaturam* i. e. numerum eorum.

Elegans quoque habetur anabathmus supra §. V in ritibus convivialibus expositus, ubi dicitur, *convivari, pacisci, dare manus, saturari pane* esse synonyma. At omittendum non est, quod habetur Ps. II in hebræo legitur: נִשְׁקוּ בֶּרֶךְ *osculamini filium*, in latina: *adprehendite disciplinam* ex lectione LXX. Anabathmice ambas lectiones conciliabis: qui aliquem cognoscit ut Regem suum, ille ei praestat homagium; qui praestat homagium Regi, ille apud Orientales ritu patrio osculatur regem, qui osculatur Regem, profitetur se regis subditum; qui est subditus, adprehendet praescriptam a Rege disciplinam: ergo osculans filium, et adprehendens disciplinam sunt synonyma. Psal. CXVIII. 82 *Defecerunt oculi mei*, i. e. speravi: qui enim sperat, ille oculos in coelum tollit et levat, iuxta illud: *ad te levavi oculos meos*; qui incessanter oculos levat in coelum, huius oculi deficiunt: ergo cui deficiunt oculi, ille sperat. Sicitem *levare capita* significat sperare.

§. II.

Hebraismi Anchistici.

Anchistiam praeprimis observandam esse ajo in libris metricis, maxime in psalmis. Est autem *Anchistia*, qua vox aliqua ad omnes alias cognatas et connexas significationes extenditur; sic verba intellectus transferuntur ad actiones voluntatis. Hoc sensu dicitur: *amen dico vobis nescio vos* h. e. non amo vos. Sic Prophetæ dicuntur *Videntes*, quamvis hac voce: videre, solae actiones oculi significantur. Exemplum celebre anchistiae habemus Is. XIX. 17. *Et erit terra Iuda in pavorem* hebr. אֲנִי_{אֲנִי}. S. Hieronymus magnus ille doctor pulcherrimum interpretis exemplum reliquit: quum enim vocem אֲנִי_{אֲנִי} vertisset *pavorem*, dein ait, vertendum esse *festivitatem*, idque ne in errore erubescendo peristeret, ut ipse scribit: bene tamen vertitur *in pavorem*. Nam אֲנִי_{אֲנִי} significat circumgyrationem, qualis cernitur in choreis: haec circumgyratio tribuitur ebriis Psal. CVI. *Turbati sunt, et moti sunt sicut ebrius* אֲנִי_{אֲנִי} unde infertur magnus timor, ut nesciant pedem figere, sed in rotam aguntur vertiginosi.

Aliud exemplum Anchistiae ex Is. I. 3. *Cognovit bos possessorem suum*, cognoscere pro *parere*; vox enim hebraica: יָדָע per anchistiam ex sua prima significatione ad omnes vicinas, ut diximus, et coniunctas extenditur. Ex notitia sententia, ex sententia oritur adfectus; heic autem, quum de bruto sit sermo, nil nisi parendi facilitas intelligi potest. Alibi *cognoscere* pro *amare*, *probare* positum invenimus, et pro obedientia rationalium. Psal. I. eadem vox habetur; *quoniam novit Domi-*

nus



nus viam iustorum, transfertur יָדָה¹ verbum intellectus ad voluntatem. Deus dicitur viam iustorum nosse, dum eorum vitam et mores probat, charam habet, atque favoribus suis prosequitur. Ex quo vides, hebraeos non ita distinguere mentis actiones, ut suum cuique vocabulum adsignent; et inde fieri, ut *scire* sit velle, *ignorare* sit nolle; item *scire* sit praevidere, et *ignorare* idem ac non providentem esse. Ex hac significationis extensione Psal. XXXV *ignorare* significat, *non habuisse unquam animum vel cogitationem aliquid faciendi*. Psal. XXXVIII *filii a bonis*: filere a bonis apud hebraeos transfertur ad quasvis alias res, quas non sentimus, quibus non fruimur; heinc *filere a bonis* est carere omnibus consolationibus, cet.

Per eandem anchistiam adfectus pro adfectu ponitur. Psal. IV *irascimini* significat commotionem aliquam in genere seu irae, seu timoris illa sit: idem ergo est in hoc psalmo: *irascimini* ac dicere: moveamini his argumentis, o vos contradictores, ad suscipiendum Regem Davidem, et *nolite peccare* peccato seditionis. Sic Psal. VI *furor* pro *dolore* sumitur; quia cognatae sunt significationes. Item pro *moerore* seu quacunque passione alia, quae hominem excruciat: ponitur etiam causa pro effectu; quia tunc Deus dicitur furere in nos, dum ea, quae nos cruciant, inmittit. Saepe hoc sensu dicitur Deus furore repletus, dicitur pharetram suam implevisse sagittis furoris sui, quae sunt merae loquutiones tropicae, et significant, homines adtritos esse poenis et suppliciis a Deo missis. Psal. XVII Davidis inimici dicuntur esse *inveterati*, ubi significatio extenditur ad homines contabescientes: et quia alia est tabes senilis, alia tabes servitutis, utraque hoc vocabulo notatur. Psal. XXIII

ad-



adcepit animam suam in vano: Anchistia est, quia hebraicum שוא vanum, vanitas trahitur ulterius ad significationes harum vocum: fraus, dolus, nequitia h. e. toto animo inimici mei feruntur in fraudes, et in fabricandas technas contra me. Psal. XXXI. Nec est in Spiritu eius dolus vox רמיה dolus anchistice extenditur, quia vocabulum doli est vicinum omnibus vocibus, significantibus dubitationem, ambiguitatem, timorem: sic: non est dolus in spiritu h. e. non haeres, non timeo, non suspicor poenam, quia Deus eam remisit.

Visus seu videre anchistice pro audire, percipere, experiri. Exod. XX. 18. Cunctus autem populus videbat voces seu tonitrua . . . et sonitum tubae i. e. percipiebat, seu audiebat, sic videre somnum est dormire. Videre corruptionem est eam sentire, seu ipsi obnoxium esse. Videre mortem i. e. mori. In magnarum rerum promissionibus videndi verbum adhibetur, eoque experientia innuitur. Is. LIII. 11 videbit et saturabitur h. e. abundantissimum animae suae laboris fructum, nempe multorum salutem, quae ipsi laetitiam ad satietatem usque adfert, intuebitur Christus. Idem verbum ad mentis facultates translatum, et quidem ad intellectum significat cognoscere, seu intelligere: Gen. XLII. 2. Videns (audiens) autem Iacob, quod alimenta venderentur in Aegypto.

VOLUNTAS labiis tribuitur Psal. XX. 2 et voluntate labiorum eius non fraudasti eum, i. e. id quod labiis expetivit, non negasti. Verba intellectus transferuntur ad voluntatem. Ps. XL. Beatus, qui intelligit super egenum et pauperem i. e. qui prona voluntate succurrit, bene vult pauperi. Sic et illud: in intellectibus manuum suarum deduxit eos i. e. manu benefica. Intellectus bonus omnibus facientibus eam, i. e. bonus successus.

Est



Est etiam quaedam Anchistia alia, quae etsi non extendat significationem, sed potius restringat, tamen inter cognata manet. Ut *nuditas*, *nudum esse*. Sic Propheta iubetur nudus incedere h. e. pene nudus, ut fœlent captivi. Sic Ioannes dicitur venisse *neque manducans, neque bibens* h. e. parum admodum manducans, et agresti victu sese parce sustentans. Sic verbum *possidendi*, quod generale est, accipitur pro possessione, seu acquisitione per genituram: *possedi hominem per Deum*. Gen. IV.

§. III.

Hebraismi Pleonastici.

PLEONASMUS figura est, qua verba aut sententiae in oratione abundant: neque tamen omnino otiosa sunt ac inutilia, quae repetuntur; ea enim *vel* rem plenius exponunt *vel* emphasin indicant, *vel* adfectum dicentis arguunt, *vel* distributionem exprimunt, *vel* denique pertinent ad eloquutionis varietatem medentem fastidis, non ad diversitatem sententiarum, inquit S. Aug. in Psal. CIV. Ille autem pleonasmus seu repetitio fit vel penes *verba* seu *voces*, vel penes *sensum*. Penes *verba*, quum eadem vox vel plures repetuntur; penes *sensum*, quando eadem sententia iteratur, vel per synonyma adfirmantia, vel per synonyma obposita, et negantia, vel per synonyma *exegetica* h. e. figuratam loquutionem explicantia. Sic Psal. VII. 15 *Ecce parturiit iniustitiam, concepit dolorem, et peperit iniquitatem* & 16 *lacum aperuit, et effodit foveam, quam fecit* & 17 *convertetur dolor eius in caput eius, et in verticem ipsius iniquitas eius descendet*. Ultimus hic versus, praeter pleonasmum, quem continet, praecedentes duos, qui figurati sunt, propriis verbis explicat;

cat; q. d. pro omni dolore, molestia et labore, quae, ut me perderet, subivit, quid tandem accepit? *iniquitatem*. Haec tantorum conatuum est praemium. Metaphora est a muliere parturiente, quae post multos dolores et angores foetum edit inanimem, sibi que mortiferum. If. LI. 1. *Adtendite ad petram, unde excisi estis, et ad cavernam laci, de qua praecisi estis* & 2. *Adtendite ad Abraham patrem vestrum, et ad Saran, quae peperit vos*. Postremus ille versiculus priorem verbis propriis exponit.

Pronomen demonstrativum *זה* interdum cum emphasi pleonastice additur. Gen. XXXI. 38 *זה עשרים שנה* *his viginti annis tecum fui* i. e. iam viginti annis. vid. Num. XIV. 22. 2 additur pronomini interrogativo *מה* aut *למה*, tuncque relativum *אשר* vel *ש* subintelligitur. Gen. XVIII 13 *למה זה* *quid hoc* (est, quod) *risit Sara*. Vulg. *quare*. IV. Reg. I. 5 *מה זה שבביתם* *quid hoc* (est quod) *reversi estis?* 3 Additur etiam adverbio *עתה* nunc III Reg. XVII. 24: *עתה זה* *Nunc hoc cognosco* i. e. iam nunc: Vulg. *nunc in isto cognovi*. 4 Pronomen additum verbo. Gen. XII. 1 *לך לך* *egredere tibi, to tibi* pleonasticum est. Vid. Psal. CXLIV. 2 *susceptor meus* . . . *לי* *mihi* Gen. XXI. 16. XXII. 5. Eodem idiotismo explicari etiam potest, paragogicum in fine benoni kal. ut : *אוקר לי* *ligans mihi ad vineam*, contracte pro *לי*.

Praepositiones inseparabiles *ב*, *כ*, *ל*, *מ*, saepe etiam pleonastice ponuntur. Sic Iob XVI. 10. *aperuerunt contra me* *בפיהם* *in ore suo* i. e. suum. Prov. IX. 5. *venite comedite* *ב לחמי* *panem meum* cet. Et praesertim hoc *ב* voci-



vocibus indeclinabilibus saepius, sed eleganter iungitur: בְּאֵין מִבֵּין in non intelligente h. e. nomine advertente. בְּבִלְי־רַעַת in non scientia i. e. sine scientia, studio. בְּלֹא כֶסֶף in non argento i. e. sine. בֵּין בֵּין in inter i. e. inter. בְּמֶאֱרֵם in antequam i. e. antequam. בְּמֶאֱרֵם valde בְּמֶאֱרֵם trans. בְּיוֹמָם interdum rel.

Sic etiam praepositio ל nomini praefigitur, et nominativus simpliciter intelligitur. I Paral. III 1. *Hi sunt filii David* אֲבִשָׁלוֹם Absalom. Quandoque praepositionibus emphaticè subiunguntur Gen. I 6 et dividat (firmamentum) בֵּין מַיִם לַמַּיִם inter aquas et aquas. Deut. XVII. 8 בֵּין דָּם לָדָם inter sanguinem et sanguinem ubi ל est pro Vaf. tandem vocibus indeclinabilibus praefigitur. לֹא־לֵאֵין לְבִלְתִּי לְבִלְתִּי לֵאֵין ad non i. e. absque לְאַחֲרֵם retrosum לֹא־לֵאֵין ad non i. in nihilum cet. Sic et praepositio מ redundat. מִמֶּרֶם ab ante h. e. ante מִתַּחַת de sub i. sub subter, rel.

Saepe etiam pleonasmus elegans nominis constructi sic פָּנִים facies saepius redundat: Gen. I. 4 *Tenebrae erant* עַל־פְּנֵי תְהוֹם sub faciem abyssi i. super abyssum. אִפְּה os, לְפִי חֶרֶב in ore gladii i. gladio. בְּנֵי filii. Sic filii hominum i. homines. שֵׁם nomen. Protegat te nomen Dei Iacob h. e. Deus Iacob יָד manus. Gen. IX. 5 *sanguinem vestrum requiram* מִן־מִן de manu omnis bestiae. Sic per manum Moyse, a manu tua i. e. a te. תוֹךְ et קֶרֶב medium. Sic in medio terrae. דְּבָרֵךְ verbum, res. Sic verba iniquitatum verba, signorum, verba jejuniorum. Esth IX. אֶ 31 Cor pro medio Prov. XXX. 19. in corde maris i. in mari.



Pleonasmus seu repetitio verborum emphasin habet. Exod. XII. 50 *feceruntque omnes filii Israel . . .* פְּעִסוּ כֵן *sic fecerunt* q. d. diligenter fecerunt, cum studio. Dan. X. 19 *Confortare et esto robustus* i. e. etiam atque etiam confortare. Quando fit repetitio plurium vocum, tunc vel *distributio*, vel *emphasis* notatur. Ezech. XLVI. 21. et ecce: *atrium in angulo atrii, atrium in angulo atrii* h. e. *atrium in unoquoque angulo atrii*. Repetitio in praeceptis divinis, eorum aut gravitatem aut prohibitionis severitatem emphatice significat. Vid. Lev. XVIII. 7.

§. IV.

Hebraismi Elliptici.

ELLIPSIS est figura pleonasmo obposita, qua in sermone aliquid deficit, quod commode supplendum est. Defectus iste est vel 1 praepositionum, vel 2 nominis, vel 3 verbi et participii: maxime autem ellipsis in hebraeo est verbi substantivi *sum*, quod semper supplendum est.

I. De Ellipsi praepositionum כ, כ, ל, מ. Prov. VIII. 22. *Dominus possedit me* רָאשִׁית *principium viarum suarum*, pro בְּרָאשִׁית *in principio*; quae expositio confirmatur & seq. *antequam quidquam faceret a principio.* *)

Inter-

*) Alii ellipsin heic non agnoscunt; vertuntque: *Dominus possedit me principium viarum suarum* i. operationum suarum, principium, inquam, per quod omnia facta sunt. Et sic antiqui interpretes graeci Aquil. Symm. Theod. LXX. κυριος εκτισε με *Dominus creavit me*, Verosimile est, amanuensium incuria irreplisse in LXX versionem mendum, εκτισε με *creavit me* pro εκτισε με *possedit me* α κταω. Sic enim habet Aq. εκτισατο με ita etiam Symm.



Interdum ex praecedenti membro כ repetendum est. Exod. VI. 3. *Ego Dominus adparui Abraham, Isaac et Jacob* אֲנִי יְהוָה in Deo omnipotente, וְשֵׁמִי יְהוָה et nomen meum Adonai non indicavi eis. Supple: וְבִשְׁמִי et in nomine meo Iehova non innotui eis. *) Et sic se habent reliquae

pro-

- *) Quidam nec hebraeum, nec sensum huius loci adsequuti putant Nomen Dei Tetragrammaton יהוה Patriarchis incognitum fuisse: et nescio, qua ex vana superstitione moderni iudaei a pronuntiatione nominis יהוה abstineant. Occultabant olim Iudaei hoc nomen sanctissimum gentilibus, ne id imponerent vanis deorum suorum sculptilibus. Patriarchae pronuntiarunt אֱלֹהֵי אַבְרָהָם cur neque יהוה? nonne utrumque idem subpositum, eundemque Deum respicit? Novi equidem, quosdam ad προλεψιν seu anticipationem recurrere Hagiographis familiarem; at hic prolepsis usus tunc solum obtinet, quando simplex rei cuiusdam narratio instituitur ipsorum hagiographorum verbis concepta: non vero, ubi quis loquens inducitur. Quam itaque Moyses Patriarchas nomen Dei יהוה pronuntiasse inducat, hos etiam illud pronuntiasse credendum vide Gen. XXII. 14. Sensus itaque genuinus explicandus est: nota ergo hoc in versu non de nomine praecise, sed de significatione nominis Tetragrammati fermorem esse. *Nomen, Nominari* idem saepe est ac *esse*, vel se talem praestare, qualem nomina eorum primaeva, institutione adtentata, declarant. Sic et VOCABITUR *nomen eius Emmanuel*; et erit Emmanuel. *Domus mea, domus orationis vocabitur* i. erit. Sic eleganter quis diceret, qui duo nomina gereret *Petrus et Gelafus: Tanquam PETRUM me habetis, et nomen meum GELAFIUS non indicabo tibi* i. e. dure tecum agam, non me benevolunt senties: Petrus ero, Gelafus non ero, significatione desumpta a πέτρος lapis et γελῶν rideo. Sic et hoc loco non de nomine, sed de re per nomen significata: *adparui Abraham . . . in nomine El, Schaddai* i. e. fortis, liberalis, de me sufficiens Patribus in tot ac tam ingentibus promissionibus ipsis factis quamquam earum Iehova i. e. *Esse* aut exequutionem nunquam conspexerint, necdum has promissiones, quod velim eos ducere in terram lacte et melle manantem, usque ad *Esse* perductas viderint

runt



praepositiones. Particula comparativa seu similitudinis כ saepius deficit, maxime in libro Proverbiorum, ubi exempla obvia offendes.

II. Quandoque adiectivum deest, quod commode supplendum. Gen. XVIII. 11 Venerant (Abram et Sara) בָּיָמָם in dies, supple: רַבִּים multos. Psal. XXXIII. 13. Quis est homo, qui vult vitam supple longaevam, et diligit dies supple bonos, unde in textu additur לְרֵאוֹת טוֹב videre bonum. Prov. XVIII. 22 Qui invenit mulierem supple bonam.

III. Ellipsis substantivi, in adiectivo expressi, quod supplendum. Gen. XXV. 30 Da mihi de raso, raso isto supple edulio. II Reg. VIII. 4 Et cepit David ex ipsis mille supple currus; III Reg. XXI. 16 Et adcinctus erat novo supple ense. Cant. IV. 2 Dentes tui sicut grex tonsarum supple ovium. Ex sensu itaque et materia substrata facile intelliges, quid subintelligendum in textu.

IV. Ex duobus substantivis, quorum alterum altero regitur, modo prius, sive regens; modo posterius, sive rectum, deficit. Eiusmodi substantiva sunt:

אִישׁ Vir Ruth III 2. Cognatio nostra est i. vir cognitionis. Belial pro viri Belial. II Reg. XXIII. 6 Et transiit clamor i. vir clamorum, vulg. Praeco. Vide Iob. XV. 34 et XXXII. 7 Prov. 13. 6.

בֵּית

rint v. 5 Nunc vero audiens gemitum filiorum Israel, atque patrum mei memor, ut sit, et opere compleatur, faciam. Ego יֵהוּוָה, ego, cui omne esse, et cuiuscunque rei exequutio accepta referenda est, ego, inquam, educam vos de ergastulo Aegyptiorum: Sic ergo illud: Et in nomine meo Iehova non innotui eis, idem est: in promissionibus impletis non adparui i. e. illas nondum impleveram, nunc implebo.



בֵּית domus. Mich. III. 1 *Principes Iacob* i. domus Iacob. cap. IV. 2 *Mons domini* i. Domus Domini. Apocal. III. 7 *qui habet clavem David* i. domus David.

אֶחָד et אֶחָת Gen. VIII. 4. *Requievit arca super montes* i. super unum montium. Iud. XXII 7 *sepultus est* (Iepte) *in urbibus Galaad* i. in una urbium. Matt. XXVI. 8 *videntes autem discipuli indignati sunt* i. unus ex discipulis. item XXVII. 44 *id ipsi autem et latrones improperabant ei* h. e. unus de latronibus.

אָבִי Pater אִמִּי mater, בֶּן filius, אָחִי frater, אִשְׁתִּי uxor saepe omittuntur. Sic Matth. I. 6. *ex ea, quae fuit Uriae* i. uxor. *Goliath Gethaei* i. fratrem. *Iacobum Zebedaei* i. filium. *Maria Iacobi* i. mater. *Iudas Simonis* i. filius. *Maria Cleophae* i. uxor. *Iacobus Alphaei* i. filius. Ellipsis filii Luc. III perpetua est.

V. *Aliae quoque voces deficiunt supplendae*: Gen. XLII. 33. *famem domorum vestrarum accipite* h. e. אֲנוֹנָם annonam contra famem Deut. XX. 19. *quando obsederis civitatem . . non succides arbores . . quia homo arbor est agri* i. e. quia חַיִּי vita hominis est arbor agri, seu ex fructibus arboris sustentatur. Ruth III. 15. *Et mensus est sex bordeorum* i. e. mensuras. II Paral. XXX. 22 *Et comederunt solemnitatem* i. e. sacrificia solemnitatis. Nehem. X. 31 *Et dimittamus annum septimum* i. culturam terrae anno septimo. Esth. V. 1. *Induta est Esther regno* i. e. vestibus regis. Prov. VIII. 6. *Audite, quoniam principum loquar* i. verba principum.

VI. *Relativum pronomen tam in hebraeo V. T. quam in graeco N. T. non raro deficit*. Gen. XXIX. 4 וְכָל-יֹשְׁבֵי-לֹךְ et omne (supple אֲשֶׁר quod) erat sibi Exod. XV. 7 *misti ram, devoravit eos* i. quae devoravit. Ibid. 17. *In loco habita-*

bitationis tuae, operatus es i. quem operatus es. If. 6 calculus (supple quem) forcipe tulerat. I Ioan. III. 12 Non sicut Cain, ex maligno erat, supple qui erat. Praeter ellipsin relativ. וְ, vel אֲשֶׁר alia etiam est relativi ipse, ille. Deut. VI. 13. Non tentabitis Dominum . . . sicut tentastis (supple cum) in Massa Vulg. in loco tentationis, nomen proprium adpellative fumsit. Pariter ellipsis est reciproci et possessivi pronominis. III Reg. XIII. 2. Sic enim praecepit mihi in sermone Domini h. e. sic enim praecepit mihi in sermone Dominus. Iob. XXXVII. 10. A flatu Dei fortis producit glaciem i. e. Deus fortis flatu suo glaciem producit.

VII. *Ellipsis quoque est antecedentis simul et relativi. Exod. IV. 13 Mitte quaeſo בְּיַד תְּשַׁלַּח per manum missurus es supple illius, quem missurus es. I Paral. XV. 12 Adferre arcam Domini . . . אֶל-הַכִּינּוֹתֵי לוֹ ad praeparavi ei i. ad locum, quem paravi. Iob. XXIV. 19 Sic infernus peccaverunt i. infernus eos rapit, qui peccaverunt. Ie. rem. II. 8. Prophetæ prophetaverunt in Baal et post (supple idola, quae) non profunt וְ. II populus meus mutavit gloriam suam in (supple idolum, quod) non prodest.*

VIII. *Verbum quoque aliquando in oratione deest. II. Reg. XVIII. 12. Observate (ne) quis in puerum istum Absalom supple mittat manum. ibid. XXIII. 17. Num sanguinem istorum hominum supple bibam. III Reg. XXII. 36 unusquisque in civitatem suam supple revertatur. Psal. XXIV. 15 Oculi mei semper ad Dominum supple respiciunt. Prov. XIV. 14. Viis suis replebitur stultus, et ab eo bonus i. recedet, cavebit sibi. Eccl. VIII. 2. Ego os regis (i. mandatum) observare, supple moneo observandum. Psal. CXXXVIII. 6. Mirabilis facta scientia tua ex vel prae me,*



confortata vel elevata est, et non potero ad eam i. pertinere.

IX. *Frequens est ellipsis verbi CAVEO.* Gen. III. 22. Nunc ergo, ne mittat manum suam supple nunc ergo caveamus. Vide ibid XXXI. 31. Exod. XIII. 17. Deut. XXIX. 17. Idem est de verbo dico Psal. II. 3 *Dirumpamus vincula eorum*, supple, et dixerunt, *dirumpamus*. Haec ellipsis frequens est, et facile ex circumstantiis advertenda.

X. *Voces alias, quae per ellipsin deficiunt, facile erues vel ex praecedenti voce coniugata*, ut Gen. IV. 5 *Et exarsit Caino* supple *הָרָה* ira, quod nomen in voce *הָרָה* latet, vel ex voce contraria. ut Psal. LXIV. 9. *Egressus matutini* supple temporis, et (ingressus) *vespere* i. vespertinos delectabis: vox *ingressus* includitur in praecedenti contraria *egressus*: et sensus est: Actiones totius diei delectabis. Sicut et illud: *quia melior est dies una in atriis tuis super millia* scil. alibi, seu alio in loco transacta. Gen. XXXIII. 10. *Dixitque Iacob אַל-כֵּן* ne quaeso, supple, recuses; latet enim vox ista contraria in seq. *adcipe munusculum de manu mea*. Adtendenda est praecipue particula *negativa* ex membro praecedenti repetenda. Psal. IX. 19. *Quoniam non in finem oblivio erit pauperis: patientia pauperum peribit*, supple, *non peribit*. Nolo esse fusior, conferas hebraeum cum Vulgata, et plures ellipses vocum suppletas reperiēs.

XI. *Interdum genitivus regiminis ponitur, intellecto altero, a quo regitur.* ait David: *אֲנִי תְּפִלָּה* ego oratio i. vir orationis, nempe saepe et multum orans. Sic liber Ecclesiastes inscribitur *קְהֵלָת* congregatricis subaudi sapientiae. Est genitivus regiminis, et illud, quod in regimine est, intelligitur, scil. *סֵפֶר* liber. Atque sic
expli.

explica: *ego sum pax* i. vir pacificus. *Tu es benedictio* i. summe benedictus. Psal. LXVII. *Dixit Dominus: ex Babilon convertam*: convertere significat alicuius actionis iterationem: *Deus tu conversus vivificabis nos*, i. e. rursus vivificabis. Quam ergo actionem iterabit Deus contra Seon et Ogg? respondeo, quam antea edidit contra Pharaonem, non quidem quoad modum, sed quoad substantiam; convertam seu iterabo caedem, quam Pharaoni et illius exercitui intuli: ideo subiungit: *converti in profundum maris*, subaudi, excidium per submersionem in mare: et sic totus est sensus ellipticus. Eodem psalmo: *qui exasperant* (eos) *qui habitant in sepulchris*. Qui sunt isti exasperatores? respondeo, Aegyptii. Quos exasperarunt? Israelitas, et fecerunt eos habitare in sepulchris i. e. occiderunt. Est constructio hophalica. Oriuntur omnes istae phrasae ex brevitate linguae hebraeae.

Alibi dicit David: *Et qui oderunt, diripiebant sibi*. quid? nostra. Psal. LIX. § *Ecce loquentur in ore suo, et gladius in labiis eorum: quoniam quis audivit?* supple nemo h. e. res inauditas ex ore suo evomuerunt. Et hic hebraismus civis graecus factus est. Luc. IX. *Iesus ad Samaritanos misit discipulos, volens pernoctare apud eos, et discipuli venerunt, ut pararent ei*, supple diverforium, et non receperunt eum, intellige Samaritani. Baldath Suhites Iob. VIII dicit Iobo: *Deus non proticiet simplicem, nec porriget dexteram malignis: donec impleatur risu os tuum, et labia tua iubilo*: sensus asperrimus est, nisi fiat suppletio ellipticae hoc modo: Deus non deserit bonos, nec favet malis: *si tu es bonus o Iob*, adhuc ridebis et iubilabis, et tui osores confundentur, et eorum tabernacula nulla erunt.



§. V.
Hebraismi Enallagici.

ENALLAGE figura est, qua partium orationis addi-
centia invicem permutantur; ut quum in nominibus et
verbis ponitur genus pro genere, numerus pro numero:
in nominibus casus pro casu; in verbis tempus pro tem-
pore, modus pro modo, persona pro persona. De sin-
gulis agemus.

De Enallage nominum quantum ad genus, Nu-
merum et Casum.

I. *Quum lingua hebraea genere neutro careat, plerum-
que foeminino, subinde masculino utuntur* Gen. L. 20. *Vos
cogitastis de me* רָצוּהָ *malam i. malum, sed Deus vertit il-*
lud in לְטוֹבָה *bonam i. bonum. Nota in Penteteucho,*
*exceptis undecim locis, הוּא illa cum Vaf scribitur. *)*

II.

*) In famoso illo Gen. III. 15. loco הוּא *ipsa conteret caput tuum,*
pronomen foemininum mendo incubat! Nullum heic locum ha-
bet possessio, cui nec titulus suffragatur, nec fides: haec certo
in translationibus haut aliud sunt, quam omnimoda cum Origi-
nali conformitas; qua deficiente merito cum Cypriano dixeris:
antiquitas sine veritate, vetustas mendacii est. At quaeso, quid
heic cum Originali הוּא *ipsa*, ubi quidquid in hebraeo profertur,
masculinum est? Iuxta literarum suarum proprietatem masculi-
num est הוּא, ac naturaliter, et tanquam ad suppositum suum
proximius, nempe הוּא *semen* gen. mascul. refertur; et om-
nia subsequenda tempora, adfixa, pronomina in masculino sunt.
Concordat versio graeca, quae habet αὐτός *ipse*, αὐτὸς πτερυγῶν
illius calcaneum: ita quoque textus Samaritanus, in quo libra-
rii error eo minus esse potest, quo minus Vaf et Iodb adfinia
sunt: ita triplex Targum, Versio syriaca. Neque licet heic ad
enallagen recurrere; nam nulli dubium est, scripturam non nisi
impropria et extraordinaria constructione uti, dum enallagi cui-
cum-

II. *Quum de persona sermo est, neutrum genus pro masculino interdum usurpatur.* Hebraismus hic civitate donatus est apud Graecos Matth. I. 20 το εν αυτη γεννηθεν quod enim in ea natus est pro qui in ea natus est. Ad. hebr. VII. 7. Quod minus est, a meliori i. maiori benedicitur h. e. minor a maiore.

III. *In pronomine relativo non raro diversitas est generis ab antecedente, quae vel per aliquod conveniens synonymum, vel quavis alia ratione concilianda est, aut incuria librariorum menda irrepperunt.* Exod. XI. 6. Eritque קול גדול clamor magnus . . . כמהו cui (mascul) similis non erat: supplendum est nomen קול mascul. vox clamoris. Iud. XIX 24 pronomina masculina sunt, licet ad substantiva foeminina referantur, quia iis, ut volunt nonnulli, flagitiosissima Benjamitarum propositio perstringitur. In aliis locis sunt sphalmata graphica, quae amanuensium incuria irrepperunt; vel substantiva, quae nunc generis habentur foeminini, olim erant generis communis; vel

F 5

ali.

cumque locum cedit: ipsae certe circumstantiae satis indicant, locum irregulariter et per enallagen accipiendum esse; at nihil heic cogit. Tandem usum esse in scriptura, quod foeminae, dum de ea narratur aliquis actus heroicus, tribuatur verbum masculinum, prorsus falsum est: neque enim usum adpellare possumus, quod rarissime aut nunquam fit. Generosius, quam *label*, egerat nulla; actus erat heroicus Iud. IV. 21 quo mulier in caput Abimelech illideret Iud. IX. 53. et tamen ordinaria ubivis est constructio. Neque mendum hoc in nostra Vulgata officit eius autenticitati: nam plura eiusmodi sphalmata leviora in ea occurrere, parum est. Porro particula הוא est quidem demonstrativa, quae cadere debet in id, cuius ultimo fit mentio, sed ultimo fit mentio mulieris: nam hoc verum est, si hoc ultimum sit principale denotatum: heic autem principale denotatum est *Semen*. Quod itaque in aliis locis הוא debeat legi *ipsa*, id circumstantiae et materia substrata exigunt: quale heic non, imo oppositae uccurrunt.



aliqua vox commoda subintelligenda est: aut enallage locum habet, quod ex circumstantiis eruitur.

IV. Quando substantivo plurali pronomen singulare additur, plerumque distributio denotatur. Deut. XXI. 10 *si egressus fueris contra hostes tuos ונתנו et tradiderit eum Dominus* i. e. unumquemque illorum. Ios. II 4. *Tollensque mulier viros ונתצפנו abscondit eum* h. e. utrumque. Huc etiam referunt nomina pluralia cum adfixo singulari, five ea forma, qua singularibus adiici solet, coniuncta. Deut. XXVIII. 59 *Augebit Dominus מכותך plagas tuam* h. e. unamquamque plagarum tuarum, pro מכותיך

V. Nomini colectivo singulari respondet pronomen multitudinis Gen. XV. 13 *Peregrinam erit ורעך semen tuum.. et adfligent אתם eos*; semen pro posteris. Etiam in novo testamento Act. XV. 36 *Revertentes visitemus fratres nostros κατὰ πᾶσαν πόλιν per universam civitatem, ἐν αἷς in quibus praedicavimus. πόλιν enim collective heic sumitur, unde relativum plurale ei subiicitur: vel distributio est pro in qualibet earum.*

VI. Relativum quandoque convenit genere et numero, vel eorum alterutro, cum substantivo consequente, quum deberet respondere antecedenti. Marc. XII. 42 *minuta duo ο εστι κοδραντες quod est quadrans, pro α εστι.* vid. Gal. III. 16. Sic in pronomine primitivis, quum relative, aut demonstrative sumuntur. Lev, XXV. 33. *Nam ביתי domus urbiū Levitarum יהוה ipsa est possessio eorum pro הם ipsae (domus.)*

VII. Quando substantivo plurali adiectivum singulare iungitur, distributio seu partitio denotatur, sicut supra. Psal. CXIX *Iustus es Domine, et rectum משפטיך iudicia tua* i. unumquodque iudiciorum tuorum: nisi (') nota pluralis



lis numeri sit antiqua vocalis e, tuncque locum non habet enallage.

VIII. *Interdum singularis numerus pro plurali ad collectam multitudinem, vel etiam speciem exprimendam, adbibetur.* Gen. III. 8. *Abscondit se Adam et uxor eius . . . in medio עץ ligni seu arboris h. e. lignorum.* Gen. XLIX *in furore suo occiderunt איש virum et . . . avulserunt שור bovem i. viros, boves.*

IX. *Vice versa pluralis numerus pro singulari quandoque ponitur ad denotandam magnitudinem, excellentiam, emphasisin.* Gen. XIX. 11 *Et eos . . . percusserunt Angeli סגורים coecitatibus i. summa, densissima coecitate.* Sic *ישועות salutes i. omnimoda salus.* *Laudes Israelis i. perfecta laus.* Psal. LXXXIX *In potentatibus i. e. in magna admodum fortitudine et vigore, supple quis fuerit.* Psal. XIX. 7 *in potentatibus salus dexteræ eius est metalepsis, in potentatibus dexteræ i. e. in potentissima dextera seu in miraculosa eliberatione fuit salus, aut victoria.* Sic *misericordiæ Domini i. maxima misericordia.* Ezech. XXVIII מותי mortibus incircumcisorum morieris i. morte truculentissima.

X. *Nomina Domini בעל אלה et ארון sive ad dignitatem personae dominantis exprimendam, sive ex solo linguae usu, plurali numero, pro singulari, saepius efferuntur.* Gen. I. *In principia ברא אלהים creavit Dii, pro Deus *)*

Gen,

*) Sunt, qui hoc textu Mysterium Ss. Trinitatis insinuari, illudque ex illo probare volunt: in ea olim fuit sententia Bellarminus. At re adcuratius perpensa calculum retraxit: ait enim contr. tom. I. l. II. c. VI. col. 323. ed. Paris. 1603 se non putare argumentum illud admodum solidum; *siquidem scripturae consuetudo, id habere videtur, ut nomina illustrium personarum po-*
nas-



Gen. XXIV. 9 *sub femore Abraham* אֲרֹנָיו dominorum suorum i. Domini sui. Idem est de nomine בָּעַל quorum exempla plura sunt.

De verborum enallage quoad genus

Enallage verborum quoad genus locum habet, quando nominativus verbi, aut verbum ipsum genere discrepant. Illa autem discrepantia certo et peculiari linguae usu, non abusu fit, ac per conveniens nomen subintellectum explicanda sunt. *Necesse est*, ait Kimmhi in Michlol, *diligentem adhibere considerationem in lingua hac*,
et

nantur in numero multitudinis, licet verba retineant numerum singularem. Itaque *Elohim* non secus, ac apud Latinos vox *literae* non semper in significatione plurali adhibetur, et saepius rebus singularibus adtribuitur, perinde ac si in singulari esset. Sic Moses dicitur Pharaoni fuisse in *Deum* אֱלֹהִים. Angelus, qui

Iud. XIII 12 *Manue* adparuit, *Elohim* vocatur. Plerumque apud hebraeos verbum singulare iungitur cum nomine plurali, ubi tantum de una persona sermo est. Et cum אֱלֹהִים in singulari denotet Deum, igitur in plurali, si plures denotet, non personas, sed Deos denotabit: posset ergo ex hoc loco concludi, plures esse Deos: siquidem pluralis a singulari differt non in significatione, sed solum in pluralitate: ergo si *Elohim* in singulari denotat Deum, in plurali significabit plures Deos. Nihil ergo mysterii ex hoc versu erues: spectat tota res ad s. linguae usum et proprietatem, qua nomina Domini effereuntur plurali numero, cum altero seu verbo, seu nomine ad summam dignitatem, et honorem excellentissimum personae indicandum. Demum, qui *gabbala* utuntur, atque ex voce אָבִי Trinitatem exsculpere volunt, quatenus nempe per אָב notetur אֱלֹהִים *filius*, per בֶּן innuatur אֱלֹהִים *Spiritus* s. et per אָבִי *Pater*, nihil efficiunt: quis enim nescit, quam infimae probationis sit *gabbala* isthaec: sicut si quis probare vellet ex hoc primo geneleos versiculo mundum duraturum per VI mille annos, quia in hoc versu sexies אָב ponitur, quae litera hebraeis nota est numeri millenarii.

et reducere eam in formam suam, quantum fieri potest; neque loqui genere foeminino de masculino aut masculino de foeminino. Ad hanc itaque anomaliam explicandam vel nomen aliquod supplendum est, vel synonymum subintelligendum, vel substantivum, ad quod verbum refertur, communis est generis, licet masculinum duntaxat, aut foemininum in vocabulis notetur; vel in textu ipso est mendum graphicum, quod eius *ambiguitas* non officit; vel denique peculiaris aliqua subest ratio, quae in subiectis exemplis declarabitur.

I. Verbum respondet saepe nomini posteriori, quum respondere deberet priori vide Lev. III. 9. ubi verbum תָּהִיָּה pertinet ad נָגַע masculinum sed construitur cum אִרְעָתָא foeminino: nisi antiquitus נָגַע communis fuerit generis: quum enim unicus superstet liber hebraice scriptus, sicut is vocum significata omnia non includit; ita etiam forte nec genera. Esth. I. 20 et cunctae uxores יָרְנִי deferant (mascul.) honorem maritis suis. Heic verbum masculinum esse volunt ad significandam maximam, quam uxores viris suis exhibere debent, reverentiam atque obedientiam. In Canticis pronomina et verba quaedam in foeminino ponuntur; at Christus ibi non solum filias Ierusalem, sed quoslibet homines compellat. If. LVII. 8 perstringit propheta spiritualem populi scortationem, ubi ad maiorem emphasin utitur masculino pro foeminino: populum enim, non privatam aliquam mulierem adloquitur. Et hic est mos prophetarum, ut ad emphasin verbo dandam potius masculino genere utantur. Ierem. XLIX. 11 Et viduae tuae in me תִּבְטְחִי sperabunt i. e. spem maximam habebunt: vel etiam mendum est pro תִּבְטְחִיָּה, aut potius תִּבְטְחִי, ita ut ex de-



decurtato factum sit ו, ex quo massorethae fecerunt ו. Osee XIV. 1. *Et gravidae eius יִפְּטֹנּוּ discidentur*; lege alia punctatione addita יִפְּטֹנּוּ discident gravidas eius h. e. discidentur, ita ut tertia illa persona activa passive accipiat, nulla erit anomalia. Et forte olim scriptum fuit יִפְּטֹנּוּ תִּבְּרָה sicut superius. Malach. II. 6 *Et iniquitas יִפְּטֹנּוּ foemin.* (non est inventa נִמְצָא mascul.) supple רִבֵּר *verbum iniquitatis*: vel si in יִפְּטֹנּוּ ponatur accentus in penultima, sic יִפְּטֹנּוּ הֵא spectabitur ut paragogicum, voxque erit masculina. His regulis observatis reliqua facile explicabis.

Enallage verborum quoad numerum.

I. *Verbum singularis numeri quandoque iungitur cum nomine, vel participio plurali, quo saepius distributio innuitur.* Gen. XXXV. 26 *Hi sunt filii Iacob, qui יָלַד natus est ei* h. quorum unus quisque. Exod. XXXI. 14 *Profanantes illud (Sabbathum) morte morietur i. quisque profanantium.*

II. *Vice versa, verbum pluralis numeri construitur interdum cum nomine singulari, maxime si nomen sit collectivum, quia pluralitatem comprehendit.* Phrasis ista etiam profanis usitata est. Ovid. *Quo ruitis generosa domus? Quando cum nomine singulari non colectivo plurali additur, tunc partitio denotatur.* CXIX. 103 *Quam dulcia sunt faucibus meis eloquium tuum* i. singula eloquia tua.

III. *Quando duo nomina substantiva, quorum alterum altero regitur, coniuncta sint, verbum quandoque numero respondet posteriori nomini, quum deberet priori respondere.* Exod. XV 4. וּמִבְּחַר *Et electio principum יִפְּטֹנּוּ submersi sunt* i. submersa est. Haec phrasis saepe occurrit. Iob XXIX

10 vox principum abscondebant se h. e. abscondebatur; sensus est: vel ipsi principes coram me tacebant.

Enallage verborum quoad personis.

I. *Verbum pluralis numeri quandoque pro singulari ponitur*: et quidem in secunda et tertia duntaxat. Quoad secundam personam vide Iob XVIII, ubi solum Baldad Iob adloquitur, et dicit: quousque יְשִׁישִׁי imponetis finem sermonibus. Et in tertia persona Gen. XXXIV. 27 *Et depopulati sunt urbem*, quia יִשְׁמָשׁ polluerant sororem eorum h. e. polluerat Sichem. Tertia illa persona activa, passive etiam accipi potest, polluta fuerat. Matth. II. 20. *defuncti sunt enim*, qui quaerebant animam pueri, defunctus est, qui quaerebat nempe Herodes. Hae duae ergo personae solum, secunda nempe et tertia in plurali ponuntur, nunquam autem prima, dum nempe aliqua persona de se ipsa loquitur: sicut apud Latinos obtinet: *Nos Dei gratia Romanorum Imperator* cet. aut etiam apud germanos: *Wir Von Gottes gnaden* rel. Id quidem contendunt cum quibusdam Rabbinis Sociniani, ut energeticum argumentum pro Ss. Trinitate declinent Gen. I. 26. *faciamus אֱנוֹשִׁי hominem ad imaginem et similitudinem nostram.* *) Exempla quaedam adducunt, quae tamen facile explicantur.

Gen.

*) Ss. Patres tum graeci, tum Latini maxime post Conc. Nicaenum pro demonstrando hoc fs. Mysterio usi sunt; imo Conc. Sirmienae an. 349 habitum contra Photicianos, simili modo hunc locum eludentes, qui verba aliter exposuerit, anathema percellit. Falsum ergo est, esse consuetudinem linguae hebraeae, ut vult R. Bechai, ut et in plurali excellentiae et dignitatis causa loquantur honoratiores: nullo id exemplo probare potest. Iulio Laurentius Valla L. III. c. CX inquit: *Non est verum, quod aliqui*



Gen. XXIX. 27. *Imple hebdomadam . . . וַיִּתֶּנָּה* et dabitur tibi etiam istam, sed וַיִּתֶּנָּה teste Aben Esra potest esse tertia persona sing. foemin. praeteriti Niphal in futuro ob praefixum ו praepositum, et dabitur. Nec obstat articulus וְ vulgaris accusativi nota, quando-

qui-

aliqui volunt, quoties Author in numero plurali loquitur, declarari dignitatem quamdam, et ut sic dicam, magisterium. - Gloriosus est, quemvis unum per se, quam cum pluribus rem claravi gessisse, Quo circa Principes modestiae causa, ne soli viderentur omnia gerere, loquuntur fere pluraliter de se, ut Nos Maximilianus Romanorum imperator. Id tamen egerint alii dignitatis causa, non ita egisse Deum, ratum habemus: nam ut scite Theodoretus ait: si Deus propter Authoritatem et Majestatem de se loqueretur in plurali, oportuisset eum ita loqui vel semper, vel ut plurimum, praesertim quum legem daret in Sina. At ibi Deus loquitur: Ego, non Nos, sum Dominus Deus tuus etc. quum tamen ad ostendendam suam Maiestatem et legum ferendam ius et Authoritatem demonstrandam id oportuisset.

Dicunt quidem Sociniani, hoc loco esse *anthropopatheim* hebraeis communem: sic Deus etiam dicitur dolere, poenitere. Rude etiam Israelitarum, quibus scribebat, genium, cui minus aequiparabat ea de personarum SS. pluralitate doctrina, quam siquid de rebus insensibilibus aliis narrasset. Certo sc. Trinitatis mysterium (si viros excellentiores Prophetarum, Patriarcharum ad novum testamentum pertinentium cum S. Augustino excipias) iudaico populo prorsus abscondum fuit et incognitum: adeoque si de SS. Personis haec pronuntiata voluisset Moyses; nemo ipsum ex toto populo intellexisset. Ea autem ignorantia erat statui praeceptorum iudaeorum, utpote colendis pluribus Diis mire addictorum, summe congrua ergo phrasus illa per Anthropopathiam intelligenda est.

At respondetur his, iudaeos ignorasse hoc mysterium, nihil refert: satis interim intelligere poterant id, quod pro scopo suo principaliter indicare intendebat Moses, Deum scil. summo artificio et maiori in perfectione, quam coetera condidisse hominem. Id

phrasus

quidem cum verbis etiam passivis construitur, ut patet ex reg. gramm. Aut Laban suo et parentum, cognatorumque nomine loquitur.

Num. XXII. 6. *Veni igitur et maledic populo huic : fortassis praevalabo, et percutiemus eum.* h. e. percutiam. Respondet Aben Esra heic intelligi Balac cum exercitu suo. Vel נָכַח esse infinitivum piel cum ך pro ם obsequens maqqaph, quamvis dictio desinat in literam quiescentem.

II Reg. XVI. 20. *Dixit autem Absalom ad Achitophel: inite consilium, quid agere debeamus* h. e. ego et alii duces, qui mecum sunt. Iob XVIII. 2. Baldad non solum de se ipso sed etiam de fociis suis loquitur. Cant I. 4. *Trabe me post te, curremus in odorem* rel. h. e. ego et puellae meae curremus; sponsa enim sola non est, sed comites habet filias. Confer cap. II. 2. Praeterea cum nomine sponsae intelligatur Ecclesia, merito pluralis adhibetur.

Dan. II. 36 *Interpretationem quoque eius (somnia) dicemus coram Rege.* In plurali loquitur Daniel, quia et
fibi

phrasis ista seu metaphorica, seu proprie accepta potissimum importat. Occulta illis fuit duntaxat phraseos qualitas, quae praedicato Evangelio evasit manifestior; dum docti tres esse in Divinis personas, eam potius proprie, quam per anthropopathiam explicandam agnovimus: quor enim metaphoram dicemus, quod proprie explicari potest?

Dicere vero, Deum hoc in versu alloqui Angelos aut quatuor elementa, ad insipientiam usque delirare est: Quis enim crederet Deum Angelis suis creatoris munus voluisse communicare? omnes creaturas alias solus Deus creavit; et in productione creaturae perfectissimae adiutorium angelorum adhibuisse, credat iudaicus Apella. Num ad imaginem angelorum aut elementorum homo factus est?



fibi, et fociis interpretationem illam adtribuit, qui et coniunctis precibus a Deo illam obtinuerant. Sic et III Reg. XII. 9. et XXII. 3 Roboam suo et consiliariorum suorum nomine loquitur, et Achab duces suos secum loquentes inducit.

Marc. IV. 30. *Cui adsimilabimus regnum Dei* cet. loquitur Christus de se in plurali. Respondet Glassius: Itane vero in plurali, honoris et excellentiae causa de se loqueretur is, qui ubique et sermone et vita se extreme demittit, factus humilitatis Magister? Christus quidem de se loquitur, sed auditorum etiam, quos heic compellat, personam induit.

Locum Ioan. III. 11 *Amen, amen dico tibi, quia quod scimus, loquimur, et quod vidimus, testamur*, non proferrent Sociniani ad pseudo-Canonem suum stabiliendum; hoc enim testimonio adstruitur SS. Trinitatis Mystrium, ac explicari debet per illud I Ioan. V. 1. *Tres itaque sunt, qui testimonium dant in coelis, Pater, Verbum et Spiritus S.* Is itaque versiculus eodem modo intelligendus est, quo Ioan XIV. 23 *Pater meus diligit eum, et ad eum veniemus, et mansionem apud eum faciemus, Ego, Pater et Spiritus S.*

Ioan. XXII. 24 prima illa persona pluralis non ad solum Ioannem, sed ad Ecclesiam, eiusque membra pertinet, quorum personam induit S. Evangelista, qui in tertia persona de se loquitur: *hic est discipulus ille, qui testimonium perhibet de his, et scripsit haec.* Eodem modo explica illud Rom. I. 5. *Per quem accepimus gratiam, ego et caeteri Apostoli.* Haec sunt loca, quae Socini adseclae congerunt. Tandem etiam si nonnulla aliter explicari non possent, quam regula ab antitrinitariis illis statuta, non inde tamen sequeretur, contextum illum

lum *faciamus hominem* cet. ad eam referendum esse : aliud enim est, scripturae locum sic explicari posse, aliud sic explicari debere. Ecclesia autem sola scriptorum interpres hunc versiculum de SS. Trinitate exponit.

Observa etiam ex S. Hieronymo in cap. III Ierem. quod mutatio personarum in eodem subinde versiculo *difficilem intellectum faciat, quae si suis locis et causis temporibusque reddantur, plana fient, quae videbantur obscura.* Et in cap. II. Nahum. *Heinc vel maxime obscuri sunt Prophetiae, quod repente, dum aliud agitur, ad alios persona mutatur.* Qimhhi in Ezech. XXX. 10. *Consuetudo scripturae est, ut loquatur ad praesentem tanquam de absente, eodem sensu i. e. in secunda et tertia persona* Psal. II *Quare fremuerunt & 2 adstiterunt, loquitur Vates seu Ecclesia Christi & 3 dirumpamus loquuntur hostes Christi. & 4 qui habitat in coelis, Psaltis seu Ecclesiae verba sunt. & 6 Ego autem.* Heic loquitur Deus Pater secundum lectionem massorethicam; vel Filius secundum LXX et Vulg. & 7 *Dixit Dominus ad me, verba sunt Filii v 8 postula a me, loquitur Deus Pater ad Filium suum & 10 Et nunc reges,* concludit Psalter.

Saepeffime vero persona aliqua de se ipsa, tanquam de alia, et in tertia persona loquitur : sic Moyses facpius ait: *dixit Dominus ad Moysen* i. ad me. Et hoc sacri scriptores praeprimis observant, quando laudes suas enarrant, idque faciunt ad evitandum inanis gloriolae fucum, et ad humilitatem ostendendam. Vide Num. XII. 3. *fuit Moses vir mitissimus* cet. S. Paulus enarrans suas insignes visiones et extases de se in tertia persona loquitur: *scio hominem . . . raptum huiusmodi usque ad tertium coelum.*



Enallage verborum quantum ad tempora et modos.

I. *Quandoquidem hebraea lingua praesenti tempore careat, pro eo exprimendo modo praeteritum, modo futurum, plerumque participium usurpatur.* Praeterito utitur, et futuro pro praesenti in generalibus sententiis, quum significatur, non quod fuit, aut futurum est, sed quod perpetuo esse aut fieri debet. Psal. I. *Beatus vir, qui non הלך ambulavit* i. ambulat . . . stat . . . meditatur pro futuro meditabitur. Notatur igitur heie actus continuus, nec enim narratur res gesta, sed traditur doctrina generalis.

II. *PRAETERITUM perfectum quandoque pro plusquamperfecto, et futuro ponitur.* Gen. II. 2 *Complevitque Deus die septimo opus suum* i. e. compleverat: alioqui, si in die septimo complevisset, hoc in die laborasset, quod scripturae ibidem adversatur. In hoc exemplo, et aliis in hebraeo futurum יכל quidem est, sed conversivum in praeteritum, ob *Vaf* praepositum cum pathahh. Vide Gen. XXXVI 6 *Tulit Esau* i. tulerat; iam enim exterra Chanaan recesserat.

III. *PRAETERITUM pro futuro.* Haec enallage maxime locum habet in prophetiis, et haec praeterita in versione exprimenda sunt: est enim discrimen inter praeteritum pro futuro in prophetiis, et inter praeteritum et futurum in moralibus; nam primum singularem emphasin habet; nequaquam alterum, quum sit tantum ex consuetudine linguae hebraeae. *Mos iste est scripturarum*, inquit S. Hieron. in Ephes. III. 6. *ut interdum futura tempore praeterito declinentur; verbi causa de cruce Domini: foderunt manus meas et pedes.* Rationem subiungit: *Hoc autem ideo, ne, quia futura semper incerta sunt, hominum*

nam spes fluctuet et vacillet, ea, quae Deus cognovit, apud quem nihil ambiguum est, quasi iam facta memòrantur: ut quia praeteriti secundum philosophos quoque fieri infecta non possunt, qui audierunt, quasi iam facta habeant, quae futura sunt. Et S. Aug. in Psal. III. Ea, quae ventura prophetantur, secundum tempus futura sunt: secundum scientiam vero prophetantium iam pro factis habenda. Sic etiam R. Salomon in c. XLII Isai. Omnis lingua prophetica loquitur de futuro tanquam de praeterito: et hoc ideo, qui dictum Dei habetur pro facto. Haec prophetia apud Propheticum Evangelistam Isaiam frequens est. Parvulus natus est nobis exclamat c. IX. 6. rel. rel.

IV. FUTURUM tempus interdum pro praeterito, interdum pro praesenti, interdum etiam pro imperativo accipitur. Imo apud hebraeos futurum aequivalet omnibus temporibus, nisi velit author determinate loqui de futuro. Exemplum est in אֶהְיֶה *sum, fui, ero*. Dixi etiam, quod detur apud hebraeos *Vaf* conversivum cum patahh ו, mutatque futurum in praeteritum; si autem *Vaf* sit schevatum, non convertit, sed relinquit. Exempla vide Exod. XV. 5. Num. XXIII. 13 Iud. II. 1. ubi futura pro praeteritis sunt.

Pro Imperativo futurum ponitur, quae enallage perpetua est in praeceptis, quae negativa adpellant; Praecepta enim negativa non veniunt, nisi in forma futuri, scribit Elias Levita in lib. Habbahhur. Sic: non occides, non moechaberis rel. nec poteris dicere: לֹא תִּצַּח לֹא תִּנָּאף *Non occide, non moechare; quia nunquam venit post unam harum dictionum לֹא, לא non, כִּי ne, אִם quia, אֲשֶׁר si, אֲף etiam, לְמַעַן, בְּעֵבוֹר, propter, propterea.*



V. INFINITIVUS *pro praeterito, vel praesenti, futuro, imperativo, participio et nomine* interdum ponitur. Exod. VIII. Et Pharaon וְהִכָּבֵד אֶת־עַרְוֹ adgravare cor suum i. e. adgravavit II. Paral. XXXI. 10 וְיִשְׂבוּעַ הַהוּא אָכַל comedere et saturari et remanere plurima i. comedimus, et saturati sumus, et remanserunt plurima.

Infinitivus pro futuro. Exod. XVIII. 22 וְהָקַל מִסֵּלֶיךָ et alleviare a te, i. e. levius tibi erit. II Reg. III. 18. In manu servi mei David הוֹשִׁיעַ הַיְּהוָה salvare populum meum i. Salvabo. *Pro imperativo.* Exod. XX. 8 זָכוֹר recordari dici Sabbathi i. recordare : forte legebat : זָכוֹר. Num. IV. 1 וְשָׂא tollere summam filiorum Caath. i. e. tolle : forte olim habebatur וְשָׂא Deut. V. 5 שְׁמוֹר observe diem Sabbathi i. e. observa, vel legebat שְׁמוֹר.

Infinitivus pro participio. Iof. III. 17. Sacerdotes . . . stabant הִכָּן adcingere se, i. adcincti. Psal. hebr. XXXII. 19 Nolite fieri, sicut equus et mulus אֵין הִבִּין non intelligere h. e. non intelligentes, sive ut Vulg. quibus non est intellectus; relativum אֲשֶׁר saepe deficit, et infinitivus pro nomine substantivo usurpatur.

Infinitivus pro nomine substantivo. III Reg. VIII. 52 Et exaudies eos בְּכָל־קְרָאם in omni invocare eos h. e. in omni invocatione seu oratione ipsorum. IV Reg. XIX 27 Et sedere tuum, et egredi tuum et venire tuum scio et furere tuum contra me h. e. scissionem tuam seu habitaculum tuum et egressum tuum.

VI. IMPERATIVUS *quandoque pro praeterito, praesenti, pro futuro indicativi, et pro subiunctivo usurpatur; interdum etiam permissive exponendus est.*

Pro

Pro *praeterito* seu *praesenti* Psal. VIII. 2 *Quoniam* תָּנָה *dedisti* vel *das*, aut *ponis* vel *posuisti magnificentiam tuam super coelos*. תָּנָה imperativus est cum ה paragogico, non infinitivus. Pro *futuro* indicativi. Gen. XX. 7. *Et orabit pro te* וַחֲיֶה *et vive* i. e. *et vives*. cap. XLII. 18 וַחֲיֶה *et vivite* i. *vivetis*.

Huc pertinent, quod futura a prophetis praenunciantur forma imperandi. If. VI. 10. *Audite audientes, et nolite intelligere, et videte visionem, et nolite cognoscere: excoeca cor populi huius* cct. Imperativus est enallagice positus pro futuro, praesertim quum ratio praenunciandi urgeret; imperativus enim magis energicus est, et Dei decretum magis urget, et inculcat, licet futurum sub imperativo intelligatur hoc sensu: audietis saepe, multumque, sed non acquiescetis; videbitis etiam non semel (signa) sed non sapietis: *obcauit enim cor populi huius, pro cor vestrum, et aures eius graves, et oculi obducti: itaque nec vident oculis, nec audiunt auribus, nec intelligunt corde, ut convertantur et sanentur*.

Quando sacri scriptores utuntur imperativo, et videntur mala imprecari, *id non optantis est, sed prophetantis: non ut fiat, sed quia fiet*, scribit S. Aug. in Psal. LXXVII. 24 Et alibi in Psal. V. 11 *Prophetia est, non maledictio: non enim optat (propheta) ut veniat, sed cernit quid venturum sit*. Similiter pseudo-Hieron. comm. in cap. I Thren. *Quando sancti viri deprecatorio more contra hostes suos rogant, non voto malitiae, sed spiritu prophetiae hoc quod praesciunt, futurum praedicunt*. Ita explicabis textus: e. g. *Veniat mors super illos, item descendant in infernum viventes*. Psal. LXXIX. *effunde iram tuam in gentes* * 12. *Redde vicinis nostris septuplum* cct.



Imperativus pro subiunctivo cum coniunctione si vel quamvis. Num. XXIV. 21 *Robustum quidem est habitaculum tuum* וְשִׁי et pone in petra nidum tuum h. e. sed si posueris. Psal. LV. 5. *Irafcimi et nolite peccare* h. e. si irascimini. Vid. Nah. V. 15 Eccl. XXX. 9.

Imperativus quandoque permissive exponendus est. II Reg. XVIII. 23. *Et ait ei curre*, h. e. curras, sino, antea enim nolebat Ioab. III Reg. XXII. 22. *Egrediar et ero spiritus mendax in ore omnium prophetarum eius.* Et dixit Dominus . . . egredere et fac ita h. e. permitto, ut egrediaris, et ita facias; non enim iubet Deus, sed permittit.

OPTATIVUS modus, quo carent hebraei, variis modis apud ipsos effertur. 1. per particulam לו vel לוֹ utinam iunctum cum praeterito vel cum futuro. Num. XX 30 לוֹ גִּנְנָנוּ utinam expirassemus. 2. Cum futuro. Gen. XVII. 18. לוֹ utinam Ismael יִחִיֶּה vivat coram te. Interdum etiam usurpatur participium. Psal. LXXXI. 14 לוֹ utinam populus meus שָׁמַע audisset me. 3. per futurum sine particula. Iob. III. 3 יֵאָכֵר peribit dies h. e. utinam periisset. Vulg. pereat. 4. Per Imperativum. Psal. XLV. 5. *Et decore tuo* תִּצְלַח prosperare h. e. utinam prospereris. Huc pertinent imperativi petitorii, quibus rogatur Deus, ut suam nobis gratiam conferat, et prohibeat mala: illi imperativi optandi vim prorsus obtinent. 5. Per circumscriptionem מִי יֵתֵן quis dabit? Vide psal. XIV. 7. II Reg. XXIII. 15.

§. VI.

Hebraismi Periphrastici.

PERIPHRAISIS, *circumloquutio* est, quum pluribus verbis aliquid enuntiatur et describitur, idque maxime, vel ut veritas splendidius proferatur, vel ut vitetur foeditas. Haec figura frequens est et elegantissima. Psal. XXVII. 5 *destrues eos et non aedificabis eos* h. e. totaliter eos exscindes, ne ullus remaneat, qui familiam propaget, quia familia aedificatur per filios. Item Psal. LXXIII. 20 *Repleti sunt, qui obscurati sunt terrae domibus iniquitatum*: hi sunt latrones, qui quaerunt latebras, quales latebrae sunt Ierosolyma, postquam diruta sunt. Hebraicum nullam habet difficultatem: *quia repleta sunt loca obscura terrae domibus violentiae seu rapinae* i. e. terra, quam nobis promissisti, modo redacta est in eum statum, ut sit plena latibulis et speluncis iniquitatum seu latrociniorum, sicut sit in provinciis devastatis. Psal. LXVIII. *Infixus sum in limo profundi, et non est substantia*; nulla basis, nulla sub aut consistentia; mergor profundius et profundius; dictum de eo, qui maioribus et maioribus malis se mergi questus est. Psal. LXXXIV. 10. *Ut inhabitet gloria in terra nostra*, i. ut aedificetur templum, quod est gloria Israel. Elegans peraphrasis illa Is. XL *omnis mons et collis humiliabitur, et erunt prava in directa et aspera in vias plenas*, h. e. tam facile erit tempore Messiae consequi gratiam et Dei misericordiam, quam facile viatori iter facienti, si montes descendant, et valles ascendant; quia tum omnia essent plana.

Psal. VII. 1. *Saul* periphrastice circumscribitur *Chus filius Iemini*. Babylonia Is. XXI *desertum maris*; et cap. XXII. 1. 5. Iudaea five Ierusalem adpellatur *vallis visionis*.



nis. Gen. XXXVIII 14 bivium periphrastice dicitur *ianua oculorum*, quod illis ianua quasi aperiatur, ut eorum intuitus huc illud feratur. Iud. III. 24. *Pedes tegere* honestissima loquutione pro ventrem purgare usurpatur; hebraei enim tunicas laxas et circa corpus defluentes gestabant; unde fiebat, ut, dum corpus inclinarent ad purgandum ventrem, tunica demitteretur in terram usque, atque ita pedes contegeret. Eodem euphemismo IV Reg. XVIII, 27 If. XXXVI 12^a *urina* dicitur *aqua pedum*; partes enim ventre inferiores *pedum* nomine adpellabant hebraei: ipsa punctatio Massorethica indicat aliter legendum esse, ac literae exhibent; habetur ibi שִׁינֵיהֶם ipsa puncta legendum indicant מֵימֵי רִגְלֵיהֶם *aquas pedum* II. Paral. XXXII 21 Filii Senacherib vocantur *egressiones viscerum eius*. Iob X. 21 *Mors et sepulchrum* periphrastice describuntur per *terram tenebrosam, et operam mortis caligine*. Sic *species decoris, species Iacob* pro templo, *lacus profundus* pro sepulchro: *portae mortis* pro periculis; *exitus mortis* pro *salus praestita*, *laquei mortis, umbra mortis* pericula vitae sunt, de quibus infra.

Quod ad Syntaxin grammatices spectat, scias, hebraicam linguam superlativo gradu, quantum ad terminationem, carere, unde variis modis periphrastice exprimunt.

I. Per continuam adiectivi vel substantivi repetitionem. I. Reg. II. 3. *Ne loquamini elatum, elatum* i. elatissime, superbissime. Prov. XX. 14 *malum, malum* ait, *emtor* i. e. pessimum. If. VI. *sanctus, sanctus, sanctus* i. e. sanctissimus. Vehementissimae sunt geminationes hae: אֶרֶץ אֶרֶץ אֶרֶץ *Terra, terra, terra*, item *Templum Domini, Templum Domini, Templum Domini*. Adiectivo tamen repetito superlativus non semper exprimitur. Num. III 9.

Et

Et dabis Levitas Aaroni et filiis eius, donati donati sunt ei et filiis eius h. e. certissime donati sunt; hac enim repetitione non superlativus gradus, sed certa donatio significatur.

II. *Per substantivum in genitivo casu se ipsum regens.* Gen. IX. 25 *servus servorum erit Chanaan* i. vilissima servitute pressus, et fratribus suis subditus. Exod. XXVI. 33. *inter sanctitatem sanctitatum* i. sanctissimum locum in templo. Osee X. 15 *propter malitiam malitiae vestrae* h. e. summam malitiam. Superlativum etiam exprimunt per duo substantiva synonyma per copulam et seu *Vaf* coniuncta. Ezech. XXXV. 3 *desolationem et desolationem* i. desolatissimam.

III. *Superlativum exprimunt per adiectum regens ablativum cum praepositione ב* in Amos XIV. 15. *Homo magnus fuit בְּעֵנֵקִים* in vel inter *Anakeos* i. maximus. Praeceptum magnum בְּתוֹרָה in lege i. maximum. Vid. I Reg. XVII. 12. Cant. I. Ierem. XLIX. 15. *Ecce parvum in gentibus dedi te, et contentum in hominibus* i. minimum cet. Dein sine praepositione, substantivoque in genitivo casu per adiectivum recto. Sic גְּדוֹלֵי הָעִיר magni urbis i. optimates. II Paral. XXI. 17. *parvus filiorum eius* i. e. minimus natu. Eundem sensum efficit adfixum cum adiectivo iunctum. Ion. III. 5. מִגְּדוֹלֵים a magno eorum i. maximo וְעַד-קָטָנִים et ad parvum eorum i. minimum.

IV. *Quandoque per nomen abstractum pro concreto seu adiectivo positum.* Gen. III. 6 *Viditque mulier, quod bonum esset lignum ad vescendum, et תַּאֲוָה desiderium oculis* i. e. desideratissimum. Gen. XII. 2 *erisque בְּרָכָה benedictio* i. benedictissimus. Cant. V. 19. *Guttur illius dulcedines* i. suavissimum. *Vir orationis* i. multum orans. *quia desideria tu es* i. vir desideriorum.

V.



V. Per adverbium intendendi מְאֹד valde adiectivo adpositum. Gen. I. *Viditque Deus cuncta . . . et erant מְאֹד valde bona* i. optima. Quodsi adverbium istud repetatur, auget emphasin. Num. XIV. 6 *Bona est terra valde valde* i. perquam optima. Matth. II. 10 *gavisi sunt gaudio magno σφoδpα valde, i. maximo.*

VI. Per syllabae vel literae in substantivo repetitionem, quae ad intendendam significationem, reique duplicationem facit. Exod. XV. 16 *אִמְתָּה maximus terror* ab אִמָּה *terror*, cuius ultima litera ה mutatur in ת et additur praeterea aliud ה nota foemin. gen. sic יְשׁוּעָתָה *maxima salus* a יְשׁוּעָה. Et in alia forma, geminatis nempe radicalibus; ut: תַּלְחִלָּה *dolor maximus* a חוּל *dolere*. Is. LXI. 1 פֶּקַח-פֶּקַח *omnimoda apertio*, ubi scribitur ut duae voces, sed unica est constans ex geminatis duabus ultimis radicalibus a פֶּקַח *aperuit*. In adiectivis. Ierem. XLVI. 20. יָפֶה-יָפֶה *pulcherrima* a יָפֶה *pulcher*. unde יְפִיפִית *pulcherrimus fuisti*. Thren. I. 20. *viscera mea חֲמַרְמָר maxime turbata sunt* ab חָמַר *turbari* in pual.

VII. In specie superlativus gradus effertur quibusdam vocibus, quae miram emphasin ac intensiorem in lingua sancta obtinent. Illae autem sunt.

בְּכוֹר PRIMOGENITUS, quo nomine in scripturis vocatur, quod in suo genere excellit, et summum est. Metaphora autem desumitur ex nobilitate et praestantia iuris primogenitorum, eaque vox tam in bonum, quam in malum usurpatur. Psal. LXXXIX. 28. *Ego בְּכוֹר primogenitum ponam illum (Christum) excelsum in regibus terrae* h. e. mirum in modum exaltabo. Job XVIII. 30 *Comedat ramos eius (impii) בְּכוֹר-מוֹת primogenitus mortis*

tis



tis i. e. mors cruentissima. R. Levi per *ramos* intelligit *membra*, R. Qimhhi intelligit *brachia*, unde per hanc mortem *famem* intelligit, quae inter alias mortes velut principatum tenet. quia non contigit, quod homo comedat carnem brachiorum suorum, nisi ob maximam famem. If. XIV. 30 *Pascentur primogeniti pauperum* i. iudaei pauperrimi, multisque calamitatibus adtriti. Sic cum verbo inde deducto: Ezech. XLVII. *Per singulos menses יִבְכֹּר primogenitabit* (arbor pomifera) h. e. fructus praestantissimos proferet. Col. I. 15 Christus dicitur *primogenitus omnis creaturae* h. e. princeps et Dominus omnium creaturarum, non ut creatura, sed ut creaturarum conditor. Apoc. I. 5 *primogenitus ex mortuis* i. praestantissimus; sequitur enim, ut sit ipse in omnibus *primatum tenens* tum ratione personae, quia divina est, tum ratione potentiae et operationis; illius enim merito et virtute omnes credentes ad vitam resurgunt.

חֵלֶב ADEPS sive MEDULLA, quae pro optimo cuiusque rei ponitur. Gen. XLV. 18 *ut comedatis adipem* Vulg. medullam terrae h. e. fructus terrae selectissimos. Sic Στρεπ πτερυγίων pinguedo tritici i. optimum triticum.

Hebraei, quae summa dicere volunt, enuntiant per יְהוָה אֱלֹהִים, nempe per nomina Dei, quibus, quod est excellentissimum, et maximum et vehementissimum est, significatur. Sic *montes Elobim* sunt montes maximi; *iustitia Dei sicut montes Dei* i. iustitia maxima; *Arbores יְהוָה Cedri Dei* sunt arbores procerissimae, altissimae. *Princeps Dei es apud nos* Gen. XXIII. 6. i. princeps maximus. *Civitas magna Domino* i. maxima. Utuntur etiam subinde voce *Angeli* Sap. XII. 20 *Esca Angelorum* i. iucundi adeo saporis, ut dici posset angelorum manu praeparatam ac eorundem cibum esse.

Hebra-



Hebraismus peraphrasticus eleganter accedit in voculis **בָּעַל** Dominus, **בֶּן** filius, **בַּת** filia, **אִישׁ** Vir et **אָנוּשׁ** homo **בֵּית** Dominus.

בָּעַל significat i rei possessionem. Exod. XXII. 7. Dominus. Domus i. paterfamilias. I Sam. XXVIII. 7. Domina pythonis pythonissa. IV Reg. I. 8. Dominus pili i. pilosus. Dominus alae i. habens alas, aut alatus. Dominus rostrorum i. rostra habens. Dominus cornuum cornutus rel.

2. Significat rei subiectum Gen. XIV. Domini foederis Abram h. confoederati cum Abraham. Viri iuramenti i. coniurati, foederati. Dominus somniorum, somniator. Domini sagittarum sagittarii. Dominus verborum seu negotiorum, qui habet controversias, vel dubia aliqua. Cant. VIII. 11 Vineam est Salomoni (Vulg. pacifico, vocem **שְׁלֹמֶה** ut adpellativam accepit) **בְּבֵעַל הָמוֹן** in domino multitudinis, vini scil. i. e. in loco feraci.

3. Significat loci incolam seu habitatorem. Num. XXI. 28 Domini Excelsorum i. habitatores Excelsorum. Iud. IX. Domini Sichem i. habitatores.

4. Significat rei alicui quacunque ratione deditum. Eccle. XII. 11 Verba sapientum quasi stimuli (sunt) et clavi infixi, Domini collectionum. h. e. qui in dicta sapientum colligenda incumbunt. Dominus dissipationis i. prodigus.

בֶּן filius **בַּת** filia varios hebraismos gignunt. Filii Belial h. e. viri iniqui. **בְּלִיַּאל** Belial enim componitur vel ex **בְּלִי** non et **יָעַל** in hiphil profuit, h. e. secundum hebraismum nocuit: vel ex **בְּלִי** sine, et **עַל** iugum q. d. vir sine iugo, qui iugum legis ac timoris Dei excussit. II Reg. II. 7 filii fortitudinis h. e. robusti. filii fideiussio-



num h. e. obfides. *Cornu filii olei* i. Clivus pinguis, adeoque uberrimus. *Filii lucis* homines a Deo inluminati, quibus ibidem obponuntur *filii huius saeculi*, huius mundi vanitatibus addicti: vel etiam accipiuntur pro hominibus adhuc viventibus, quibus obponuntur *filii resurrectionis*. *Filius mortis* i. morte dignus et sic de plurimis. Exod. XII. 5. *Agnus . . . filius anni* i. anniculus. Ion. IV. 10 *filius noctis* i. qui una nocte crevit et periit. Gen. XV. 3 *filius domus meae*. i. e. vernaculus meus. *Filii populi mei* i. e. cives mei. *Filii Provinciae* i. incolae. *filii Orientis* orientales populi. Ezech. XXX. 5. *filii terrae foederis* h. e. incolae terrae illius, quibuscum foedus initum est, seu simpliciter iuncti foedere. *filius arcus*, sagitta. *filii pharetrae* i. sagittae, quae in pharetra continentur. *filius Areae*, frumentum, quod in area trituratur et ventilatur. *filia maris*, navis, *filii prunorum*, scintillae. Matth. IX. 15. *οἱ υἱοὶ τοῦ νυμφῶνος filii thalami nuptialis* h. e. amici sponsi. Job. XXXVIII. 32 Nunquid . . . Arcturum *בְּנֵי* cum filiis suis deduces? per coelum scil. h. e. Arcturum cum stellis propinquis. *Filii cantici* i. aures, in quibus recipitur cantionum sonus. Cant. VI. 14 *porta filia multorum* h. e. maxime frequentata. Is. XIV. 12. *Quomodo cecidisti Lucifer de coelo* *filius aurorae* h. e. ut LXX. *mane oriens*: hac autem periphrasi stellae matutinae, aut Luciferi rex Babylonis significatur, ut liquet ex contextu.

Ezech. XXVII *Transstra tua fecerunt ex dente filia gressuum* ita hebraeum, i. e. ex ebore optimo; illud enim ebur praestantissimum est, quod ab elephantibus defoditur in terram, et in ea pedibus teritur. Gen. XLIX. 22 *בֶּן פִּירֵת filius fructificantis* seu frugiferae (arboris) *Ioseph* h. e. ramus foecundus. LXX *filius adcre-*
scens,



scens, videntur legisse מִן פִּירָה. Item מִן significat *discipulum*: sic *fili propbetarum* i. discipuli.

אִישׁ *Vir* hos parit hebraismos: *Vir verborum* i. eloquens. *Vir formae* i. pulcher. *Vir sanguinum*, *vir Belial* vir sanguinolentus, homicida et nequissimus. *Vir labiorum* i. e. verbosus. *Vir amicorum* i. cui sunt amici. *Vir muneris* munificus, qui large dat munera: aut in malum *Vir munerum* Prov. XXX. 4 muneribus inhians, qui capitur muneribus. *Vir correptionum*, saepius correptus. *Viri pecoris* i. pastores. *Viri cordis* i. cordati, prudentes. *Vir terrae*, agricola. *Vir agri*, crebro in agrum egrediens venationis ergo, venator. *Viri domus* domestici. *Vir rixae* i. rixosus, aut etiam passive, cui litis intenditur. *Vir voluntatis meae* i. qui voluntatem meam perficiat. Psal. LXXX. 18 *Fiat manus tua super virum dexteræ tuæ* i. e. quem dextera tua seu virtute tua protegis. Eadem eleganti periphrasi homines, qui potentia, opibus cet. a Deo concessis ad oppressionem pauperum et innocentium abutuntur, vocantur *inimici manus Dei*, nam *homines manus Dei* sunt, quibus Dominus robur et vires concessit. Vide infra.

בֵּית *Domus* hos gignit loquendi modos. *Domus servorum* h. e. locus, in quo dura servitute premebatur populus israeliticus. *Domus vincitorum* i. carcer. *Domus remotionis* i. locus remotus. *Domus aeternitatis* i. sepulchrum. *Domus vini* i. cella vinaria. Is. III. 21. *Domus animæ* h. e. Olfactoriola. Alii myrothecia, in quibus servantur unguenta pretiosa, quæ recreant animam, ac veluti in corpore, ceu in domo, animam retinent, quum ex eo per deliquium videbatur exire. Alii per *animam* intelligunt halitum, quem ex se exhalant pixides olfactoriae.



§. VII.

Hebraismi Synecdochici.

SYNECDOCHE tropus est, quo totum pro parte, et vice versa pars pro toto ponitur. Totum autem vel est *genus*, vel *integrum*; pars vero est *species* vel *membrum*. Antequam de eruditis propheticis loquutionibus synecdochicis, quibus David, Salomon, et Prophetæ usi fuerunt, loquar, faciliora præmittam, quæ viam ad difficiliora pandunt. Synecdoche itaque generis est, quum *genus* pro *specie*, vel *universale* pro *particulari* accipitur. Duplex illa generis synecdoche facile distinguitur; prior enim est, quum universalitatis notandæ signa adhibentur, qualia sunt *omnis*, *quicumque*, *nullus*, *nemo* rel. Posterior, quando usurpantur vocabula, quæ universalitatem quamdam, pluralitatemque suo significatu exprimunt.

OMNIS pro maiori parte sæpius ponitur, ita ut *omnes* sint pro *multis*. Sic Exod. IX. 6. *mortuæque sunt omnia animantia Aegyptiorum* h. e. omnia, quæ in agro erant ex v. 19. 25. Ioan. X. 8 *omnes, quotquot* (græce *ante me*) *venerunt, fures sunt et latrones* i. e. omnes, qui nec vocati, nec missi fuerunt rel. Moyses enim, prophetæ et Joannes baptista latrones non fuerunt.

Huc pertinet, quod universalis propositio affirmativa quandoque intelligenda sit non de singulis individuis, sed de quibuslibet speciebus, vel quæ antiquorum dialecticorum vox est: non de singulis generum, sed de generibus singulorum. Gen. II. 16. *Ex omni ligno paradisi comedet*, præterquam arboris scientiæ boni et mali. Joel II. 28 *Effundam spiritum meum super omnem carnem* i. omnis generis homines, non erit distinctio Judæi et

H

græci,



graeci, fervi et liberi, maris et foeminae. Sic et propositio universalis negativa quandoque restringenda est, et in particularem convertenda. *I. Reg. XIX. 11 Et non loquutus est Saul quidquam in die illa*, nempe de Davidis absentia *Psal. XIII. non est qui faciat bonum; omnes declinaverunt.* *Matth. V. 34 ego autem dico vobis, non iurare omnino h. e. temere, leviter.*

Posterioris generis exempla quod adtinet, nomina latiora pro angustioribus et universaliora pro specialioribus usurpantur.

I. CARO pro homine. *Gen. VII. 12. omnis quippe caro corruperat viam suam* i. omnes homines.

DOMICILIUM sive *habitaculum* pro carcere. *Aët. XII. 7 Ecce Angelus Domini adstitit, et lumen refulsit in habitaculo*, i. carcere: sic etiam carcer Athenis vocabatur teste Plutarcho.

DOMUS pro templo *Luc. XI. 51. Qui (Zacharias) periit inter altare et domum* i. e. templum.

LINGUA pro lingua maledica, sive pro detractioe et calumnia. *Psal. CXXXIX 12. Vir linguae non dirigitur in terra* h. e. vir maledicus non prosperabitur.

MUTATIO pro morte, quae maxima omnium mutatio est. *Iob XIV. donec veniat immutatio mea* i. mors mea. Vide *Prov. XXXI. 8* ubi בְּנֵי חַלּוּף filii mutationis, sive transitus, sunt rei mortis, et interfectioni destinati.

STATUTUM (חֹק) pro cibo ordinario et quasi dimenso *Gen. XLVII. 22 Et comedebant (sacerdotes) חֹק statutum suum, quod dederat illis.* Eleganter *Vulg. quibus statuta cibaria ex borreis publicis praebebantur.* Sic *Prov. XXX. 8 Nutri me pane (חֹק) statuti sive dimensi mei.* Solebat enim, maxime servis (quod etiamnum cernimus

mus quoad quosdam milites) panis certo pondere et mensura, qui sufficiebat, dietim distribui. Vulg. *tribue tantum victui meo necessaria.*

II. *Verba generaliora pro specialioribus posita.*

ABDUCERE, aut ducere pro rapere ad supplicium. Aët. XXII. 19. *Herodes . . . iussit eos ἀπαχθῆναι abduci seu duci ad supplicium scilicet.*

ACCIPERE (לקח) in scripturis synecdochice adhibetur pro emere seu comparare. III Reg. XXVIII. *Negotiatores Regis accipiebant (equos) de Coa i. emebant.* Dein pro discere. Prov. I. 3. לקחת ad discendam eruditionem doctrinae: unde nomen לקח doctrina Prov. IV.

AFFLIGERE pro constuprare et comprimere mulierem. Iud. XIX. 24 *Educam eas ad vos, ut adfligatis eas (Vulg. humilietis)* Idem verbum de animabus usurpatum ieiunare significat. Lev. XVI. 29. *Mense septimo . . . adfligetis animas vestras i. e. jejunabitis.*

APERIRE pro arare et terram colere. Is. XXVIII. 24 *Numquid tota die arabit arans, ut serat: יפתח aperiet et sarriet humum suam.* 2. pro sculpere in gemmis, aere, lapide cet. utrumque enim aperiendo fit. Exod. XXVIII. 9 *fianesque duos lapides Onychinos יפתח et aperies in eis nomina filiorum Israel.*

III. Synecdoche speciei est, quum species pro genere, vel particulare pro universali ponitur. Sic *multus* pro omnis. Dan. XII. 2. *Multi de his, qui dormierant in pulvere terrae, evigilabunt, i. omnes.* Sic de Messia Is. LIII. 12. *Ipse peccata multorum tulit h. e. omnium.* Sic Pater pro Avo. II Reg. IX. 7. *Restituam tibi omnes agros Saul patris tui i. avi tui.* Et frequens est in scripturis mos dicendi, quo fratres pro cognatis et con-



sanguineis ponuntur. Sic Iacobus dicitur *frater Domini*.

LAPIS pro qualibet re noxia agris. Iob V. 22. *Sed cum lapidibus agri (erit) pacem meum* h. e. lapides, qui agros steriles efficiunt, tuo non nocebunt, nec eius fertilitatem impediunt: heic etiam agri noxium pro quovis detrimento per synecdochen accipitur. Nota phrasin: *foedere iungi* pro non nocere: cui enim foederatus quis est, ille non nocet.

LEO pro quavis immani bellua. Is. XV. 9. *His qui fugerint de Moab, ponam seu inmittam leonem* i. c. omnis generis feras bestias, quae eos devorabunt.

RAPINA (רַפִּינָה) *praeda*, qua ferae vivunt, pro quavis esca seu cibo sumitur. Prov. XXXI. 15 *deditque praedam domesticis suis*. Supra v 11 *et spoliis non indigebit* i. rebus domui necessariis, cibariis, quae ita vocat per allegoriam *mulieris fortis*, adludens ita ad invictum labore animum, quo ea comparare studet.

SANGUINUM voce denotantur 1. homicidia, caedes. 2. reatus et poena. Lev. XX. 9. *Patri matrique qui maledixerit בִּימיו דְּמָיו sanguines eius (sint) super eum* h. e. morte moriatur. 3. Peccata quaelibet gravissima. Psal. L. 16 *Libera me de sanguinibus* h. e. non solum de reatu caedis illius, sed de quibuslibet aliis gravissimis peccatis.

VESTIS pro quibusvis necessariis, et rerum abundantia. Is. III. 6. *Vestimentum tibi est, princeps noster esto*. Vide etiam v 7.

DUPLEX seu duplicia pro multo, et eo, quo plus satis est. Is. XL. 2. *suscepit (Ierusalem) de manu Domini duplicia pro omnibus peccatis suis* h. e. satis superque castigata



gata est. *Duo vel bis pro saepe*, aut aliquoties. Pſal. hebr. LXII. 12 *semel* (i. e. constanter et inmutabiliter) *loquutus est Deus*, *duo haec audiui* i. e. saepe hoc audiui, saepius mecum repeto, nim. quod Deus solus salvare potest, proindeque spes in eo; non in robore, opibus cet. reponenda sit. Est itaque synecdoche speciei, nempe numeri certa pro multitudine indeterminata.

SEPTENARIUS numerus pro multitudine infinita: unde Kimhhi in If. IV. *mos est scripturae, septenarium numerum pro multis usurpare; propterea quod omnes dies saeculi in septimanas distribuantur*. Lev. XXVI. 18. *Addam correptiones vestras septuplum propter peccata vestra* i. e. peccata vestra multipliciter puniam. Septenarius numerus interdum dividitur in tria, quatuor. Amos I. 3. *super tribus sceleribus Damasci, et super quatuor non convertam eum*. h. e. super septem vel potius multis sceleribus populi Damasci non convertam eum ad me per poenitentiam, quod fecissem utique, si bis aut ter tantum peccasset: atquia *septies* i. multoties peccavit, non convertam eum.

Septenario numero Octonarius additur, quo maior numerus itidem indefinitus exprimitur. Eccl. XI. 2. *Da partem* (panis tui i. bonorum tuorum) *septem*, *nec non et octo* (h. e. multis) *quia ignoras, quid futurum sit mali super terram*; ingruere enim potest calamitas, qua tu ipse bonis tuis spoliatus aliorum ope indigeas. Heinc *septies* adverbialiter pro *saepe* crebro ponitur: adludit ad hunc locum S. Ambrosius l. V. in Luc. VI. *Et mandatum accipis octo illis partem dare*. Gen. IV. 15. *Qui occiderit Cain, septies punietur* Vulg. septuplum; numerus certus pro incerto, i. e. gravius ipso Caino punietur, utpote qui eius exemplo et suppliciis ab homicidio per-



petrando deterritus non fuerit. Eodem sensu dicitur *† 24 de Lamech septuagies septies ultio dabitur*, h. e. qui occiderit Lamechum, longe adhuc gravioribus suppliciis adficietur.

DECEM pro multis. Gen. XXXI. 7. *Mutavit mercedem meam decem vicibus* i. plurimis. Item pro *paucis*. II. VI. 13. *Adhuc in ea* (terra Iuda) *erit decimatio* h. e. pauci aliquot supererunt. alii sic explicant: *adhuc erunt decimae* i. terra Iuda iterum habitabitur, decimas et primitias offeret.

IV. *Verba quaedam specialiora pro generalioribus synecdoche ponantur.*

INGREDI et EGREDI pro omnibus vitae actionibus et officiis usurpatur. Num. XXVII. 21. *Ad verbum eius* (Domini) *egreditur et ingreditur* i. e. omnes suas actiones instituet vide II Paral. I. 10. Nota Phrasin. *furgere et sedere* pro quibusvis vitae actionibus. Psal. CXXIX. 2. *Tu cognovisti sedere meum et furgere meum*. Vul. *fessionem et resurrectionem meam* i. e. omnes vitae meae actiones exploratas habes.

VENIRE נִבַּח pro ire, vadere. Heinc Ioan. XX. 1 Maria dicitur *venisse* ad monumentum, *dum adhuc essent tenebrae* h. e. ire incepisse: eo enim pervenit orto iam sole.

V. Synecdoche temporis frequens in scriptura occurrit, ubi tempus pro temporis parte ponitur. Gen. XVII. 8 *daboque tibi et semini tuo terram . . . in possessionem* אֲרָצָא *in aeternum*, h. e. quamdiu politia iudaica durabit. Exod. XXI. 6 *et erit ei servus in saeculum* h. e. usque ad iubilaeum. Ierem. V. 15 Babylonii dicuntur *gens ab aeterno* i. e. antiqua. Ibid. XVII. 4 et XXV. 9 Iudaeorum servitus duratura dicitur אֲרָצָא *in aeternum*,
quae

quae tamen ו' II *septuaginta* annorum spatio definitur. Itaque vox וְעוֹלָם et *indefinitum* et *definitum* tempus significat pro locorum circumstantiis: neque in nostris codicibus hebraicis animadvertitur discrimen. Dicit quidem S. Hieronymus in cap. I. ep. ad Gal. quod, quando *Holam* cum *Vaf* scribitur, aeternitatem significet: ubi vero sine *Vaf* scribitur, annum quinquagesimum; quem hebraei iubilaeum dicunt. At hoc discrimen in bibliis hodiernis etiam adcuratissimis nequaquam observatur: nam Exod. XV. 18 *Dominus regnabit וְעוֹלָם in aeternum et ultra*, vox *holam* scribitur sine *Vaf*. Vice versa Deut XV. 17 ubi lex eadem refertur, quae supra Exod. XXI. 6. וְעוֹלָם cum *Vaf*, quamvis tempus finitum denotet. Forfan in codicibus S. Hieronymi illae voces ita scriptae fuere.

VI. Synecdoche *partis pro toto*, seu *membro pro integro*. Sic

ANIMA pro toto homine Gen. XII. 5. *Tulitque (Abram) Sarai uxorem suam . . . et animas, quas fecerant in Haran.* Sic et corpus pro toto homine. Exod. XXI. 3. *si cum corpore suo venit (servus) cum corpore suo egredietur* i. e. si solus venit sine uxore, solus egredietur; si autem habuerit uxorem, quando venit, egredietur et uxor cum illo, i. libertate donabitur. Similiter sanguis Psal. XCIII. 21 *et sanguinem innocentem condemnabunt* h. e. hominem innocentem. Pariter Caput. IV. Reg. II. 3. *Nunquid nosti, quia Dominus tollet Dominum tuum a capite tuo* h. e. a te. heinc

Phrasis ista: *sanguinem esse super caput alicuius*, est ipsummet mortis suae causam esse, vel poenam peccati sui luere.



Oculus, facies. Matth. XIII. 16 *Vestri autem beati oculi, quia vident* h. e. vos autem beati, qui videtis. Heine *oculi elati seu sublimes* pro hominibus superbis ponuntur. *Os oris.* Prov. VIII. 13 *Os perversitatum detestor.* Vulg. *Os bilingue.* h. e. hominem perversum, mendacem. Cor, Gen. XXXI. 26. *Quid fecisti, et furatus es cor meum, et abduxisti filias meas?* quare ita egisti, ut clam a me abigeres filias meas. In hac autem phrasi *furari aliquam*, videtur esse quaedam hypallage pro *furari se ab aliquo* h. e. per metaphoram, clam eo se subducere.

VII. Haec synecdoche etiam in hominibus coniunctis conspicitur, et quando Parens pro filiis et posteris nominatur. Sic *Ephraim, Ioseph*, pro toto populo Israelitico, *Beniamin* pro omnibus Iudaeis. Imperator, caput et dux exercitus, pro toto exercitu. I. Reg. XVIII. 7 *Percussit Saul mille, et David decem millia* h. e. David cum suo exercitu. Exod. XII. 40 *Habitatio autem filiorum Israel, qui manserunt in Aegypto, fuit quadringentorum triginta annorum* *) ubi per filios Israel simul intel-

ligen-

- *) Ingens librariorum incuria irrepsit mendum in textum hebraeum, ac ex eo in nostram Vulgatam; quum iuxta accuratissimam chronologiam hebraei non pluribus, quam 215 annis in Aegypto commorati sint: ut ergo illi 430 anni habeantur, computandi sunt anni, quibus *Abraham* (nempe ab anno 75 aut 76, quo in Chanaan peregrinari coepit) *Isaac* et *Iacob* peregrinati sunt. Sic expresse habet textus Samaritanus, qui etiam hebraeus est folis characteribus ab hebraeo distinctus. *Commoratio autem filiorum Israel et patrum eorum, quam habitaverant N. in terra Chanaan et in terra Aegypti, quadringentorum fuit et triginta annorum* ita etiam LXX, utrumque Talmud Ierosol. et Babylon. Ut autem mendum hoc, quod certe non Moyse Hagion-grapho, sed librariorum negligentiae adscribi oportet, ex ipsa
- chro-

ligendi sunt et Pater, qui *Iacob* est, et avus *Isaac*, et Proavus Abraham; stirps enim cum posteris ut unum

H 5

quod-

chronologia pateat. Nam in historia Mosaica I Paral. constat *Caath* filium *Levi*, *Amrami* fuisse patrem et avum Moysis. At *Caath* cum patre suo *Levi* et avo *Iacob* in Aegyptum descendisse dicitur Gen. XLVI. 11 Eundem porro nonnisi 133 et Amramum solum 137 annis vixisse, habetur Exod. VI. 18. 20. His si addas annos Moysis, Amrami filii, scil. 80, quos agebat, dum eduxit filios Israel, summa omnium erit 350. Detrahendi ab hac summa sunt anni, tum quos *Caath* post natum Amramum, tum quos Amramus egit post natum Moysen: quis enim utrumque anno vitae suae praecise ultino genuisse dixerit? Detrahendi sunt item anni, quos ante descensum in Aegyptum exegerat ipse *Caath*, ne iidem anni bis numerentur. Haec unica demonstratio, ut alias brevitatis causa praeteream, sufficiat, ad convincendum mendum in hebraeo cubans.

Neque me latet, quosdam dicere in citato, aliisque locis aliquas generationes fuisse omissas, sicut et Matthaeus tres generationes omisit: vide etiam librum Ruth. At dico, sine fundamento aliquas generationes heic obtrudi: vel enim Moysi istae generationes cognitae erant vel non? Si primum; quor illas omisit nulla interveniente et cogente causa? Si non; qua ratione novas Moysi, totique antiquitati ignotas generationes obtrudere audes? Scriptura, ubi subin aliquid in uno loco omittit, supplet in alio, ut patet in libb. *Sapientia* et *Paralippomenon*. Quod Matthaeus tres illas generationes omiserit, scimus ex aliis sacris libris, illumque suas habuisse rationes illas omittendi, certum est; At Moysen illas generationes omisisse, nullo solido fundamento adferitur, maxime, quum sciamus, nullum Moysen in conscribendis genealogiis-patriarcharum fuisse adcuratorem, atque perfectam nobis voluisse tradere historiam: oportuit ergo, ut et illas si cognitae sibi fuissent, exprimeret, non subprimeret generationes. Potius ergo dicendum, modernum textum hebraicum esse mendosum, maxime, quum id dicendi adsint fundamenta gravissima, ex autoritate textus Samaritici, qui pariter hebraeus est, et LXX Interpretum. Vide dissertationem R. P. Smitii in hunc locum, et dissertationem de annis Sale et Arphaxad.



quoddam integrum considerata est. II Reg. XI. 32 *Porro una tribus remanebit ei propter servum meum David:* cum hac tribu coniungenda est pars tribus Benjamin et Simeonis; ei insuper ad censendi sunt Levitae, cum quibusdam de populo, Idololatriam Ieroboami detestantibus.

VIII. Synecdoche *partis pro aliis rebus.* Sic AGER pro tota regione. Gen. XIV. 7 *Et percusserunt omnem agrum Amalecitarum* i. omnem regionem.

ANGULUS pro arce vel turri. Sophon. I. 16. *Dies tubae et clangoris super civitates munitas et angulos excelsos.* h. e. arces seu turres excelsas.

CLAVUS pro tentoriis militaribus, quae clavis panguntur et adfiguntur. Zach. X. 4. *Ex ipso* (Domino) *angulus* (i. e. turres et propugnacula, ut supra) *ex ipso clavus* (Vulg. *paxillus* i. tentoria) *ex ipso arcus praelii* h. e. omnis generis arma, nam arcus saepe sumitur pro omni armorum genere, quia arcu maxime utebantur veteres.

LAPIDES pro structura redintegrata. Psal. CI. 15. *quoniam placuerunt servis tuis lapides eius*, Sionis scilicet, i. e. quoniam avidissime cupiunt servi tui urbem sanctam restaurare; et sequitur: *terrae eius* (subaudi modo iacentis in vastitate et penitus combustae) *miserebuntur.*

MURUS, PORTA pro urbe. Amos I. 7. *Et mittam ignem in murum Gazae* h. e. in urbem Gazam, et devorabit aedes eius. Gen. XXII. *possidebit semen tuum portas inimicorum tuorum* i. e. urbes. Vox eadem metonymice etiam sumitur pro incolis urbis, qui per portas ingrediuntur et egrediuntur. Ruth. II. 11. *Quia novit omnis porta populi mei* i. omnis populus, qui habitat intra portas urbis meae.

IX. Synecdoche TEMPORIS, quae non rara est, et qua pars temporis pro toto tempore, eoque vel indefinito, vel definito ponitur.

DIES pro tempore. Gen. VIII. 22. *Cunctis diebus terrae* h. e. toto tempore, quo terra perseverabit. Vox illa videtur etiam accipi pro aeternitate. Is. XXIV. 22 *Et congregabuntur* (Daemones aliique reprobi) *congregatione unius fascis in lacum* (h. e. quemadmodum colligitur fascis, ac in ignem proiicitur) *et cludentur ibi in carcere*, (i. in inferno) *et post multos dies visitabuntur*. Ita Vulg. hebraeum tranſtulit, quod etiam verti poteſt וְיָמֵי מַרְבֵּן *et in multitudine dierum* (h. e. in aeternum) *puniuntur*. Nam praepositio מ interdum etiam ſignificat *in*, ut Exod. XXXII. 30. Verbum פָּקַד *visitavit* in malum quandoque accipitur, nempe pro *punire*.

SABBATHUM pro tota hebdomada. Luc. XVIII. 12 *Ieiuno bis in Sabbatho* i. in hebdomade, nempe die ſecundo et quinto, h. e. lunae et Iovis. Iudaei, qui prae coeteris religioſi videri cupiunt, etiamnum his diebus ieiunant. Alias Sabbathum etiam pro aliis feſtis ſumitur. Sic. *A vespere usque ad vespeream celebrabitis Sabbatha vestra* i. feſta.

MANE pro continuo tempore. Pſal. LXXII. 14 *Et fui flagellatus tota die* (i. nulla dies abiit, in qua non aliquam ſerre me calamitatem oportuerit) *et caſtigatio mea* (paſſive, qua caſtigatus fui ab impiis) *in matutinis* i. e. quovis mane, quotidie, continuo.

VESPERE et MANE pro νύκθήμερον i. e. tota nocte et die. Gen. I. *factumque est vespere et mane dies unus* i. primus. Mentio ſit vespertini temporis ante matutinum, quia iudaei a vespere incipiunt diem.



De eruditis propheticis loquutionibus synecdochicis pauca adhuc loquar; pluribus iam supra egi cap. I de hebraïsmis convivialibus, militaribus cet. Sic *Sal* apud hebracos synecdochice fumitur pro toto Convivio: et quia foedera et pacta incuntes convivantur ex victimis; victimae autem sunt salitae, et in duas partes sectae, ideo dicimus hebraice: *בְּרִית בְּרִית* *discidit id*, quod est comedendum, *בְּרִית* enim *edere* significat: ex quo altera phrasis synecdochica: *בְּרִית מִלֵּחַ* *foedus salitum* h. e. foedus tali ritu constitutum, edendi nempe et victimis salitis et sectis, seu foedus, quod habet omnes solemnitates; et vice versa *בְּרִית מִלֵּחַ* erat sal ad victimas foederatas adhibitus, convivium foederale. Per aliam synecdochen panis et vinum est integrum convivium, seu refectio. Vulgares synecdochicae sunt, quae passim per psalmos et alios libros metricos dispersae sunt: v. g. *introite portas eius* i. e. templum. Psal. LXVII. II *Animalia tua habitabant in ea* h. c. coetus Israelitarum Basanitidem, ceu haereditatem occupabit. *Ascendisti in altum*, illud *לְמָרוֹם* *altum* est arx Sionaea, quam David Iebusaeis eripuit, et in quam arcam transtulit. *Currus Dei* *רֶכֶב אֱלֹהִים* pro illo adparatu glorioso Angelorum stipantium, cum quibus Deus adparuit in Sinai. *Mirabilis Deus in sanctis suis*; sancta pro Hierosolymis. Erudita autem Synecdoche in Hellenismum formata est in Paulo I. Cor. X. 4. *bibebant autem de spirituali, consequente eos petra*. At quomodo petra sequi potuit? respondeo: bibebant de aquis ex petra a Moyse elicitis, et aquae istae in alveum effusae sunt, et alveus castra iudaeorum sequutus est.

Actiones pro rebus actis. Immissiones per angelos malos Pf. LXXVII. 49. Actionem heic accipi pro poenis, aerum-

aerumnis, plagis, quae iussu Dei ab Angelis immiffae sunt. *Praecipitationes* pro technis, et artibus malis, quibus alii innocentes praecipitantur. Ornatissima phrasif Psal. XLI. *Effudi in me animam meam*: sacer scriptor effusionem accipit pro ipsa laetitia seu homine exhilarato, et favoribus divinis excitato. Psal. LXXXVIII. 19. *Domini est adsumptio nostra*; adsumptio pro ipso Rege adsumto h. e. nos habemus Regem adsumtum a Deo, et is David est, quem elegit sanctus Israel. v. 52 *quod exprobraverunt commutationem Christi tui*; heic sacer Psalter commutationem sumsit pro ipso Messia; dicitque ita affligi Iudaeos, quasi iam ex mente ipsorum hostium evanisset promissio de venturo Messia exprobrabant hostes: quanti est aestimandus tum ipse, tum promissiones de eo factae dicebant, quod non sit venturus, qui populum liberet ex promissionibus factis.

§. VIII.

Hebraismi Metonymici.

Metonymia figura est, qua vel causa pro effectu, et vicissim, vel subiectum pro adiuncto, et vicissim, vel signum pro signato cet. ponitur. In sacris literis frequens est figura haec:

I. *Persona aut causa efficiens ponitur pro effectu.* Psal. L. 12. *spiritum rectum innova in visceribus meis* v. 13 *spiritum sanctum tuum ne auferas a me* v. 14 *spiritu principali confirma me*: quum caro et spiritus obponantur, carne corruptus homo per peccatum et mala quaevis opera; spiritu vero, donum regenerationis spiritus s. sive quod idem est, ipse homo regeneritus intelligitur. Petit Rex poenitens *spiritum rectum* i. animum firmum et constantem



tem, quo non dimoveatur impofterum ab obfequio Dei; petit, ut innovetur in *visceribus suis* i. in intimo, ut totus repleatur. Petit confirmari *spiritu principali*, LXX *πνευματικῶς Ducali*, qui dux fit feu ducat. Num. XL. 17. *Auferam de spiritu tuo, tradamque eis* (LXX fenioribus ex Israel) *ut fuficient tecum onus populi*. Per *spiritum* eo loco intelligit Deus *spiritus* f. dona, quae LXX illis fenioribus impartitus est, ut Moysen adiuverent.

IV. Reg. II. 9. *Dixitque Elifeus: obsecro, ut fiat in me duplex spiritus tuus* i. e. duplicem feu duplo maiorem vim spiritus tui prae coeteris discipulis tuis a Deo mihi impetres; respicit ad ius primogeniturae; q. d. quia primogenitus sum inter discipulos tuos, fiat, quaeso, spiritus tuus in me duplex: unde alios solum Eliae discipulos, non Eliam ipsum superare volebat. Sic Luc. I. 17. *Ioannes praecedet ante illum in spiritu et virtute Eliae* h. e. iisdem spiritus f. donis, eodem zelo instructus erit.

Saepe etiam per *spiritum* exprimitur visio seu extasis, aut vera aut falso iactata. II Thessal. II. 1. *Ut non cito moveamini a vestro sensu . . . neque per spiritum, neque per sermonem*; per spiritum intelligit *revelationem*, quae iactitatur tanquam a spiritu f. profecta. Pertinet huc, quum spiritus pro doctrina vel vere, vel secundum opinionem et iactantiam divinitus revelata accipitur. I. Cor. XIV. 32 *spiritus prophetarum prophetis subiiciuntur*. i. doctrina sive revelationes alicui ministro Ecclesiae factae, coeterorum Ecclesiae ministrorum et doctorum iudicio subiiciuntur. I Ioan. IV. 1 *Nolite omni spiritui credere*; i. omni doctrinae; sed *probate spiritus* i. doctrinas, revelationes.

II. *Causa organica seu instrumentum pro re per instrumentum effecta.*

OS, ORIS Instrumentum sermonis pro ipso sermone. Deut. XVII. *In ore duorum vel trium testium* i. in sermone vel testimonio. 2. pro imperio. Gen. XLV. 21 *iuxta os Pharaonis* i. iuxta Pharaonis imperium. Deut. XXXIV. 5. *iuxta os Domini* i. secundum verbum vel iubente Domino. Similiter *lingua, labium*. Prov. XXV. 15. *lingua mollis confringit ossa*. i. e. duritiem, gravem iram. Ierem. XVIII. 18 *Percutiamus eum* פִּשְׁתֵּם *propter linguam istam* i. e. sermonem illum odiosum et importunum.

MANUS pro actionibus, quae manibus ut plurimum perficiuntur, et per synecdochen, quaevis aliae actiones, imo et actionum principia, consilium, machinatio, cura, conatus rel. intelliguntur. Psal. VII. 4 *si est iniquitas in manibus meis* h. e. in actionibus meis. I Reg. XXII. 17 *Nam manus eorum cum David est* i. consilium, machinatio.

2. Pro dono manu porrecto. Psal. LXVII. 32 *Aethiopia praeveni et manus eius Deo* vel *currere faciet manus suas Deo* i. cito transmittet munera suo Deo: aliam explicationem vide infra.

GLADIUS pro bello aut caede. Exod. V. 3 *Ne forte accadat nobis pestis aut gladius* i. bellum. Lev. XXVI. 6 *Et gladius non transibit terminos vestros* i. bello non infestabuntur, Matth. X. 34. *Non veni pacem mittere, sed gladium*, quo nomine intelliguntur omnis generis dissidia ob veram religionem, et doctrinae Christi confessionem et praedicationem orta.

ARGENTUM pro re argento comparata. Exod. XXI. 21 *quia pecunia illius (heri) est nempe servus*, quia pecunia sua illum sibi comparavit.



III. *Res vel actio pro effectu ab illa re vel per illam actionem producto.*

CHARITAS pro effectu charitatis. I. Ioan. III. *vide qualem charitatem dedit nobis Pater, ut filii Dei nominemur et simus* h. e. qualis sit charitatis Dei erga nos effectus, ut filii cet.

DIVINATIO pro praemio et honorariis eius. Num. XXII. 7 *Porrexeruntque seniores Moab . . . habentes* דִּינֵי *divinationes in manibus suis* i. divinationis praemium.

IRA pro poena et ultione ex ira profecta. Psal. LXXVIII. 6 *effunde iram tuam in gentes* i. poenam et ultionem, quae sunt effectus irae. Rom. II. 5. *thesaurizas tibi iram in die irae* i. poenam. Item ira pro mandato ex ira iusta dato. I. Reg. XXVIII. 18 *neque fecisti iram furoris eius in Amalec* h. e. neque mandatum exequutus es, quod tibi iniunxerat in ira sua contra Amalec.

IUDICIUM pro poena et adflictione, castigatione Exod. VI. 6. *Redimam in brachio excelsa et iudiciis magnis* i. gravibus poenis, quas infligam Aegyptiis. Item pro condemnatione Ierem. XXVI. 11 *Iudicium mortis est viro huic* h. e. dignus est morte vir ille. Ioan. III *qui non credit, iam iudicatus est* h. e. iam condemnatus est.

LABOR pro rebus labore partis. Deut. XXVIII. 33 *omnes labores tuos comedit populus quem ignoras* h. e. res labore tuo partas.

OPUS pro mercede vel praemio operis. Lev. XIX. 13. *Non morabitur opus mercenarii tui apud te usque mane* h. e. merces vel praemium mercenarii. Apoc. XIV. *opera enim illorum sequuntur illos* i. e. merces bonorum operum sequitur illos.

Vis pro fructu, quem vi et foecunditate sua terra profert. Gen. IV. 12. *Quam operatus fueris terram, non dabit tibi vim suam* h. e. fructus suos.

IV. Ponitur materia pro re, quae ex ea conficitur. Sic

ABIETES pro armis seu lanceis ex abiete factis. Nahum II. 3 *Clypeus fortium eius ignibus יהפּרשִׁים et abietes concutiantur* i. e. lanceae. LXX interpretantur *ἵπποι*; equites Vulg. *agitatores* supple equorum; qui pro *יהפּרשִׁים* cum hholem deficiente, legebant *פּרשִׁים* equites cum פ loco כ. Dein sumitur pro instrumentis musicis ex abiete elaboratis.

AES pro compedibus aeneis Thren. III. 7 *Adgravavit aes meum* h. e. compedem meum. Metaphorice significat fortes virulentas ex assidua scortatione manantes. Ezech. XVI. 36 *Haec dicit Dominus; quia effusum est aes tuum, et revelata est ignominia tua in fornicationibus tuis super amatores tuos* h. e. quia effusae sunt scortationum tuarum spiritualium sordes.

SYLVA, SALTUS pro domibus ex arboribus sylvae exstructis; ubi etiam metonymia est continentis pro contento. Ierem. XXI. *succendam ignem in saltu eius* i. in domibus Dei, regis et magnatum, quae ex pretiosa materia e Sylva Libani adportata, exstructae erant. Metaphorice significat exercitum, vide supra.

V. Res per instrumentum effecta, pro instrumento seu causa organica usurpatur.

GLORIA pro lingua. Psal. XXIX. *Ut cantet tibi gloria mea* i. e. lingua mea. Psal. LVI. *Exurge gloria mea* i. lingua, quia lingua ceu organo glorificatur Deus. Alii intelligunt animam. Sic Gen. XLIX in consilium eo-



rum non veniat anima mea, et in coetu illorum non fit gloria mea, ubi vides synonymiam.

VITA pro vitae conservandae mediis, facultatibus. Deut. XXIV. 6. *Non accipies loco pignoris inferiorem et superiorem molam; quia animam suam obposuit tibi* i. e. vitae conservandae necessaria instrumenta. Matth. XV. 12. *Ex divisit illis ἡ βίον vitam* i. facultates ad vitam sustentandam necessarias.

VI. *Effectus pro causa, aut actione efficiente adhibetur.*

CONFUSIO pro Baal seu idolo confusionis causa. Ierem. III. 24 *Confusio comedit laborem Patrum nostrorum* i. Baal pudore adficiens cultores suos ab haereditate nostra, patria nostra eiecit, in causa fuit, quod exules facti simus.

EXILIA pro causa exiliorum. Thren. II. 14 *Propheetae tui . . . viderunt tibi adsumptiones* (i. prophetias) *falsas et eiectiones* i. huiusmodi doctrinas proposuerunt tibi, ob quas expulsio et exilium venit tibi.

IUDICIUM pro causa iudicii. Ioan. III. 19. *Hoc est iudicium* i. causa iudicii sive condemnationis, quia lux venit in mundum; unde illud: *si non venissem, et loquutus eis fuisset, peccatum non haberent.*

MORS pro causa mortis. IV Reg. IV. 4. *Mors in olla* i. venenum lethiferum est in olla. Item pro summis periculis, plagis et calamitatibus, quae mortem inferre possunt. Exod. X. 17 *Rogate Dominum Deum vestrum, ut auferat a me mortem hanc* i. locustas, quae fructus terrae comedunt, qua ex calamitate mors sequetur.

VASTITAS pro causa vastitatis. Ose. XII. 1. *Ephraim vastitatem multiplicat* i. mala innumera seu peccata perpetrat

petrat, ex quibus oriatur vastitas. Ex his exemplis cuiusvis facile erit similes metonymias, quae in novo testamento frequentes sunt, explicare. Rom. VII. 7. *Nunquid lex peccatum est?* i. e. causa peccati, interrogatio emphatica pro negatione. Ibidem VIII. 6 *prudentia carnis, mors est* h. e. causa mortis: atque ita concupiscentia in renatis permanens dicitur *peccatum* i. causa peccati, si ei obediatur.

ERUBESCERE et CONFUNDI pro incidere in calamitates, et speciatim in manus hostium, quae causa est confusionis. Psal. XXIV. 2 *Deus meus, in te confido, non erubescam* & 3. et 20 h. e. non incidam in manus inimicorum meorum.

EXPIARE pro expiationis sacrificium offerre. Lev. VI. 19. *sacerdos* שֹׁמֵר *qui expiat illud* (sacrificium) *Vulg. qui offert.* Sic c. IX. 15 *et accepit bircum . . . et expiavit illum* h. obtulit eum in expiationis sacrificium. Item pro *spargere sanguinem.* quae actio expiationis causa erat. II Paral. XXIX. 24. *Et immolaverunt bircos illos et* וַיִּסְפְּרוּ *expiarunt sanguinem eorum* i. asperferunt sanguinem eorum, ut optime Vulgatus.

FESTINARE vel FUGERE pro confundi, cuius est effectus. Il. XXVIII. 16 *qui crediderit, non festinet seu non festinabit*, h. e. *οὐ μὴ κατασχυνθῇ* et non confundetur, ut optime reddunt LXX. Itaque non legerunt יָבִישׁ pro יָבִישׁ ut vult Capellus, sed sensum, non verbum reddiderunt.

PLACERE pro morem gerere. Rom. XV. 2 *Unusquisque vestrum (graece nostrum) proximo suo placeat in bonum* h. e. obsecundet, moram gerat. Neque enim Apostolus placuit omnibus, et tamen dicit; sicut et ego per omnia



omnibus placeo, sed in omnibus se Paulus adcomodabat omnibus, ut omnes lucrificeret.

VII. *Materiatum pro materia, ex qua fit, sumitur*

CALX pro lapide, ex quo fit. If. XXIII. 12. *Et erunt populi combustiones calcis i. e. quasi lapides cocti, ex quibus calx conficitur.*

FONTES et TORRENTES pro petra, ex qua exeunt. Psal. LXXIV. *Tu dirupisti fontes et torrentes h. e. petram, ex qua eruperunt fontes.*

PANIS pro frumento. Eccl. XI. 1. *Mitte panem tuum super transeuntes aquas i. frumentum tuum semina in locis irriguis et feracibus.*

VIII. Alia est metonymiae species, quando subiectum recipiens ponitur pro adiuncto, i. e. dum recipiens in se vel circa se adiuncta recipit. Item frequentissimus est metonymiae usus, quando continens pro contento, et locus pro locato usurpatur, vel adhibetur possessor pro re possessa. Exempla primi generis.

CAPUT pro mitra capitis, eiusque redimiculo. Cant. VII. 5 *Caput tuum ut Carmelus, vide supra.*

COR pro sapientia, prudentia. Prov. XV. 32 *qui acquiescit increpationibus, קנה לב acquirit cor i. sapientiam, cuius sedes in corde a scriptura statuitur. Vide Prov. VIII. 5 Ose VII. 11 Cor, renes pro intimis cogitationibus, cupiditatibus, desideriis, adfectibus, et delectationibus, quibus sedem in corde et renibus scriptura adsignat. Hoc sensu dicitur Deus probare, quaerere, scrutari corda et renes. Psal. VII. 10 scrutans corda et renes Deus est anthropopathia, quasi ea, quae scrutatur, prius cognita sibi non essent. Hac loquutione adcuratissima Dei scientia significatur, ut apud homines sine scrutinio*



nio et indagatione locum vix habere potest certissima rerum notitia. Psal. XXVI. 2 *et ure renes meos*, Imperativus iste est nota animi confidentis; provocat enim ad Dei cognitionem certissimam, utrum unquam in animo habuerit imputatas malitias. *Urere* heic significat pro *perscrutari*, nempe quum experimentum fit per ignem. Est allegoria adlusive ad ignem et metalla. Hac porro de causa, ut quibusdam videtur, victimarum renes Exod. XXIX. 13 sibi offerri mandavit Deus, ut videlicet interiorum animi adfectum, non externum ceremoniarum *σχημα* a se requiri declararet. Unde etiam Ierem. XII. 2 dicitur: *prope es tu (Deus) ori eorum, et longe a renibus eorum.*

Heinc istae phrascs: *effundere cor, animam suam coram Deo* est, quando nos totos Deo tradimus, ei aperimus omnes adfectus, vota et desideria nostra. *Cor adponere alicui rei* h. e. omni desiderio et adfectu ei vacare. Psal. LXI. 11 *Divitiae si adfluant, nolite cor adponere* i. e. nolite fiduciam vestram ponere in divitiis; aut applicando hominibus, nolite fidere in hominibus quam potentibus et divitibus.

TIBIAE pro tibiis seu cothurnis. Prov. XXVI. 7. *Quomodo pulchras habet claudus tibiae: sic indecens est in ore stultorum parabola* i. e. quemadmodum claudus frustra pulchras habet tibiae, qui nequaquam conducunt, ut recta incedat: sic frustra in ore stulti sapientum dicta, quum non conferant ad morum ipsius rectitudinem.

Exempla continentis pro contento, loci pro locato.

DOMUS pro familia, liberis et domesticis. Exod. I. 11 *quia timuerunt obstetrices Deum, aedificavit eis domos* h. e. numerosam prolem eis concessit. Nec obstat pro-



nomen לֵהֶם *eis* mascul. pro לֵהֶן vel enim est mendum, vel est enallage generis.

INSULAE, MARIA pro incolis mari adiacentibus. If. XLI. 5 *viderunt insulae et timuerunt* i. insularum incolae. Ezech. XXVI. 17 *Quomodo periisti נוֹשְׁבֶתָ* habitata a maribus i. e. a maritimis actolis. If. LX. 5 *Quando conversa fuerit ad te multitudo maris.*

MONTES et COLLES pro idolis, quae in iis colebantur. Jerem. III. 23 *Vere mendaces erant colles et multitudo montium* h. e. idola.

NAVES pro iis, qui ea vehuntur. If. XXIII. 1. *Ullate naves maris* i. mercatores.

SEPULCHRUM sive infernus pro sepultis. If. XXXVIII. 18 *quia non infernus confitebitur tibi, neque mors laudabit te* i. sepulti et mortui. Psal. VI. 6 *quoniam non est in morte, qui memor sit tui.* Familiare est s. scriptoribus uti hoc argumento, quod nempe in morte nullus Deo confiteatur, consequenter quasi aliquid decederet de gloria, quando pii moriuntur, eo quod mortui eum non amplius celebrent et praedicent, subaudi, in hac vita. Optimum erat argumentum seu motivum, quo patriarchae et prophetae longiorem vitam postularent, non suae sanitati, sed soli Dei gloriae et laudibus intenti; unde verbum *confiteor* frequenter pro *laudare, celebrare* sumitur.

TABERNACULA pro hominibus sive domesticis in tabernaculis degentibus. Psal. LXXVII. 67. *Et repulit tabernaculum Ioseph* i. tribum Ioseph. vide Gen. XIII. 5.

COELUM pro Deo, qui in eo habitat. Psal. LXXII. 9. *posuerunt in coelum os suum, et lingua eorum transit in terra* h. e. impune in Deum blasphemias eructant, et in homines

homines injurias. Vox transiit adcomode detractoribus adplicatur, quia eorum lingua vagatur quasi et currit per terram, quia de omnibus loquuntur contemtim.

Exempla *possessoris pro re possessa*. Deut. IX. 1 *ut possideas nationes maximas et fortiores* h. e. eorum regiones; nationes enim illae ex mandato Dei delendae erant, non possidendae. Psal. LXXVIII. 7 *Quia comederunt Iacob* h. e. bona Iacob, quod sequenti hemistichio explicatur, *et locum eius desolaverunt*.

IX. Per metonymiam obiectum ponitur pro eo, quod versatur circa illud. Sic Christus Iesus pro doctrina, quae praedicatur. II. Cor. XI. 4. *Nam si is, qui venit, alium Iesum praedicaret* i. aliam doctrinam de Iesu doceret. Sic Deus pro divino cultu in honorem eius instituto. Exod. XXXII. 1. et v 4.

ONUS pro vaticinio de onere seu poena infligenda. Is. XXI. 1 *Onus deserti maris* v 2. *Visio dura nuntiata est mihi*. S. Hieron. comm. in c. XV Is. v. 1. id discriminis ponit inter *visionem* et *onus*, quod onus semper tristitia sequantur; visionem autem vel statim laeta, vel in finem laeta post tristitia.

PECCATUM pro hostia sive sacrificio, quod pro peccato expiando offerebatur. Ose. IV. 8 *Peccata populi mei comedent, et ad iniquitatem eorum sublevabant animas eorum* i. e. hostias, quas populus pro peccatis suis offert, comedunt, et ad sacrificia, sive ex sacrificiis pro iniquitate remittenda oblatis, animas suas sublevant, quae est prioris hemistichii repetitio. Is itaque sensus est: peccandi licentiam invehunt improbi illi sacerdotes, ut ex sacrificiis habeant, unde laute vivere et voluptatibus indulgere possint. Is. LIII. 10. *Si posuerit peccatum animam suam* i. e. si se ipsum tradiderit hostiam pro



peccato. II Cor. V. 21 *Eum, qui non noverat peccatum, pro nobis peccatum fecit Deus Pater i. e. hostiam pro peccato fecit.*

SANGUIS pro 'hominibus sanguinis effundendi cupidis. If. XXXIII. 15. *Qui obturat aures suas, ne audiat sanguinem, h. e. ne auscultet iis, qui de fundendo sanguine, aut quovis alio scelere perpetrando loquuntur.*

X. *Signatum pro signo.* Ezech. VII. 27. *Rex lugebit et princeps induet צַדְמָה desolationem i. vestem desolationis indicem.* I Cor. XI. 10. *Ideo debet mulier potestatem habere in capite i. potestatis signum, nempe velum, quo indicetur, eam esse sub viri sui potestate constitutam. Panis azymus seu non fermentatus indicium erat afflictionis, quam in Aegypto Israelitae pertulerunt: Unde lex illa Deut. XVI. 3 septem diebus comedes absque fermento panem afflictionis. Ibidem XXII. 15. Tollent eam (puellam) pater et mater eius, et ferent secum בְּתוּלָהּ virginitatem puellae i. signa virginitatis.*

Hac metonymiae specie abutentes Protestantes, probare volunt, his verbis: *hoc est corpus meum, hic est sanguis meus* indicari tantummodo symbola corporis et sanguinis Christi, adeo ut *corpus* intelligatur de signo corporis, et *sanguis* de signo sanguinis. Huius pravae interpretationis refutationem vide apud theologos. Dicere eo loci sufficiat, aliud esse *signatum* pro signo interdum usurpari, aliud in hoc vel illo contextu usurpatum: quibus in locis scriptura figurate, aut ad litteram explicanda sit, definire Ecclesiae, quae in fidei et morum quaestionibus iudex est omnis prorsus erroris expers.

XI. *Metonymia adiuncti*, quod varie subiecto advenit: ponitur autem frequenter accidens pro subiecto in

in genere, abstractum pro concreto. Job V. 16. *iniquitas autem contrahet os suum*. i. iniquus; aut est ellipsis vocis וִיֵּן Vir q. d. Vir iniquitatis. Sic *sacrificium*, et *maetitia* pro animalibus maetatis; *habitatio* pro familia, *probrum* pro factis probrosis, *dies* pro hominibus dierum i. senibus, *vanitas* pro idolis. Luc. I. *Visitavit nos Oriens ex alto* i. e. qui oritur, sive prodit ex alto; epithetum Messiae proprium, qui soli comparatur. If. IX. 2.

CLYPEUS pro milite clypeo armato Ezech. XXVI. 8. *Et excitabit* (Vulg. *elevabit*) *contra te clypeum* h. e. militem clypeo armatum.

OLEUM pro singulariter uncto. If. X. 27. *Et compustescet iugum a facie olei* i. e. Messiae, qui speciali ratione a Deo unctus est.

TEMPUS cum suis partibus pro rebus in eo factis sive existentibus. Job XI. 17 *Et prae meridie exurgit tempus* h. e. prosperitas meridiana luce clarior: nam luce prospera, tenebris adversa significari diximus. Psal. XXX. 16 *in manibus tuis tempora mea* i. e. vita, valetudo, ac totius vitae status. *Annus* pro vita. Prov. *Ne des alienis* (i. meretricibus) *honorem tuum, et annos tuos crudeli* i. marito Zelotypo: ne commiscendo te adulterae honoris et vitae tuae iacturam incurras. I Reg. XXIV. 20. *Dominus rependat tibi vicissitudinem pro die hac, quam fecisti mihi* i. e. pro eo beneficio, quod hodie in me contulisti. Eadem de causa libri paralippomenon vocantur hebraeis *Verba dierum* i. rerum his temporibus gestarum historia.

DIES pro calamitatibus. Job XVIII. 20 *In die vel super diem eius stupebunt novissima* i. e. super calamitates, quae ei suo tempore acciderunt, stupebunt novissimi



i. e. posterius. Psal. CXXXVI. 7. *Memor esto Domine, contra filios Edom diei Ierusalem* h. e. temporis illius, quo Ierusalem subversa est, facque ut similem calamitatem experiantur.

FESTUM, SOLEMNITAS pro hostia, quae die festo immolabatur. Exod. XXXII. 18 *Nec remanebit adeps solemnitatis meae usque mane* i. adeps hostiae seu sacrificii. Malach. II. 3 *dispergam super vultum vestrum stercus solemnitatum vestrarum* i. e. stercus victimarum, quas in solemnitatibus vestris mihi immolatis.

XII. *Opinio hominum usurpatur pro ipsa re.* De hac metonymiae specie ita loquitur S. Thomas 1. 2. q. 98. a. 3. ad 2 de Moyse. *Quod ergo dicitur, quod loquebatur ei facie ad faciem, secundum opinionem populi loquitur scriptura, qui putavit Moysen ore ad os loqui cum Deo, quum per subiectam creaturam i. e. per Angelum et nubem ei loqueretur et adpareret.* Sic dicitur, quod Daemonium occiderit septem viros Sorae, et textus graecus addit: *quia amabat eam*, adcomodat se opinioni vulgi, credentis, daemones amore ferri in mulieres. Exod. XII. 37 *Profectique sunt filii Israel de Ramesse . . . sexcenta fere millia peditum: quur fere? an spiritum s. cuius inspiratione scribebat Moyses, calculus adcuratior latere poterat? Ex recepta quoque opinione loquitur Apostolus de Melchisede cho, eum sine Patre, sine Matre fuisse.* S. Hieronymus in cap. IV Matth. et in Jerem. XXVIII. 10 ita scribit: *consuetudinis est scripturarum, ut opinionem multorum sic narret historicus, quomodo illo tempore ab omnibus credebatur: sicut Ioseph ab ipsa quoque Maria adpellabatur Pater Iesu; ita et Herodes dicitur contristatus, quia hoc discumbentes putabant.* I Cor. I. 21. *Placuit Deo per stultitiam praedicationis salvos facere credentes*, h. e. per praedica-

ditionem crucis, quae gentibus videbatur stultitia. Psal. LXXI. 9. *Inimici eius terram lingent* i. e. tam proni se in terram prosternent, ut eam lingere videantur: sumpta est metaphora ab Orientalibus, qui hodieque solent in signum venerationis et subiectionis terram coram Rege osculari. If. XIII. 5. *Venientibus de terra procul a summitate coeli* i. e. de terra longinqua, cui coeli inniti videntur; ea enim est vulgi opinio, ut haemisphaerii nostri pars extrema, quae cernitur; terram contingat. Extremitas igitur coeli pro extremitate terrae seu locis propinquis ponitur. Hanc expositionem confirmare videtur, quod montes dicantur *fundamenta coelorum*, et *columnae coeli* Job XXVI. 11 quia ipsis coelum incumbere videtur.

XIII. *Sensus metonymice pro eius obiecto*, seu pro re, quae sensu percipitur. Sic

AUDITUS pro doctrina sive verbo. If. XXVIII. 9. *quem docebit scientiam, et quem intelligere faciet* שמעוֹתָם *auditum* i. sermonem seu doctrinam. LIII. 1. *Quis credidit auditui nostro?* i. sermoni nostro. Item sumitur pro fama. Psal. CXI. 7. *Ab auditione mala non timebit* i. a mala fama.

OCULUS pro colore et superficie. Lev. XIII. 55. *Et inspiciet sacerdos, postquam lota fuerit plaga (leprae) et si non mutaverit plaga* צִוּיִּי *oculum suum* i. colorem.

SPES, EXPECTATIO pro Deo, in quo speratur. Psal. LXX. 5. *Tu o Deus! spes mea* i. in quo sperabo. Pro hominibus, in vel a quibus bona sperantur. If. XX. 5 *Et confundentur ab Aethiopia spe sua* i. in quibus (Aethiopibus) confidebant. Pro re sperata. Prov. XIII. 12 *spes, quae differtur, adfligit animam* i. res sperata et desiderata, quae differtur.

Di-



DILECTIO, AMOR pro persona vel re amata. Jer. XII. 7 *Dedi יְרִירֹת dilectionem animae meae in manu inimicorum eius*, i. populum dilectum coram me Vulg. *dedi dilectam animam meam*, quod idem est, atque hebraeum, tum quoad grammaticam, tum quoad sensum pertinet. Grammaticam quod spectat, heic potest esse *hypallage*, dilectio animae, pro anima dilectionis i. dilecta. Sensem quod adtinet, recte anima dilecta pro populo dilecto usurpatur, ut apud latinos *cor*, *anima*, pro persona efflictim amata.

DESIDERIUM pro persona aut re desiderata. Ezech. XXIV. 16 *Fili hominis! ecce ego tollo a te desiderium*: vel ut Vulg. *desiderabile oculorum tuorum* i. uxorem desideratam et impense amatam. Vide Agg. II. 8.

TIMOR pro Deo, qui timetur. Gen. XXXI. 42. *Nisi Deus patris mei Abraham, et timor Isaaci adfuisset mihi* i. Deus, quem timuit Isaac. Item sumitur pro malo, quod timetur. Prov. I. 26. *Quum venerit timor vester* h. e. quum vobis id, quod timebatis, advenerit.

ACTIO pro ipso obiecto Gen. XLIII. 11 *sumite de praedicatione terrae in vasis vestris* i. e. de optimis terrae fructibus. Vulg. *de eo, quod laudabile est in terra*. Exod. XV. 2 *Fortitudo mea et laus mea Dominus* i. obiectum laudis meae.

XIV. Signum pro signato: haec metonymiae species frequentissima est. Gen. XLIX. 10 *Non auferetur sceptrum de Juda* i. Regia seu suprema potestas, cuius sceptrum signum est. Eodem sensu adcipitur *thronus*, *cidaris*, *diadema*. II Reg. XIX. 10. *Altaria tua, Domine destruxerunt* i. e. divinum cultum tuum, cuius signum altaria sunt. Psal. XXII 4. *Virga tua et baculus tuus, ipsa me consolata sunt*. Matth. XXIII. 2 *super cathedram Moysi*
sede-

federunt scribe i. docendi potestatem habent, qua instructus erat Moyses.

ABSCONDERE sumitur 1. pro *abire*, recedere ab aliquo. Gen. XXXI. 49 *quum absconditi fuerimus vir a socio suo* i. quando recefferimus ab invicem. 2. pro *tutari*, protegere. Job V. 21 *a flagello linguae absconderis* i. tutus eris.

DORMIRE pro securum esse. Psal. III. 6 *ego dormivi et soporatus sum*, ubi enim nulla securitas, nullus somnus. *Somnus* seu *dormitio* mala subinde est. Rom. XIII. Hora est iam *nos de somno surgere*, qui somnus peccati est. Item *dormire*, *soporari* fere omnium linguarum phrasi sumitur pro languore et obpressione; quamvis heic in hebraeo dicat se iacuisse obpressum sopore i. e. moerore, et tamen rursus a Deo excitatum: unde sequitur: *et exsurrexi* iam consolatus, a Deo adiutus; modus hic loquendi denotat plenariam securitatem. Eodem sensu adcipitur verbum *ridere*. Job. V. 2.

OSULARI pro amare, obedire, obsequi. Gen. XLI. 40 *Tu eris super domum meam, et super os tuum osculabitur omnis populus* i. e. ut eleganter Vulg. ad oris tui imperium cunctus populus obediet. Psal. II. *Osculamini filium* vide supra.

APERIRE et **CLAUDERE** est liberam administrationis potestatem habere. Is. XXII. 22. *Et aperiet, et non erit, qui claudat, et claudet, et non erit, qui aperiat.*

ALBEDINEM seu **MUNDITIEM DENTIUM DARE** pro famem immittere; fieri enim non potest, ut inter manducandum aliquid cibi dentibus non adhaereat; quum e contrario non sumto cibo dentes mundi sint. Amos IV. 6. *Unde et ego dedi vobis מְנִיָּין שִׁנַּיִם munditiem dentium.*



CAPUT, CERVICEM ELEVARE pro animum erigere, gaudere. Luc. XXI. 28 *Respicite et levate capita vestra i. gaudete.* Jud. VIII. 28 *Humiliatus est Madian . . . nec potuerunt ultra cervices elevare i. bello impetere Israelitas.* Caput alicuius exaltare significat aliquem constituere in honore et dignitate. IV Reg. XXIII. *Sublevavit Evilmerodach caput Ioachim.* Sic David Ps. III. dicit: *Et exaltans caput meum*, vocat Deum gloriam suam i. e. auctorem gloriae regiaeque dignitatis.

FACIEM ELEVARE ad aliquem significat 1. revereri, honorare. Deut. XXVIII. 49. *Adducet Dominus super te . . . gentem procacissimam, quae faciem non elevet ad senem.* i. quae non revereatur faciem senis. 2. propitium esse. Num. VI. 26 *יְהוָה יִשְׁמְרֶנּוּ יְהוָה יִשְׁמְרֶנּוּ* elevet Dominus vultum suum ad te i. e. propitius sit tibi.

FACIEM ALBESCERE pro metuere; in metu enim sanguis ab exterioribus corporis partibus ad cor refugit, atque inde pallet facies. Is. XXIX. 22 *non modo פְּנֵי יִחְזְקוּ* facies eius albescet i. confundetur.

FACIEM OPERIRE, OBTEGERE pro condemnare; antiquitus enim eorum, qui condemnabantur, operiebatur vultus, ut legitur in historia Esther de Amane. Job IX. 24 *Terra data est in manus impii, vultum iudicum eius operit*, i. e. iudices condemnat, a quibus ipse condemnandus fuisset: aut tantam potestatem Deus largitur impiis in hoc mundo, ut etiam sese contra Reges et principes efferant, eos damnent, deponant, interficiant. vel ut alii: impii muneribus, adsentatione, metu iudices corrumpunt, ut perverso ordine bonos deprimant, adtollant malos.

MANUM DARE significat 1. subiectionem voluntariam. I. Paral. XXIX. 24 *sed et universi principes . . . dederunt manum.* 2. Amicitiae et foederis pactionem. Vide supra.

MANUS super caput esse pro dolore, tristitia, calamitatibus, miseriis obrutum esse. Jerem. II. 37. II. Reg. XIII. 19 ubi idem tristitiae et doloris signum videre est.

MANUM implere pro sacerdotio initiare, qui ritus etiam in Ecclesia catholica viget in sacrorum ministrorum ordinatione. Exod. XXVIII. 41 *et unges eos, et implebis manus eorum, vel instrumentis, vel quibusdam sacrificiorum partibus.*

MANUM levare 1. pro iurare. Exod. VI. 8 *et induxerim in terram, super quam levavi animam meam, ut darem eam Abraham* i. iuravi. Psal. CV. 26. Et per ellipsin manus II. III. 7. *levabit* (supple manum) *in die illa* dicens: iurantes enim manum in altum tollunt, quasi Deum testem vel iudicem adcersentes.

FEMUR PERCUTERE pro summum dolorem testari. Jer. XXXI. 19 *postquam ostendisti mihi* (peccatum meum) *percussi femur meum* i. summo dolore adfectus fui.

XV. Saepe etiam per metonymiam actiones integrae et narrationes ponuntur pro simplici qualitate exprimenda, ubi scire oportet ritus et consuetudines, quae in loquutionibus metonymicis involvuntur. IV. Reg. IV. 29 Eliseus Giezi famulo suo imperavit, ut neminem in via salutaret, nec salutanti responderet. Idem imperat Christus discipulis suis Luc. X. 4. qua phrasi summa celeritas indicatur, non damnatur urbanitas, quae etiam inter Christiana officia numeratur. Jerem. IX. 17 Lamentatrices, quae lamentum adsumant, ad
vocari



vocari iubet Deus, non quod simulatum huiusmodi in funeribus luctum probet, sed ut adducta illa consuetudine, de instantium calamitatum acerbitate populum admoneat. Luc. XXII. 36 *sed nunc, qui habet sacculum, tollat similiter et peram, et qui non habet, vendat tunicam suam, et emat gladium*: Christi mens non est, ut Apostoli gladios emant, sed imminentis ab hostibus periculi gravitatem hoc symbolo innuit. II Cor. VII. 3 *In cordibus nostris estis ad commoriendum et convivendum*: adludit eo loci Apostolus ad id amicitiae genus, quod apud veteres in usu erat, nempe ut amico forte extincto, amicus ultro sibi mortem conscisceret; non quod Paulus huiusmodi quidpiam sentiat, quale legimus olim fuisse apud gentes: verum hoc modo arctissimam amicitiam voluit indicare.

Tales elegantes metonymiae occurrunt in Psalmis: Psal. XXV. *Lavabo inter innocentes manus meas*, lavare manus pure et munde, est metonymia signi, et significat se esse innoxium, non commisisse crimen, non polluisse manus sanguine. *Ure renes meos* est metonymia signi, quia et purificationes vasorum ex aere in templo fiebant per ignem. *Funes ceciderunt mihi in praeclaris*; est etiam metonymia signi; quia Josue Chanaanitem inter tribus per tractionem funiculorum distribuit, atque mos iste, agros fune metiendi apud Orientales obtinuit. At Levita iste, cui nihil obtigit praeter decimas, haereditatem suam praeclaris, subaudi, locis dicit esse positam, quia Deus est haereditas eius. *Claudicaverunt a semitis suis*; claudicant h. e. in carceres et vincula compacti sunt, quia, qui gestant compedes, illi claudicant. Psal. X. *Quaeretur peccatum illius, et non invenietur*, est metonymia anthropopathica, peccatum pro effectis et consequentibus peccatum, h. e. ita eum contere, ut

ne vestigium illius etiam, quod male fecit, reperiatur. *De vultu tuo iudicium meum prodeat*; iudicium pro fine iudicii seu sententia decretoria. Psal. XXXII. *Quoniam taciui*, vide supra: tacere est. signum intentissimi doloris iuxta illud: *curae leves loquuntur, ingentes stupent*. Psal. XXXIII. *Qui oderunt iustum, delinquent*, est metonymia causae pro effectu: punientur, excinduntur, interibunt sicut delinquentes, quia post delictum sequitur impiorum excisio. Sic *vinum compunctionis* pro poculo venenato, pro delirio, pro morte, pro vertigine; quia poculum venenatum efficit haec omnia; quia perturbat fluxum spirituum in cerebro: fluxus autem spirituum in cerebro perturbatus est ipsa vertigo. *Filius dexteræ meae*, felicissimus, clarissimus.

§. IX.

Hebraismi Antistrophici sive Hypallagici.

Hebraismi Antistrophici actionum ordinem pervertunt ornatè. *Ad tollite portas principes vestras*; inverte: o portae, ad tollite capita vestra, h. e. aperiminor. Psal. XXIV. *In potentatibus salus dexteræ eius*, inverte: in potentatibus dexteræ salus. vide supra. Hi hebraismi aliter vocari possunt *hypallagici*, seu hebraismi inversionis. Psal. IX. *In convertendo inimicum meum retrorsum, infirmabuntur*; prius dixit, inimicum fugatum esse; postea dicit, quod infirmatus sit: invertendum ergo est, inimicum fractum, tum fugatum esse. *In sole posuit tabernaculum suum*, hypallagica loquutio, quia linguae hebraeae natura est, ut fiant inversiones. Deus solem posuit in coelo, uti in tabernaculo expanso. *Mansit apud eum mensem dierum*, inverte: diebus unius mensis. In

K

san-



sanguine purificationis, inverte, in purificatione sanguinis. Psal. CIV. 18 *ferrum pertransiit animam eius*, inverte, anima eius, i. e. Ioseph pertransiit ferrum, quia vinctus tenebatur in carcere. Hae loquutiones migrarunt in novum Testamentum. S. Paulus ait: *se usque ad Illyricum replevisse Evangelium Christi*, inverte: Evangelio Christi replevisse Illyricum.

Huc referuntur Ios. II. 6. *Ipsa autem (Rahab) abscondit eos inter lina ligni* h. e. inter ligna seu calamos lini. Nehem. X. 34. *oblaciones lignorum* h. e. ligna oblationum. Esth. IX. 19. *Iudaei, qui habitabant in urbibus pagorum* h. e. in pagis urbium. *Argentum scoriarum* h. e. scoriae argenti. Ezech. XXI. 25. *Iniquitas termini* i. terminus iniquitatis. Exempla plura alia occurrunt hebraismorum hypallagorum seu inversionis. Iud. I. 8. *וְאֶת־הָעִיר שָׂלְחוּ בָאֵשׁ* *Et civitatem miserunt in ignem* h. e. civitati ignem immiserunt. I. Reg. XXIII. 7 *Et ait Saul: tradidit eum in manus meas*, *כִּי נִסְגַּר לְבוֹא* quia *inclusit se ad inveniendum* h. e. venit ut includat se. IV. Reg. IX. 30. *Et posuit (Iezabel) in fuce oculos suos* i. posuit fucum in oculis suis. Vulg. depinxit oculos suos stibio. Psal. CXXXVIII. *Et vide, si via iniquitatis in me est* h. e. si ego sim in via iniquitatis.

Ad Hypallagen referri potest hoc loquendi genus, quo dicitur *vocari*, *invocari nomen alicuius super aliquo*, pro *vocari nomine alicuius*. Gen. XLVIII. 16. *Et invocetur super eos nomen meum*, h. e. de nomine meo vocentur, adpellenturque filii Jacob, et cum aliis filiis meis familiam constituent.

§. X.

Hebraismi Antiphrastici sive Antisimploce.

Hebraismus iste non rarus est: est autem *Antisimploce* figura, qua accipiuntur voces significatione et sensu contrario; aliter etiam vocari potest *Euphemia*. Tale est illud Jobi cap. I. *Benedixerunt Deo in cordibus suis*, pro maledicere, impie sentire, quod primum est in rerum omnium affluentia, in qua positi erant filii Job. Psal. XXVII. 4. *Redde retributionem ipsis* scil. inimicis et persecutoribus David: *retributio* sensu plebeio significat praemium; at heic sensu erudito et euphemico poenam et supplicium, quod opponitur praemio: fac illud, quod mihi praestiterunt, redeat in ipsorum caput. Alibi dicit: *Averte mala inimicis meis*: accipiendum est in sensu antisimplotico: *adverte*, *animadverte mala in inimicos meos*; quia in hebraeo habetur לִשְׂרָרִי videlicet לִשְׂרָרִי h. e. contra inimicos meos. Psal. LXX. 10. *Dixerunt inimici mei mihi, et qui custodiebant animam meam*. Vox *custodire* sensu obvio in bonum accipitur, qui enim custodit alterum, illius curam gerit: at heic in malum accipitur, quia de insidiatoribus loquitur, qui custodiunt, vigilant, ut affligant, consultant, ut perdant. Psal. LXXVII. 49. *Inmissiones per Angelos malos*: to per non est in hebraeo, recte tamen additur. *Inmissiones* sunt tela, quae emittuntur: quod autem dicit; מִלֵּאכֵי מִלֵּאכֵי est antisimploce, fiebant inmissiones hae per Angelos bonos; sed quia inmissiones poenarum fuerunt, et effectuum malorum inmissores mali dicuntur, quatenus Angelis committitur punitio malorum.

Psal. LII. 1. hebraeum חֶסֶד quod ordinarie *miseri-*
cordiam significat, LXX et Vulgat. per antisimplocem



aut antiphrasin sumserunt, et verterunt *iniquitatem*. *Quid gloriaris in malitia, qui potens es in iniquitate*: at hebraicum interpungit post *to potens* per athnabh, seu duplex punctum, habetque: **מִהֲתַתְּהִל בְּרָעָה הַגְּבוּר** *Quir gloriaris in malitia o potens*: *miser cordia Dei omni die* q. d. quid gloriaris, et ira superbis o Doeg! quum malitia tua efficere non possis, ut me deferat Dei misericordia. LXX **אל** pro praepositione *in* sumserunt, quum frequenter aequivaleat **טו** *beth* aut *lamedb*. Incipit dein hebraicum novum versum **הוּוֹת** *pravitates cogitavit* i. e. machinata est. Vide Prov. XIV. 34 ubi idem nomen **חָסַד** occurrit.

Huc spectant varia nomina et verba, quae in contraria saepe sumuntur significatione, poniturque oppositum pro opposito, contrarium pro contrario.

בֵּרַךְ *benedixit*. At III Reg. XXI. 10. **בֵּרַכְתָּ** *maledixisti Deo et Regi*.

הָיָה *in niphāl fuit, factus est*. At Daniel. II. 1. *Et somnium eius נִהַיָּתָה defuit ei vel fugit ab eo*. Vide etiam cap. VIII. 27. ubi **נִהַיָּתִי** significat *defeci* Vulg. *langui*.

הִלֵּל *in piel laudavit*. Et in sensu opposito *infarnum reddidit, infatuavit*. Job. XII. 17. *Adducit consiliarios in stultum finem, et iudices יְהוֹלִיל insanos reddit*. Vid. II. XLIV. 25.

יָרַשׁ *in kal possedit* Deut. III. 20. *In hiphil autem expulit e possessione* Deut. XI. 23. **יְהוֹרִישׁ** *disperdet, expellet* Dominus omnes gentes has.

כָּסַל *stultitia, inconstantia, levitas*. Psal. hebr. XLIX. 14. *Haec via illorum כָּסַל stultitia ipsis* LXX **σκανδαλον**; non

non male; stultitia enim, prout heic accipitur, verum est scandalum. At sensu opposito *constantia*, *spes*, *fiducia*. Job XXXI. 24. *si putavi aurum כֶּסֶף fiduciam meam* Vulg. *robore meum*, LXX *in aggerem meum*: suspicari quis posset LXX olim interpretatos fuisse *אֶרֶץ אֶרֶץ*, prout habet vetus interpres graecus; ac librariorum oscitantia inrepfisse *אֶרֶץ אֶרֶץ*. Si haec interpretatio a LXX profecta est, pro כֶּסֶף videntur legisse בֶּסֶל a *rad סָלַל aggerem extulit*.

נֶפֶשׁ anima, corpus animatum, animal. At Lev. XIX. 28. *corpus exanime, cadaver*. Et לֵנֶפֶשׁ *super mortuo non incidetis carnem vestram*. Sic Sap. XXI. 1.

קָדַשׁ sanctificari. Et per antiphrasin *contaminari* Deut. XXII. 9 *Non feres vineam tuam altero semine פְּנוֹתֵי קָדַשׁ ne sanctificetur plenitudo eius i. e. ne contaminetur, Chald. polluatur*. Vide Exod. XXIX, 37.

Saepe etiam vox derivata diversam a sua radice habet significationem. Sic a קָדַשׁ *sanctum esse est* קָדַשׁ *scortator*, et קָדַשׁ *meretrix*.

בָּרָא creavit, in piel autem בָּרָא *exscidit*. Vide Jos. XVII. 15. Item תָּיַב *concupivit*, in Piel *abominari, detestari*. Amos VI. 8 *מְתַיַב detestor ego superbiam Iacob*. Sic verbum סָכַן in kal *profuit*, in Niphal *incommodum passus est*. סָקַל *lapidibus obruit*, in piel סָקַל *lapides removet*. חָטָא *peccavit*, in piel: *a peccato expiavit*. Plura alia suppeditant lexica.



§. XI.

Alii hebraismi in S. Scriptura occurrentes.

HEBRAISMI REGIMINIS. Hebraismus regiminis et prae-cellens, et necessarius, et usu maxime corroboratus est, et subit genitivus iste *locum adiectivi*. Sic *Vir sanguinum* i. vir sanguinarius, homicida. In Iobo cap. XXX. 28. *Crimen iudicum* aut *iudicii*, ita vocat adulterium et idolatriam, crimina duo, quae iudiciaria potestate coerceri, et supplicio ultimo puniri debent: sic *dolores mortis*, *torrentes iniquitatis*, explicandum est per similitudinem: *impii invaserunt me instar torrentis*. Hic hebraismus in hellenismum abiit novi Testamenti, cuius exempla in Paulinis epistolis plurima sunt. Sed hoc plebeum et vulgare est. At crudita observatio est ista:

Genitivus regiminis facpius significare *causam finalem*. v. g. si dicam: *dedisti mihi scutum salutis* h. e. scutum pro salute capitis mei tutanda et servanda. Heinc facile solves illum hellenismum Paulinum: *abundant in nobis passionibus Christi*, ex hac hebraismi regula loco *Christi* ponendum est *pro Christo*; et passionibus sunt aerumnae et calamitates inlatae ab inimicis Crucis Christi, et sensus clarus est. Tales sunt hebraismi supra adducti *vasa mortis*, instrumenta ad inferendam mortem, *calix benedictionis*, nempe ad agendas gratias adsumtus. *Mammona iniquitatis* respicit causam praeteritam i. e. divitiae fluxae, fallaces, quae potissimum per nefas comparatae sunt. Inlustre exemplum habes Psal. XLIV. 12. *Dabis nos ut oves cibi*, ubi מַכְרִים est genitivus regiminis, et causae simul finalis: subactus est Israel, sicut pecus ducta ad altare, eo fine, ut mactetur, seu sicut oves ne-
ci

ci destinatae. Sic I. Petri II. 19 *conscientia Dei* h. e. studium placendi Deo.

Nomen rectum in genitivo casu denotat etiam *causam efficientem*. Efd. III. 7 *secundum facultatem Cyri* i. a Cyro datam. Sic *homo mulieris* i. de muliere. If. I. 7. *secundum subversionem alienorum* i. e. quam alieni inferunt. Ibidem LIII. 4. *Et nos putavimus eum quasi leprosum* מכה אלהים *percussum Dei* h. e. a Deo. Si vero pro מכה in regimine legatur מכה in absoluto, sensus erit: *percussum Deum*, quod Christi divinitatem mirum in modum adserit. Sic et in novo Testamento: Ioan. XII. 43. *dilexerunt gloriam hominum magis, quam gloriam Dei* h. e. maluerunt ab hominibus, quam a Deo glorificari. Sic *iustitia, salus Dei*, quae a Deo confertur. Sic et in nominibus possessivis Psal. II. *Ego autem unxi regem meum* h. e. regem a me constitutum; subinde etiam genitivo causa instrumentalis indicatur. If. XXXIII. 22. *Navis remi*, seu remorum Vulg. *remigum* h. e. a remis impulsæ.

Genitivus regiminis importat etiam *causam materialem*: sic dicitur *panis bordeorum* i. hordeaceus. *Virga ferri* i. ferrea. Item *effectum*. Gen. II. 9 *lignum vitae. Deus iustitiae meae* i. e. qui iustam causam meam tueris. Psal. LXIV. 12. *Coronas annum benignitatis tuae* i. in quo hominibus benignitatem tuam bonorum abundantia exhibes. *Princeps pacis* i. qui pacem coelestem confert. If. XL. 2 *spiritus sapientiae et intellectus* i. e. qui haec dona credentibus impertitur, et quorum plenitudo in Christo residet. Ibidem c. LIII. 5. *Disciplina pacis nostrae super eum* (i. Messiam) h. e. castigatio, quae pacem nostram operata est, super eum cecidit. Luc. I. 69. *Et erexit cornu salutis nobis in domo David pueri sui* i. e. po-



tentiam Christi, a quo salus nostra proficiscitur, erexit Deus in familia David servi sui, sive, salutem potentissimam nobis praestitit.

Eleganter etiam regimen exprimit SUBIECTUM RECIPIENS. Deut. XVI. 17. *Secundum donum manus suae* i. e. secundum donum Dei manui ipsius conlatum. If. LV. 3. *Misericordias David fideles* i. Davidi a Deo promissas, nempe Christum ex profapia eius nasciturum. Dan. IV. 14. *In sententia vigilum decretum est* h. e. in sententia vigilibus manifestata. Per *vigiles* autem eo loci et insequentibus verbis per *sanctos* intelliguntur Angeli, qui mandatis Dei exequendis invigilant. Luc. XXI. 4. *Munera Dei* h. e. Deo dicata et consecrata, et metonymice Gazophylacium. Apoc. XIV. 12. *Patientia sanctorum*, quae scil. data est sanctis.

SUBIECTUM OCCUPANS, quod et obiectum vocatur. Psal. CXLIX. 6. *Exaltationes Dei in gutture eorum* h. e. laudes, quibus Deus praedicatur. Prov. I. 7. *Timor Domini*, quo Dominus sicut Pater a filiis timetur. If. III. 14. *Rapina pauperis*. h. e. quod pauperi ereptum est. Zach. IX. 1. *Domini est oculus hominis* i. e. respiciens homines, qua locutione providentia Dei significatur. Matth. X. 1. *Potestas spirituum immundorum* h. e. in spiritus imundos. Act. IV. 9. *beneficium hominis infirmi* h. e. in eum conlatum. Gal. III. 22. *fides Iesu Christi* i. e. in Iesum Christum.

In nominibus *possessivis* idem hebraismus obtinet. Gen. L. 4. *Et praeterierunt dies fletus eius* (Iacobi) i. e. tempus, quo deflebat. Ierem. LI. 35. *Iniquitas seu violentia mei*, quae mihi infertur. Ibid. LIII. 11. *in scientia sua iustificabit ipse iustus servus meus multos* i. e. scientia sive cognitione, qua per fidem cognoscatur Christus, multi

multi iustificabuntur, modo tamen fides illa fit cum charitate iuncta.

Eodem hebraismo regiminis innuitur *adiunctum* tam *inhaerens*, quam *adhaerens* et *connexum*. Prov. XXIX. 8. *Viri derisores* i. derisores, Vulg. *Pestilentes*, sensum, non verbum reddidit. Iud. v. 18. Ambulantes secundum *ἐπιθυμίας των ἀσεβειων* desideria impietatum i. maxime impia. *Afinus panis* est asinus pane onustus. If. XXXIV. 5. *populum anathematis mei* Vulg. *interfectionis meae*, i. quem devovi internecioni seu interfectioni. Ezech. XX. 7. *Offensiones oculorum suorum* h. e. idola, quae oculis eorum placent, quamvis abominabilia sint, et oculos divinae Maiestatis offendant: vel quae oculos eorum offendere deberent, nedum ipsis placere. Et cap. XXX. 3. *Tempus gentium* i. quo puniendae sunt gentes.

Idem hebraismus regiminis *comparisonem* significat. IV. Reg. XXIV. 3. *Propter peccata Manassis*, quae fecit Iuda i. e. peccata similia iis, quae fecit Manasses. II. Paral. XXIV. 6. *Collecta* seu *oblatio Moysis* est pecunia similis ei, quam Moyses ad structuram tabernaculi conlegit. If. I. 10. *Principes Sodomorum . . . populus Gomorrhæ* i. Sodomæ et Gomorrhæ incolis acquirandi. Jerem. XXII. *sepultura Asini sepelietur* h. e. sepultura asini sepulturae simili, seu insepulta sepultura, ut vocat Cicero Philipp. I.

Hebraismi ex OBSERVATIONE RITUS. Multa sunt in scripturis, quae prima facie, si legantur, putantur esse absona: at si ritus adtendatur, cohaerere optimeprehenduntur. v. g. in epistola prima ad Timoth. c. V. dicit S. Paulus, presbyterum non esse corripiendum: hoc si intelligatur absque observatione ritus, inconnexum est cum hierarchiae institutione: quis enim debet



corripere seniore, imo omnes alios subditos, quam Episcopus? Sed heic loquitur de illa correptione, quae fuit species excommunicationis, et inducebat septem dierum separationem et conclusionem in domo, cum aliis quibusdam poenitentiis: hanc vetat inferendam viris in honore ecclesiastico positis, nisi id forte exigat gravis aliqua necessitas ad Ecclesiae bonum. Exemplum aliud Ioan. VIII, dicitur: *digito scribebat in terra*. In historia mulieris adulterae, quam ad Christum adduxerunt iudaei, narrat Evangelista Christum digito suo scripsisse in terra. Hoc sine notitia ritus explicari non potest. Mulieri de adulterio suspectae dabantur aquae, pulveribus de pavimento templi collectis mixtae. Has antequam mulier biberet, sacerdos scripsit maledictiones in mulierem, si rea esset, congerendas: at si ad-cusator ipse fuit adulter, aquae inefficaces erant: hoc scito, facile intelliges, de quo quaesitum est. Christus enim pulverem de pavimento legere se fingens, avocabat iudaeos ad ritum aquarum Zelotypicarum, et earum inefficaciam, si ad-cusatores ipsi sint lurcones.

Psal. L. David dicit; *Asperges me byssopo et mundabor*; prius dixerat: *Amplius lava me* adludens utique ad legales lotiones: omnium autem ultima emundatio leprosi fiebat byssopo; ad hanc igitur provocat David, atque dicere volens: o Deus! impende mihi ultimam et praestantissimam emundationem: *asperges me*, inquit, *byssopo, et mundabor, lavabis me et super nivem dealbabor*. Iam vero cum scientia et intellectu huius phrasidis subsistere non potest ignoratio ritus et consuetudinis hebraicae. Vestimenta iudaeorum fuerunt potissimum alba: heinc lotio vestium quotidiana, signum munditiae; heinc *candor conscientiae* pro conscientia munda: *rubra*

rubra vestimenta signum immunditiae, quia sanguis pro re immunda, et quae contaminat, habitus est. Heinc Isaias dicit: *si peccata vestra fuerint ut coccinum, sicut nix dealbabuntur*; et in hoc psalmo: *super nivem dealbabuntur*, videlicet per peccatorum remissionem. Et in primitiva Ecclesia, qui baptisati sunt, incedebant in albis, quia emundati lavacro regenerationis remissionem peccatorum consequuti sunt.

Exemplum aliud Psalmi XVI. *Visitasti nocte*: perfecte et erudite non explicabis, si ritum ignores perquirendi fermentum ante pascha. *Visitare noctu* igitur est instituere exquisitam et adcuratam inquisitionem: quia quando iudaei praeparationes suas paschati praemisissent, ad lumen nocturnum quaesiverunt fermentum; et si casu mus aliquid fermenti intulisset foramini, et illud extraxerunt: ergo diligenter aliquid inquirere, est inquirere noctu: ideo Salvator noster de muliere quaerente drachmam dicit, quod accenderit lucernam: et propheta ait: *scrutabor Ierusalem in lucernis*. Igitur scripturas cum ritibus coniunctas antequam explicare adgrediari, ritum meditare excusseris; hunc si adsequutus es, interpretationem adtulisti.

HEBRAISMI ADFIRMANTES. Tam in libris metricis, quam historicis et prophetis reperiantur interrogationes, quae habent vim absolutae adfirmationis. v. g. *Nunquid irascitur per singulos dies?* Interrogatio emphatica pro adfirmatione, h. e. Deus irascitur quotidie impiis, quum poenas statim non videant subsequi, putant secum benigne agi, quum tamen assidue illis irascatur. Hebraicum *הלא* *nonne* plus centies in libris IV Regum occurrit; at ipsa interrogatio est gravis adfirmatio.

Eius.



Eiusdem naturae est \supset *Caph*, quae, quamvis sensu plebeio adsimilativa sit, saepius tamen *Caph* non adsimilat, sed graviter adfirmat. Quod ita scitu necessarium est, ut absque hac observatione textus etiam novi testamenti $\alpha\kappa\epsilon\iota\beta\omega\varsigma$ explicare non possimus. v. g. *Et vidimus gloriam eius, gloriameius quasi unigeniti*: Christus non potest dici *quasi unigenitus*, sed respondeo, illud *quasi* respondere nostro \supset sensu hellenistico, nempe non esse \supset *quasi* adsimilantis, sed graviter adfirmantis, et idem exprimit, ac certe, vere cet. Qimhhi vocat recte \supset istud *Caph veritatis*, ideoque saepe ab interpretibus negligitur. Sic Psal. CXXI. 3. *Ierusalem, quae aedificatur ut civitas* h. e. civitas. Matth. XIV. 5. *quia sicut prophetam eum habebant* h. e. pro vero, magno propheta eum habebant. Rom. IX. 32. *Quare? quia non ex fide, sed $\omega\varsigma$ quasi seu tanquam ex operibus* i. e. ex operibus iustificari voluerunt.

Eadem particulae \supset comparationis aut adsimilationis apud graecos $\omega\varsigma$, $\omega\sigma\pi\epsilon\rho$, $\kappa\alpha\theta\omega\varsigma$, $\acute{\alpha}\tau\omega\varsigma$ non semper omnimodam similitudinem aut aequalitatem denotant, sed de aliqua interdum convenientia intelligendae sunt. Sic Ioan. VII. 21. *Ut omnes unum sint, sicut tu pater in me, et ego in te, ut et ipsi in nobis unum sint.* et x. 22. *Ut unum sint sicut et nos unum sumus.* Non vult Christus hac comparatione, ut fideles unum sint inter se eadem ratione, qua et ipse unum est cum patre; haec enim unitas patris cum filio in $\acute{\epsilon}\mu\omicron\upsilon\sigma\iota\alpha$ consubstantialitate posita est; fidelium vero in $\acute{\epsilon}\mu\omicron\upsilon\upsilon\sigma\iota\alpha$ animorum consensu Act. IV consistit. Unitas inter Patrem et filium essentialis est Ioan. X. 30. Unitas autem fidelium inter se et cum Christo spiritualis est et mystica Rom. XII. 21. Sic pariter Matth. V. 48: *Estote ergo perfecti, sicut $\epsilon\tau$ et Pater*

Pater vester coelestis perfectus est. Non iniungitur a Christo perfectionis nostrae cum perfectione divina aequalitas, quae quidem impossibilis est, sed perfectionis eius, de qua loquitur, necessitas. Quemadmodum v. g. pater coelestis bonis et malis benefacit; ita et nos amicos et inimicos diligamus.

CAPVT III.

De Metaphoris

METAPHORA tropus est, quo vox a propria et genuina significatione ad aliam sed cognatam, propter similitudinem transfertur, et hoc ornatus seu elegantiae ergo. Heinc tropus ille, uti reliquorum omnium frequentissimus, ita etiam florentissimus est et iucundissimus, utpote qui miram stylo sacrarum literarum *εὐεργεσίαν* et evidentiam conciliet. Ut autem ordo aliquis in hoc capite exponendo servetur, tropum istum considerabimus I. Quum ad Deum transferuntur, quae rebus *inanimatis* II *animatis* nempe bestiis, III et quae *homini* propria sunt, et vocatur *Anthropopathia*, sed removenda est omnis imperfectio: vocatur etiam *συγκατάβασις* *condescensio*; quia in sermone sacro Deus quasi *descendit* ad nos, et propter captus nostri imbecillitatem nobiscum veluti balbutire, et blandius humilisque, quam Maiestatī tantae convenit, colloqui non dedignatur.



§. I.

Metaphorae a rebus inanimatis desumptae.

A PLANTIS desumuntur metaphorae quaedam in genere et in specie.

GERMEN, VIRGA, SURCULUS Messias vocatur II. IV. 2. *In die illa erit germen Domini in magnificentia et gloria, et fructus terrae sublimis.* Vide cap. XI. 1. Ierem. XXIII. 5 cet. Quae loca a Paraph. Chaldaeo de Messia diserte explicantur. Denotant autem Messiae ortum temporalem, sicut germen five furculus terream habet originem, et terram quasi matrem agnoscit.

RADIX DAVID, RADIX IESSE idem Messias, quibus divinitatem eius deducunt S. Bernardus in die paschae serm. I. *Radix David, non David radix eius, sed ipse radix David: quia portat, non portatur. Merito, David sancte! filium tuum vocas Dominum tuum, quia non tu radicem portas, sed radix te.* Radix porro significat primogenitum, quo sicut per radicem planta, sic et familia patris crescit et propagatur. Christus radix est et fundamentum spiritualis familiae Davidicae i. e. Ecclesiae; vocatur ideo *primogenitus ex multis fratribus* Rom. VIII. 29. Hanc explicationem probant ex II. XIV. 30. *Interire faciam in fame radicem tuam* h. e. filium tuum. Mal. III. 19. *Et inflammabit impios dies veniens . . . quae non derelinquet eis radicem* 𐤒𐤏𐤕𐤕 et ramum Chald. *filium filii* five nepotem. Unde patet filium, maxime primogenitum esse quasi radicem familiae, qui autem ex eo nascuntur, instar ramorum se habere.

In specie Messias vocatur CEDRUS INLUSTRIS Ezech. XVII. 22. VITEM se vocat Christus Ioan. XV. 1. *Ego sum vitis*, qua metaphora innuitur praecipue arctissima Chri-

Christi cum credentibus coniunctio; sicut enim *vitis* et *palmites* eiusdem sunt naturae, sic Christus secundum naturam humanam credentibus, quos ipse palmites appellat, *ἑνωσις* est. Denique ut *vitis* copiosum inbibit humorem, quem cum palmitibus communicat: ita de plenitudine Christi omnes accepimus Ioan. I.

FASCICULUM MYRRHAE sponsum suum Christum vocat Ecclesia Cant. I. 13. *Myrrba* enim amara est quidem at fragrantissima, et utilitate insigni in mundandis et sanandis vulneribus, expellendisque pravis ex corpore humoribus, sedandis doloribus, confortando corde, corporibus a putredine fervandis cet. conspicua: quae omnia ad Salvatoris passionem, eiusque ac totius meriti sacrosancti fructus et efficaciam pulchre omnimode adcomodantur.

BOTRUS CYPRI Idem Messias vocatur. Nomen *Cypri* (hebraice כפר) heic non est nomen insignis insulae in mediterraneo mari, etiam *Cyprus* nuncupatae; sed arbusculi cuiusdam, quod ad altitudinem mali punicae excrevit, frondes habens oleae similes, candidum odoriferumque florem, fructus vero pendulos in ingentes racemos odoris admodum suavis. Quum folia arida conteruntur, croceum pulverem reddunt, quo Aegyptii et Turcae ungues, mulieris vero etiam manus et capillorum, atque corporis partem inficiunt. Tale arbusculum etiam crevisse in vineis *Engaddi*, docemur ex Iosepho L. V. de bello. c. III. significat hisce verbis sponsa, se omnes delicias in sponso reposuisse. Christus vere *botrus cypri* est ob abundantissimam coelestium fructuum copiam.

Lux dicitur Deus I. Ioan. I. 5. *Quoniam Deus lux est* rel. qua loquutione Dei Maestas, sanctitas, perfectio
et



et beatitudo significatur; luce enim cœlesti ad nos transmissa nihil pulchrius, purius nihil est, nihilque magis homines lactificat. Iacob. I. 17 dicitur *Pater lumen, apud quem non est transmutatio, nec vicissitudinis obumbratio*, est omnimoda ratione inmutabilis; respicit S. Jacobus ad solem corporeum, qui dum se ad oppositum hemispherium convertit, obumbratum et obscuratum relinquit hemispherium a se derelictum, quae tenebrarum et lucis vicissitudo in Deum non cadit. Hebr. I. dicitur Christus *ἀπαύλασμα* *splendor gloriae Dei*, tum quia ab æterno per ineffabilem generationem *lumen de lumine* a Deo Patre resplenduit; sicut enim splendor a sole non divellitur, eique coævus est: sic a *Patre lumen* hoc *ἀπαύλασμα*, qui filius est, nunquam divellitur, eique coæternus est. Tum ratione beneficiorum, quae hominibus per Eum largitus est Deus: nam quemadmodum splendor solis dimittitur in terram ad eam inlustrandam, fovendam, vegetandam rel. ita et Christus Dei Filius ab eo missus est in mundum, ut nos inluminaret, vivificaret cet.

LUX et SOL dicitur etiam Deus ratione inter homines operationis. Psal. XXVI. 1. *Dominus inluminatio mea et salus mea*; est metonymia effectus pro causa efficiente: Dominus causa lucis et salutis meae, veram et salutarem gratiae et salutis lucem mihi praestat. Unde ortae sunt phrascs, quibus *lux*, *lumen* significat favorem, benevolentiam. *Signatum est super nos lumen vultus tui Domine*. To *vultus* lucidus et serenus et metonymia signi pro favore et benevolentia: pulchra ergo phrasi hebraei dicunt: *signatum esse super aliquem lumen vultus divini*, quando Deus ei eximie favet: est autem metaphora sumta a signis militaribus, quae expanduntur et elevantur; sic etiam divinus favor expanditur super nos,
ut

ut clare cernatur. Num. IV. *Lucere faciat Dominus faciem suam super te*, significantur etiam per lumen Dei beneficia quaelibet, quibus ad veram beatitudinem pervenitur. Psal. XXXV. *In lumine tuo videbimus lumen* h. per gratiam tuam ad veram beatitudinem perveniemus cet. Porro lucis metaphora significatur mentis informatio, qua tenebrae intellectus dispelluntur, et peccata, quae tenebris comparantur, auferuntur, quae omnia Christus eminentissime praestitit. Is. IX. 2. *Populus, qui ambulat in tenebris, vidit lucem magnam: habitantibus in regione umbrae mortis lux orta est*, ubi loquitur de conversione gentium ad praedicationem Evangelii, quod, sicut dux viae, ita et lux est.

IGNIS, quo innuitur ira divina, quae peccatores, velut ignis stipulas, consumit. Deut. IV. 23. *Quia Dominus Deus tuus ignis consumens est*. Ad ignem spectat fumus, quo pariter ira Dei significatur. Vide Deut. XXIX. 20. *Lucerna favorem et benevolentiam*. Psal. XVII. *Quoniam tu inluminas lucernam meam* i. felicitatis et salutis meae auctor es. Vide supra.

Ad Aeris elementum pertinet, quum Deo tribuitur flatus sive halitus, quo innuitur divina eius gratia et resectio, sicut frigidus aestivo aestu halitus sive ventus hominem recreat. Is. LVII. 16. *Non enim in sempiternum litigabo, neque usque in finem irascar; quia spiritus a facie mea ארוח operiet se* (Vulg. egredietur) et flatus ego faciam i. e. Spiritus S., quem contristatis et contritis mittam, iis quasi se operiet, et in illis gratia sua habitabit; atque ita adflatos et tentationum aestu deficientes, suavi velut adflatu et spiraculo reoreabo. 2. Divinam iram et vindictam denotat; sicut ventus validus quaevis obvia dejicit, ignemque excitat ac fovet.



II. XXX. 33. *Nutrimenta eius (Tophet) ignis et ligna multa, flatus Domini sicut torrens sulphuris succendens eam i. quemadmodum ventus ignem accendit; sic flatus Dei non solus, sed cum torrente sulphuris coniunctus inferni (qui per Tophet significatur) ignem accendit. Vel flatus Dei aque inferni ignem accendet, ac si in eum torrens sulphuris derivaretur.*

Ad AQUAE elementum pertinet, quum Deus dicitur *fontis aquarum viventium* i. e. omnis vitae et refectiois auctor. Christus D. gratiam suam et beneficia vocat *aquam vivam* Ioan. IV. Ipse enim est fons vitae abundantissimus, et instar aquae emundat, reficit, sitim restinguit. Spiritus S. dona *flumen aquae vivae* dicuntur Ioan. VII. 38. Huc pertinet *effusionis* vox, quae de eodem spiritu s. usurpatur, quaeque donorum eius abundantiam denotat.

Ad TERRAM referuntur, quae in ea existunt, et ad Deum metaphorice traducuntur, sive naturaliter ea producta sint, sive arte ab hominibus confecta.

LAPIS vocatur Christus Psal. CXVII. 22 *lapidem, quem reproboverunt aedificantes* (sacerdotes et procures iudaeorum, qui aedificare debebant, non destruere) *hic factus est in caput anguli*, sive lapis angularis, cui innititur Ecclesia ex iudaeis et gentibus composita. Vocatus etiam *lapis offensionis*, in quem increduli et improbi impingent et conidentur. Item *lapis resurrectionis et vitae*, ad quem lapidem, tanquam ad rupem et arcem munitissimam credentes et pii confugientes salvabuntur.

PETRA vocatur Deus Deut. XXXII. 31. **כִּי לֹא כְצוּרֵינוּ** **צוּרִים** *Quia non sicut petra nostra petra eorum* Vulg. *Non enim est Deus noster, ut dii eorum*; hic relicta metaphora sensum naturalem reddit. Hac autem loquutione certissi-



tissimum et invictissimum Dei auxilium notatur; reperiebantur enim his in locis petrae ob altitudinem inexplugnabiles.

LATIBULUM, *absconditio*, *tegmen*, *tugurium*, *tabernaculum* rel. Deo tribuuntur, quibus singularis eius protectio innuitur. If. IV. 6. *Et tabernaculum erit* (Deus) *in umbraculum diei ab aestu . . . et in absconditionem a turbine et pluvia* i. e. in defensionem, in protectionem. Pariter Zach. II. 5. *Murus dicitur: Et ego ero ei* (Ierusalem) *ait Dominus, murus ignis in circuitu eius*, quo indicatur Deum fore Ecclesiae suae protectorem, simulque terribilem hostium eius ultorem, quos instar ignis consumet. Item *Turris fortitudinis, turris salutis* rel.

VIA DOMINI est coelestis doctrina. Inde phrasae: *custodire vias Domini* pro, vitam secundum verbum et praecepta Dei instituere. *Viam Domini parare* dicitur S. Ioannes Malach. III. 1. De adventu eius instante verbi praeconio et baptismi sancto ritu inchoato, serio testari. Metaphora autem a Magnatibus sumitur, quorum praenuntiatur adventus, et quibus honoris causa via sterni ac complanari solet.

UMBRA vocatur Deus, qua singularis eius protectio innuitur. Psal. CII. *Dominus אֶלֶף umbra tua*. Duplicatur metaphorae huius emphasis, quum dicitur *umbra alarum Dei*. Dicitur et *umbra manus Dei*, qua loquutione, protectionis divinae robur et potentia adversus quosvis hostes significatur. Mirae emphaseos est, quod legitur Luc. I. *Spiritus S. superveniet in te*, et virtus Altissimi ἐπισκιάσει σοι obumbravit tibi, h. e. singularissima, potentissima et occultissima, quod vox *obumbrabit* significat, spiritus s. in te supervenientis et Altissimi operatione fiet istud, quod quaeris, o Virgo, quomodo



concupere possis. Divina haec *umbra* nos etiam a temeraria huius mysterii perscrutatione deterreat.

§. II.

De Metaphoris ab homine ad Deum translatis.

Quae ab homine ad Deum *ανθρωποπαθειως* desumuntur metaphorae, spectant tum hominis partes et membra, tum adfectus, tum actiones, tum adiuncta.

ANIMA Deo tribuitur, qua eius Essentia, voluntas, adeoque ipse Deus intelligitur. Lev. XXVI. 11. *Non abiiciet vos anima mea* i. e. ego. Jerem. LI. 14. *Iuravit Dominus . . . per animam suam* i. per semetipsum. Heinc phrasis : *ostendere animae suae bona* i. sibi. Psal. XXIII. 4 *qui non accepit in vanum* *וְשֵׁן* (ut legendum docent Massorethae) *animam meam* h. e. qui non iuravit in vanum per me, ita ut loquens inducatur Deus. *Animam accipere* est intendere animum; et *vanum* seu *vanitas* per anchiliam significat fraudes, dolos, nequitias rel. ut ex variis locis patet : sic Iob ait : *si ambulavi in vanitate* : et apud prophetam : *ambulaverunt post vanitatem*.

CORPUS ratione suae Essentiae incorporeae Deo nunquam tribuitur, at Christo Deo incarnato. *Corpus* opponitur figuris, umbris et typis V. T. et ipsa veritas seu complementum rerum per umbras illas praefiguratarum eo denotatur. Coloss. II. 17. *Quae sunt umbra futurorum, corpus autem Christi*. Versio Syriaca, *Christus* i. e. quorum veritas et complementum Christus est. Sic *ψ. 9. in quo habitat omnis plenitudo Divinitatis corporaliter* i. e. vere, perfectissime, non typice et umbratiliter, ut in V. T. sese Deus manifestavit. Ecclesia dicitur

Cor-



Corpus Christi, quia ab eo regitur, sensumque, vitam ac spirituales motus recipit, ut corpus hominis a capite habet, unde vivat, moveatur. Praeterea eo sensu Ecclesia complementum sive plenitudo Christi dicitur, quod licet Christus perfectissimus sit, et nostri non indigeat: tanto tamen amore Ecclesiam suam completur, ut sine ea nolit esse, perinde ut corpus non est sine membris suis.

CAPUT Christi dicitur Deus 1. Ratione humanae naturae, qua Christus minor est Patre Ioan. XIV. 28. 2. Ratione officii mediatoris et Redemptoris; omnia enim a Christo perfecta regimen suum a Deitate obtinent.

VULTUS seu FACIES frequentissime de Deo dicitur, variasque obtinet significationes. 1. significat eius manifestationem in coelo. Psal. XV. 11. *Adimplebis me lacticinia cum vultu tuo* h. e. manifestatione in coelo. vide Matth. XVIII. 18. 2. Eius manifestatio in terra, quum adspectabilis eius praesentia notatur per columnam nubis et ignis. Exod. XXXIII. 14. *facies mea praecedet te* i. e. columna nubifcet. 3. *Facies Dei* denotat ipsum locum, in quo se hominibus salutariter et gratiose patefacit. Gen. IV. 16. *Egressusque Cain a facie Domini* i. e. loco, in quo parentes eius cultum Deo praestabant, et singularem eius misericordiam experiebantur. Ion. I. 3. *Et surrexit Ionas, ut fugeret in Tharsis a facie Domini* i. e. e terra Israelis; putabat enim extra terram sanctam non esse divinis revelationibus locum, ac proinde sperabat in peregrinis locis illis Deum sibi molestum non amplius futurum. Huc pertinent *panes facierum* Vulg. *Propositionis*, qui in templo coram Domino ponebantur. *Facies* sumitur etiam pro tabernaculo seu templo Psal. XCIX. 2. *Ingredimini ad facies eius cum cantu* i. e. ingredimini in ta-



bernaculum eius. Vulg. *introite in conspectu eius cum exultatione*. Phrasis frequens: *requirere faciem Dei* i. e. consulere Dominum. Per *faciem* etiam frequenter tum *ira Dei*, tum eius favor et benevolentia innuitur, prout quisque locus postulat. Psal. XX. 10. *Pones eos ut clibanum ignis in tempore vultus tui* i. e. irae tuae. Psal. XXX. 21 *abscondes eos in abscondito faciei tuae*: abscondere pro defendere: absconditum est locus tutus: unde Iob: *a flagello linguae absconderis* i. e. tutus eris. *Absconditum faciei* i. e. gratiae et misericordiae.

Hinc istae phrasae: *Elevare faciem, lucere facere faciem super aliquem*, idem est, quod gratiam et misericordiam ei exhibere: et *abscondere faciem ab aliquo*, ei gratiam denegare, et iratum se exhibere significat. *Faciem Domini requirere* i. e. gratiam eius expetere. *Ambulare ante faciem Dei* est vitam instituere secundum beneplacitum eius.

OCULI Deo tribuuntur, quibus intelligitur 1. accuratissima eius scientia. Psal. X. 4. *Ecce oculi eius respiciunt, palpebrae eius interrogant filios hominum*. Interrogare pro scire, cognoscere, et exploratum aliquid habere. Sic: *conscientiae bonae interrogatio*. LXX ante verbum *respiciunt* addunt *εἰς τὸν πένοντα in pauperem*, quod ab Origine obelo notatum est: at licet Origines tempore in hebraeo non iaceret, id tamen exstare potuerat LXX Interpretum aevo, ut scribit Montfaucon; aut *τὸ in pauperem* explicationis et sensus complendi gratia adiciere potuerunt, sicut et fecerunt Psal. XXIII. 4. *adventes to proximo suo*. 2. Providentia eius inter homines, idque vel *in bonum* vel *in malum*: si in bonum; tuncque gratia et benevolentia divina notatur. Deut. XI. 12. *Quam (terram) Dominus Deus tuus semper in-*
vist

visit, et oculi eius in ea sunt a principio anni usque ad finem illius h. e. quam terram curat, fovet ac fertilem reddit. Psal. XXXI. 8. firmabo super te oculos meos: q. d. oculo suo seu indicio oculorum ei consulet Deus, sicut solent amici, ne prolabatur denuo in novum malum, invigilando ei, eum protegendo. Inde phrasēs: Oculum Dei parcere i. e. Deum propitium fieri. Proitici a facie cura et favore eius privari. Tanquam pupillam oculi Dei oculorum Dei est custodiri peculiari eius gratia, protectione frui designat.

In malum, quo ira Dei, et poenae ab eo infligendae designantur. Amos IX. 4. *Ponam oculos meos super eos in malum, et non in bonum. Is. III. 8. Oculos divinae Maiestatī provocari est ad iram ipsum concitari.*

AURES Deo tribuuntur, quibus significatur non in genere solum cognitio rerum omnium, quae in terris aguntur; sed in specie 1. precum, quae ipsi a fidelibus, ut par est, offeruntur. Psal. IX. 17 *desiderium pauperum exaudivit Dominus, praeparationem cordis eorum audivit auris tua.* Praeparatio cordis pro erectione et recreatione animi; petit enim, ut Deus erigat animos pauperum i. e. piorum exaudindo illos: hebr. habet: *praeparasti cor eorum, audiat auris tua, vel ut alii: praeparabis cor illorum, ut aurem tuam facias intentam; habere autem aurem intentam est opem ferre, intentum esse alicuius orationi.* 2. Gravissimorum peccatorum, quae ut clamantia in coelum alias proponi solent, cognitio. Is. V. 9. *In auribus meis sunt haec, dicit Dominus exercituum.*

Nota phrasin AURES PERFORARE, pro in servum fidelem adsciscere: est adlusio ad ceremoniam et legem Exod XXI. 7 ubi coram iudicibus servo, qui septimo



anno liber exire volebat, sed sponte in servitute Domini sui manere volebat, aures perforabantur in signum perpetuae servitutis. Apostolus id adtribuit Christo. Psalm. XXXIX. 7. *sacrificium et oblationem noluisti, aures autem perforasti mihi* q. d. in perpetuam servitutem me addixisti: *) quare metaphora hac perfectissima obedientia Deo Patri a Filio incarnato praestita significatur.

— NASUS Deo tribuitur Deut. XXXIII. v. 10. *Ponent* (Levitae) *thymiana* נִסְנֵף in naso, vel ad *nasum* tuum h. e. ut sit odor gratissimus naribus tuis. *Nasus* meta-

- *) Respondet hebraeum: *aures* אָזְנוֹי *praeparasti mihi*, וְכִי כִּי praeter fodere. perforare, etiam significat praeparare IV. Reg. VI. 23. atque hac significatione quoque Symm. κατισχυασας μοι *instruxisti, praeparasti*. Quocumque modo interpreteris, idem erit sensus; aurium enim perforatio seu perfectio promptam significat obedientiam: quum enim aures bene perforatae et perfectae sint, exquisitus est auditus, proindeque in mandatorum exequutione nulla, hac ex parte, interponitur mora. Nota quod in pleris codicibus graecis pro ὠτίς *aures* aut *auriculas* legatur σῶμα *corpus*, quam lectionem imitatur Apostolus ad Hebr. X. 5. Omnino probabilè est LXX priori modo legisse et transtulisse, ut liquet ex Cod. Coissiano apud Guarin: idem exhibet Eusebius cum duobus Scholiis graecis apud Nobilum et Calmet, quorum unum ita habet: *aures autem perfecisti mihi, beatus Apostolus in CORPUS commutans dixit, non quod hebraeum ignoraret, sed ad suum scopum usus*. Ita porro S. Hieronymi aetate lectum esse suadet, quod, quum omnes etiam minutissimae inter graecum et latinum discrepantiae illi obicerentur, de hoc loco taceatur. Unde verisimile est τὸ σῶμα pro τῇ ὠτίς a critico quodam sed indocto ad normam loci Hebr. X. positum fuisse. Similia enim ab antiquis quandoque practicata fuisse, variis demonstrari potest. Interim loquutio Apostoli in re differre non videtur; nam *corpus aptare* aut *praeparare* idem significare potest, quod aliquem excitare ad cursum et promptum reddere ac in exequendis mandatis velocem.

metaphorice saepe fumitur pro ira, metaphora desumta ab iratis, qui solent flatum e naribus emittere: natus etiam index irae est: Unde LXX habent: ἐν ὀργῇ σου Vulg. *in furore tuo* i. e. ad placandum furorem tuum, quum iratus fueris. Hebr. **אף** et *nasum* et furorem significatur.

Os Deo tribuitur, quo intelligitur *in genere* 1. Eius voluntas, sententia, mandatum cet. Ios. IX. 14. *Os Domini non interrogaverunt* i. e. sententiam Domini non requisierunt. I. Reg. XV. 24. *Peccavi, quia transgressus sum* **פִּי יְהוָה** os Domini i. sermonem Domini. Notandus est locus Deut. VIII. 3. *Non in solo pane vivit homo, sed in omni* (verbo) *quod egreditur de ore Dei*, i. e. in qualibet alia re, quam Deus ad sustentandam hominis vitam statuerit; *verbum* enim, quod hic subintelligitur, hebraeis idem est, ac τὸ πρᾶγμα Graecis, et *negotium* latinis. 2. *In specie*, quando familiari et intima ratione se alicui benefacit. Num. XII. 8. *Ore enim ad os loquor ei* (Mosi.)

BRACHIUM Deo tribuitur, quo robur eius et potentia innuitur; quia in hominibus corporis robur in labore, pugna cet. brachiis potissimum exferitur. Psal. CXXXV. 11 *in manu potenti et brachio* **בְּיָדָא** quod alii *extento*, S. Hieron. magna vi, et potentia et efficacia. Nota. Hebraei, quando volunt dicere rem factam esse cum plena libertate et palam absque timore, dicunt rem factam fuisse libero et potenti brachio, non more servorum, qui abscondite fugiunt: metaphora sumta a pugnantibus, vel aliis vehementius labori alicui incumben-
tibus; illi enim brachium omni vi et impetu exferere et levare solent, quandoque etiam denudare ad impe-



dimenta vestium removenda. If. LII. 1. *Quis credidit auditui nostro, et brachium Domini cui revelatum est?* quae loquutione significari volunt doctrinam Evangelii, quae est potentia Dei ad salutem omni credenti. Rom. I. 16. Luc. I. 51. *Fecit (Deus) potentiam in brachio suo* h. e. maximam suam potentiam exseruit.

MANUS significant etiam Dei potentiam in potentissima ac mira admodum operatione. Num. II. 23. *Nunquid manus Domini invalida est?* i. e. potentia Domini. 2. In protectione singulari. Psal. XXX. 6, *In manus tuas commendo spiritum meum.* 3. In poenarum inflictione. Exod. IX. 3. *Ecce manus mea erit super agros tuos, et super equos et asinos . . . pestis valde gravis.* 4. Metonymice pro ipsa poena divinitus inflicta. Iob. XXIII. 2. *Manus mea adgravata est super gemitum meum* i. e. plaga mea, ut Chald. reddidit; vel *manus plagae meae*, ut Vulg. i. e. manus, quae mihi plagam infixit.

Nota phrasēs: *Manum extendere*, pro poenas immittere. Exod. VII. 5. *Manum mittere*, eodem sensu, Iob I. 11. *Manum movere*. If. XIX. 16. *Et timebunt a facie commotionis manus Domini exercituum, quam ipse movebit super eam (Aegyptum)* *Manum Dei gravari vel adgravari*, gravius ab eo castigari significat: instrumenti synecdoche manus pro plaga inflicta. Psal. XXXI. 4. *Manum Dei alleviari vel relevari* mitioribus poenis adfici, vel illis liberari denotat. I. Reg. VI. 5. *Si forte releveat (Deus) manum suam a vobis.* *Manum suam avertere* dicitur Deus, quum plagam seu poenam non infligit. Ezech. XX. 22 *averti autem manum meam.* i. e. poenam. Et contrario significatu, *manum convertere* est poenas repetere. If. I. 25. *Et convertam manum meam ad te, et excoquam ad purum scoriā tuam.* i. e. iterum poenis et
ad-

afflictionibus eliquabo te. *Manum levare ad gentes* dicitur, quum eas advocat, II. XLIX. 22. *Manum extendere*, quum ad resipiscentiam misericorditer vocat Prov. I. 24. *Manus complodere*, detestari et aversari innuit, Ezech. XXI. 17. *Manus levare* seu *extollere*, est iurare. Exod. VI. 8. Denique *Manus Domini* adflatum quemdam propheticum significat, quem sanctis suis hominibus ad opera quaedam et effata indidit, III Reg. XVIII. 46. IV. Reg. III. 15, quibus in locis paraphr. Chald. phrasi *requiescere spiritum prophetiae* utitur.

DEXTERA Deo tribuitur, qua pariter divina eius potentia intelligitur. Psal. LXXVI. 11. *Et dixi, nunc coepi: haec mutatio dexteræ Excelsi.* *) Hinc phrasis: *sedere ad dexteram Dei* dicitur de Christo secundum humanam naturam exaltato; Psal. CIX. 1. *Sede a dextris meis.* Phrasis a modo agendi Regum desumpta, qui eos, quibus proximum a se honorem tribuunt, ad dexteram suam collocant: *sedere* hic significat tenere imperium, q. d.

*) Hebraeum ita habet: *אָפּי הָלֹחִי הָיָא שְׁנַת יְסִין עָלַי* *Et dixi infirmari meum ipsum anni dexteræ Excelsi*: ab הָלֵל (unde et הָלַל incepit, quo sensu LXX) et in infinitivo *Pibel* formae הָלֵל v, praeced. et שְׁמֹת Ezech. XXX. 3. a שָׁמַם. Aquila: *infirmas mea, haec mutatio dexteræ Altissimi.* Theodot. *dolores sunt mutatio dexteræ Altissimi.* Symm. *Vulnus meum est iteratio dexteræ Altissimi.* S. Hieron. *Imbecillitas, mea est haec, commutatio dexteræ Excelsi.* i. e. infirmitas, calamitas mea haec aliunde non est, quam ex mutatione dexteræ i. e. potentiae Excelsi, quae prius hostes meos subiiciebat mihi, nunc autem me ipsis subiecit. Sensus Vulgatae est: post tantas igitur anxietates cogitavi, vidi et expertus sum, me incipere respirare, dum ad orationem conversus, intellexi, hanc calamitatem meam esse ex mutatione dexteræ Excelsi, quae prius cca. ut supra.



q. d. pari mecum imperio, summaque potestate regna super omnia.

DIGITUS Deo tribuitur, quo itidem potentia et virtus Eius operantis denotatur. Exod. VIII. 19. *Digitus Dei est hic* i. e. potentia divina. Item *Spiritus Sanctus*. Luc. XI. 20. *Si in digito Dei eiicio daemonia*; quod Matth. per *spiritum Dei* exprimit. c. XII. 28 et in hymno Pentecostes, *digitus paternae dexteræ*.

COR Deo tribuitur, quo 1. viva eius Essentia significatur, quemadmodum in homine cor principium vitae censetur. Gen. VI. 6 *et doluit (Deus) in corde suo* i. e. in semetipso. 2. Voluntas et decretum divinum. Gen. VIII. 21 *dixit Dominus in corde suo* i. e. statuit, decrevit. Ierem. XIX. 5. *Quae nec praecepi nec loquutus sum, nec ascenderunt in cor meum* i. e. nec cogitavi; cor enim secundum scripturam sedes animae est, cuius est cogitare, velle, decernere. 3. beneplacitum et approbatio Dei. I. Reg. XIII. 14. *Quaesivit sibi Dominus virum iuxta cor suum* i. e. secundum beneplacitum suum.

VISCERA Deo adtributa exprimunt misericordiam Eius, et ardentissimam dilectionem. Is. LXIII. 15. *Ubi est zelus et fortitudo tua, et multitudo viscerum tuorum?* i. e. amoris tui ardentissimi.

SINUS Deo tribuitur in tribus scripturae locis 1. Psal. LXXIII. 11. *Ut quid avertis manum tuam et dexteram tuam de medio sinu tuo perfice vel confice* i. e. ne finito amplius dexteram tuam in sinu tuo otiosam residere, sed ex eo eductam exere contra hostes tuos et perfice opera tua; vel confice, consume hostes tuos. Vulg. *de medio sinu tuo in finem*, ut sit adfectionum nostrarum finis. 2. Is. XL. 11. *Sicut pastor gregem suum pascet, in brachio suo congregabit agnos, et in sinu suo levabit vel portabit*

tabit h. e. summa benignitate et misericordia erga eos utetur. Metaphora sumpta est a pastoribus, qui solent parvos et imbecilles agnos in sinu molliter gestare, sicut oves grandiores in cervice aut tergo. 3. *Unigenitus filius, qui est in sinu patris* Ioan. I. 18 qua metaphora intima communio filii Dei cum Deo Patre innuitur, quae consistit tum in aeterna generatione, tum in unitate Essentiae, tum ardentissima dilectione, tum denique in secretissimorum communicatione; solus enim filius novit, et perfecte videt Patrem; unde solus eum et mysteria eius coelestia patefacere potest; ad quod ultimum Ioannes potissimum respicit, ut ex ipso contextu liquet.

PEDES Deo tribuuntur, quibus denotatur 1. Eius immensitas, five in quovis loco praesentia. If. LXVI. 1. *Coelum sedes mea, terra autem scabellum pedum meorum.* i. e. in coelis et in terra habito simul five praesens sum. 2. Eius operatio tum in hostibus subplantandis et conterendis. Psal. CIX. 1. *Donec ponam inimicos tuos scabellum pedum tuorum.* Tum in Ecclesia salvanda et glorificanda. If. LX. 13. *Gloria Libani ad te veniet, abies et buxus et pinus simul . . . et locum pedum meorum glorificabo* i. e. Ecclesiam, quae pedibus meis adsidet, ut verba mea et doctrinam meam audiat; unde Deut. XXXIII. 3. legitur: *Omnes sancti in manu illius sunt, et qui adpropinquant pedibus eius, accipient de doctrina eius.* Metaphora desumitur a ritu discipulorum, qui magistrorum suorum pedibus adsident. Nahum I. 3. *Nebulae dicuntur pulvis pedum Dei* quo tropo maxima eius inter gradiendum celeritas indicatur. Ut enim homines, qui currunt, ingentem pulverem excitant: sic Deus, dum in coelis ambulat, nubes quasi pulverem pedibus suis commovet.



§. III.

Adfectus hominis Deo tributi.

Quum Deo adfectus humani tribuuntur, videndum est in primis, ut omnis imperfectio ab eis removeatur; longe enim aliter se habet Deus irascens v. g. et homo eodem adfectu correptus. *Ira hominis*, inquit *August.* 1. II. ad Simplician. q. 2. *turbida est, et non sine cruciatu animi: ira vero Dei, de qua dicitur in Evangelio Ioan. III. 36. sed ira Dei manet super eum; et Apostolus Rom. I. 18: revelabitur enim ira Dei de coelo super omnem impietatem, illo in tranquillitate iugiter manente, in creatura subdita exercet admirabili aequitate vindictam . . . ita Zelum humanum non sine peste livoris intelligimus, zelantem vero Deum non ita, sed eodem verbo, non eodem modo.* Quare theologis dicitur Deus irasci, odisse, poenitere cet. quod effectus adtinet, non quod adfectus. Quidam tamen distinguunt inter adfectus, quorum nonnulli ita Deo tribuuntur, ut vere in ipso sint, sed non ratione imperfecta, et per modum accidens, ut in homine: verum ratione longe puriori et eminentiori, adeoque per modum ipsius Essentiae seu substantiae, ut *charitas, misericordia, gaudium* cet. If. LXII. 5. *Et gaudebit sponsus super sponsam, et gaudebit super te Deus tuus: qua phrasi significatur gratuitus et propensissimus in suam Ecclesiam amor: q. d. sicut sponsus gaudet propter sponsam: sic gaudebit propter te Deus tuus o Ecclesia!*

Quidam vero adfectus humani proprie loquendo in Deo non sunt, sed ad divinum quiddam significandum per similitudinem ad Eum referuntur. Huius generis sunt *Tristitia* et *dolor* sive afflictio animi, quibus
gra-

gratiæ divinæ subtractio denotatur. II. *LXIII.* 10. *Ipsi autem ad iracundiam provocaverunt וַיִּצְבּוּ et dolore adfecerunt* Vulg. *et adflixerunt spiritum sanctitatis eius*, i. Spiritum Sanctum Eius; q. d. talia perpetrarunt, quibus spiritus s. gratia indignos sese præstiterunt. Psal. *LXXVII.* 40. *Quoties . . . וַיִּצְבּוּ eum in solitudine*, sive *in iniquo*. Vulg. h. e. quoties ita se gesserunt erga Deum, ut suam eis gratiam denegaverit, ac poenis adfecerit. Ephes. VI. 30. *Et ne λυψήτε contristetis spiritum s.* Sic Gen. IV. 6. *Et doluit Deus in corde suo* i. e. malitia hominum ipsi valde displicuit, ac de poena inmittenda decretum tulit. Huc pertinet illud. Iud. X. 16 *וַתִּקְצַר נַפְשׁוֹ et abbreviata est manus eius* i. e. doluit super miseriis eorum, ut optime Chald. et Vulg. interpretantur; quo dolore commiseratio divina hic significatur. Vide eandem loquutionem Zachar. XI. 8. Sed ibi de indignatione et averfatione divina usurpatur.

POENITENTIA Deo tribuitur, qua denotatur i. divina displicentia adversus peccata et poenarum inflictio Gen. VI. 6. *poenituit Eum (Deum) quod hominem fecisset.* 2. Divina commiseratio et poenarum ablatio, si agatur de hominibus seria poenitentia ad eum conversis. Exod. *XXXII.* 12. *Et poeniteat te (o Deus) super nequitia populi tui* Vulg. *Et esto placabilis.* 3. 14. *Et poenituit Dominum, ne faceret malum.* Vulg. *placatusque est Dominus.* In eiusmodi loquutionibus anthropopathicis solus adtenditur effectus agentis; sic Deus iratus dicitur, dum punit; poenitere, dum destitit a poena, quam infligere coeperat. Haec autem poenitentia Dei nullam in Eo mutationem arguit, sed tantum in rebus, quas inmotus mutat; utrumque enim ab aeterno decrevit, et facere ali-



aliquod opus, et illud rursus mutare propter peccata vel resipiscentiam hominum.

IRA, ULTIO, ODIUM Deo tribuuntur, quibus iusta eius vindicta innuitur, teste August. l. XIII. de Trin. c. 16. *Ira Dei nihil aliud est, quam iusta vindicta; non enim sicut hominis animi perturbatio est ira Dei, sed illius ira est, cui dicit alio loco s. scriptura* (Sap. XII. 18) *Tu autem, Domine Deus virtutum cum tranquillitate iudicas.* Exod. XV. 8. *In spiritu furoris tui congregatae sunt aquae.* Sumta est metaphora ab iratis hominibus, qui in vehementi irae commotione spiritum e naribus fortius emittunt. Unde quidam volunt ἦν primario *nasum* significare, secundario vero et metaphorice *iram*, quod ea in naribus potissimum adpareat. Sed falluntur; huius enim nominis radix ἦν pro *irasci, succensere* cet. ubique adcipitur; et ἦν ab ipso etiam Aquila (*contentioso interprete, qui non solum verba, sed etymologias quoque verborum transferre conatus est, ut scribit S. Hieron. ep. XXXIII. ad Pammachium*) redditur θυμός *ira* Psal. VI. 1.

LAETITIA sive GAUDIUM Deo punienti tributum, celeritatem eius in suppliciis infligendis denotat. Deut. XXVIII. 63. *Sic laetabitur (Dominus) disperdens vos atque subvertens i. e. cum celeritate disperdet vos.*

Consolationem accipere dicitur Deus, quum ab hostibus suis ultionem sumit, quemadmodum iratis hominibus vindicta solet esse suavissima. Is. I. 24. *Consolabor super hostibus meis, et vindicabor de inimicis meis.*

ONUS, DEFATIGATIO, LABOR Deo tribuuntur, quibus odium eius significatur. Is. I. 14. *Calendas vestras et solemnitates vestras odivit anima mea, fuerunt mihi oneri, laboravi sustinens.*

ZELUS

ZELUS seu ZELOTYPÍA Deo tribuuntur, quibus significatur ardentissima eius dilectio erga credentes, coniuncta cum indignatione adversus hostes eorum. *II. IX. 7. Multiplicabitur Eius (Messiae) imperium . . . Zelus Domini exercituum faciet hoc.* 2. Vehemens ira adversus improbos. *Exod. XX. 5. Ego sum Dominus Deus tuus, zelotes, visitans iniquitatem patrum in filios.* Sic in hiphil quum dicuntur homines zelare Deum facere, seu ad zelum, sive zelotypiam provocare, idololatria et peccatis aliis.

§. IV.

ACTIONES humanae Deo tributae.

Ex actionibus humanis aliae sunt, quae ad facultatem animae *intelligentem* sive rationalem pertinent; aliae, quae ad *sentientem* sive animale. Actiones quae ad intelligentiam spectant, sunt vel *internae* vel *externae*.

ACTIONES internae Deo tributae.

COGNITIO, non in genere; ea liquidem Deo propriissime et perfectissime omniscio competit; sed quasi experimentalis, et speciali quodam actu novo acquisita. *Gen. XVIII. 21. Descendam et videbo, utrum clamorem, qui venit ad me, opere compleverint: an non est ita, ut sciam.* Hic more hominum loquitur Deus, qui, ut rem sciant et cognoscant, ad locum, ubi facta est, se conferunt, et oculorum inspectione, aliisque mediis, de ea certi fiunt. *Ibid. c. XXII. 12. Nunc cognovi, quod times Deum,* i. nunc manifesto et externo indicio comperta est mihi cordis tui fiducia et obedientia, quam antea ex infinita scientia mea cognoscebam. Innuitur insuper divina facti huius adprobatio; nam scientia Dei duplici ratione

M

con-



consideratur, et ut notitia futuri, et ut adprobatio facti. Huc etiam referri potest Philip. IV. 6. Ubi Philippenses hortatur Apostolus, *ut petitiones eorum innotescant apud Deum* h. e. ipsi gratae sint ac probatae.

IGNORANTIA Deo tribuitur, qua innuitur ipse displicentia, odium, ira et aversio: sicut e contrario noscere pro amare sumitur: familiare enim est iudaicis, transferre verba intellectus ad voluntatem: quae figura vocatur *Anchistia*, de qua infra. Unde illud: *nescio vos* i. e. non curo, non amo vos. I. Cor. XIV. 38. *Qui ignorat, ignorabitur* i. e. improbabitur. Is. XL. 27. *Quare dicis, Jacob, et loqueris Israel: abscondita est via mea a Domino*: h. e. odio habemur et negligimur a Domino, nec is curat res nostras. Huc referuntur interrogationes quaedam a Deo institutae tanquam ignorante, quum revera ipsum nihil lateat, nec ulla opus habeat interrogatione. Sic Gen. III. 9. *Adam . . . ubi es?* S. Ambros. de Paradis. c. XIV. *Interrogatio non est, inquit, sed increpatio: de quibus bonis, de qua beatitudine, de qua gratia, in quam miseriam incidisti?* S. Aug. cont. Faustum I. XII. c. 10 inquit: *interrogat Deus Cain, non tanquam ignorans eum, a quo discat; sed tanquam iudex, reum, quem puniat.* Sic etiam in Evangelio Matth. XXII. 20 *cuius est imago haec?* huiusmodi quaestiones instituebat Christus, non quod ignoraret, quod quaereret; sed ut inde occasionem haberet docendi vel increpandi, quos sic interrogabat.

Quum Deus dicitur *scrutari corda et renes*, quasi ea, quae scrutatur, sibi cognita prius non essent: Hac itaque loquutione adcuratissima eius scientia exprimitur; ut apud homines sine scrutinio et indagatione locum vix habere potest certissima rerum notitia.

Re-

RE-

RECORDATIO sive REMINISCENTIA Deo tribuitur vel in bonam vel in malam partem. In bonam, quando hominibus opitulatur post aliquas calamitates, in quibus eorum oblitus fuisse videbatur. Gen. VIII. 1. *Recordatus autem Deus Noe* cet. In genere recordatio divina donotat benevolum eius adfectum, gratiam, beneficium erga homines. Sic recordatio foederis, cuius intuitu Deus hominibus benefacit. Gen. IX. 15. *recordatio verbi* Pf. CXVIII. 49. *Memor esto verbi tui* i. e. promissionum tuarum de iuvandis piis. In malam partem, quum peccata hominum punit. Psal. XXIV. 7. *Delicta iuventutis meae . . . ne memineris Domine.*

OBLIVIO Deo tribuitur, quando, inquit S. Aug. in Pf. CVIII. *tardare videtur adiutorium vel promissum, vel non retribuere digna peccantibus, vel siquid huiusmodi, tanquam eius memoriae elapsum, quod speratur, sive timetur, et non fit.* XII. 1. *Usque quo, Domine, oblivisceris me in finem.* P. Scmits vult hic esse *apostrophen* (est figura rhetorica, qua aliquid reticetur; et hic particula interrogationis) frequentem in *usquequo*, ut Pf. VI. 4. *ut sit: usquequo Domine? oblivisceris me in finem?* idem est. Pf. LXXVIII. 5. Sic enim vitabitur species contradictionis inter *usquequo*, quod significat, se ignorare terminum ad quem, et *in finem*, quod si exponatur in aeternum, ut oportet, adfirmat terminum ad quem. Inconcinnus videtur loquutio: *usquequo oblivisceris me in crastinum?* Interim נָצַח, quod LXX ordinarie per *in finem* explicant, etiam saepe significat *tandem, absolute, semper, sine interruptione, plane*: quum ergo dicit: *oblivisceris me in finem*, queritur, quasi Deus penitus et plane oblivisci videatur.



COGITATIO Deo tribuitur, qua voluntas, sententia et decretum eius significatur. Gen. L. 20. *Vos cogitastis de me malum, sed Deus cogitavit illud in bonum* h. e. decrevit, sive vertit, ut optime interpretatur Vulg. Ps. XCI. 6. *nimis profundae factae sunt cogitationes tuae* i. e. inscrutabilia sunt iudicia tua. Descendit hic Psalter ad Providentiam, praesertim in articulo de felicitate impiorum, ita ut cogitationes adcipiantur pro providentiis, quae certe sunt imperscrutabiles, dum Deus permittit impios omni felicitate abundare, et probos miseriis vix non consumi.

ACTIONES externae Deo tributae.

I. *Oris actiones.* SIBILATIO tum in bonum Zach. X. 8. tum in malum Is. V. 26.

SUFFLATIO, qua ira Dei significatur, metaphora desumpta ab iratis hominibus, qui fortius spirant. Ezech. XXI. 31 *igne furoris mei sufflabo in te.*

RISUS et SUBSANNATIO Deo tribuuntur ἀνθρωποπαβώς; solent enim viri prudentes eos, qui immensa et ἀδύνατα peragenda suscipiunt, irridere. Psal. II. 4 *qui habitat in coelis, irridebit eos, et Dominus subsannabit eos.*

OSCUATIO Deo tribuitur, quum de filio eius incarnando sermo est. Cant. I. 1. *Osculetur me osculo oris sui*, sic loquitur Ecclesia Christi sponsa. Quousque mihi sponsus meus mittit oscula per Moysen, mittit oscula per prophetas? iam ipsius cupio ora contingere, ipse veniat. Orig. hom. I. in cant. Et de osculo dando filio Dei Psal. II. 12. *Osculamini filium, ne quando irascatur cet.* i. e. subditi estote illi filio, de quo dicitur v. 7, *filius meus es tu, ego hodie genui te.* Per osculum antiquitus homagium prae-

praeftabatur novis Regibus: invitantur nationes, ut idem praeftent novo Regi Messiae.

LOQUUTIO five SERMO saepissime Deo tribuitur: et tam *immediate*, quam *mediate* per prophetas suos Deus nobis loquutus est, in quorum scriptis frequentius nihil occurrit quam hoc: *Haec dicit Dominus*. Per *loquutionem* saepe efficax voluntatis divinae decretum exprimitur. Psal. CIX. 1. *Dixit Dominus Domino meo: sede a dextris meis* i. decrevit, simulque effecit Deus omnipotens, ut Dominus meus Messias five Christus a dextris eius sedeat. Gen. I. 3. et VIII. 21.

INCREPATIO ad loquutionem pertinet, qua realis vel effectio vel perditio notatur. Effectio Psal. XVII. 16. *Et adparuerunt fontes aquarum, et revelata sunt fundamenta orbis terrarum* v. 17. *ab increpatione tua Domine*. i. e. increpatio tua effecit, ut adparerent fontes aquarum. Sic Christus Luc. VIII. 24. *Increpavit ventum et tempestatem aquae et cessavit, et facta est tranquillitas*. Quotiescumque Deus aliquid miri operari, dicitur increpare: sic *increpuit mare rubrum*. Sic dicitur increpare gentes, et plura huiusmodi, quae omnia significant supremam potentiam etiam supra naturae leges. Psal. IX. 6. *Increpasti gentes et periit impius*. Ubi perditio innuitur. Psal. LXVII. 31. *Increpa feras* vide supra.

PRAECEPTIO seu mandatum, quo Dei in creatura etiam rationis experte, ad certum opus peragendum vel omittendum directio innuitur. Is. V. 6. *Et nubibus mandabo, ne pluant super eam imbrem* i. ita nubes disponam. Porro ex eo, quod Deus stellis imperare dicatur, quidam concludebant, eas esse rationis participes, quos erudite confutat S. Hieron. comm. in h. l. *Non recordantur, inquit, quod in Iona* (c. IV. vv. 7. 8.) *scriptum sit:*



praecepit Dominus spiritui comburenti: *et rursum*: Praecepit vermi matutino: *et quod in Evangelio Salvator ventos et mare increpaverit, in quibus sensum et rationem non esse perspicuum est.* Immerito S. Doctor reprehenditur a Glassio, quasi exempla incongrua retulerit, propterea quod in Hebraeo non sit וַיִּצְוֶה praecepit, sed וַיִּמְרֹץ praeeparavit non enim textum hebraeum laudat S. Doctor, sed LXX versionem, qui habent: καὶ προσέταξεν ὁ θεὸς σκιάλῃ, ἔωθινῇ *et praecepit Dominus vermi matutino* v. 8. καὶ προσέταξεν ὁ θεὸς πνεύματι καὶ ὥσωνι συγκαίοντι *et praecepit Dominus spiritui comburenti.*

RESPONSIO, quum ad preces hominum respondere dicitur Deus i. e. quum eas exaudit. I. Reg. VII. 9. *E contrario filere dicitur, quum eas non exaudit, quo silentio mora eius in consolando et adiuvando innuitur.* Psal. XXVII. 1. *Ad te Domine clamabo, ne fileas a me: ne quando taceas a me:* auxilium et consolationem tuam diutius ne protrahas.

NUMERATIO Deo adfingitur, qua 1. maxima Dei cura ac providentia significatur; quae enim diligenter curamus, ea in numerato habere solemus. Psal. LV. 9. וַיִּסְפְּרָהּ לִי מִגְרָתִי migrationem meam vel motionem meam numerasti i. e. motus meos, viam meam curasti, vagationes aut fugas meas custodivisti. *) Matth. X. 30. *Vestri autem*

*) Differunt antiqui a moderno textu hebraeo; accipe totum verbum: וַיִּסְפְּרָהּ לִי מִגְרָתִי בְּנֵאמָר הִנֵּה הָיָה לִי בְּכִי וְנִיחָא מִגְרָתִי מִן מִגְרָתִי motionem meam numerasti tu, pone lachrymam meam in utre tuo: nonne in libro tuo? Nota paronomasiam in hebr. in to וַיִּסְפְּרָהּ לִי vagari meum, et to בְּנֵאמָר in utre tuo. Symm. τὰ ἐνδον μου ἀξιοθέμετα, S. Hieron. Secretiora mea enumerasti pro וַיִּסְפְּרָהּ לִי videntur legisse סֵפֶר Secretum meum, vel in plurali סִפְרֵי Secreta mea. LXX. τὴν ζωνὴν μου ἐξήγγιλά σοι Vulg. visam meam ad-



autem capilli capitis omnes numerati sunt. 2. Rerum nobis innumerabilium adcurata scientia Psal. CXLVI. *Qui numerat multitudinem stellarum* i. e. exactam habet scientiam stellarum disperfarum. Huc etiam pertinet

EMPTIO et VENDITIO, quae Sermone contractuum indice, fieri solet. Et *venditione* quidem traditio in potestatem hostium notatur; quare verbum *וָכַר* vendidit in quibusdam locis per vocem *tradidit* a Vulg. redditur. Deut. XXXII. 30. *Nonne ideo, quia Deus suus vendidit eos, et Dominus conclusit illos?* vide Iud. II. 14. Psal. XLIII. 13. *Vendidisti populum tuum sine pretio, et non fuit multitudo in commutationibus eorum:* et inhaerendo literae: multitudo subaudi pretii seu pecuniae, et *commutatio* pro venditione, species pro specie: sensus naturalis est: et pauci aderant, dum vendebantur, dum publicae venditioni exponerentur, vix aderant mercatores: nihili enim aestimabantur. Servi olim non vendebantur, nisi crebra licitatione, aucto pretio: at illos primo licitanti concessisti, quovis oblato pretio etiam vilissimo: ac si pretii momentive nullius essent, eos vendi fecisti.

M 4

II.

nuntiavi tibi, to *וָיָנִי* aut sumserunt pro *vita*, sensus duntaxat habentes: est enim vita nostra iugis quaedam vagatio, et peregrinatio: vide Gen. XLIV. 9. Aut legerunt *וָיָנִי* *lucernam meam*, et metaphorice *vitam meam*: et pro *וָיָנִי* *numerasti* legerunt *וָיָנִי* *recensui tibi*, contracte pro *וָיָנִי* *וָיָנִי*; et pro *וָיָנִי* legerunt *וָיָנִי* *in conspectu tuo*: et pro *וָיָנִי* cum Symm. acceperunt pro praeterito: sic to *וָיָנִי* *pone* pro *posuisti* Psal. VIII. 2. Tandem pro *וָיָנִי*, unde *וָיָנִי* recte et conformiter ad radicem *וָיָנִי* per *ἐπαγγελίαν* *promissionem*, *denuntiationem* reddiderunt *ἐν τῇ ἐπαγγελίᾳ σου*, legendo cum *וָיָנִי* pro *וָיָנִי* *sicut et in promissione tua.*



II. *Manuum actiones.* Actiones, quae manibus ut plurimum peragi ab hominibus solent, quaeque Deo ἀνθρώποις τὰ βλάνα; tribuuntur, dividi possunt in *generales* et *speciales*. Generales sunt

LABOR tum in opere creationis. Iob X, 8. *Manus tuae יָצַרְתִּי elaboraverunt me* Vulg. *fecerunt me*. At verbum hebraeum proprie significat magno labore, arte et diligentia aliquid formare. Vide etiam Psal. CXXXVIII. 15. ubi Deus hominem *acu pingere* dicitur, ob mirabilem venarum, arteriarum, ossium cet. quasi contexturam. Tum in opere redemptionis. vide Is. LIII. 11. quae de molestia, et anxietate Christi in passione dicuntur.

QUIES vel CESSATIO labori opponitur. Gen. II. 2. *Et requievit die septimo ab universo opere, quod patrarat.* i. e. prout exponit S. Chrys. hom. X. in Gen. *substitit*, cessavit a formandis producendisquae ex nihilo rebus.

Speciales hominum actiones quam plurimae Deo tribuuntur, quibus varia ipsius opera tum iustitiae et irae designantur.

LAVARE vel ABLUERE dicitur Deus fordes et peccata, quum ex gratia sua remittit. Psal. L. 4. *Amplius lava me* i. e. conformiter ad hebr. *multiplica*, iterum iterumque lava me. Adludit ad lotiones legales, quibus mundabantur certae immunditiae externae; dicit autem, ut magis et melius et perfectius ipse lavetur a peccato, quam per illas fiat lotiones: unde v. 8. *subdit: asperges me hyssopo*: in mundatione leproforum ultima expiatio fiebat hyssopo; et hic aspergio hyssopi significat ultimam et perfectam absolutionem seu mundationem.

AEDIFICARE pro creando producere. Gen. II. 22. *Et aedificavit Dominus Deus costam, quam tulerat de Adamo, in mulierem.* Item pro benefacere, benedicere Psalm. XXVII. 5. *Destrues illos, et non aedificabis eos;* i. e. non benedices, non benefacies eis. Aedificare domum est aliquem donare domo, ut habeat et liberos et familiam et omnes commoditates: pro Davide saepe dicitur, quod Deus velit ei aedificare domum. Hinc intelliges, quid significetur, dum dicitur de obstetricibus Exod. c. I. 21 *et aedificavit (Dominus) eis domus.*

ADPREHENDERE manum alicuius dicitur Deus, quum eum confirmat, ducit, ac prospero successu donat. Is. XLV. 1. *Haec dicit Dominus Christo meo Cyro, cuius adprehendi dexteram, ut subiiciam ante faciem eius gentes.*

CONCLUDERE sub peccato dicitur, quum homines peccato obnoxios ac aeternae damnationis reos declarat. Rom. XI. 32. *Conclufit enim Deus omnia in incredulitate, ut omnium misereatur.*

CONFLARE more metallorum et aurifabrorum i. quum pios adflictionibus probat et purificat. Psal. XVI. 3. *Ignem me conflasti (Vulg. examinasti) et non est inventa in me iniquitas,* quoad causam usurpati regni, quod Davidi obiectum ab inimicis, quasi non a Deo electus, invasisset regnum Saulis, ut patet ex *. seq. *)

2. Quum doctrinam salutis et morum repurgat. Mal. III. 2. *Ipse enim (Christus) quasi ignis conflans, et quasi herba fullonum. *. 3. Et sedebit conflans, et emundabit argentum, et purgabit filios Levi, et colabit eos quasi aurum*

M 5

et

*) In hebraico habetur *מַחְשְׁבוֹתַי* cogitationes meas, prout legit S.

Hieron. *et non invenisti cogitationes meas transire os meum.* LXX vero saepissime hanc vocem priori significatione per *to iniquitas* reddunt: et legerunt pro *מַחְשְׁבוֹתַי*, prout modo punctatur, *מַחְשְׁבוֹתַי*



et quasi argentum, et erunt Domino sacrificia offerentes in iustitia. 3. Quum improbos plane excindit. Ezech. XXII. 18. 19. 20 cet. ubi elegans metaphora continuatur.

CRIBRARE, quum suos calamitatibus explorat, etiammen conservat. Amos IX. 9. *concutiam in omnibus gentibus domum Israel, sicut concutitur triticum in cribro, et non cadet lapillus super terram.* Et econtrario, quum impios difficit et perdit. Is. XXX. 28. *Ad agitandas gentes in cribro vanitatis, i. e. ita ut in vanitatem seu in nihilum abeant.* Vulg. sensum optime reddidit: *ad perdendas gentes in nihilum.*

DECALVARE CAPUT, quum ornamentis spoliat, significat captivitatis miseria. Is. III. 17. *Decalvabit Dominus verticem filiorum Sion, et Dominus crinem earum nudabit.* Captivis olim caput radebatur, atque tondebatur: quod futurum praedicit mulieribus in Ierusalem ob earum in vestibibus luxum: auditum sane nunquam, neque visum, virgines et mulieres in partibus Orientalibus discooperito capite incedere: et quum insuper decalvatas incedere praedicitur, maximae servitutis notam innuit propheta, eoquod maximus mulierum ornatus in capillis consistat.

Delere ex libro viventium, quum inter salvandos non censet; ita plerumque exponunt illud Exod. XXXII. 32. *Aut si non hoc facis, dele me de libro tuo, quem scripsisti,* h. e. e numero salvandorum. Eodem in sensu sumunt illa Davidis Psal. LXVIII. 29. *Deleantur de libro viventium, et cum iustis non scribantur.* *)

DE-

- *) Tirinus ex S. Thoma duplicem ponit iustorum album sive librum: unus est eorum omnium, qui pro praesenti tempore iusti sunt, et quibus ratione praesentis iustitiae debetur vita aeterna

na

DEGLUTIRE, DEVORARE, ABSORBERE dicitur Deus quum penitus perdit. Exod. XV. 7. *Misisti iram tuam,*
et

na; licet per peccatum possint ab hac iustitia et vita excedere. Alter est eorum, qui pro aeternitate praeoscuntur a Deo iusti futuri, et vita aeterna reapse potituri. Hi sunt soli praedestinati, qui nunquam eradi possunt. De utrovis libro, pergit, potest hic Moses intelligi, non quidem absolute et efficaciter (id enim impium esset vel impossibile) sed solum hypothetice, casu quo citra culpam ullam illud posset utile medium esse ad veniam populo obtinendam.

Sententia haec ut ut communior et Patrum autoritate roborata sit, sensum tamen arbitror naturaliore, temporisque illius circumstantiis, ac carnalitati populi adcomodatiorem, si librum illum de temporalis vitae, seu hic viventium catalogo accipiamus; aut quod in idem redit, de memoria, de cura et favore temporali, quem hominibus, in hac vita degentibus, impendit Deus. Hebraei, utpote toti carnales et praesentibus inhiantes, Deum sibi effluerunt velut Regem et principem, qui exactum in commentariis suis subditorum servat catalogum: vide Ps. CXXXVIII. 16. et Ps. LV. 9. Quemadmodum hae, similesque anthropopateiae eo spectant, ut Dei notitiam, curam, providentiamque, quam habet ac viventibus impendit, delineant: ita sensu naturali deleri de dicto libro, est veluti extra divinam notitiam et curam velut collocari, patet ex Psal. LXXXVII. 6. ubi propheta, se mortuis et sepultis, *quorum*, inquit, *non es memor amplius*, et *qui de manu tua repulsi sunt*, a Deo comparari queritur. Quae quidem ad solum naturalem mortuorum statum spectant, in quo certe non illo sensibili gaudent opitulationis, curae et protectionis beneficio, quo fruuntur viventes. Imperator milites suos recensens, quos vivos reperit, retentis, mortuos de libro expungit, eorumque deinceps non recordatur, aut curam habet. Ea emblema, quod hic hebraeis objicitur.

Liber vitae, prout illum accipimus, nobis aperte sistitur a Propheta Ps. cit. LXVIII. 29 *deleantur de libro viventium.* De quibus hic



et devoravit eos. If. XV. 8. *אָבסאָרפּט* absorpsit mortem in sempiternum. Vulg. praecipitabit, ex Aquila, qui interpretatus

hic agit propheta? certo de hominibus impiis, et suis iniquis persecutoribus. At hi in libro vitae aeternae, ut primo modo a Tirino adcipitur, non recensébantur, quum pro praesenti tempore iusti non essent. Neque de iis loquitur, qui sunt numerati in libro aeternae praedestinationis: quis enim credar, mansuetissimum Davidem adeo vindicta hic abreptum ac saevientem, ut etiam aeternae vitae iacturam inimicis suis imprecaretur? Et sit, id genus dicta, iuxta Patres, vaticinia potius, et minas, quam ultionis vota habenda esse: sed an rem impossibilem prophetam comminatum aut vaticinatum dicemus? res autem impossibilis est, de praedestinatorum albo expungi. Simplex igitur loci sensus est: viventibus probis intereant impii, nec Israelitarum (qui passim *sanctorum* ac *iustorum* nomine in psalterio exprimuntur) confortio fruantur.

Spectatis itaque circumstantiis, nempe ruditate et carnalitate populi liber vitae hoc sensu accipiendus est: Mosis certe aliis verbis opus fuisset, ut populo, cui scribebat, aliisque sensis et ideis imbuto illum aeternae vitae librum expanderet. Adde nullam secus fuisse analogiam ea inter, quae intentabat Deus, et ea, quae in reconciliationis et redemptionis pretium offerebat-Moses. Minas enim omnes temporale quidpiam in V. T. solum respexisse constat. Quum autem inter caetera corporis bona vita longe praestet, maximique semper, potissimum a populo illo carnali, sit habita, pater, neminem hucusque Mosaica maiorem charitatem habuisse, quum primus legatur, qui animam i. e. vitam suam posuit pro amicis suis.

S. Hieron. Pauli votum cum illo Mosis conferens ad Algasiam scribit; *si consideremus Mosis vocem, rogantis Deum pro populo, atque dicentis; si dimittis eis peccatum suum, dimitte: si non vis, dele me de libro tuo, quem scripsisti; perspiciemus, eundem et Mosis et Pauli erga creditum sibi gregem adfectum: Pastor enim bonus ponit animam suam pro ovibus suis: mercenarius autem . . . fugit*

tatus est καταποντίσει τον θάνατον εις νίκος *praecipitabit mortem in victoriam seu in finem*. Symm. καταποθῆναι ποιήσει τον θάνατον εις τέλος *absorberi faciet mortem in finem*. Theod. κατέπεθη ὁ θάνατος εις νίκος *absorpta est mors in victoria*. LXX sensu prophetae contrario κατέπιεν ὁ θάνατος ἰχθυας *devoravit mors praevalens*. S. Paul. I. Cor. XV. 54 et Theod. qui interpretantur κατέπεθη in passiva voce *absorpta est* legebant מלך pro מלך vel si in activa voce legerunt, per passivam reddiderunt eodem sensu: five enim dicas *absorpsit* (Deus) *mortem in victoria*, vel *mors absorpta est*, sensus idem est.

DILATARE, quum solatur et ex angustiis liberat. Ps. IV. 2. *In tribulatione dilatasti mihi supple cor*. Dilatari cor est pro exhilarari: cor enim in adversis coarctatur; unde etiam pericula et afflictiones per angustias denotantur Iob XX. 22. contra vero in prosperis ampliatur et expanditur: metaphora ab iis desumpta, qui e loco angusto et arcto, ubi vix respirare licet, in apertum campum deducuntur.

Di-

fugit. Et hoc ipsum est dicere: optabam anathema esse a Christo; et dele me de libro tuo. Qui enim delentur de libro viventium, et cum iustis non scribuntur, anathema fiunt a Domino.

Simulque terne Apostolum, quantae charitatis in Christum sit; ut pro illo cupiat mori, et solus perire; dummodo omne in illum credat humanum genus. Perire autem, non in perpetuum, sed impraesentiarum. . . Vult ergo Apostolus perire in carne, ut alii salventur in spiritu; suum sanguinem fundere, ut multorum animae conserventur. Quod autem ANATHEMA interdum occisionem sonet, multis veteris instrumenti testimoniis probari potest.



DIRIGERE seu COMPLANARE viam, quando conatus hominum secundat, et felices reddit. Psalm V. 9. *Dirige in conspectu tuo viam meam* *)

DISCINGERE seu DISSOLVERE lumbos, quum inermes et imbelles homines efficit. If. XLV. 1. *Ut subiiciam ante faciem eius gentes, et מִתְּנֵי מַלְכִּים אֶפְתָּח* discindam seu dissolvoam lumbos Regum cet. i. e. ut LXX interpretantur, καὶ αἰχμὴν βασιλέων διαρρήξω et fortitudinem Regum distringam. Vulg. sensum, non verba sequutus interpretatur: et dorsa regum vertam.

EFFUNDERE IRAM sive furorem dicitur Deus, quum poenas gravissimas immittit. Psal. LXXVIII. 6. *effunde iram tuam in gentes, quae te non noverunt*. Effundit Deus spiritum suum, quum eius dona largiter concedit. Joel. III. 1.

EVACUARE CONSILIUM, quum illud irritum facit. Ierem. XIX. 7. *וּבִקִּוֵּתֵי* et evacuabo consilium Iuda i. e. irritum faciam, sive dissipabo. Vulg. *Evacuare benedictionem* quum copiose benefacit. Malach. III. 10. *Si non aperuero vobis cataractas coeli וְהִרְקִיתִי וְהִרְקִיתִי* et evacuavero vobis benedictionem, עַד-בְּלִי-דֵי usque dum non sufficiant, supple va-

sa

*) Aliter hebraeum: קִּי הִישָׁר לִפְנֵי הָרֶקֶה *dirige in conspectu meo viam tuam* et sic legit Aq. Sym. et Theodot. teste S. Hieron. epist. ad Sun. et Fretel. pro quo in Graeco κατέστρεψον ἐν ὀπίσθῳ σου τὴν ὁδόν σου *dirige in conspectu tuo viam meam, quod nec LXX habent* (in editione nempe Hexaplati) *nec Aquila: nec Symm. nec Theodotio, sed sola nona editio* (i. e. editio LXX, quae omnium manibus terebatur, quamque emendavit Origenes in Hexaplis) ergo lectio hebraica praeferenda: dirigit vero Deus viam suam, quando ostendit se recte agere; et hoc petit hic David, ut ostendat hostibus rectam et legitimam fuisse electionem ad regnum a Deo factam.



sa ad continenda bona, quae vobis largiturus sum. LXX
καὶ ἐκχέω εὐλογίαν μὲν ὑμῖν ἕως τῆς ἰκανωθῆναι Vulg. et effudero
vobis benedictionem meam usque ad abundantiam.

EXCIDERE vel DOLARE per prophetas, quum crebris monitis minisque homines perterret. Of. VI. 5. *Propter hoc dolavi in prophetis, et occidi eos in verbis oris mei.* Ubi et occisio spiritualis memoratur. Vel occidi i. e. fore, ut occiderentur, ut praedixi, minatus sum, nisi resipiscerent.

EXTENDERE LINEAM five MENSURAM DESOLATIONIS et LAPIDEM five PERPENDICULUM VACUITATIS, quum regna et regiones per hostes desolandos curat. If. XXXIV. II. וְנָטָה עָלֶיהָ קוֹרְתָהּ וְאַבְנֵי-בֶהָרָהּ Et extendet super eam (Idumaeam) lineam desolationis et lapides vacuitatis. Vulg. Et extendetur super eam mensura, ut redigatur ad nihilum et perpendiculum ad desolationem. Ducta est isthaec metaphora ab architectis, qui inter aedificandum, lineis, perpendiculis, et funiculis utuntur: qui mos Deo hic per antiphrasin tribuitur, ut significetur, quod aedificaturus non sit, sed e contrario destructurus.

FRANGERE CAPUT dicitur Deus, quum in ira sua perdit impios. Psal. CIX. 6. *Franget seu conquassabit capita in terra multa.* LXX multorum i. e. populorum.

FUNDA ANIMAM PROICERE, quum violenter eam eripit. I. Reg. XXV. 29. *Et animam inimicorum tuorum funda iaciet, in medio curvaturae five sedis fundae positam.* LXX verbum in secunda persona interpretantur, ac de Davide intelligunt. καὶ ψυχὴν ἐχθρῶν αὐτοῦ σφενδονήσεις ἐν μέσῳ τῆς σφενδόνης et animam inimicorum tuorum funda projicies in medio fundae. Sed librariorum error videtur, in hebr. enim est tertia persona יִפְּלֶטָהּ funda projiciet eam.

Vulg.



Vulg. Porro inimicorum tuorum anima rotabitur, quasi in impetu et circulo fundae. Verbum activum impersonaliter accepit. Econtrario animam ligare in fasciculo vitae sive viventium, significat eam curare, ab hostibus defendere, atque adeo securam praestare, ut avelli a quopiam nequeat. Ibidem, erit anima Domini mei צְרוּרָה ligata, LXX ἐνδεσμένη illigata, Vulg. custodita quasi in fasciculo viventium vel vitae, ut LXX. חַיִּים enim et vitam et viventes significat. Vulgat. custodita interpretatus est, vel sensum respexit, vel aliam radicem, nempe נָצַר custodivit. Verba enim imperfecta non formam solum, sed et significatum inter se non raro commutant.

LIBRARE seu PONDERARE VIAM AD IRAM SUAM, quum iniustam impiorum contumaciam, iustis suis iudiciis et suppliciis compensat. Psal. LXXVII. hebr. LXXVIII. 50. וַיִּפְּלֵם נְתִיב לְאַפּוֹ et libravit semitam ad iram suam vel irae suae. Vulg. viam fecit semitae irae suae S. Hieron. Munivit semitam furori suo, ut sine mora et impedimento impios exagitaret.

LIBRARE seu PONDERARE in statera montes et colles in bilancibus dicitur Deus, qua phrasi maxima eius potentia et sustentationis divinae in toto hoc universo facilitas innuitur. Is. XL. 12. Quis mensus est pugillo aquas et coelos palmo ponderavit? quis adpendit tribus digitis molem terrae et libravit in פָּלֵם LXX. σταμῶν statera Vulg. pondere montes et colles in מִנְיָנִים LXX ζυγῶν lancibus Vulg. statera. Manifestum est פָּלֵם et מִנְיָנִים esse nomina imposita instrumentis, quae ad ponderabilia elevanda facta sunt.

Pon-

PONDERARE SPIRITUS, quum adcuratissime corda hominum explorata habere innuitur. Prov. 16. v. 2. *Omnes viae hominis patent oculis eius, et spirituum ponderator est Dominus.* Huc pertinet cap. 21. v. 2 *adpendit autem corda Dominus* cet. Metaphora desumpta est a rebus, quae ponderantur, ut quanti sint pretii, cognoscantur.

PONERE HAMUM sive *circulum in naribus*, et *frenum in labiis*, quum furorem hostium inhibet, et contumeliose tractat. Ducta metaphora ab equis, in quorum maxillis imponitur camus, et in ore frenum, ut ad nutum equitis huc illuc flectantur. IV. Reg. XIX. 28. *Ponam itaque חָתִי circulum vel hamum meum in naribus tuis et מִתְגִּי frenum meum* Vulg. *camum in labiis tuis.* Vulg. pronomina possessiva neglexit, quia spectavit (י) ut antiquam vocalem e, cui nunc respondet (:) subintellectum sub ח et ג.

Ponere lacrymas piorum in utre suo, quum non patitur inaniter eas profundi, sed earum quasi memoriam fervans, postea in gaudia aeterna convertit. Psal. LV. hebr. LVI. 9. *Pone lacrymas meas בְּנִחְדֶּךָ in utre tuo* LXX. et Sym. neglecta metaphora, et solo sensu reddito אֲנִי אֶשְׂכְּחֶנּוּ אֶת הַדְּמָעִים אֲשֶׁר עָלְנוּ בְּעֵינֵינוּ אֵלֶיךָ *posuisti lacrymas meas in conspectu tuo.* Vel pro בְּנִחְדֶּךָ legebant בְּנִגְדֶּךָ LXX et Sym. imperativum שִׁמָּה reddiderunt per praeteritum, qui Modus pro illo Tempore nonnunquam usurpatur.

Nota elegantem paranomasiā in hoc versu contentam in נִי et בְּנִחְדֶּךָ.

PORTARE dicitur Deus, quum defendit, et clementer gubernat. Exod. XIX. 4 *vos ipsi vidistis, quae fecerim*



rim *Aegyptiis*, quomodo portaverim vos super alas ventorum.
2. Quum ea, quae creavit, sustentat, ac potenter conservat. Hebr. I. 3. *portansque omnia verbo virtutis suae*. Peculiari autem ratione Christus dicitur portasse nostra peccata, quum ea in se suscepit expianda.

PROICERE POST TERGUM SUUM PECCATA, quum ea condonat, et poenas eorum aufert. Illa e contrario ante se ponere dicitur, quum ea vindicat. Pf. LXXXVI. 8. *Posuisti iniquitates nostras in conspectu tuo*; adludit ad peccata occulta, quae corum Deo sunt luminosa: et haec impunita non manebunt.

RADERE CAPUT ET PILOS PEDUM cet. quum terram vastari curat, ex eaque homines tam summos, quam infimos perdit. If. VII. 20. *In die illa radet Dominus in novacula conducta . . . caput et pilos pedum*: i. e. Assyrios praedae aviditate omnia diligentius spoliaturos esse atque abrepturos; et sicut novacula penitus omnes etiam tenuissimi abraduntur pili; ita hostes omnes etiam parvulos exterminabunt.

SAGITTIS PETERE dicitur, quum iudicia sua velocissime in impios exferit. Psal. LXIII. hebr. LXIV. 8. *יִרֶם אֱלֹהִים חֵץ פָּתָאם הָיוּ מִכּוֹתָם* *Et iaculatus est eos Deus subito, fuerunt percussiones seu plagae eorum*. Optime expressit S. Hieron. *sagittabit ergo illos Deus iaculo repentino; inferentur plagae eorum* h. e. eis; nam *מִכּוֹתָם* contractum est pro *מִכּוֹת לָהֶם* *) i. e. Deus feriet, puniet et disperdet confilia eorum.

Scri-

*) LXX aliter legerunt sic interpretantes. καὶ ὑψώθηται ὁ θεός, βέλος ἐν πύλῳ ἐγυνήθησαν αἱ πληγαὶ αὐτῶν. Vulg. Lat. *Et exaltabitur Deus: Sagitta Lat. Sagittae parvulorum factae sunt plagae*

SCRIBERE, qua metaphora eius scientia vel providentia innuitur *tum* respectu gratiae et benignitatis, ut quum pios scribere dicitur in libro suo. Is. IV. 3. *tum* respectu irae et poenarum Job. XIII. 36 *scribis contra me amaritudines* i. e. decernis, sumpta metaphora ex usu forensi. Vide etiam Is. LXV. 6.

In terra scribi, e coelo extorrem esse significat. Ier. XVII. 13. *Recedentes a te, in terra scribentur.*

SCRUTARI IERUSALEM LUCERNIS, quum quaevis peccata latentia in apertum producit, et punit. Sophon. I. 12. *Et erit in tempore illo: scrutabor Ierusalem in lucernis, et visitabo super viros defixos in foecibus suis.* Cacterum vide dicta superius de hebraismis convivialibus.

Sculpere sculpturam, quum Christum vulneribus, vibicibusque pertusum in passione effecit. Zach. III. 9.

Super

plagae eorum. Qui in versus distinxit biblia nostra sensus rationem vix habuit, sed modernam massorethicam distinctionem plerumque sequutus est: aptius ergo sensu LXX et Vulg. hoc: *et exaltabitur Deus*, neceretur sub versu priori. Pro יִרְם *et sagittabit eos* legerunt יִרְם *et exaltabitur.* Et pro פְּתָאִים subito legerunt quasi esset פְּתָאִים *parvulorum.* to *eorum* est genitivus causae ut Pl. III. 9. q. d. quas ipsi inferunt; nempe plagae, quas iniqui inferunt iustis, nullius sunt momenti, et veluti illae, quas debiles infantes sagittis suis inferunt. En totam v. v. cohaerentiam v. 7. Varias nocendi vias et artes, quibus iustum perderent, iniqui perscrutati sunt, usque adeo, ut se, araneorum more, dum pro capiendis muscis telas texunt, quasi evisceraverint, et scrutationibus istis consumserint. Solet quidem homo impius cordis sui profundum ingredi, atque alta mentis evolutione dolosa, probisque nociva indagare, v. 8. At elevat se Deus, potentiam suam ostendendo, et eorum conatus inutiles reddendo: factum namque est, ut plagae, quas inferebant, nullius momenti fuerint, cet.



Super lapidem unum (i. e. Christum) *septem oculi sunt*) h. e. ad eum tanquam ad mediatorem et salutis auctorem respiciunt omnes gentes; omnium oculi in eum sunt intenti, adeo ut numerus finitus pro indefinito ponatur) *ecce ego caelabo sculpturam eius* (i. vulneribus perforabo eum) *et auferam iniquitatem terrae illius in una die*, nempe passionis, qua sanguis Christi ad omnium peccatorum emundationem effusus est.

SEPEM PONERE seu SEPIRE dicitur Deus, quum protegit, beneficiis et gratiis quemquam adficit. Job. I. 10. *Nomme tu שכר sepiuisti eum* Vulg. *Vallasti eum* nempe lobum. Econtrario

Sepem remove dicitur, quum auxilium suum subtrahit, et beneficia denegat. Is. V. 5. *Auferam septem eius* (vineae) *et erit in direptionem*. Item *sepire* vel *concludere viam lapide exciso* vel *quadrato*, quum poenis et calamitatibus undique constringit. Thren. II. 9. *Sepsit* Vulg. *conclufit vias meas lapidibus quadratis*. Denique *sepire vias spinis* dicitur, quum afflictionibus et alia quavis ratione a pravo proposito avertit. Ose. II. 6. *propter hoc ecce ego sepiam viam tuam spinis, et sepiam eam maceria* cet. Maceria est murus aut congeries lapidum in unum coniectorum sine intrita aut alio genere fertuminis, coque vineae claudi solent: unde in bonum sumi potest pro exigentia materiae substratae; et in malum; Sic Psal. LXXXVIII. 41. *Dirupisti omnes macerias eius*.

SIGNARE, SIGILLO MUNIRE, quum praestantiae et auctoritatis concessae argumenta prodit. Ioan. VI. 27. *Hunc enim* (Filium hominis) *signavit Deus Pater*, h. e. illi divinitatis et potentiae suae sigillum impressit, ut ei auctoritatem conciliaret et fidem; quomodo Reges sigillo literis impresso solent, aut legatorum auctoritatem ob-

obsignato diplomate fanciunt. Cant. IV. 12. Sponsa dicitur *fons signatus* i. e. praestantissimus, ex quo libare nulli permissum est. 2. Quum sigillo veluti impresso promissiones suas confirmat Deus, dando futurae haereditatis pignus, nempe gratiam, qua nos unxit et signavit in filios Dei, discrevitque a filiis Diaboli, quod sigillum Deo plane certum est, nobis vero non item. II. Cor. I. 22. *Qui (Deus) et signavit nos, et dedit pignus spiritus in cordibus nostris.* In Sacramento autem confirmationis signamur, ungimur, et Spiritu S. confirmamur: sumta metaphora a consuetudine Orientalium, qui, ut servos suos agnoscerent, signum quoddam vel in fronte, vel in alia corporis parte imprimebant.

VENTILABRO VENTILARE, quum impios dispergit ac disperdit. Ierem. XV. 7. *Et ventilabo eos ventilabro in portas (i. e. extremitates) terrae; Interfeci et disperdi populum meum.* Vulg. *Et dispergam eos ventilabro.* Christus Matth. III. 12. *Ventilabro aream suam permundare* dicitur Christus, id est, pios ab impiis segregare, quemadmodum ventilabro palca a frumento secernitur.

VERRERE SCOPIS, quum terram aliquam defolari, et incolis spoliari curat. Is. XIV. 23. *Et ponam eam (Babylonem) in possessionem ericii, et in paludes aquarum, et scopabo eam in scopa.* cet.

VINDEMIARE SPIRITUM, quum vitam momento eripit. Psal. LXXV. hebr. LXXVI. 13. *Et ei, qui כָּצַר? vindemiat.* Vulg. *aufert spiritum principum:* ubi anima cum botris, corpus vero cum palmitibus contenditur.

UNGERE, quum animam erigit, solatur, laetificat et confortat. Psal. XXII. 5. *Unxisti* Vulg. *impinguasti in oleo caput meum.* Vide supra cap. IV. de hebraïsmis ab oleis derivatis.



§. V.

De aliis humanis actionibus Deo adtributis.

I. *Actiones pedum*. Gen. III. 13. *Inimicitias ponam inter te et mulierem et semen tuum et semen illius*, אִתְּךָ אֶת־הַאִשָּׁמָה וְאֶת־הַזֶּרֶם וְאֶת־הַזֶּרֶם אִתְּךָ ipsum (semen) vel ipse (Christus, unde LXX interpretantur αὐτός) *conteret caput tuum*, pedibus scil. sequitur enim: *et tu insidiaberis calcaneo eius nempe fidelibus eius*. Huc respexit S. Paulus Rom. XVI. 20. *Deus autem pacis conteret Satanam sub pedibus vestris velociter*. Is. LXIII. 3. *Torcular calcavi solus*, ubi per torcular intelliguntur hostes, quos Christus in passione sua calcavit.

II. ACTIONES SENSUUM plurimae Deo tribuuntur, de quibus specialiores adducam.

AUDITUS Deo tribuitur, quo significatur eius benevolentia, gratia, misericordia cet. dum fidelium optatis precibus, suspiriis cet. adnuit. Gen. XVI. 11. *eoquod audierit Dominus afflictionem tuam* h. e. eoquod misertus fuerit tui Dominus. *Exaudire coelum* dicitur Deus, quum benefacit de coelo, dans pluvias et tempora frugifera. Ose. II. 21. *Exaudiam coelos, et illi exaudient terram* v. 22. *Et terra exaudiet triticum et vinum et oleum, et haec exaudient Iezrael*, i. e. semen Dei sive populum ipsi acceptum.

Adtendere etiam dicitur, quo maior ipsius miserationis vis significatur. Ps. CXXX *fiant aures tuae intendentes in vocem deprecationis meae*. Contrarium est huic *obstruere* (aures) orationi. Thren. III. 8. *Sed et cum clamavero שָׁמַיִם תִּפְּלֹתַי obstruxit* (aures) orationi meae. Sic v. 44. *Obposuisti nubem tibi, ne transeat oratio*.

ODORATUS Deo tribuitur, quo eius *εὐδοκία complacentia* et gratia denotatur. Gen. VIII. 21. *Odoratusque est Dominus odorem suavitatis* i. e. ut explicat Chald. *Et accepit Deus in beneplacito sacrificium eius.* Haec phrasis: *odor suavitatis*, saepe in scriptura sacrificiis Deo oblatis tribuitur, quia in his omnibus ad Messiae sacrificium, cuius typi fuerunt veteris Testamenti sacrificia, respectus habebatur: vide Eph. V. 2. Neque enim odor, quem edebant holocausta pecorum, bonae erat fragrantiae, imo gravis erat et molestus. Sic Apostolus II. Cor. II. 15. Se aliosque Evangelii ministros *bonum Christi odorem* dicit non tantum Deo, sed iis etiam, qui salvantur et qui pereunt: sed diversa ratione; nam idem odor, qui credentes recreat, salvatque, incredulos interficit et damnat. *Quia Christi bonus odor sumus Deo, in iis, qui salvi fiunt, et in iis, qui pereunt* v. 16 *aliis quidem odor mortis in mortem: aliis autem odor vitae in vitam.*

TACTUS Pf. CIII. 32 *qui tangit montes et fumigant* q. d. solo tactu res summas et firmissimas perdit. Est insuper signum maximi timoris.

Sensuum exteriorum adfectiones sunt *somnus, vigilia.* Utrumque Deo tribuitur: ac somno quidem auxilii dilatio: vigilia autem potentiae contra hostes, et gratiae erga Ecclesiam exhibitio innuitur. Psal. XLIII. 23. *Exsurge, quare obdormis Domine* i. e. quare auxilium tuum protrahis? exsere nunc potentiam tuam in hostes meos. Pf. LXXVII. 65. *Et excitatus est tanquam dormiens Dominus, tanquam crapulatus potens a vino:* sicut miles fortis, qui epoto vino clamat et ad iram accenditur: *vina parant animos.* Est insignis anthropopathia ad designandam Dei alacritatem, animositatem et strenuitatem, qua in Philistaeos advertit: vide I Reg. V. 6. Sen-



fus est, Deus, qui antea gravi sopore et vino sepultus veluti iacebat, quasi vir quidam strenuus expergefactus est ad faciendam ultionem in inimicos.

III. ACTIONES LOCOMOTIVAE. *Adventus* Dei in bonum et malum accipitur: *in bonum*, quando gratiae et beneficentiae exhibitio significatur. vide Exod. XX. 24. *in malum*, quando punit, et iudicium exercet, poenam, que infligit. Pariter *ambulatio in populo suo* in bonum et malum. Lev. XXVI. 28. *Et ego ambulabo adversus vos in furore contrario, et corripiam vos septem plagis* i. e. plurimis plagis.

EQUITATIO, qua innuitur gloriosa Dei operatio in coelis, tempestatibus. Vide Deut. XXXIII. 26. Psal. LXVII. 34. Dein in exequendis suis iudiciis celeritas. Psal. XVII. 11 et *equitavit* Vulg. et *ascendit super cherubin et volavit*. Hic poetica hypotyposi narrat minas et inusitatas ac supra naturam sibi concessas liberationes: subinconsternationem hostium, quam explicat per terrae motum, fumum, ignem, carbones, caliginem, quae omnia pertinent ad faevas et horrendas tempestates, quas Deus in hostes inmisit, et describuntur, tanquam si ipse Deus descendisset pugnaturus: ventos item procellosos cum grandine, fulmine et tonitru, ubi inter alia Deum inducit equitantem super כְּרוּבִים nam apud Iudaeos erat quaedam doctrina mystagogica, quae folium Dei et quadrigam eius ex cherubinibus componebat, et sic inducitur Deus quasi equitans et insidens illi quadrigae.

OCCURSUS, quo vel Dei manifestatio denotatur, Num. XXIII. 4. *Quinque abiisset* (Balaam) *velociter* (al. *in clium*) *occurrit illi Dominus* h. e. illi se ipsum manifestavit vel gratia et beneficentia. II. LXIV. 5. *Occurristi*
lae-



laetanti et facienti iustitiam h. e. favore tuo prosequutus es.

REVERSIO in locum suum, qua innuitur auxilii divini subtractio Of. V. 15. *Vadens revertar ad locum meum, donec deficiatis.* 2. in altum, qua in solum iudicarium consensus seu ipsum Dei iudicium indicatur. Psal. VII. 8. *congregatio populorum circumdabit te: et propter hanc in altum regredere* i. e. in solum, suggestum. Metaphorica loquutio: nam quum Deus, inquit Kimhhi, dissimulat peccata, videtur descendere e loco suae potentiae et sede iudicii; at quum idem animadvertit in scelera, et poenas improbis debitas iudicio exigit, videtur surgere et elevare se et redire in locum iudicii: quo sensu, ubi agitur de Pharaone submerso, dicitur: *Cantate Domino, quoniam extollendo extulit se.*

SURRECTIO, qua divinum de magnis operibus exequendis propositum innuitur, quum enim res vulgares perficit Deus, sedere; quum vero magnas et insolitas efficit, surgere dicitur. Num. X. 35. *Surge, Domine, et dissipentur inimici tui.*

SUPERVENIRE hominem Spiritus S. dicitur, quum singulari et mirabiliratione in eo; et per eum operatur. Luc. I. 35. *Spiritus S. superveniet in te, et virtus Altissimi obumbrabit tibi:* eadem phrasi dicitur, *indui virtute ex alto* vide supra cap. VII.

TRANSITIO, qua vel poena divinitus inflicta significatur, Exod. XII. 12. Velecontrario dissimulatio, qua non punit, Amos VII. 8. Non adiciam ultra עבר לו LXX παρελθεῖν αὐτὸν pertransire eum, populum Israeliticum.

VISITATIO, qua innuitur gratia et beneficium exhibitum. Gen. XXI. 1. *Visitavit autem Dominus Saram cet.*



Pfal. LXIV. 10 *visitasti terram*, i. e. benedixisti terrae, ut fructum ferret. 2. ira et supplicium inflictum Exod. XXXIV. 7. *וְיָבִיט וִיבִיטִים* visitans iniquitatem patrum in filios Psal. XVI. 3. *Visitasti nocte*, id de nocte refertur ad exquisitam et adcuratam inquisitionem; quia hebraei, quando adcurate in aliquid inquirebant, id facere soliti erant ad lumen nocturnum v. g. in perquisitione fermenti ante pascha, si casu mus in aliquod foramen fermentum intulisset.

IV. *Adiuncta humana tum PRIVATIVA tum POSITIVA* Deo adscribuntur. *Privativa*, quando impotentia efficiendi aliquid Deo tribuitur. Vide Gen. XIX. 22. If. I. 13. *Non possum* (ferre) *iniquitatem et coetum* h. e. iniquitatem coetus vestri, idque ob sanctitatem meam, cui vestra adversatur iniquitas. Huc referendum est Exod. 32. 10 *dimitte me, ut irascatur furor meus contra eos* cet. Verba sunt Dei ad Moſen, quaſi fide et precibus illius veluti adligatus et conſtrictus populum delere non poſſet. Tantaſ virtutis eſt deprecatio iuſti apud Deum, Psal. CV. 23. *Et dixit, ut diſperderet eos: ſi non Moſes electus eius ſtetiſſet in confractiōe*, (i. e. in ruptura) *in conſpectu eius*: niſi Moſes furori Dei ſe fortiter obieciſſet, ac Deum veluti repuliſſet. Metaphora a murorum ruptura, ab hoſtibus civitatem obpugnantibus facta, quam ſtrenui milites obiectis corporibus claudunt, ne hoſtis irrumpat. S. Hieron. *ſtetit medius*: ſtare itaque in confractiōe ſignificat intercedere pro aliquo.

Adiuncta poſitiva plura ſunt, eaque tum *interna*, tum *externa*. Interna ſunt, reſpectus et ſtatus hominum diverſi, qui Deo adſinguntur: unde dicitur *Agricola*, ſynecdochice *Vinitor* Ioan. XV. 1. *Artifex* Prov. VIII. 30, *Bellator* Exod. XV. 3. *Conſiliarius* If. IX. 6 vocatur Chri-

Christus, *tum* ob sapientissimum salutis nostrae reparandae decretum sive propositum, quod in Christo Iesu ante tempora saecularia dispositum est II. Tim. I. 9 *tum* ob sanctissimum officium in voluntatis divinae ad salutem patefactione et obedientia Patri praestita cet. *tum* denique, quod nobis consilia et praecepta, simulque et media ad aeternam salutem obtinendam necessaria dederit. *Pastor* vocatur Psal. XXII. 1. Dominus hebr. רֹעִי *pastor meus*. *Primogenitus* vocatur Christus, qua voce maxima eius potentia, dignitas, praestantia cet. significatur; desumpta enim est ista loquutio ex nobilitate et praestantia iuris primogeniturae.

Adiuncta externa sunt vel *separabilia*, vel *inseparabilia* inseparabilia sunt *locus*, *tempus*. Utrumque Deo *illocali* et aeterno ἀνθρώπων πρὸς τὸν θεόν tribuitur. Sic *Sedes*, *Solium*, seu *thronus* Deo tribuitur, quo maiestas sublimitas, et auctoritas eius excellentissima significatur. Psal. XLIV. 7. *Sedest tua, Deus, in saeculum saeculi*. Est brachilogia: sedes tua, est sedes Dei seu divina; nam ut supra dictum, res eximiae in suo genere adciipiunt cognomen a Deo; in sensu sublimi aeternitas regni Messiae indicatur.

SCABELLUM pedum est I. terra, II. LXVI. 1. 2. Arca foederis, in qua speciali revelatione suam se praesentiam declaraturum promisit Deus. I. Paral. XXVIII. 2. Deus enim cherubinorum alis insidere; et pedes suos in arcae operculo velut in scabello figere vulgo dicebatur. Psal. CIX. 2. *Donec ponam inimicos tuos scabellum pedum tuorum*, qua phrasi innuitur Dei operatio in hostibus supplantandis et conterendis, atque omnimodo hostium Christi subiectio denotatur.

Non solum autem *locus* Deo tribuitur, verum etiam *locatio* sive situs localis. Heinc dicitur *stare e longinqua*
vel



vel longe recedere, quo indicatur divini auxilii dilatio: quum enim Deus opem fert, propius adcedere videtur; quum non fert, longius recedere aut stare. Metaphora ab homine, qui, dum longe adest, auxiliari nequit. Pf. IX. 22. hebr. X. 1. *Ut quid Domine תַּעֲזֹב בְּרַחֲוִק stas in vel e longinquo. Stare ad dexteram est ope ac favore potenter defendere. Psal. XV. 8: Quoniam a dextris est mihi, ne commovear.*

SEDERE dicitur Deus, quo eius imperium, iudicii-que divini exercitium in peculiaribus actis significantur. Psal. XXVIII. 10. *Et sedebit Dominus in aeternum* i. e. his omnibus portentosis effectibus nempe tempestatis et tonitruī praesidet Deus. *Sedere super orbem vel gyrum terrae* ob maiestatem et gloriam terrena omnia longissime superantem.

HABITARE dicitur Deus in *Excelsis*, in *Sion*, in *Ecclesia*, in *contritis cordibus* cet. qua loquutione gratiosae eius praesentiae manifestatio, actio, defensio, inluminatio, consolatio, salvatio cet. intelligitur. Emphaticum valde est illud Apostoli II Cor. XII. 9. *ὥς ἐπι-σκηνοῦναι* ut inhabitet in me virtus Christi h. e. ut in me ceu in tabernaculo, habitet virtus seu gratia Christi. Huc referendum istud, quum Spiritus S. *requiescere super aliquo* dicitur, quo donorum eius largitio et operatio innuitur. Si de Christo agatur, ut Is. XI. 1. et LXI. 1. tota Spiritus S. ac donorum eius plenitudo intelligitur, quae illi secundum humanitatem communicata fuit.

Adiuncta *separabilia* varia sunt: sic ARMA Deo tri-
buuntur, quibus irae eius et vindictae operatio innuitur. Specialia armorum instrumenta sunt *arcus*, *nervi*, *sagittae*, *gladius*, *framea* cet. quae omnia sunt irae et vindictae divinae index et symbolum. Vide supra. *Scutum*,
Cly-

Clypeus insinuat, quando Deus homines protegit, omnesque hostium impetus instar clypei excipit, et avertit. Gen. XV. 1. *Noli timere Abram, ego sum* אֲנִי אֶלֹהֶיךָ *clypeus tuus i. e. protector tuus.* Psal. LXXXIII. hebr. LXXXIV 12. אֱלֹהִים יְהוָה וּמִן יְהוָה כִּי שָׁמַשׁ אֲנִי Aq. ὅτι ἡλῖος καὶ θυρεὸς κύριος ὁ θεός, S. Hieron. *quia sol et scutum Dominus Deus.* LXX et Theod. ὅτι ἔλεον καὶ ἀλήθειαν ἀγαπᾷ κύριος ὁ θεός, *quia misericordiam et veritatem diligit Dominus Deus.* Hic librarii mendum est, qui pro ἡλῖον, ut interpretantur Aq. Symm. V. Edit. et ipse etiam Theod. in quibusdam MSS, scripsit ἔλεον: quumque librarius alter animadverteret voces ἔλεον et θυρεὸν non bene inter se cohaerere, pro ultima dictione θυρεὸν, reposuit ἀλήθειαν, et verbum ἀγαπᾷ ad sensum pleniorē, ut ipsi videbatur, efficiendum, adiecit; sicque nata est phrasis: ἔλεον καὶ ἀλήθειαν ἀγαπᾷ κύριος ὁ θεός *misericordiam et veritatem diligit Dominus Deus.* Pro priori שָׁמַשׁ verosimiliter legerunt שֶׁמֶשׁ *oleum*, quod est misericordiae symbolum.

CURRUS Deo tribuuntur, quibus declaratur divina eius potentia. Habac. III. 8. 2. Ministrantium Angelorum myriades denotantur. Psal. hebr. LXVIII. 18. *Curus Dei duae myriades, millia iterationis i. e. iterata sive duplicata; numerus finitus pro infinito.* LXX. *Curus Dei decem millibus multiplex, millia laetantium.* Dicuntur ergo Angeli *currus Dei*, quia Deo subditi sunt, iisque velut curribus falcatis, quorum potissimus illis temporibus erat usus, utatur. vide IV. Reg. VI. 17.

ORBITAE etiam Deo tribuuntur, quibus nubes significantur. Psal. hebr. LXV. 12. *Et orbitae tuae stillabunt pinguedinem i. e. nubes, quae sunt currus tui orbitae; stillabunt pluviam, quae terram foecundabit.* LXX
fen-



fenfum duntaxat reddiderunt καὶ τὰ πεδία σε πλησθήσονται
 πλοῦτητος et campi tui replebuntur ubertate, i. e. pinguedine
 metonymice ficut dicimus plucere pecuniam.

HAEREDITAS Deo tribuitur, dum de populo et terra
 Israel dicitur, quod sit *haereditas Domini*; eaque lo-
 quutione amor ipsius, et singularis cura ac providentia
 exprimitur. Deut. XXXII. 9. *Pars autem Domini populus
 eius; Iacob funiculus haereditatis eius.* Hebr. I. 2. Christus
 dicitur *baeres universorum*, quia omnia ipsi a Patre suo
 tradita sunt.

LIBER Deo tribuitur, quo adcuratissima eius scien-
 tia ac providentia denotatur. *De libro vitae deleri* vide
 supra.

OLEUM Deo tribuitur, quo Spiritus S. cum suis do-
 nis intelligitur. Psal. XLIV. 8. *Propterea unxit te Deus,
 Deus tuus, oleo laetitiae prae consortibus tuis* i. e. Spiritus S.
 donis, quae animam lactificant, cumulavit te. Nota.
 de hac particula *propterea* videtur esse difficultas. Hic
propterea, inquit Muissius, non praemium iuste admini-
 strati regni, sed causam finalem significat: q. d. *propter-
 ea unxit te*, ut diligeres iustitiam.

SIGILLUM sive ANNULUS SIGNATORIUS tribuitur Deo,
 quo singularis eius amor et cura significatur: Ierem.
 XXII. 24. *Quia si fuerit Iechonias filius Ioakim regis Iuda,
 annulus in manu dextera mea, inde evellam eum* h. e. ta-
 met si mihi charissimus fuerit, tamen abiiciam illum ob
 eius facinora. Agg. II. 24. *ponam te quasi signaculum, quia
 te elegi* i. e. curabo te, amore in te conquiescam, te
 quasi in manibus, oculisque semper feram. Hebr. I. 3.
 Christus dicitur *character substantiae Dei*, quia Pater to-
 tam suam substantiam seu essentiam et maiestatem Filio,
 quem ab aeterno genuit, intime quasi inculpsit, et se
 ipsum

ipsum in eo, ut sit substantialis imago eius, quasi effigiavit.

THESAURI Deo tribuuntur idque tum in *bonum*, tum in *malum*, prout ex contextu et substrata materia colligitur. *Producere ventos de thesauris suis* dicitur Deus Psal. CXXXIV. 7. quo loquendi modo non solum occulto ventorum origo declaratur, verum etiam, quod Deus eos in potestate habeat, atque ubi, et quando vult, pro beneplacito suo laxet. Vide etiam Iob. XXXVIII. 22.

VESTITUS Deo tribuitur, de quo vide supra cap. VII. Phraſes ductae ſunt a veſtimentis Orientalium; quum enim veſtimenta Orientalium ſint oblongae, ſinuofae, et ad talos uſque defluentes, niſi quis ſe praeſcingat, impedimento ſunt ad res agendas; unde hebraei illud vocant cingulum, zonam, baltheum, quod bene adhaeret, et rei bene gerendae infervit: ideo per *indutum decore*, *praeſcinctum eſſe fortitudine*, hebraei explicant id, quod nos dicimus per adiectiva: *inſignis, praeditus, pollens* cet. *Chriſtus indui* dicitur a credentibus, quum per fidem in eorum cordibus habitat. Rom. XIII. 14 *ſed intui mini Dominum* I. C. h. e. habitet in cordibus veſtris Dominus Ieſus.

Virtute ex alto indui dicuntur Apoſtoli Luc. IV. 49 quando accipiunt virtutem Spiritus S. in eos ſupervenientes, ut explicatur act. I. 8. Et loquutione contraria, *induere hominem Spiritus Dei* dicitur, quum potenter in eo et per eum loquitur et operatur. Iud. VI. 34. *Spiritus autem Domini induit Gedeonem.*

VIRGA et BACULUS Deo et Chriſto tribuitur; vide cap. I. quibus exprimitur Verbum Evangelicum, quo regnum et Eccleſiam ſuam regit Chriſtus. Psal. XLIV. 7. *Virga directionis, virga ſive ſceptrum regni tui.* 2.

Ca-



Castigatio et poena. Iob. IX. 34. *auferat a me* (Dominus) *virgam suam* h. e. poenam, seu plagam, ut vertit Paraphrastes Chaldaeus. II. X. 5. Assur dicitur *virga furoris Dei*, quia per eum, tanquam per virgam, populum suum castigaturus erat.

§. VI.

De Metaphoris, quibus ut personae proponuntur, quae non sunt.

Hoc loquendi genus *προσωποποιίαν* vocant, qua metaphora res quaelibet, quae persona non est, ut persona proponitur: sive ut Aristoteles loquitur, *quum res inanimatae inducuntur agentes, tanquam anima et sensu praeditae*. Tropus ille, cuius mira est sublimitas et ἐνέργεια, non solum apud profanos Authores frequens occurrit, ut apud Virgilium l. VIII. Aeneid. *pontem indignatus Araxes*, verum etiam apud scriptores sacros. Sic

I. *Membris quibusdam humani corporis tribuitur, quod ipse hominis est*. Genes. XLVIII 14. *Qui* (Iacob) *extendens manum dexteram, posuit super caput Epbraim minoris fratris: sinistram autem super caput Manasse, qui maior natu erat; (atque ita) יָדָיו סִבְלָם* intelligere fecit manus suas, i. e. scite, consulto direxit manus suas. Vulg. *sensum*, non vim metaphorae expressit. Sic Ps. XXXIV. 10. et Ps. L. 10 *ossa* ponuntur pro homine. Ps. LXVII. 32. *Aethiopia יִצְרִיף currere faciet* Vulg. *praeueniet manus eius Deo* i. e. celeriter extendet manus suas ad orandum Deum, ut Chald. interpretatur, nam adorationis signum est manuum extensio: vel *manus* per metonymiam pro *dono, munere; praeueniet* i. e. cito transmittet munera sua. Psal. LXXII. 9. *posuerunt in coelum os suum, et lingua eorum*

rum transfivit in terra: i. impune in Deum et sanctos eius blasphemias eructant, ac in homines iniurias, omnes adloquuntur contemtim. *To transfivit* est verbum detractoribus aptum, quia perpetuo huc et illuc obambulant, quum explorandi, tum deferendi gratia. Psal. CXXXVI. 5. *Si oblitus fuero tui Ierusalem, תִּשְׁכַּח תִּשְׁכַּח* obliviscatur dextera mea: Iuramentum: prius nequeam uti dextera mea, qua adtentavero pulsare fides, protinus obstupescat, quam ut illa utar hic iussu hostium Dei. Iuxta hebraecum *obliviscatur dextera mea* artis psallendi seu pulsandi. LXX ἐπιλανθάνη ἡ δεξιά μου. Vulg. oblivioni detur dextera mea, pro תִּשְׁכַּח in voce activa, legerunt תִּשְׁכַּח in passiva. Prov. X. 32. *Labia iusti יִדְעוּ* sciunt Vulg. considerant placita, et os impiorum perversa h. e. labia iusti prudenter loquuntur, quasi scientia pollerent. Vide etiam Matth. VI. 3.

Huc pertinet, quum oculis tribuitur 1. *concupiscentia* five desiderium. III Reg. XX. 6. *omne desiderium oculorum tuorum ponent in manibus suis et auferant*, i. e. quidquid tibi placet. Heinc dicitur *cor sequi*, vel *abire post oculos*, h. e. sequi desideria et cupiditates, quas oculi externis obiectis moti, excitare solent in corde. 2. *Offensiones* five abominationes. Ezech. XX. 7. Et dixi ad eos: unusquisque offensiones vel abominationes oculorum suorum abiiciat: h. e. unusquisque abiiciat idola, in quae continuo offendunt oculi eius. 3. *Adulterium*. II. Pet. II. 14. *oculos habentes plenos adulterii*.

II. *Quae homini propria sunt, brutis et rebus inanimatis adtribuuntur*; sic sermo Iob. XII. 7. *Interroga iumenta, et docebunt te; et volatilia coeli, et indicabunt tibi*: et seq. Huc pertinet vox *filius*, de qua infra. Vide Exod. XXIX. 1. Gen. XLIX. 11. Zach. IX. 9. ubi *filius*, de bestiis usurpatur, et pullum seu foetum animalis significat. Psal.



XVIII. v. 2. Dies diei eructat verbum, et nox nocti indicat scientiam. Nota synonyma: *eructare verbum*, et *indicare scientiam* pro docere, argumenta praebere: inter cetera argumenta divinae existentiae et Providentiae est ille perpetuus dierum noctiumque ordo; ideo poetico quasi artificio fingit propheta, unum diem peracto cursu et praedicatione sua tradere diei sequenti verbum praedicationis, et noctem quoque peracto cursu, et quasi hymno cantato, tradere nocti sequenti munus canendi.

III. *Nascentibus ex terra per prosopopoeian tribuuntur, quae hominibus tantum competunt.* Sic Lev. XIX. 23. arboribus praeputium tribuitur: *Et quum ingressi fueritis terram hanc, et plantaveritis omnem arborem cibi, praepuriabitis praeputium eius; (nempe) fructum eius: tribus annis erunt vobis praepuriatae (illae arbores) non comedetur (ex eis fructus) tribus ergo annis arbores istae imundae quasi fuerunt, et ab earum esu abstinere debuerunt hebraei.* Iisdem arboribus tribuitur *spes, senectus, mors, odoratus aquarum* Iob. XIV. 7. 8. 9. Terrae nascentia occidi et mori dicuntur Psal. LXXVII. 47. Econtrario I. Cor. XV. 36. Semini in terram proiecto *vivificatio* assignatur. Psal. LVII. 10. *Priusquam intelligerent, vel intelligant spinæ vestrae rhamnum: sicut viventem, LXX viuentes; sic (in) ira absorbet eos:* in Iudaea est quoddam genus spinæ, quod producit grana nigra, quando sunt matura, sicut nostri iuniperi: consistit autem metaphora in hoc: ut isti homines, qui sunt verae spinæ, eyelantur, antequam producant grana, i. e. antequam possint maturare suam impietatem, et bonis nocere.

Mortui saepe, quasi viverent, inducuntur loquentes: sanguis Abel Gen. IV. Rachel plorans filios suos Ierem.

Ierem. XXXI. ob pópulum in captivitatem abductum. Quae prophetia ad exprimendum infanticidium Herodianum, ob convenientiam tum loci, tum facti a Matth. II. adlegatur.

IV. *Aliis rebus inanimatis adfinguntur, quae animatis competunt.* Sic

ANIMA, Os inferno seu sepulchro Iof. V. 14. *Propterea dilatavit infernus animam suam, et aperuit os suum absque termino.* S. Hieron. in h. l. ait: *Infernus animam habere dicitur, non quod animal sit, iuxta errorem quorundam, sed quod verbis humanae consuetudinis, rerum insensibilium exprimamus adfectum: quod insatiabilis sit, et nunquam mortuorum multitudine impleatur.*

AUDITUS lapidi. Iof. XXIV. 27. *En lapis iste erit vobis in testimonium, quod audierit omnia verba Domini, quae loquutus est vobis.* Ose. II. coelo, terrae, tritico et oleo exaudiendi facultas tribuitur. *Et erit in die illa: exaudiam, dicit Dominus, exaudiam coelos, et illi exaudient terram, et terra exaudiet triticum et vinum et oleum, et haec exaudient Iezrael.* Praeter gratiosam Dei benedictionem, causae primae, et secundarum connexio hac prosopopoeia pulchre innuitur. *Iezrael* (h. e. semen Dei, coetus piorum) invocatur sive exspectat abundantiam frumenti, vini et olei: haec invocant terram, ut succum et vigorem ab ea accipiant. Terra inclamat coelum, calorem, rorem, pluviam cet. expetens: et coelum quasi Deum invocatur, sine quo nihil causae secundae efficere possunt, et quo volente et puniente *coelum fit aeneum et terra ferrea*: exaudit autem Deus coelum, vim ei conferens, ut ex collectis vaporibus nubes conficere possit: et *coelum exaudit terram*, dando pluviam, aliaque ad fructus producendos necessaria: *terra exaudit triticum,*



dum a coelo irrigata succum et vigorem tribuit: et haec denique exaudiunt Iezrael, i. e. votis piorum respondent.

CANTUS Iob. XXXVIII. 7. **בָּרְנָן** *quum cantarent simul astra matutina* i. e. stellae iam recenter creatae, quae etsi inanimatae Deum laudare dicuntur, quia admirabili suo splendore et pulchritudine gloriam factoris sui velut canunt et praedicant: qua loquutione singularis Dei potentia commendatur. Ierem. LI. 48. **וְרִנְנוּ** *et cantabunt* Vulg. *laudabunt super Babylonem coeli et terra, et omnia, quae in eis sunt*, qua prosopopoeia hyperbolica innuitur laetitiae immensitas ob regnum Babylonicum destructum, et liberatum populum Israeliticum Vide If. LV. 12.

CLAMOR Iob. XXXI. 38. *Si adversum me terra mea clamat, et cum ipsa fulci eius descent* i. e. si non iure posfideo terram, quam occupo; sed adversum me alium dominum clamet: et si coegi agricolas arare terram sine iusta mercede, prout sequitur v. 39. *Si fructus eius comedi absque pecunia* i. e. iusta mercede aut pretio agricolis non reddito: est metonymia.

COGITATIO tribuitur navi Ion. I. 4. *Et facta est tempestas magna in mari*, et navis **הַיָּם** *cogitabat frangi* Vulg. *periclitabatur conteri* h. e. minabatur iacturam, parum aberat, quin frangeretur.

COGNITIO Psal. CII. 16 quoniam spiritus transibit in illo, et non subsistet, et non **יִכְרְנוּ** *cognoscet eum* (hominem) *amplius* **מְקוֹמוֹ** *locus eius* h. e. non existet amplius homo in loco suo, imo et memoria eius peribit. Spiritus hic est ventus; comparavit enim hominem cum herba et cum flore, qui vento orientali adustus statim flac-

flaccescit; sic cum homine agitur, qui morbo facile corripitur et extinguitur. Psal. CIII. 19. *Sol cognovit occasum suum* i. e. recta et absque ullo errore, quasi viam nosceret, statis temporibus ad occasum pergit. Soli etiam tribuitur aspectus Cant. I. 5. *Nolite me considerare, quod fusca sim, quia שֹׁפָתַי אֲשַׁפֵּץ* aspexit me sol h. e. decoloravit me, ut optime Vulg. Aq. adussit me.

DOLOR tribuitur agro IV. Reg. III. 19. *omnem agrum egregium תִּכְאִיכוּ* dolore adficietis lapidibus illuc comportatis. Vulg. optime sensum reddidit: *operietis lapidibus LXX ἀχρειώστες* inutilem reddetis, sensum, non verbum expressere.

EXSULTATIO Psal. LXIV. 13. *exultatione colles accingentur; induta sunt כְּרִים* pascua ovibus, et valles abundant frumento: clamabunt etenim hymnum dicent. Hac metaphora significatur abundantia singularis, quae ex Dei benedictione provenit. Supra iam memini: accingi aliqua re, idem est, ac praeditum esse: sic latine vocamus laetos colles, prata rident: sensus ergo est: frugum amoenitate et florum oculos oblectabunt. Pro *induta sunt pascua ovibus* LXX verterunt: *ἀνδύσαντο οἱ κριοὶ τῶν προβάτων* Vulg. *induti sunt arietes ovium*: campi videntur induti ovibus, i. e. lanarum copia, ex quibus conficiuntur vestes: erant nempe plurimae oves, quae operiebant campos.

LUCRUS tribuitur terrae Is. XXIV. 4. *luxit et defluxit terra et infirmata est*. Hic de terra vastata et desolata, uti de homine aegroto et lugente, loquitur Vates. Thren. I. 4. *Viae Sion lugent eo, quod non sint, qui veniant ad sollemnitatem*; qua prosopopoeia cultus Dei desertissimus innuitur. Is. III. 26. *Et moerebunt atque lugebunt portae eius, et desolata in terra sedebit*. Quae me-



taphora desumpta est ab usu lugentium, qui solebant in terra sedere.

NUDITAS, qua loca infirmiora, non munita significantur. Gen. XLII. 12. *Nuditatem terrae considerare venisistis.* Optime Vulg. *immunita terrae huius.*

Os terrae Gen. IV. 11 *nunc igitur maledictus eris super terram, quae aperuit os suum, et suscepit sanguinem fratris tui.* Hac metaphora scelus Caini exaggeratur, quasi diceret Deus: terra ipsa scelus tuum execrata, ore aperto sanguinem fratris tuis suscepit, ne cum horrore affectui hominum pateret: quapropter eam ubique infensam tibi experieris.

PALPEBRAE AURORAE, quibus intelliguntur radii diluculi, seu primus splendor radiorum ab exoriturio sole adfurgentium. Sumta est metaphora vel ab homine, qui, quum expergiscitur, palpebras adtollit; vel a celeri motu et vibratione palpebrarum; quia radii diluculi iugiter et tremulo quasi motu moventur, donec ad extrema orbis diffundantur. Iob. III. 9. *Expectet lucem* (nox illa) *et non (veniat) et non videat* בְּעֵפֶי אֶשְׁכָּחָהּ *palpebras aurorae.* Vulg. *expectet lucem et non videat, nec ortum surgentis aurorae.* Vide etiam c. XLI. 9. ubi eadem voces חָרָה וְעֵפֶי אֶשְׁכָּחָהּ a Vulg. redduntur *palpebrae aurorae.*

PLAUSUS MANUUM tribuitur fluminibus Ps. XCVII. 8. *fluvii plaudent manu, simul montes exultabunt a conspectu Domini, quoniam venit iudicare terram.* Haec per prosopopoeiam inanimatis creaturis adfinguntur, ad excitandum in hominibus advenientis Domini desiderium. Is. LV. 12. *Montes et colles cantabunt coram vobis laudem, et omnia ligna regionis plaudent manu.* Hac metaphora laetitia spiritualis in regno Christi figuratur.

PUGNA

PUGNA stellis Iud. V. 20. *De coelo pugnatum est, stellae מִמִּסְלוֹתָם. ex elevationibus suis pugnauerunt.* Translata est haec metaphora a militibus ex editiore loco pugnantis. Vulg. *In ordine et cursu suo manentes pugnauerunt cum Sisara*, i. e. adversus Sisaram. Stellae autem eo loci pugnasse dicuntur, quia grandinum et procellarum demissarum (his enim usum fuisse Deum scribit Iosephus l. V. antiqq. cap. VI.) instrumenta fuere.

VISIO et TIMOR aquis. Psal. LXXVI. 17. *Viderunt te aquae, Deus: viderunt te aquae et timuerunt*; qua profopoeia innuitur maxima Dei potentia. *Viderunt*, i. e. expertae sunt potentiam tuam, quum scil. vento valido et urente scissae sunt, et fundum maris nudum ostenderunt: *timuerunt* vero, quum ad nutum tuum, trepidantium instar, de loco suo fugerunt, et praeter naturam suam instar muri hinc inde constiterunt. Vide Exod. XIV.

Dicitur etiam terra *evomere habitatores suos*, quo eorumdem ex ea propter sceleratam vitam, expulsio a Deo facta intelligitur. Lev. XVIII. 25. *Cuius ego scelera visitabo, ut evomat habitatores suos.*

IV. Sunt etiam quaedam nomina et verba, quae per profopoeiam inanimatis tribuuntur. Qualia sunt *Filius, filia*, de quibus vide infra in hebraïsmis periphrasticis. *Lingua* ob similitudinem quamdam tribuitur igni, unde etiam ignis combustionis materiam dicitur *lambere, comedere, devorare*. Porro *lingua* etiam mari tribuitur, qua significatur sinus eiusdem in terram excurrens. *Matris* vox viae tribuitur, eaque bivium significatur, q. d. principium, ex quo duae viae nascuntur. Ezech. XXI. 26. *Stetit enim Rex Babylonis מַלְכָּא בָבְלוֹן ad matrem*



trem vel in matre viae. Vulg. optime, in bivio; sequitur enim in capite duarum viarum.

ABIRE dicitur panis I Reg. IX. 7 panis abiit de vasis nostris h. e. ut eleganter interpretatur Vulg. defecit.

CLAMARE dicuntur Civitas, lapis. If. XIV. 31. Ulu-la porta, clama civitas; ibi metonymia continentis pro contento, sive urbis pro eius civibus, portae, pro iudicibus, qui ad ferenda iudicia in portis convenire solent. Iacob. V. 4. Ecce merces operariorum . . . quae fraudata est, clamat. Qua metaphora gravitas vel peccati vel poenae innuitur.

COMEDERE seu DEVORARE tribuitur igni Lev. X. 2. Gladio II Reg. II. 26. Nunquid usque in finem תכלת comedet gladius. Vulg. Num usque ad internecionem tuus mucro defaeviet. Terrae seu regioni. Num. XIII. 33. Terra, quam lustravimus, comedit, Vulg. devorat habitantes suos, idque vel foli conditione, q. d. terra illa durissima est, ita ut in ea colenda hominum vires consumantur: vel aeris et loci intemperie, ita ut sensus sit: etsi fertilis terra illa sit, tamen est insalubris.

CURARE, MEDICARI, VIVIFICARE dicitur 1. de aedificio I Paral. II. 8. Ioab autem reliqua urbis יִחְיֶה vivificavit Vulg. exstruxit. 2. lapidibus. Nehem. III. 34. Nunquid יִחְיֶה vivificabunt lapides de acervis pulveris? Vulg. aedificare poterunt? Hac loquutione instauratio vel aedificatio nova intelligitur.

SANARE dicitur Deus terram, quum benedictionem ipsi, post inflictam poenam, iterum impertit. II Paral. VII. 14. Et ego exaudiam de coelo, et sanabo terram eorum. Psal. LIX. 4. commovisti terram . . . sana contritiones eius. Terrae commotio, contritio, seditiones et bella



la tum intestina, tum ab exteris inlata significat: ubi etiam est metonymia continens pro contento i. e. terrae pro eius incolis: et Synecdoche totius pro parte; non enim universa terra commota est, sed iudaea solum. Sanat Deus contritiones terrae, dum pacem impertit, et bella relegat. Aquas etiam sanat Deus, dum eas salubres reddit. IV. Reg. II. 21.

V. *De regnis, provinciis et civitatibus, ut de singulis hominibus, scriptura interdum loquitur.* Prosopopoeiae huius ratio est, quod homines simul confociati, unum veluti corpus efficiant. Sic de toto populo, ut de homine in genere, i. e. siue sit masculus siue foemina, in Ss. scripturis quandoque fit sermo. If. I. 5. *Super quo percutiemini ultra . . . omne caput languidum, et omne cor moerens* v. 6 *a planta pedis usque ad verticem non est in eo sanitas.* Hic populi iudaici instar unius hominis ad mortem usque percussi et lethaliter vulnerati, aegrotantisque, curatione insuper, et medicamentis destituti, castigationes enarrantur. Explicatio v. v. seq. subiungitur.

De toto populo in specie, ut de viro loquitur scriptura, sed rarius Thren. III. 1. *Ego vir videns paupertatem meam, vel afflictionem meam, in virga indignationis eius.* Totus populus hic et in seqq. in specie unius viri, calamitates suas et perpeffiones enumerat. If. VII. 20. *In die illa radet Dominus . . . caput et pilos pedum, et barbam universam.* Per caput principes et magnates; per pedes vero, plebei homines intelliguntur. Praeterea S. Hieron. comm. in h. l. recte monet, razione barbae, quae viri decor est, et virilitatis indicium, significari, nihil in Iudaea forte et pulchrum remansu-



rum; sed eam effeminatis hominibus, imo ignominiosis mulieribus comparandam.

De toto populo, ut de foemina, scriptura sermonem instituit Is. XXXII. 9. *Mulieres opulentae surgite . . . filiae confidentes percipite auribus, eloquium meum.* Hic per *mulieres*, maiores urbes; per *filias* autem, minores intelliguntur, prout interpretatur Chald. Paraphr. Item Is. cit. v. 11. *Pavor, tremor, denudatio, cinctura super lumbos* civitatibus tribuitur ob fugam, abductionem et deportationem in captivitatem, ubi rursus civitates instar mulierum proponuntur. Huc pertinet, quum populus iudaicus ut mulier perfida et adultera describitur. Ierem. III. 1. 3. 4. IV. 30. Ezech. VI. et XXIII. cet. Deus enim rempublicam iudaicam quasi in uxorem sibi accoperat; quare quum ab Eo recessit, ut idola coleret, adulterae nomine donata est; adulteria enim et scortationes spirituales, quas per prophetas suos tam saepe reprehendit, et detestatur Deus, idololatria sunt, et graviora peccata.

MATRIS nomen civitati primariae tribuitur, ex qua aliae quasi natae et productae sunt, quaeque idcirco בנות *filiae* eius adpellantur. II. Reg. XX. 19. *Et tu quae- ris subvertere civitatem, et evertere matrem in Israel.* i. e. metropolim. Eodem *matris* nomine insignitur respublica iudaica Is. L. 1. *Haec dicit Dominus: quis est hic liber repudii matris vestrae, quo dimisi eam.* Huc pertinet Ezech. XXIII. 2. *Fili hominis, duae mulieres (Israel et Iuda) filiae matris unius (reipublicae iudalcae) fuerunt.* v. 3. *et fornicatae sunt in Aegypto* cet. Hic respublica iudaica dicitur mater ratione duorum regnorum Israelis et Iudae, quae cum filiabus comparantur.

FILIAE et VIRGINIS nomen non raro toti populo vel civitati *divisim* vel *coniunctim* tribuitur. Pf. CXXXIV. 8. *Filia Babylonis misera*, i. e. populus sive regnum Babylonicum. *Filia Sion*, *Filia Iudae*, *Filia Ierusalem* frequenter occurrunt, et innuunt populum iudaicum. Pfal. XLIV. 13. *Filiae Tyri*, Tyrii cum suis urbibus et castris. Pfal. IX. 15. *In portis filiae Sion*, filia Sion est Ierusalem, quae est subiecta arci Sion: portae vero filiae Sion sunt non solum ipsa civitas per synecdochen partitis, sed totum imperium Ierosolymitanum. Ducta est metaphora ab urbium portis, in quibus iudicia et consultationes exercebantur, ad quae frequens erat populorum concursus. Portae igitur sumuntur pro magistratu, seu portis iudicii: ut est illud: *nobilis in portis vir eius*. Sic *portae inferi*, regnum diaboli, *porta ottomannica* turcarum regnum.

Quur populus Israeliticus adpelletur *virgo*? varias adferunt rationes, quae minus solidae videntur Eruditibus. Quod enim ait S. Hieron. comm. in cap. XXXVII. If. Sion et Ierusalem ideo virginem et filiam adpellari, quod *cunctis gentibus simulacra adorantibus hominum mortuorum, haec sola conservet castitatem religionis Dei, et unius divinitatis cultum*, illud non videtur stare cum Amos V. 2. et Ierem. XVIII. 13. ubi Israel adpellatur *Virgo*, quum idola coleret. Praeterea Babylon et Aegyptus If. XLVII. 1. Ierem. XLVI. 11 *virgines* vocantur, quae tamen plene erant idololatria, et impietate. Drusius lib. XVI. observ. cap. 5. putat *virginem* dici populum Israeliticum ante captivitatem, qui virgo esse desierit, quum iam exterorum iugum subiisset: at expositionem illam pessumdat locus Thren. II. 13. ubi idem ille populus *virgo filia Sion* post babylonicam devastationem adpellatur.

Vox



Vox itaque *Virginis* pro coetu hominum, quacunque ratione se habeat, per prosopopoeiam accipienda est: unde Chald his in locis vel *coetum*, vel *populum*, vel *regnum* interpretatur. Ea autem usurpata videtur ob pulchritudinem, ornatum cet. maxime si de urbe, aut regno praestanti sit sermo. Quod aut בַּת *filia* et בְּתוּלָה *virgo* in regimine ponantur, id fit vel enallage status constructi pro absoluto positi: itaque *filia Israelis* est pro *filia Israel*; vel quum adiicitur nomen loci, ut *filia Sionis*, *filia Ierusalem*, *filia Tyri* cet. Vox *filia* populum vel incolas significat.

§. VII.

Hebraismi seu Phrases a coelo, stellis, luce derivatae.

SOL et LUNA indefinenter splendentes aeternam beatitudinem in coelis denotant. Is. LX. 20. *Non occidet ultra sol tuus, et luna tua non deficiet*: sequitur explicatio quia erit tibi Dominus in lucem sempiternam cet. E contrario solis occasus et obscuratio, calamitates, moerorem et aerumnas significat. Ierem. XV. 9. *Infirmata est, quae peperit septem* (i. e. multos) *defecit anima eius, occidit ei sol, quem adhuc esset dies* Amos VIII. 9. *Occidet sol in meridie, et tenebrescere faciam terram in die luminis*: i. e. plagis et calamitatibus repentinis obruam.

STELLARUM nomine significantur 1. Viri inlustres et praecipui. Dan. VIII. 10. *Et magnificatum est* (cornu illud parvum, nempe Antiochus) *usque ad exercitum coeli*, Vulg. *fortitudinem coeli*. (i. e. populum iudaicum) *et deiecit in terram de fortitudine, et de stellis* (i. e. principibus, virisque inter caeteros inlustrioribus) *et con-*
cul-

culcavit eas. 2. Doctores et Ecclesiarum Praefides. Apocal. I. 16. *Et habebat (Christus) in dextera sua stellas septem.* Sequitur explicatio v. 20. Sicut enim stellas posuit Deus in firmamento coeli; ut lucerent super terram: ita posuit Episcopus regere Ecclesiam Dei.

Stellarum, sicut solis et lunae, obscuracione interdum calamitates significantur. If. XIII. 10. *Quoniam stellae coeli, et splendor earum, non expandent lumen suum obtenebratus est sol in ortu suo, et luna non splendet in lumine suo.* Hoc in cap. agitur de ingenti Babyloniorum per Medos vastatione. If. XIV. 12. Rex Babylonis, cuius repentinus casus et ruina describitur, *lucifer* sive stella matutina, ob pristinum eius splendorem adpellatur. *Quomodo cecidisti de coelo lucifer, fili aurorae,* vel ut Vûlg. interpretatur, *qui mane oriebaris.*

Lux in genere accipitur pro ipsa vita. Iob. III. 20. *quare misero data est lux i. e. vita.* Unde phrascs: *videre lucem, ambulare in luce viventium,* quae vivere significant. 2. Pro quavis prosperitate. Esth. VIII. 16. *Iudaeis autem nova lux oriri visa est, gaudium, honor et triumphum.* Hac synonymorum congerie prosperitatis et laetitiae iudaeorum abundantia significatur.

3. Pro gratia et benevolentia. Prov. XVI. 15. *אור בלבוש* *in luce vultus regis vita est;* sequitur explicatio: *et benevolentia eius veluti nubes serotinae pluviae.* Metonymia signati: Est vitae nuncius; confert spem vitae, potissimum ei, cui irascebatur; et quemadmodum *imber serotinus* seu autumnalis, qui post magnos calores decedit, et maturandae messi vindemiaeque aptissimus est, dat refocillationem. Huc pertinet illud. Psal. XII. 4. *Illumina oculos meos:* haec phrasis sumpta est a languentibus et morituris, quorum obtenebrantur oculi; uti est historia



istoria de Ionatha I Reg, XIV. ubi comesto melle inluminati sunt oculi Ionathae, i. e. levata est fames et deficientia: ita hic: *inlumina oculos meos* i. e. leva animam meam moerore et languore, refocilla me auxilio: sicut ergo caecitas pro maximo corporis malo habetur, atque inde ad denotandam maximam calamitatem transfertur Thren. V. 17. ita propheta rogat se a maximis calamitatibus liberari.

Luci opponitur UMBRA, qua significatur praesidium contra omnis generis adversa, sicut umbra contra solis aestum tuctur. Is. XXX. 2. *Sperantes auxilium in fortitudine Pharaonis, et habentes fiduciam in umbra Aegypti.* 3. *Et erit vobis fortitudo Pharaonis in confusionem, et fiducia umbrae Aegypti in ignominiam.* Psaltes volens exprimere amplitudinem et robur populi Israelitici, hac emphatica utitur loquutione Ps. LXXIX. 11 *operti sunt montes umbra eius* (vitis, populi Israel) signat adeo excrevisse vitem hanc (populum) ut montes operirentur; quatenus maximas gentes gloria sua et potentia obscuravit, et super eas excelluit. *Umbra mortis* significat in scriptura locum tenebricosum et periculosum, sicut est mors ipsa, et significatur summum periculum. Alias etiam in bonum fumitur umbra: sic: *sub umbra alarum tuarum* i. e. divinae tuae protectionis, *sperabo.*

TENEBRAE et CALIGO, quae cum rerum omnium pulchritudinem et nitorem occultent, nonnisi mali notitiam et significationem in s. scriptura offerunt. Sic 1. MORS simpliciter Job. XX. 21 *ad terram caliginis.* 2. quaevis mala, et exinde orta maestitia, luctus, moeror. Job XV. 22. *Non credit* (impius) *quod reverti possit de tenebris ad lucem* i. e. de adversa fortuna ad prosperam. 3. Occultum, secretum, incognitum. Job. XII. 22. *Qui*

reve-

revelat profunda de tenebris h. e. de occultis abditissima quaeque conspicua reddit: seu homines, qui despecti iacuerant, extrahit ad lucem, seu statum splendidum.

4. Errores, mendacia, et perversitates doctrinae. If. V. 20. *Vae, qui dicitis malum bonum, et bonum malum; ponentes tenebras in lucem, et lucem in tenebras*, i. e. quibus error pro veritate, et veritas pro errore habetur. 5. Infidelitas et peccatorum studium, quae ex erroribus cet. oriuntur. Psal. LXXXI. 5. *Nescierunt, neque intellexerunt in tenebris* (infidelitatis vel peccatorum) *ambulant*. 6. Denique mors aeterna sive damnatio. Matth. VIII. 12. *Filii autem regni eiicientur in tenebras exteriores*. Haec tenebrarum exteriorum metaphora desumitur ex aula, in qua veteres vespere convivium agitare solebant, quamque multis facibus adensis inluminabant. Quare, qui ex ea eiiciebantur, in tenebras exteriores proijci dicebantur. Hinc diabolus, quum sit omnium horumce malorum auctor, vocatur *potestas tenebrarum* Luc. XXII. 53.

§. VIII.

Hebraismi a tempore derivati.

I. Dies adcipitur pro tempore opportuno. I Reg. XXV. 8. *Nunc ergo inveniant pueri tui gratiam in oculis tuis; in die enim bona venimus*, i. e. commode, opportune. 2. Pro cognitione Dei et tempore gratiae. Rom. XIII. 12. *Nox praecessit* (i. e. infidelitas, peccatum) *dies autem adpropinquavit* h. e. fides et gratia. II. Petri I. 19. *Donec illucescat dies, et Lucifer oriatur in cordibus vestris*. h. e. donec Christus mentes vestras plenissima luce conlustret. 3. Pro vita. Psal. LIV. 24. *Non dimidiabunt dies*



dies suos i. e. in matura morte morientur. Obscurus adparet locus Pf. LV. 4. *Ab altitudine diei timebō.* Est hic hebraismus interpunctionis: nam illud *ab altitudine* spectat ad priorem versum, sic: *multi bellantes adversum me ab altitudine* i. e. ab alto seu coelo: hic autem bene nota, quod verbum *bellandi* in hebr. constructum cum *ב* significet bellare *pro*, non *contra*. Dein incipit novus versus: *dici timebo*, i. e. quacumque die timuero, Deum invocabo. Insistendo autem interpunctioni vulgatae ita exponunt: tot mihi struuntur insidiae, ut etiam ab altitudine diei i. e. clara luce mihi timeam seu etiam in meridie.

Partes diei sunt tempus *matutinum*, *meridianum* et *vespertinum*. *To mane* semper adtentionem et diligentiam importat; quae enim nobis curae sunt, ea diluculo surgentes peragimus. Pf. V. 3. *mane exaudies vocem meam*: ad res gerendas opportunissimum consetur tempus matutinum; et latini tempestivum vocant, quod opportunum est, quo circa *mane* pro tempestivo; alias sequeretur Deum neque vesperi orandum esse nec vespere audire, quando dicit: *adiuvabat eam Deus mane diluculo*. Psaltes per *to mane* et *vespere* totum vitae humanae spatium complectitur Pf. LXXXIX. 6 *mane* significat iuventutem et adolescentiam: *vespera* innuit imminentem senectutem. Psal. LXXII. 14. *Et castigatio mea in matutinis* i. e. quotidie, quovis mane. Per *matutinum* Patres communiter intelligunt futuram resurrectionem Psal. XLVIII. 15. *Et dominabuntur iusti eorum in matutino*: sicut enim mane oriente sole totus mundus quasi renovatur, et ad vitam redit: sic et in resurrectione futura. Psal. LIV. 9. *Exitus matutini et vespere delectabis*: i. e. totius vitae actiones delectabis: sic *exitus* et *introitus* pro omnibus hominis actionibus. II Reg. II. 25. Videtur hoc loco esse ellipsis

plis ex voce contraria eruenda: *Egressus matutini* supple temporis, et (ingressus) *vespere* i. e. vespertinos *delectabis*: i. e. homines mane egredientes ad laborem, et *vespere* domum ingredientes seu regredientes ad quietem delectabis.

AURORA, qua significatur 1. subitaneus rei cuiuslibet ortus; sol enim in aurora primum oriens, radiorum quasi primitias puncto temporis emittit. If. XLVII. 11. *Et veniet super te malum, et nescies auroram eius.* Vulg. *ortum eius* i. e. adventum eius repentinum non cognosces: vide seq. v. 2. Gratia divina, ob exortae lucis pulchritudinem et suavitatem. If. VIII. 20. *Ad legem et testimonium* (recurrendum, non ad Pythones et divinos) *si non dixerint* (faciendum) *secundum verbum hoc*, אִין־לוֹ שֶׁחֵר non erit illi (unicuique illorum) aurora i. e. gratia, et quod ex ea sequitur, solatium. In hac expositione negligitur vox אֶשֶׁר quam etiam omisit Vulg. nec male; interdum enim abundat. Alii hunc locum ita explicant: *Ad legem magis et ad testimonium* (recurrendum, quam ad Pythones) *sin minus* (i. si aliter sentiant improbi, et ad Pythones recurrendum contendant) *loquantur*, h. e. agant (concessio ironica cum indignatione coniuncta) *secundum verbum hoc* (Pythonum) *cui non est aurora*, i. e. solatium; sed calamitas, miseria cet ut sequitur v. 21. 22.

MERIDIES significat 1. res evidentissimas. Deut. XXVIII. 28. *Percutiat te Dominus amentia et coecitate et furore mentis.* 20 et *palpes in meridie*, sicut *palpare solet coecus in tenebris.* 2. *felicitatem.* Iob. XI. 27. וּמִצָּהֳרָיִם יָקוּם תְּהִיָּה חֵלֶר תִּעָפֶה בְּבֹקֶר תִּהְיֶה et *prae meridie surget tempus, splendebris et sicut mane eris.* Meridies non raro pro prospero

P

rimo



rimo rerum statu est. Maxima felicitate *maior adhuc tibi obtinget*. Vulg. eundem sensum reddidit, sed *παρὰ μεσημέριον* et quasi meridianus fulgor confurget tibi ad vesperam, et quum te consumptum putaveris, orieris ut Lucifer. Aut *חֲלִילָה* *cdligo* seu *occidens* (prout ea vox sumitur a S. Hieron. Aq. et Symm.) i. e. vespera vitae tuae, nempe senium tuum prae meridie inluminabitur, maxime prosperabitur. *חֲשֵׁכָה* *obscuraberis*, in miseriis maximis positus eris *sicut mane*; summe afflicto statim aderit felicitas. Psal. XXXVI. 6. *Educat quasi lumen iustitiam tuam, et iudicium tuum quasi meridiem* i. quum inique fueris oppressus aut accusatus, faciet, ut omnibus innotescat iustitia tua.

VESPERA matutino tempori opponitur, quum de vicissitudine calamitatum et consolationum agitur. Psal. XXIX. 6. *Ad vesperam demorabitur fletus, et ad matutinum laetitia*: h. e. in calamitatibus et miseriis fletus est; sed statim succedit prosperitas, quae adfert laetitiam.

Nox, quae diei opponitur, eodem fere modo accipitur, quo tenebrae, significat calamitates, misérias. Iob. XVII. 12. *לַיְלָה לַיּוֹם יִשְׁימוּ אוֹר קָרוֹב סְפִינֵי-חֹשֶׁךְ* *noctem pro die posuerunt* (mihi focii mei, vel cogitationes meae, h. e. fecerunt ut dies, qua mihi quietem et a malis relaxationem pollicebar, verteretur in noctem h. e. ut calamitas pro felicitate mihi contingeret, quod in sequenti hemistichio aliis et inversis verbis repetitur) *lucem propinquam a facie tenebrarum*, repete ex praecedenti hemistichio *posuerunt*, h. e. fecerunt, ut lux propinqua seu vicina esset tenebris, i. e. ut lucem statim sequerentur tenebrae, atque ita calamitas calamitati continuo succederet. P. Smitius in hoc versiculo vult esse mimefin, qua figura in scriptura vix ulla frequentior,



tior, et supplendum verbum *dico*, ut sensus sit: *dico de nocte: lux adsit potius, quam tenebrae*. Graviter afflictis et insomnibus dies prae nocte tolerabilior est. Psal. LIV. 6. *et contexerunt me tenebrae*, gravissima mortis pericula me circumdant. Psal. CXI. 4. *Exortum est in tenebris lumen rectis*: tenebrae sicut calamitatem, ita lumen notat levamen, iuxta illud Ieremiae: *me minavit et adduxit in tenebras et non in lucem*: lumen porro illud, quod iustis inter miseriae et afflictionum tenebras oritur, est Deus misericors, atque inter calamitates consolatio et auxilium. Per *tenebras* Psaltes etiam captivitatem exprimit Psal. CVI. 10. *Sedentes in tenebris et umbra mortis, in mendicitate et ferro* i. e. in carcere ad mortem victi: *in mendicitate* i. e. misere. Hac allegoria propheta miseriae suas exprimit, desumpta ab iis, qui carceris squalore, inedia, dirisque vinculis et laboribus exprimuntur.

§. IX.

Metaphorae ab igne derivatae.

IGNIS ob claritatem, puritatem, splendorem et alia eius adtributa varia significat. 1. Verbum Evangelicum Luc. XII. 49. *Ignem veni mittere in terram* i. e. verbum Evangelii, ut interpretatur Theophylactus, quod mentes inluminat, et corda accendit: unde Spiritus S. in ignis symbolo adparet Act. II. 3. incredulos absument, perdit.

2. *Ignis* Symbolum est punitionis et excidii hostibus Dei, aut populo, regibusque Iudae impiis praeparati. Psal. XLIX. 3. *ignis in conspectu eius exardescet*. Vide Ps. XCVI. 3. Ignis tribuitur etiam aliis, quae terrorem, incommoda, necemque inferunt. Abd. 7. 18.



Et erit domus Iacob ignis, et domus Ioseph flamma, et domus Esau stipula: i. e. domus Esau, nempe posterius Esau ab Israelitis devastabitur, sicut ignis consumit stipulam.

Phrasis *laborare pro igne*, occurrit Ierem. LI: 58. Significat frustra omnino laborare, oleum et operam perdere.

3. Ad quaevis aduersa, calamitates, et afflictiones ignis transfertur. Psal. LXV. 12. *Transiimus per ignem et aquam, et eduxisti nos in refrigerium* i. e. varias calamitates experti sumus, quibus nos liberaisti. Psal. XVI. 3. *igne nos examinasti*, metaphora sumpta a metallis, quorum certissima exploratio fit per ignem: calamitatibus enim credentes, ut aurum per ignem, Deus saepe probat et emundat. Aliam significationem insinuat nomen *ignis* Psal. XXXVIII. 3. *In meditatione mea exardescit ignis: dicit propheta, se valde uri hac cogitatione et torqueri, dum videt felicem impiorum statum: hunc considerans tacite dolore et quadam quasi indignatione adiciebatur. Ignis etiam fumitur pro detractione, calumnia. Prov. XVI. 27. Vir impius fodit malum, et in labiis eius ignis ardescit: i. e. data opera machinatur impius, nullumque, ut inueniat nocendi occasiones, laborem recusat, quemadmodum ille, qui aurum effodere studet: detractione, calumniis, velut ignis, pacem, famam cet. consumit.*

FLAMMA gravissimas poenas a Deo inflictas significat. Is. XLVII. 14. *Non liberabunt (augures) animam suam de manu flammæ, i. e. de poenarum violentia, quas sustinebunt. Flammam ibi metaphorice, non proprie adicipi, probare videntur sequentia: non sunt prunae, quibus calefiant, nec focus, ut sedeant ad eum. Varius huius*

huius vocis usus in scriptura occurrit. If. XIII. 8. Babylonis tribuuntur *facies flammaram* Vulg. *combustae* i. e. rubore maximo suffusae ob cruciatus et dolores, quorum descriptio praecedit. Iud. III. 22. *Tam valide* (sicam in ventrem Eglonis infixit Aod.) *ut capulus sequeretur flammam* h. e. laminam sive ferrum, ut interpretatur Vulg. Vid. I. Reg. XVII. 7.

De LUCERNA, CANDELA, LAMPADE plura dicta sunt supra de *hebraismis convivialibus*. Lucernae extinctio ingruentium calamitatum nota est. *Lucernae inluminatio* significat prosperitatem, felicem successum, maxime regni felicitatem, atque regiae dignitatis conservationem. vide II. Reg. XXI. 17. III Reg. XI. 36. Psal. CXXXI. 17. *Paravi lucernam Christo meo*, i. e. filium, successorem: in filiis namque parentes vivunt et lucent; usitatus hebraismus; volentes enim dicere felicitatem, dicunt aliquem habere lucernam ad censam, praesertim loquendo de successione, dicunt non extinguendam lucernam seu gloriam alicuius domus: hoc autem loco ad Christum filium Davidis secundum carnem respicitur. Ioannes Baptista vocatur lucerna *ardens et lucens*, quia non erat ille lux, sed ut testimonium perbiberet de lumine, nempe Christo, qui erat lux vera, Ioan. I. 8. 9. Ioannes itaque Christum praecessit, ut lucerna solem aut diem. Quemadmodum autem lucente, vel sole exorto, lampas extinguatur; ita Ioannes, Christo hominibus manifestato, occiditur.

CARBONES IGNITI sive *prunae*, quibus denotantur. I. graves poenae a Deo inflictæ. Psal. CXXXIX. II. *Cadent super eos* (peccatores) *carbones, in ignem dei ciet eos*; sequitur explicatio: בְּמַהֲמֹרֹת בְּלִיקְוָמוֹ in foveis non subsistent. LXX. ἐν ταλαιπωρίαις ἔ μὴ ὑποστῶσιν Vulg.



lat. *in miseriis non subsistent*: optime; nam *foveae* eo loci nihil aliud significant, quam *miserias*. *) 2. *Fulgura*, Pf. XVII. 9. *Carbones succensi sunt ab eo*, i. e. fulgura. 3. *Sagittae*, quae instar ignis penetrant. Psal. LXXV. 4. *Ibi confregit רשף־קשת* *prunas sive scintillas arcus*, i. sagittas, sive *potentias*, ut interpretantur LXX et Vulg. lat. Alii *scintillas arcus* hypallagen esse volunt, pro *arcum scintillarum* i. prae nitore scintillantem. 4. *Pestis*, ut quibusdam placet, seu morbus instar carbonis igniti ardens et urens. Deut. XXXII. 24. *Consumti (erunt) fame et exesi רשף־קשת* *carbone sive peste*, quae saepius cum fame coniungitur. Vulg. *consumentur fame, et devorabunt eos aves*. Vox hebraica רשף *avem* etiam significat, prout interpretantur LXX. et Chald. Paraphrastes, qui רשף transtulit עוף *avem*. Habacuc III. 5. *Et egredietur רשף ante pedes eius*. S. Hieron. *Diabolus*, ubi comm. in h. l. ait: רשף Hebraeis vocari diabolus, qui principatum teneat inter alios. Metaphorice autem eo loci est *pestis*, vel quodlibet exitium. Psal. CXIX. 4. *Sagittae potentis acutae cum carbonibus רתמים* *desolatoriis per sagittas* praeter calamitates improvisas, denotantur etiam hic mala linguae dolosae. רתמים Aq. et S. Hieron. hic et Iob.

*) Vetus interpres graecus vocem hebraicam רשף־קשת reddidit ἐσπευσμένως *festinanter*; alius μετα πολλὰ τῷ τόχῳ *cum multa festinatione*. Eam deducebant a verbo רשף in Piel *festinavit* Praeterea LXX, Aq. Theod. V. et VI. Edit. nec non S. Hieron. רשף־קשת in secunda persona interpretantur; καταβαλεῖς αὐτούς: *delicias eos*, Aquil. vero προμαχτίσῃς αὐτούς *cadere facies eos*: legerunt רשף־קשת Vel tertiam personam in secundam mutarunt: quod hac enallage sensum commodiorem effici crederunt.



Iob XXX. 4. vertit *Iuniperorum*, atque ita plerique. RR. quia carbones iuniperi diutissime durant: per *carbones desolatorias* seu vastantes similiter mala gravissima a Deo aut ab ipsa lingua dolosa provenientia exprimuntur: carbones Iuniperi vehementissime perurunt: et sic etiam lingua dolosa.

5. *Filius unicus* II. Reg. XIV. 7. *Quaerunt extinguere* אֶת־בְּנֵי־אֵלֶיךָ *prunam meam*, vel ut Vulg. *scintillam meam*, quae relicta est, h. e. filium meum superstitem. Sicut enim prunae reconduntur in cinere, ut sint semen ignis: ita unicus iste filius poterat propagare eius familiae posteritatem, ne extingueretur: unde sequitur: *ut non sit viro meo nomen, et reliquiae super terram.*

6. *Beneficentia hosti praestita*. Prov. XXV. 21. *Si esurierit inimicus tuus, ciba illum . . . prunas enim congregabis super caput eius*. h. e. ita eum adficiēs, movebis, et ures, ut eadem celeritate odium in te conceptum deponat, qua prunas in caput eius congestas excuteret.

7. *Amor ferventissimus*. Cant. VIII. 6. *Prunae eius* (amoris) *prunae ignis flammae vehementissimae*. Vulg. *lampades eius lampades ignis, atque flammarum: **) comparatur aemulatio et zelus sponsi *lampadibus* i. e. facibus (nam *to lampas* in vulgari significatione in nullo perito scriptore cernitur) succensis, et valde ardentibus. Qui intensius ali-

P 4

quid

*) Pro eo in hebraeo est שְׁלֵהֶרֶתֶיךָ q. d. *qui* (scil. ignis) est *flamma Dei*, i. e. maxima flamma: nam hac loquendi ratione hebraei saepius superlativum exprimunt; sic *montes Dei* i. e. altissimi, *fluvius Dei* i. e. velocissimus, maximus. Exemplaria alia habent שְׁלֵהֶרֶתֶיךָ atque ita quoad literas legerunt LXX reddentes: λαμπάδες αὐτῆς *lampades eius*. Veteres hic nomen *Del Iab* non agnoverunt.



quid prosequuntur, saepius igni comparantur, *incendi, exardescere* dicuntur: sic de Elia dicitur, quod surrexerit *quasi ignis*, et verbum eius *quasi facula* arderet, i. e. zelo et fervore plenum esset. Oculi quoque apud antiquos *lampades* adpellantur, ut apud Hesychium. Heine Dan. X. 6. *oculi eius, ut lampas ardens*, quod et speciem perditae amantis et zelotypi refert. Suum ergo amorem erga sponfam heic magis magisque exaggerat sponfus.

TITIO, TORRENS adhibetur ad exprimendum contemptum, ob ignis lucisque privationem. Is. VII. 4. *Noli timere (Achaz) . . . a duabus caudis titionum fumigantium istorum*, Rafin scil. Regis Syriae, et Phacee Regis Israel, qui non modo *titiones* vocantur, sed *caudae titionum*, h. e. titiones ad caudas et extremitates usque consumpti, quique nonnisi fumum cito desitutum emittunt. Aliam rationem huius metaphoraе historicam adfert S. Hieron. comm. in h. l. *Nimirum, quod in illis finitum sit regnum Syriae i. e. Damasci, et regnum Samariae, i. e. decem tribuum, quae alio nomine vocantur Ephraim.* 2. Significatur divina liberatio ex malis, quasi ex igne Zach. III. 2. *Nunquid non iste (Iesus magnus Sacerdos) torris est erutus de igne* h. e. captivitate Babylonica, ex qua velut ex incendio semiustus exivit. Iob. XII. 5. *Iustus dicitur lampas contempta apud cogitationes divinum*, i. e. fax, seu taeda (ea enim propria illius nominis significatio est, ut supra dixi) quae extincta seu exusta, nec amplius lucens, tanquam inutilis aestimatur. Aut taeda, quae subobscurae duntaxat lucet; vel quae, dum luce orbatur, fumigat, et foetorem creat. Sic sane Christus Is. XLII. 3. *linum* sive ellychnium *fumigans*, aut *obscurum vel tenebrosum*, ut alii reddunt, non extinctu-



rus dicitur, quia *pauperes*, ait Chald. *qui sunt. quasi lignum obscurum non exstinguet*, i. e. *pauperes, infirmos, peccatores* cet. recipiet, consolabitur et salvabit.

FUMUS excrementum ignis, et eius argumentum, metaphorice pro poenis a Deo inflictis et calamitatibus accipitur, quia celeriter invadit, penetrat omnia. If. XIV. 31. *Prostrata est Philisthaea omnis; ab Aquilone enim veniet fumus, et non est, qui effugiet agmen eius* S. Hieron. comm. in h. l. per fumum illum intelligit Senacherib regem Assyriorum, qui regnante Ezechia venit, et inter caeteras nationes vastavit Philisthaeos, Aliis est Ozias II Paral. XXVI. 6, 7. Ignis irae Dei adensus fumos huiusmodi excitat et impellit. Confer Psal. XXXVI. hebr. XXXVII. 20. If. XLIV. 10. Joel III. 3. quibus in locis fumus est irae Dei, poenarumque ab eo inflictarum symbolum.

INCALESCERE, pro ira in genere; ea siquidem instar ignis cor inflamat. Deut. XIX. 6. *Ne forte proximus eius, cuius effusus est sanguis, כִּי יִהְיֶה לְבָבוֹ* eoquod, vel quam incaluerit cor eius, persequatur homicidam. Unde etiam ira hebraeis dicitur חֵמָה quae vox ardorem significat. 2. pro ira ex zelo divino profecta inflammari, ut et πυρσος usurpatur II Cor. XI. 29. *Quis scandalisatur, καὶ ἐγὼ πύρσος* et ego non uror? 3. Pro pravo libidinis adfectu I. Cor. VII. 9. *praestat enim nubere, quam uri.* 4. Pro idololatria, quae spiritualis fornicatio est. If. LVII. 5. הַנְּחֻמִּים *incalescentes*, Pagninus, *coeuntes cum Diis subter omne lignum frondosum.* Qua metaphora propensissimus iudaeorum ad idololatriam animus significatur, quod similis esset ardori libidinis, quo



adultera in adulterum incalescit. *) Tela Diaboli *παιπωμένα* ignita dicuntur, quibus tentationes tum internae, tum externae significantur. II. Tim. I. 6 moneatur Timotheus ἀναζωπυρεῖν ut resuscitet gratiam, quae ipsi conlata erat per impositionem manuum Apostoli; h. e. ut curet, ne extinguatur, sed ut magis magisque flammam concipiat charitatis; gratia enim divina, viva quaedam flamma est in cordibus nostris adensa, quam caro et diabolus extinguere nituntur: quod si contingat, tunc refrigescit charitas. Huc pertinet eiusdem Apostoli monitum I Tess. V. 19. τὸ πνεῦμα μὴ σβεννύετε Spiritum (sanctum) nolite extinguere.

CONFLARE (הִצִּיף) quod proprie metallis convenit, quae igne conflantur, excoquantur, repurgantur et probantur. Eleganti metaphora ad piorum, per cruces et calamitates purgationem et probationem transfertur: certissima metallorum exploratio fit per ignem: sic etiam calamitatibus credentes Deus saepe probat et emundat. vide Psal. LXV. 10. Heinec נור catinus five fornax pro afflictionibus adcipitur. Deut. IV. 20. Vos autem tulit Dominus et eduxit de catino, Vulg. fornace ferrea Aegypti, et alibi, quibus in locis ferrei epitheton ad servitutis et tribulationum duritiem innuendam adii-citur. II. XLVIII. 10. Ecce excoxi te, sed non quasi argentum (i. e. moderate, ita ut magis imbecillitatis, quam iniquitatis tuae rationem habuerim) et elegi te (h. e. electum et probatum effeci) in camino afflictionis Vulg. pau-

*) LXX. παρακαλῦντες ἰδῶλα ὑπὸ δένδραδασεία qui consolamini idola sub arboribus frondosis. Vulg. qui consolamini in Diis subter omne lignum frondosum vocem hebraicam הִנְחַמְתִּים referre-bant ad uerbum הִנְחַם solatus est, non ad הִנְחַם incaluit.

paupertatis. Idem officium Christo tribuitur Malach. III. 2. Ipse enim (Christus) quasi ignis conflans, et quasi herba fullonum &c. 3. Et sedebit conflans et emundans argentum, et purgabit filios Levi.

§. X.

Metaphorae ab Aëre etc. desumptae.

AERE, VENTO, AURA (hebraice רוח) significatur

1. Vanitas, quia in vento nihil solidum ac subsistens. Job. XV. 2. *Nunquid sapiens respondebit רֵעַת רוח scientiam venti.* Vulg. *quasi in ventum loquens* (i. e. quae nullo nititur fundamento, verba vana, iactatoria, inflata) *Et implebit קָרִים Euro stomachum suum?* Vulg. *Ardore.* Vox hebraica et *Eurus* five ventum Orientalem, et *ardorem* significat: ventus ille valde urens est, et exsiccans et valde vehemens: quo vehemens hominis ira denotatur: sensus est: *implebit Euro stomachum suum*, ut nil nisi iracunda et vehementia cruetet et effutiat. Huc pertinent phrasés Apostoli: *aerem verberare* I. Cor. IX. 26. h. e. inanem operam insumere. Sumta est metaphora ab athletic, qui, dum ictu aberrant, vires in ventum effundunt. *In aerem loqui* i. e. frustra, in vanum.

2. Instabilitas, mentisque inconstantia. Ephes. IV.

14. *Ut iam non simus fluctuantes, et circumferamur omni vento doctrinae:* quae metaphora a navi fluctibus et ventis circumacta desumitur.

3. Venti adpellatione significantur hostes; vent enim violenti noxam inferre solent, praesertim Eurus, qui exurit segetes, facitque, ne ad maturitatem perveniant, vel maturas sternit et dissipat. Psal. LV. hebr.

LVI.



LVI. 9. אֶחָיִשָּׁה מִפֶּלֶט לִי מֵרוּחַ סָעָה מִסָּעָר *adcelerabo vel adcelerarem liberationem mihi vel meam a vento excitato a turbine* h. e. ab hostibus meis, qui instar turbinis arbores eradicantis, e medio tollere me conantur.

4. *Mutatio status*, de uno in alium. Iob. XXX, 22. hebr. *Elevasti me, super ventum equitare me fecisti, et dissolvisti me in fortitudine*; subintellecto ב *beth*, Quidam subintelligunt *mem*, a, redduntque a *substantia*, q. d. ita, ut mihi amplius non sit substantia. Sensus est: Elevasti me in sublime, ast simul super ventum, qui velocissime transit, me posuisti, subito me transferens de uno statu in alium, eo validius, quo amplius sublimatus eram, me in imum deiecisti.

Hunc pertinent *meteora*, quae in aere gignuntur. Sic VAPOR significat calamitates, exitium, interitum; quae enim solvuntur in vaporem, ea in nihilum quasi abeunt et pereunt. Vide Deut. XXXII. 35. et alibi.

NUBES ob diversa adtributa, diversa quoque significat. 1. calamitates et exitium, quod nubes solis et firmamenti splendorem, quo innuitur prosperitas, hominibus eripiat. Thren. II. 1. *Quomodo obnubilavit*, Vulg. *obtexit caligine in furore suo Dominus filiam Sion*. Hinc dies *nubis* sive *nubium*. Hac metaphora utitur etiam Ovidius l. I. Trist. Eleg. VIII. 6. *Tempora si fuerint nubila, solus eris*.

2. Multitudo et copia; quod in tempestate ingens nubium densarum copia adpareat; vel quia ex multis vaporibus nubes componuntur. Hebr. XII. 1. *ideoque et nos tantam habentes impositam nubem testium* i. e. tantam copiam et multitudinem. Sic Homerus Iliad. δ. *simul autem sequebatur nubes peditum*. Sic Livius, *peditum equitumque nubes*. S. Hieron, *nubes locustarum*.



3. Vanitas et inconstantia; sunt enim quaedam nubes, quae pluviam promittunt, sed a ventis fugatae, eam non demittunt. II. Petr. II. 17. *Hi sunt fontes sine aqua, et nebulae turbinibus agitatae*: loquitur S. Petrus de falsis doctoribus, qui in doctrina et in fide sua fluctuant, nec salutaris doctrinae et consolationis pluviam praebent. Vide epist. S. Judae v. 12, ubi eiusmodi homines dicuntur *nubes ἀνύδρῳ sine aqua*.

4. Celeritas; nubes enim impetu ventorum raptae, citissime sub coelo feruntur. II. XIX. 1. *Ecce Dominus ascendet super nubem levem, et ingredietur Aegyptum*. Psal. CIII. 3. *Qui ponis nubem ascensum suum*, i. e. currum, ita ut nubes Deo pro curru sint, et venti quasi cursores ante currum.

TEMPESTAS, TURBO, PROCELLA, quae vel Deo, vel hominibus tribuitur. Si Deo; iram ipsius, et poenas peccatoribus inflictas significat. Job. IX. 17. *In tempestate conteret me*. Si hominibus tribuatur, mentis conturbationem et violentam invasionem significat. IV. Reg. VI. 11. רָעָדָא et procellis agitatum et cor regis Syriae. Vulg. et conturbatum est; sicut aer turbinibus et tempestatibus turbatur. Dan. XI. 40. Et רָעָדָא quasi tempestas veniet contra illum, i. e. subito invadet.

TONITRU, quod soli Deo in scripturis tributum, ob vim creaturas terrendi, denotat Dei maiestatem et gloriam. Absconditum tonitruum Vulg. tempestatis Psal. LXXX. 8. ponitur pro loco coelesti ubi Deus habitare concipitur: in nubibus enim equitare dicitur. 2. Iram eius et poenas inflictas. I. Reg. II. v. 10. *Dominum formidabunt omnes adversarii eius, et super ipsos in coelis tonabit* i. e. de coelis puniet eos. Tonitru ipsum non ra-



ro קול vox dicitur Exod. IX. 23. et Dominus dedit קולות voces. Vulg. tonitrua, et grandinem. Et interdum vox Domini Psal. XXVIII. 3. Unde בַּת קול filiam vocis veteres iudaei vocabant vocem Dei cum tonitru adlatam: Hanc usitatam fuisse tempore secundi templi, postquam cessarunt prophetiae: huiusmodi vox erat illa Matth. III. 17. Et ecce! vox de coelis dicens: quae vero a Rabbinis de filia vocis traduntur, plures critici partim fabulisiudaicis, partim diaboli praestigiis ad censent. Iacobus quoque et Ioannes a Christo βουρβουρξυς cognominantur Marc. III. 17. i. e. filii tonitru, a tonitru verbi Evangelici, cuius praecones extitere.

FULGUR, quod metaphorice sumtum denotat laminam lanceae vel gladii micantem, quae fulguris instar splendet, et terrorem iniicit: vide Ezech. XXI. 10. Heinc Deo, ad iram eius significandam, tribuitur, gladius fulgurans, Deut. XXXV. 41. hasta coruscans vide supra cap. VI. Denique sine addita voce gladii פֶּרֶק coruscantem gladium significat Job. XX. 25. Eductus et egrediens de vagina sua, et fulgur in amaritudine sua h. e. fulgurans et coruscans gladius in amaritudine sua venit super impium.

GRANDO, qua ultio divina et poenae gravissimae a Deo inflictae significantur. Is. XXVIII. 17. Et grando subvertet refugium (Vulg. spem) mendacii, et latibulum (Vulg. protectionem) aquae inundabunt. h. e. ultio ventura refugium vestrum subvertet, perinde ac si grando et aquae inundantes tuguriolum delicerent. Vide etiam cap. XXXII. 19. ubi per saltum intelliguntur loca inculta per civitatem vero, loca habitata, idque per synecdochen.

PLUVIA

PLUVIA, quae maximam terrae utilitatem adfert, si temperata fuerit et tempestiva; ingens vero detrimentum, quum immodica et intempestiva decedit: unde et *in bonum* et *in malum* adcipitur. 1. In bonum pro solatio in afflictionibus, consolatione, Ezech. XXII. 24. *Tu es terra immunda, et non pluvia eius in die furoris* Vulg. *non compluta* h. e. nihil solatii in poenis divinitus inflictis percipies. 2. In malum. Eccles. XII. 2. *Antequam . . . revertantur nubes post pluviam.* i. e. calamitates calamitatibus succedant. Notum proverbium. *Nubes post imbrem*, de malis sibi cito succedentibus et contra: *post nubila phoebus*, de gaudio tristitiam sequente usurpatum. Vide supra cap. V.

Nix vide supra c. I. §. VII.

§. XI.

Metaphorae ab aqua &c. petitae.

Metaphorae ab aquis desumptae spectant vel ipsam aquarum adpellationem, vel ipsarum subiecta sive continentia; vel adiuncta seu qualitates, vel earum operationes, vel denique hominis in iis occupati actiones. Quum vero aquae interdum utiles, interdum noxiae sint, ita *in bonum* et *malum* adciuntur.

In bonum. Aquis significatur posteritas. Num. XXIV. 7. *fluet aqua e situla eius* (Jacobi, i. e. numerosa posteritas, quae ex eo quasi ex fonte profluet) *et semen illius erit in aquas multas* h. e. multos populos excrescet. Deut. XXXIII. 28. *Habitat Israel confidenter*, et solus פֶּן יִשְׂרָאֵל *fons Iacob* (i. e. posteritas Iacobi) *in terra frumenti et vini habitabit.* Vulg. *Habitabit Iacob confidenter, et solus; oculus Iacob in terra frumenti et vini supple erit.*

Vox



Vox ⁱⁱⁱ oculum et fontem significat. Psal. LXVII. 27. *In Ecclesiis* (i. e. coniunctim per choros) *benedicite Deo Domino de fontibus Israel*: h. e. vos omnes, qui estis de fontibus Israel, nempe omnes Israelitae.

In malum. Aquae significant populum fortem ac numerosum, qui terram aliquam hostiliter invadit, in eaque grassatur. Is. VIII. 7. *Propter hoc, ecce Dominus adducet super eos* (Israelitas) *aquas fluminis fortes et multas*, sequitur explicatio: *regem Assyriorum, et omnem gloriam eius; et ascendet* (flumen) *super omnes rivos eius, et fluet super omnes ripas eius.* v. 8. *Et ibit per Iudam inundans, et transiens usque ad collum veniet* h. e. usque ad Ierusalem, quae regni caput erat. Est etiam hic prosoopoeia, qua regnum cum humano corpore comparatur. vide Apocal. XVII. 1. 15. ubi *aquae multae* populos et gentes et linguas significant. 2. Aquae significant calamitates et tribulationes. Eiusmodi phrasae frequentissimae sunt. II. Reg. XXII. 17. *Et extraxit me de aquis multis* i. e. de multis calamitatibus. In prophetis saepe dicuntur aquae inundare terram, i. e. tribulationes et ruinae. Psal. XXXI. 6 *verum tamen* (profecto, sane) *in diluvio aquarum multarum, ad eum non adpropinquabunt.* i. e. etsi totum orbem inundent calamitates, ad eum non pertingent. Psal. LXVIII. *Intraverunt aquae usque ad animam meam* i. e. usque ad vitae excidium, ut iam de vita mea periclites.

MARE, quo propter aquarum copiam, fluctuumque et procellarum impetus multitudo populorum hostilium denotatur. Jerem LI. 42. *Ascendit super Babylonem mare, multitudo fluctuum eius operta est.* h. e. Rex Medorum cum omnibus copiis suis Babylonem ascendit.



dit. etc. 2. maximas calamitates. Psal. LXVIII. 3. describit calamitates captivitatis. *Infixus sum in limo profundum* (pro carceribus coenosis) *et non est substantia* i. e. substantia, nempe solidus fundus, semper profundius mergor. *Veni in altitudinem maris*, i. e. in maximam et calamitosissimam captivitatem. Psal. XLI. 8. *omnia excelsa tua, et fluctus super me transierunt.* vide Psal. LXXXVII. 8. Mich. VII. 19. *In profundum maris omnia peccata nostra proiicere dicitur Deus*, quum ea condonat, et oblivione sempiterna sepelit.

Per fluctus maris etiam denotantur homines inquieti, qui Ecclesiam doctrina, vitæque impia conturbant. Jud. v. 13. *κύματα ἄγρια θαλάσσης fluctus feri maris.* confer Il. LVII. 20. 21. *fluctuare* etiam dicuntur, qui in fide instabiles sunt. vide supra.

TORRENS, quod ex procellis subito excrefcens, terrorem una cum damno et hominibus et animalibus adfert, ingentes afflictiones, terrores, et pericula significat. Psal. CXXIII. 5. *Torrentem pertransiit anima nostra.* Est inversio agentis h. e. torrens pertransiit animam nostram: *forſitan pertransiſſet anima noſtra aquam intolerabilem.* i. e. certe graviorum calamitatum voragine fuiſſemus abſorpti, niſi Deus, eiſque ſingularis providentia nos ſervallſet. *טֹרֵן* non ſignificat pertransire quomodo-
documque, ſed quia eſt conſtrūctum cum *ל* ſignificat cooperire, involvere. Psal. XVII. 5. *circumdederunt me dolores mortis, et torrentes Belial* (Vulg.) *iniquitatis conturbaverunt me:* nomen ſubſtantivum ſecundi caſus ſupplet vicem adiectivi: dolores mortales, torrentes iniqui; quia vero torrens non poteſt eſſe iniquus, ſed homo, ideo reſolvenda propoſitio cum Chaldaeo: *cōe-*



tus obpressorum, aut homines impii et iniqui. De Christo Psal. CIX. 7. dicitur: *de torrente in via bibet*: i. e. multis et acerbis calamitatibus affligetur. Interdum tamen *torrens* in bonum accipitur propter aquarum abundantiam, quae ad bonorum copiam transferuntur. Vel quia in aridis regionibus torrentes obportune et utiliter inundant. Job. XX. 17. *Non videat* (impius) *torrentes mellis et butyri* i. e. rerum secundarum, suavium cet. adfluentia privetur.

FLUMEN in bonum et in malum accipitur. *In bonum*, Dei beneficentiam denotat. Is. XLI. 18. *Aperiam in locis editis* (Vulg. *in supinis Collibus*) *flumina*, et *medio camporum fontes*: *ponam desertum in stagnum aquarum*, et *terram inviam in rivos aquarum*; quibus verbis regni Messichiani felicitas describitur. Joan. VII. 38. *qui credit in me, sicut dicit scriptura, flumina de ventre eius fluent aquae vivae*, h. e. copiosa Spiritus s. dona et operationes, ut explicatur v. seq. Psal. XLV. 4. *fluminis impetus laetificat civitatem Dei*: antea comparaverat Psalter hostiles insultus tempestatum marinae; nunc ait, civitati Dei seu populo, qui est civis verae Ecclesiae nihil esse timendum, eoquod in mediis tempestatibus perfruitura sit pace, instar rivoꝝ Gihonis, qui per Jerusalem derivabantur et leniter fluebant.

In malum, flumen hostiles exercitus significat. Is. XVIII. 2. *Ite angeli veloces ad gentem . . . cuius diripuerunt* (praeteritum pro futuro diripient) *flumina terram eius* h. e. cuius terram diripient hostium exercitus, quibus veluti rapidissimis fluminibus resisti non poterit. Vide etiam c. VIII. 1. ubi metaphora explicatur.

PUTEUS in bonam et malam partem accipitur. Prov. V. 15. *bibe aquam de cisterna tua, et fluenta putei tui*,

tui, quod *σμενος* et honestatis ergo dicitur, pro, rem habe cum uxore tua, non cum aliena. *ſ. 16. deriventur vel derivabuntur fontes tui, et in plateis aquas tuas divide*, hebr. *in plateis divisiones aquarum* ſparge; fac ut uxore tua contentus, tibi proles multiplices, eorumque abundantia, veluti aquae et rivi in plateis, pateat mundo. Confer Job. XXI. 11. ubi prolium abundantia gregibus comparatur; hic aquis et fontibus. *ſ. 17. habeto eas ſolus, nec ſint alieni participes tui*; ſolus filiorum tuorum pater ſis, et cave ne meretrix incertos tibi obtrudat. *ſ. 18. Sit vel erit vena tua benediſta et laetare eum muliere adolescentiae tuae*, da operam, ut caſte vivendo cum uxore tua, Deus eidem benedicat, et multa prole beet, ut laetari queas cum uxore, quam juvenis duxiſti. *ſ. 19. haec cerva chariſſima, et gratiſſimus hinnulus ſupple crit*, i. e. illam efflictim amabis. Veteres maxime his animalibus delectati ſunt: proinde olim in more fuit, cervos et hinnulos non ſolum alere ſummo ſtudio, ſed et lavare et peſcere, fertisque ornare, aut torquibus et monilibus. hoc itaque loquendi modo tenerriſimum amorem exprimit.

In malam partem puteus adceptus maxima pericula et perniciem ſignificat. Pſal. LIV. 24. *deduces eos in puteum interitus*. Chald. *in gebennam profundam*. Pſal. LXVIII. 16. *neque urgeat ſuper me puteus os ſuum*, i. e. ſtringat, claudat, ita obſtruatur carcer, ut ſpes evadendi non ſit. Sic quoque adcapitur quandoque vox cognata בור *cisterna*. Pſal. XXXIX. 3. *Et eduxit me מבור שאון de cisterna tumultus* (i. e. de lacu tumultuoſo, in quem aquae multae decidunt magno ſtrepitu. Vulg. *de lacu miſeriae*; lacus ſumitur pro carcere ſubterraneo, quo denotatur maxima adſlictio et miſeria. Sic Jeremias dicitur in la-



cum missus; item Daniel; et quia huiusmodi loca erant humida plena aquae fordibus, ideo vocantur *lutum foecis*, unde pedem extrahere vix queas. Jerem. II. 13. Idola dicuntur *cisternae dissipatae*, quae continere non valent aquas, i. e. quae nullam opem cultoribus suis adferre possunt; quare Deo *fonti aquarum viventium* ibidem opponuntur.

Qualitates aquae, nempe fluiditas, liquiditas cet. homini tribuuntur. Psal. XXI. 15. *Sicut aqua effusus sum*: similitudo frequens hebraeis, qua significatur aliquam rem prorsus non esse in pretio, sed effundi veluti aquam: sic dicitur: *effuderunt sanguinem eorum tanquam aquam*. At hoc in psalmo adhuc aliquid aliud significat: nam loquitur de magno pavore et angore, in quo iuncturae corporis non cohaerent, et ideo homo tremit, et videtur diffluere velut aqua, cuius partes non cohaerent: et ideo dicit: *dispersa sunt ossa mea propter istum timorem*. Ob summos animae et corporis cruciatus pariter tabescens erat Christus. Eiusmodi ergo qualitates aquae significant animi consternationem, anxietates et dolores. Psal. LXXIV. 4. *liquefacta est terra* i. e. hominum animi turbantur timore et dolore: aut terra iacet inculta, domus exustae sunt et ruinosae. Psal. CVI. 26. *anima eorum in malis tabescebat*; *ro' beth in* haec est causale, i. e. propter periculum mortis instantis liquefcerent. Eadem metaphora de vinculis usurpata, eorum dilapsum et dissolutionem significat. Jud. XV. 14.

Quatenus autem frigoris et caloris capax est aqua, ad eam pertinent ista: Job. XXX. 27. *Viscera mea* (Vulg. *interiora mea*) *efferbuerunt, et non filuerunt* (h. e. ut optime Vulg. reddidit: *absque ulla requie*) *praevenierunt me*.

קדמוני

(קְרִמוֹנִי) *anteverterunt me*, mihi non opinanti ad ciderunt) *dies afflictionis*, quod de adfectuum et cogitationum ob m̄ximas calamitates conturbatione intelligendum. Apocal. III. 15. S. Joannes *frigidus* vocat plane a Christo alienos; *calidos* fidei ac pietatis zelo ferrentes; *tepido* vero eos, qui Christiani dici volunt, et tamen vitam Christiano dignam non exigunt. Illud autem: *utinam frigidus esses*, respective intelligendum est; non enim frigidi aequae Deo placent ac fervidi, sed respectu tepidorum laudabiles sunt, quod palam profiteantur, quales sint, nec aliud loquantur, aliud sentiant; quodque meliora edocti saepe emendentur, quod de tepidis pietatis speciem habentibus, et vim eius abnegantibus vix sperare licet.

Operationes aquae, ex quibus metaphorae ducuntur sunt

INUNDARE, quo hostium irruentium multitudo inruitur. Vide supra II. VIII. 2. festinatio et celeritas. Psal. LXXXIX. 5. יִרְמָתָם שְׁנֵה יְהוָה *inundasti vel inundas eos, somnium erunt*, h. e. raptim et quasi torrente immisso abripis homines, qui veluti somnium sunt. Vulg. lat. *quae pro nihilo habentur, eorum anni erunt*, sic et LXX. Est hystorologia pro: *eorum anni (sunt velut) ea, quae pro nihilo habentur*: pro יִרְמָתָם *inundasti eos* legebant יִרְמָתָם *fluxus eorum, nihilum eorum anni sunt*, per hypallagen adfixi pro *fluxus anni eorum sunt*. et pro שְׁנֵה legebant שְׁנֵה *annus*.

ERUCTARE, SCATURIRE: vide supra cap. XIV. EBULLIRE, quod itidem eleganti metaphora de sermone cordis diu praeparato accipitur, qui per os et labia egreditur, ut aqua fervore ebulliens foras erumpit.



Pfal. XLIV. 2. *Ebullivit seu eructavit cor meum verbum bonum*, i. e. carmen elegans, sicut graecum καλὸς bonum et pulchrum significat.

STILLARE usurpatur pro doctrina, sermone et prophetia, vel quod pluviae aut roris instar minutatim auribus influat; vel quia, ut pluvia et ros terram, ita doctrina animum hominis rigat, quasi et foecundat. Deut. XXXII. 2. יִצְרֹף stillet ut pluvia doctrina mea, fluat ut ros eloquium meum, quasi imber super herbam, et quasi stillae super gramina. 2. De coelo et nubibus stillantibus iustitiam sive iustum Is. XLV. 8. item de montibus et collibus stillaturis dulcedinem. Joel. III. 18. Amos IX. 13. qua metaphora coelestium beneficiorum tempore Messiae abundantia intelligitur.

Actiones hominis in aquis occupati sunt istae.

EFFUNDERE tam in bonum, quam in malum accipitur: de Deo, quum effundere spiritum suum et gratiam suam dicitur; qua metaphora donorum Spiritus sancti copia intelligitur: Is. XXXII. 15. *Donec effundatur super nos spiritus de excelsis*. Psal. XLIV. 3. *Diffusa est gratia in labiis tuis*; gratia hic non sumitur active pro favore aut dono gratuito, sed passive pro dotibus corporis et animae, quibus favor reconciliatur: talis gratia est lepos et suavitas sermonis: unde labia pro sermone. In sensu altiori evangelium gratiae a Messia Christo promulgatum intelligitur.

De hominibus verbum *effundere* usurpatum, preces ad Deum cum singulari pietatis fervore fusas significat. Hinc phrasēs: *animam et cor in conspectu domini effundere*: quando Deo vota et desideria nostra deferimus. Et *rugitus instar aquae effundere* Job. III. 24. quae non solum inten

intensissimi doloris signa sunt, verum etiam de precibus in angore et cruciatu adhibitis intelliguntur.

In malum verbum istud adceptum, et de Deo et hominibus usurpatur: sic dicitur Deus *effundere iram et furorem suum*. Psal. CVI. 40. *Effusa est contemptio super principes* h. e. Deus non parcat principibus malis, sed effundit super eos iram suam, ut fiant contemptui et ludibrio vicinis regibus; sicque omni eos auctoritate spoliati. Job. XXX. 16. *Effudit* (Deus) *in terra מִרְרָתִי* *fel meum* Vulg. *viscera mea*, recte; ibi enim pars ponitur pro toto: tot tantisque me doloribus adfecit, perinde ac si iecur meum cum vesica fellis, imo et viscera mea in terram effunderentur.

De hominibus hoc verbum usurpatum varia mala tum poenae tum culpae significat. Job. cit. 16. *Nunc autem in memetipso תִּשְׁתַּפֵּךְ* *effundit se anima mea* ob gravissimos dolores et anxietates liquefcit quasi et contabescit. Thren. II. 11. *Effusum est in terra iecur meum super contritione filiae populi mei* h. e. prae dolore et terroribus conficior, quasi iecur meum in terram effunderetur. Psal. LXXII. 2. *Pene effusi sunt gressus*: parum abfuit, quin a via mandatorum Dei declinarem, instar aquae, quae locum mutat, et huc illuc dispergitur. Ezech. XVI. 15. *Effudisti fornicationes tuas super omnes transeuntes etc.* h. e. quibusvis transeuntibus effuse et multiformiter prostituisti te; quemlibet idololatria tua, quae heic fornicationibus significatur, polluisti.

ASPERGERE, LAVARE, MUNDARE cet. quae ad peccatorum remissionem, hominis renovationem cet. transferuntur. Psal. L. 9. *Asperges me hyssopo*: in mundatione leproforum ultima expiatio fiebat hyssopo: et sic aspersio hyssopi significat ultimam et perfectam absolu-



tionem. Ibid. v. 4. *Amplius lava me* hebr. *multiplica, lava me* i. e. multum: adludit ad lotiones legales, quibus mundabantur certae inmunditiae externae; dicit autem, ut magis et melius et perfectius ipse lavetur a peccato, quam per illas fiat lotiones. Psal. XXV. 6. *lavabo inter innocentes manus meas* hebr. *in innocentia* sive puritate: est autem lavare manus in puritate, lavare munde et pure, metonymia signi, esse innoxium, non commisisse crimen. In hoc et aliis locis fit tantum mentio lotionis manuum, ducta metaphora ab iis, qui ut suam innocentiam testarentur, manus publice lavabant. Matth. XXVII. 24.

HAURIRE, quod metaphorice adcipitur pro scrutari, cognoscere. Prov. XX. 5. *sicut aqua profunda: sic consilium in corde viri; sed homo sapiens exhauriet illud* i. e. scrutabitur. 2. pro frui, si de fontibus salutis sermo est. Is. XII. 3. *Haurietis aquas in gaudio de fontibus salvatoris*, h. e. omni bonorum genere et copia fruemini, quum venerit Christus Salvator, de cuius plenitudine adciipietis.

§. XII.

Metaphorae a terra, cuiusque partibus desumptae.

Terrae commotio, contritio et conturbatio seditiones et bella tum intestina tum ab exteris inlata significat; ubi etiam metonymia est continentis pro contento; i. e. terrae pro eius incolis, et synecdoche totius pro parte; non enim universa terra commota est, sed pars eius nempe Judaea. Psal. LIX. 4.

MONS significat 1. coelum. Psal. XVII. 8. *fundamenta montium conturbata sunt et commota sunt*: i. e. fundamenta-

tamen-



damenta coelorum, ut legere est II. Reg. XXII. 8. Illa autem fundamenta coelorum montes sunt, quibus coelum inniti videtur: vocantur etiam *columnae coeli* Job. XXVI. 11. 2. Regna et imperia, quae in mundo instar montium praecminent. Psal. XXIX. hebr. XXX. 8. *Domine in voluntate tua praestitisti לְהַרְרִי monti meo virtutem*, i. regnum meum robustum et tranquillum fecisti. *) Ita leg. Habac. III. 6. *Contriti sunt montes saeculi, incurvati sunt colles mundi* i. e. regna terrae Chanaan. Conf. Exod. XV. 14. 3. Elatos quosvis regni Dei hostes. Is. II. 12. *Quia dies Domini exercituum super omnem superbum et excelsiorem, et super omnem arrogantem et humiliabitur*: sequitur metaphora ✠. 13. *Et super omnes cedros Libani sublimis et erectas, et super omnem quercum Basan.* ✠. 14. *Et super omnes montes excelsos et super omnes colles elevatos.* ✠. 15. *et super omnem turrin excelsam.* De montibus in specie vide supra cap. VIII. *Vaccae Basan* Amos IV. 1. sunt regni Samariae primores, qui tanquam vaccae in Basan (qui est mons pascuorum ubertate celebris) enutritae, proindeque pinguiiores, et ob id petulantiores, potentia vestra abutimini, dum *calumniam facitis egenis, et confringitis pauperes*. Potentes in populo etiam *quercus Basan* metaphorice dicuntur Is. II. 13.

Mons CARMEL ad spiritualia quoque transfertur. Is. XXXII. 15. *Et erit desertum in Carmel, et Carmel in*

Q 5

salutem

*) Ita legunt Aq. V. edit. S. Hieron. LXX. . . . *praestitisti τῷ καλλί μου* Vulg. *decori meo virtutem*. Pro לְהַרְרִי legebant לְהַרְרִי cum ך̣ pro priori ך̣. Sym. *κῆρυξ ἐν τῇ εὐδονίᾳ τοῦ ἑσπερίου τοῦ πατρὸς μου τὸ κῆρυξ* Domine in beneplacita tuo statuisti primo parenti meo fortitudinem, legebat לְהַרְרִי a verbo לָרַר unde הָרַר genitor, sensus Vulg. est: corpori meo dedisti sanitatem et vires ex bonitate tua.



saltum reputabitur, in sensu sublimi gentiles, qui instar deserti sunt, omni videlicet pietatis et iustitiae proventu destituti, fient instar agri fertilis uberrimos pietatis ac iustitiae fructus ferentes. Econtrario iudaei, qui nunc florent, et quasi Carmel esse putantur, pietatis ac iustitiae fructibus orbat, proindeque facti inculti et steriles, in saltum reputabuntur. Isaiam heic de vocatione gentium et reprobatione iudaeorum agere, liquet ex versiculi huius initio, *donec effundatur super nos spiritus de excelsis*. Conf. cap. XXIX. 17.

LIBANUS ob altitudinem, arborumque eius proceritatem et copiam metaphorice significat 1. Regis Assyriorum in exercitu duces et principes. Is. X. 24. *Et subvertentur condensa saltus ferro* (milites) *et Libanus* בְּאֵדִיר *per fortem cadet*, h. e. fortissimi quique et praestantissimi per angelum fortem interimentur.

2. Abundantiam, eamque spiritualem tempore Christi futuram. Is. XXIX. 17. *Nonne adhuc in modico et brevi convertetur Libanus in Carmel, et Carmel in saltum reputabitur*: h. e. Libanus habet quidem cedros aptas aedificationi, sed caret vitibus et oleis: Carmelus habet multas vites et oleas, sed caret cedris. sed veniet tempus (nempe Christi) quo tanta erit rerum omnium benedictio, ut Libanus proferat vites una cum cedris, et Carmelus proferat cedros cum vitibus. Qui etiam locus de vocatione gentium et reprobatione iudaeorum explicari potest.

COLLIS Gen. XLIX. 26. metaphorice significat Patriarchas, Prophetas, aliosque viros pietate insignes, qui ceteris hominibus ut colles vallibus praestant. *Benedictiones patris tui* (quae) *confortatae sunt* (i. e. copiosiores).



fiores extiterunt) *benedictionibus patrum meorum* (Vulg. *patrum eius* pro דְּוִרֵי legerunt דְּוִרֵי deficiente (') nota pluralis numeri) *donec veniat desiderium collium aeternorum* i. e. Christus a Patriarchis, Prophetis adco expectitus ac desideratus.

PETRA, RUPES metaphorice locum firmum, stabilem, tutum a periculis, et consequenter refugium praesidiumque significant. Psalm. XXVI. 5. *In petra exaltasti me* i. e. in loco tuto et inaccessio. Psalm. XXXIX. 3. *Et statuit supra petram pedes meos*: ponit oppositionem lacum inter et arcem seu petram: per lacum intelligit afflictiones et statum calamitosum; per petram seu arcem, quia in petris construebantur arces, statum felicitatis. Vox רִמָּה quae significat *prominentiam petrarum seu scopulum*, designat superbos, et qui alta sublimiaque adfectant. Psalm. CXVIII. hebr. CXIX. 113. sicut dicitur: *omnis collis humiliabitur* i. e. omnis superbus. Econtrario

VALLIS ob depressionem suam et obscuriorem umbram, quam praerupti montes, et arbores etiam efficiunt, significat humiliationem, aerumnas, calamitates, quas tenebris designari alibi diximus. Is. XL. 4. *omnis vallis* (h. e. omnis afflictus, obpressus, humiliatus) *exaltabitur*. Is. XXII. 1. Jerusalem vocatur *vallis visionis*, quamvis in montibus esset fundata, quia fuit *seminarium prophetarum*, qui olim *videntes* adpellabantur: sed quia ibi *inter caeteras gentes* (idololatriae addictas) *ponitur, et reputatur una de plurimis*: nequaquam mons adpellatur, iuxta illud *propheticum*: *fundamenta eius in montibus sanctis, sed vallis, ex eo quod humiliata sit*. S. Hieron.

Psalm.



Pfal. XXII. heb. XXIII. 4. *Nam etsi ambulavero* כִּי אֶחְבֹּל *in valle* (Vulg. *in medio*) *umbrae mortis, non timebo mala.* Omnis umbra mortis in scriptura significat locum tenebricosum & periculosum, sicut est mors ipsa: significatur summum periculum quamvis in maxima mortis ipsius pericula in curram cet. continuata metaphora ab ovibus desumpta, quae dum aberrando in valles deferuntur, belluarum incurrentium periculis obnoxiae sunt.

INFERIORA TERRAE uterum maternum significant. Psal. CXXXVIII. 15. *Non est occultatum os meum a te* (per os intelligit omnes facultates, quascumque habet corpus ab initio formationis usque in finem: aut nulum te latet ex ossibus meis) *quod fecisti in occulto, et substantia mea*) corpus meum seu tota corporis structura (in inferioribus terrae i. e. in utero materno: Non te latet o Deus, corpus meum, quod formatum est in occulto i. e. in utero matris, qui instar terrae inferiorum seu cavernarum et recessuum caliginosus est. Posterius hemistichium est repetitio prioris. Hunc referunt quidam illud Ephes. IV. 9. *Quod autem ascendit, quid est, nisi quia et descendit primum in inferiores partes terrae* i. e. in uterum Virginis.

PROFUNDUM, FOVEA, ABYSSUS, ALTITUDO metaphòrice significant malorum, miseriarum, calamitatum cet. gravitatem. Psal. CXXIX. 1. *De profundis clamavi ad te Domine.* i. e. de maximis periculis, in quibus versabar, clamaui. Explicaturus captivitatem, et alia mala per similitudinem vocat ea profunditatem, gurgites, abyssum. Unde *foveam fodere* h. e. periculum intentare: *cadere in foveam* alteri effossam, malis illis obrui, quae alteri parabantur.

LUTUM, COENUM, STERCUS significant i. vilem et obiectam hominum conditionem. I. Reg. II. 8. 2. Ma-
la

la et calamitates, de quibus supra. 3. mortem et proiectionem ignominiosam. Ps. LXXXII. 11. *Disperierunt in Endor* (Madianitae, sive iuxta alios, Sisarae exercitus) *facti sunt ut stercus terrae*, h. e. cadavera eorum sepultura caruere, ac in terra, quasi stercus, conculcata sunt, quae *asini sepultura* dicitur Jerem. XXII. 19. 4. Rem natura sua vilem, et sordidam, noxiamque, sed apud homines in pretio habitam. Habac. II. 6. *Vae ei, qui multiplicat non sua, usque quo et adgravat contra se densum lutum?* h. e. divitias et opes, quae non solum non profunt, sed saepius nocent iis, qui ad eas cor adponunt, perinde ac si denso luto se inmergerent.

PULVIS TERRAE significat quoque contemptum, abiectionem, miseriam, luctum, sepulchrum seu mortem. Psal. VII. 6. *Et gloriam meam in pulverem deducat*, gloria est pro anima: sic dicitur: *ut psallat tibi gloria mea*. i. e. anima mea, qs. ego. Et me in sepulchrum seu mortem deducat. Sic Psal. XXI. 16. *et in pulverem mortis deduxisti me*. Pulveri interdum iungitur cinis, quo fragilitas, vilitasque significantur. Gen. XVIII. 27. Cinere solo innuitur calamitas maxima, atque inde exorta tristitia et luctus. Is. LXI. 3. *Ut darem eis* (lugentibus ex Sion) *coronam pro cinere*. Solebant enim lugentes cincrem vel pulverem super caput spargere et cineri insidere. Is. XLIV. 20. *אֵפֶר רַעַה pascit* (idolum) *cinere cultores suos* i. e. maximo dolore afficit. Vulg. *Pars eius* (idoli) *cinis est*, legebat *רַעַה soclus eius* i. e. pars eius altera. LXX. *γινώσκεις ὅτι σποδὸς scito cinerem esse* legebant *רַעַה cum ר* pro *ר*.

De metallis terrae sequentes habentur metaphorae.

AURUM



AURUM significat liquorem instar auri pellucidum, nempe oleum purissimum. Zach. IV. 12. *Quid sunt duae spicae olivarium, quae sunt iuxta duo rostra aurea* (sive duas ampullas aureas) *הַמְּרִיקִים מֵעֵלֶיהֶם הָהָב* quae (olivae) *evacuant aurum ex se.* i. e. oleum instar auri purum. 2. Coeli serenitatem instar auri rutilantis. Job. XXXVII. 22. *Ab Aquilone aurum venit* h. e. tempus sudum, aurea serenitas aut aurea lux, quo sensu LXX. *νέφη χρυσαυγῆντα* nubes coloris aurei. Per ventos enim aquilonares, qui dispellunt nubes, coeli serenitas inducitur. 3. Quod spectat ad spiritualia, aurum denotat tum puram Evangelii doctrinam, uti et argentum et lapides pretiosos. I. Cor. III. 12. *Siquis autem superaedificat super fundamentum hoc* (Christum) *aurum, argentum, lapides pretiosos* i. e. sanam doctrinam praedicat. Tum Salvatoris gratiam, charitatem, sapientiam cet. Apoc. III. 18. *Suadeo tibi emere a me aurum ignitum, probatum, ut locuples fias* h. e. efflagitare a me charitatem, aliaque dona Spiritus S. quibus solis vere ditantur homines.

ARGENTUM pro re praestanti et pulcherrima. Prov. X. 26. *Argentum electum lingua iusti.* Psal. XI. 7. *Eloquium Domini dicitur argentum igne examinatum, probatum terrae* (h. e. in clibano terreo) *purgatum septuplum;* quo eius praestantia et omnimoda puritas significatur. Malachi. III. 3. *Salvator argentum emundare dicitur, i. doctrinae coelestis repurgationem instituere.* Argento in scoriā versō, tum doctrinae, tum morum corruptela innuitur Is. I. 21. *Argentum tuum versum est in scoriā, vinum tuum mistum est aqua.* Scoriis et stanno sive plumbo, idololatrae; impii cet. in populo Dei significantur. Is. I. 25. *Et convertiam manum meam ad te, et excoquam ad puritatem scoriā tuam; et auferam omne stannum tuum;* i. e. idololatriam et improbitatem tuam. FER-

FERRUM, AES duritiem et soliditatem denotant. Deut. XXVIII. 23. *Sit coelum, quod supra te est, aeneum, et terra, quam calcas, ferrea* h. e. coelum sit durum instar aeris et ferri, neque pluvia ab eo demittatur in terram, quae ferrea sit, i. e. nihil producat. Ferrum cruciatus et magnas molestias denotat, si fornaci, iugo, et virgae, quae etiam calamitatum symbola sunt. addatur. Sic eduxit Deus Israelitas *de fornace ferrea Aegypti*. Sic virga ferrea cet.

Obscurior est locus Jerem. XV. 12. *Nunquid franget ferrum, ferrum ab aquilone et aes?* Quod alii in gratiam iudaeorum interpretantur, et confirmationem promissionis, quae versu praecedenti continetur, esse volunt hoc modo: *Dicit Dominus: si non reliquiae tuae in bonum, si non occurri tibi in tempore ad afflictionis, et in tempore tribulationis adversus inimicum?* v. 12. *Nunquid franget ferrum* (purum ac simplex, quo intelliguntur Chaldaei) *ferrum ab Aquilone et aes?* h. e. ferrum cum aere coniunctum, quod aquilonare dicitur, sive chalybs, a populis, qui in Ponto ad Aquilonem habitantes, vocantur *chalybes*, et a quibus chalybs nomen suum accepit. Ferrum autem illud aquilonare, ferro simplici durius, Dominus est, cui praevalere non poterunt Chaldaei. Alii e contrario in malum iudaeis istud explicant, et cum sequentibus ita connectunt: *Nunquid franget ferrum* (simplex i. e. populus iudaicus) *ferrum aquilonare et aes?* sive chalybem h. e. Chaldaeos *). Denique
II. LX.

*) Haec mire variant interpretes. Vulg. *Nunquid foederabitur ferrum ferro ab aquilone et aes?* pro *וְיָרִיב* legebat *וְיָרִיב* formae *וְיָרִיב* aspiciet a rad. *וְיָרִיב* sociare se, sociari. Audiamus S. Hieron. in h. l. *Varietatis (interpretationum) causa perspicua est: verbum enim IARE, quod in praesenti loco scriptum est, pro ambi-*



If. LX. 17. *permutatione auri pro aere; argenti pro ferro; aeris pro lignis; ferri pro lapidibus*, significantur bona spiritualia per Messiam conferenda.

LAPIS maximum animi stuporem I. Reg. XXV. 37. 2. Cordis duritiem et statum peccati. Ezech. II. 19. *Auferam cor lapideum de carne eorum, et dabo eis cor carneum*. Econtra fideles et charitate ferventes dicuntur *lapides vivi* I. Pct. II. 5. habita ratione Christi lapidis pretiosi et electi, supra quem illi spiritualiter aedificantur. Gen. XLIX. 24. Iosephus constitutus *ab omnipotente Jacobi pastor, et lapis Israel*, quia Israelem et familiam eius pavit in Aegypto, eamque fulcivit ut lapis aedificium. Zach. XII. 3. Jerusalem a Deo ponenda dicitur *lapis oneris cunctis populis*; ita ut omnes, qui levaverint eum, concisione lacerandi sint, et confringenda adversus eum omnia regna terrae. Hunc in textum sic scribit S. Hieron. *Mos est in urbibus Palaestinae, et usque hodie per omnem Judaeam vetus consuetudo servatur, ut in viculis, oppidis, et castellis rotundi ponantur lapides gravissimi ponderis, ad quos iuvenes exercere se soleant, et eos pro varietate virium sublevare, alii usque ad genua, alii usque ad umbilicum, alii ad humeros et caput, nonnulli super verticem erectis iunctisque manibus, magnitudinem virium demonstrantes, pondus extollant ceteri*. Hac autem metaphora significatur futurum, ut, qui vires in Ecclesia expugnanda periclitari voluerit, is huic oneri succumbat, imo vi et potentia summi lapidis illius angularis, nempe Christi, conteratur.

Ex

ambiguitate pronuntiationis, et AMICITIAM sonat, et MALITIAM, quod si pro RES litera, quae DALETH literae similis est, legatur DALETH, SCIENTIAM, COGNITIONEMQUE significat.

Ex lapidicina five latomia elegantissima deducitur metaphora, qua parentes et familiae origo designatur. If. LI. 1. *Adtendite ad petram, unde excisi estis, et ad cavernam loci (five foveae) de qua praecisi estis.* Heic per *petram* intelligitur Abraham, et per *cavernam* Sara, ut §. seq. explicatur. Recte autem Abrahamus cum *petra*, cui similis erat, corpore emortuo: Sara vero cum *caverna* seu *cisterna*, et quidem aquis carente ob eius sterilitatem, conferuntur. Huius autem loci sensus est: quemadmodum omnipotentia mea effeci, inquit Dominus, ut Abraham iam effoctus, et Sara sterilis vos genuerint: ita promissa mea de vestra consolatione complere, in me situm est; sequitur enim §. 3. *Consolabitur ergo Dominus Sion.* Quae promissio ad Ecclesiam N. T. pertinet.

SAL, de hoc vide supra cap. I. §. V. Huc referendum illud Marc. IX. 48. *Omnis enim igne salietur, et (h. e. sicut) omnis victima sale salietur.* Rationem reddit Christus, quor vermis, qui damnatos rodit, non moriatur; et ignis, qui eos adurit, non extinguatur; nempe quod vermis, ignis, et ipsi damnati igne *saliantur*; proindeque corruptionis sint expertes, et aeternum duraturi; ut sal rebus aspersum, eas servat a putredine. Porro hic respexit Christus ad legem Lev. II. 13. qua sibi cum victima qualibet salem offerendum praecipit Deus. Improbi autem sunt victima vermi nunquam morituro, et igni nunquam extinguendo, h. e. suppliciiis aeternis destinata.

Variae etiam habentur metaphorae, quae derivantur a terrae nascentibus.

SEMEN est verbum Dei, quod in hominum cordibus quasi seritur et plantatur, ut ibi radices agat, et

R

fructus



fructus Deo gratos adferat. 2. Credentes et fideles. Jerem. II. 21. *Ego autem plantavi te vineam electam, omne semen verum.* Verbum *seminare* Deo tributum, benedictionem eius, et hominum multiplicationem ab eo factam denotat. Jerem. XXXI. 27. *Ecce dies veniunt, dicit Dominus, et seminabo domum Israel, et domum Juda, semine hominum, et semine iumentorum* i. e. homines et iumenta multiplicabo. Cui contrarium est Nah. I. 14. *Non seminabitur de nomine tuo amplius*, h. e. intercides et peribis, nulla supererit nominis tui memoria. Hoc verbum hominibus varie tribuitur tum in bonum, tum in malum. In bonum Psal. CXXV. 5. *Qui seminant in lacrymis, in exultatione metent* est proverbialis loquutio: solet enim tristibus laeta succedere. In malum Prov. XXII. 8. *Qui seminat iniquitatem, metet mala.* Vide Job. IV. 8. Galat. VI. 8. Denique verbum istud de corporibus humanis usurpatum, mortem et sepulturam eorum denotat. I. Cor. XV. 42. *Seminatur (corpus) in corruptione, et resurget in incorruptione*, i. e. in terra sepelitur.

RADIX plantae basis, et aderetionis omnis principium ponitur pro quavis origine, causa et fundamento rei. Item pro prospero rerum statu. Job. XXIX. 19. *Radix mea aperta est* (i. e. explicata, diffusa) *secus aquas*; sumpta metaphora ab arboribus, quarum radices aquarum copia inrigantur: sum velut arbor, cuius radices sunt fecus aquas, ab iisque iugiter et sine defectu humorem suum adeciunt. heine phrasis: *radices agere* pro bene se habere, multiplicari. Job. V. 3. *vide stultum radices agentem* Vulg. *firma radice* h. e. feliciter agentem. Econtrario, *radicis exsiccatione* impiorum interitus denotatur. Job. XVIII. 16.

RAMUS

RAMUS denotat prosperitatem sub imagine arboris crescentis, virentis, videntisque adumbratam. Gen. XLIX. 22. hebraicum ita habet: *filius foecundae seu frugiferae (arboris) Joseph, filius foecundae, iuxta fontem: (cuius) filiae (i. e. rami) discurrunt supra murum* h. e. Joseph est veluti ramus foecundae arboris iuxta aquam plantatae, cuius rami supra vel secundum muros expanduntur. Job. XXIX. 19. *Radix mea aperta est secus aquas, et ros morabitur* בְּקִצְיִרִי LXX. ἐν τῷ θέρει μὲν μᾶ Vulg. in messe mea. At קִצְיִר eo loci melius exponitur *ramus*, ut cap. XVIII. 16. sensus est: *Dei benedictione superius et inferius, i. e. undequaque irriguus ero.* If. LX. 21. Ecclesia Christiana dicitur *germen* sive *surgulus* plantationis Dei, quia eam Christo vitae arbori quasi implantatam singulari ratione curat, fovet, spiritu suo vegetat.

GERMEN, GERMINARE significat beneficia Dei tum corporalia, tum spiritualia. Psal. CXXXI. 17. *Illic germinare faciam cornu David* Vulg. *illuc producam cornu David* i. e. sublimitatem, robor et stabilitatem regni David in posteris suis. Metaphora desumpta a quadrupedibus quibusdam, quorum ornatus praecipuus et roboris exerendi instrumentum est cornu. In sensu sublimi *cornu David* est Christus Messias, qui ex eo natus est.

Denique verbum *revirescere* sive *reflorescere* de animo, benevolentia et amore ad benefaciendum excitato eleganter usurpatur. Philipp. IV. 10. *Gavisus sum autem in Domino vehementer, quoniam tandem aliquando ἀνθίστατε re-* floristis *pro me sentire: sicut et sentiebatis:* h. e. quod fecistis, ut pristina vestra in me charitas ac benevolentia quasi *reviresceret* et *refloret*. Econtrario de gaudio dicitur, quod *arescat*, quum illud perit ac tollitur. Joel I. 12. *quia aruit gaudium a filiis hominum.* Vulg. *quia*



confusum est gaudium a filiis hominum, ita quoque LXX. *הַכִּישׁ* retulerunt ad verbum *כִּישׁ* *confundere*, quod formam verborum quiescentium *Pé* (י) imitatur.

Flos in sermone hebraeo, uti frequenter et in latino, prosperitatem denotat. Is. V. 24. *sicut devorat stipulam lingua ignis; sic . . . פְּרָהִם* *flos eorum* Vulg. *germen eorum* (improbiorum) *ascendet*, i. e. evanescet prospera eorum fortuna. Sic et verbum *florere* significat omnimodam prosperitatem. Quia vero *flos* facile decidit et flaccet, pro fluxu, fragili et caduco ponitur. Is. XXVIII. 1. *Vae coronae superbiae, et sicri decidenti* ♀. 4. *Et erit flos decedens gloriae exultationis eius.*

FRUCTUS metaphorice adcipitur pro rei effectu five mercede; idque tum in bonum, tum in malum. Psal. LVII. 12. *Si utique est fructus iusto* i. merces bona. In malam partem, Jerem. VI. 19. *Ecce ego adducam mala super populum istum, fructum cogitationum eius*, h. e. *retributionem operum ipsorum*, ut interpretatur Chald. Ipsa etiam opera five bona mala, *fructus* dicuntur. Vide Matth. III. 8. Is. X. 20. *Visitabo super fructum magnifici cordis Regis Assur* h. e. animadvertam in mala eius opera. Ratio metaphorae est, quod homines et pii et impii cum arboribus bonis et malis conferantur, quarum illae bonos fructus illae vero malos adferant. Sic verbum *fructificare* Deo Rom. VII. 4. Significat bona opera, quae ab eo proficiuntur. Econtrario *fructificare mortis*, est mala opera exercere, quae mortem animae deferunt. Alia metaphora, *fructus labiorum*, sermonem significat. Is. LVII. 19. *creavi fructum labiorum pacem* i. e. sermonem, ut Chald. interpretatur. Feci seu faciam, ut labia tum eorum, qui longe, tum eorum, qui prope

pe sunt, nonnisi pacem ac tranquillitatem loquantur. Ita et verbum נוֹבֵר *germinare*, Prov. XII. 31. *Os iusti יוֹבֵר* *germinabit sapientiam* i. e. loquitur.

PLANTA, si Deo tribuatur, Ecclesiam eius significat. If. V. 7. *Vinea enim Domini exercituum, domus Israel est: et vir Juda שִׁשְׁמִינִי נִטַּע* *planta deliciarum eius*. Unde Matth. XV. 13. *Omnis plantatio, quam non plantavit Pater meus coelestis, eradicabitur*, qua metaphora impios, hypocritas notat Christus.

Verbum *plantandi* Deo tributum, significat formare seu facere. Psal. XCIII. 9. *Qui plantavit aurem, non audiet?* i. e. qui formavit. 2. In specie benedicere, augere, feliciter donare. Exod. XV. 17. *Introduces eos (Israelitas) et plantabis eos in monte haereditatis tuae* h. e. firmabis, stabilies, multiplicabis. *Plantandi* verbo contrarium est *evellendi*, quod eiicere, et benedictionem amovere, destruere et punire significat. *Plantandi* nomen tribuitur ministris Ecclesiae, qui doctrina sua mores bonos implantare, et perversos e corde hominum evellere debent.

Ab *arbore* et *ligno* multae ducuntur metaphorae. Sic *lignum sublime* sunt superbi, *lignum humile*, quod Deus exaltat, sunt pauperes, abiecti et contemti. Ezech. XVII. 24. *Sapientia* Prov. III. 18. dicitur *lignum vitae*. Arborum putatione et omnimoda deiectione, populi excidium denotatur. If. X. 18. et 34.

SPINAE ob maximum, quem pungendo inferunt dolorem, significant prava noxiosque homines. Num. XXXIII. 55. *Sin autem nolueritis interficere habitatores terrae: qui remanserint, erunt vobis in spinas in oculis, et lanceae in lateribus*. Item obiecta impedimenta. Of. II. 6.



Propter hoc, ecce ego sepiam viam tuam spinis. Jerem. IV. 3. *Serere super spinas est peccata peccatis addere, vel irritum labore feminare.*

ARUNDO, debilis frutex, qui vel levi aura agitur, denotat 1. homines inconstantes, leves, et in fide vacillantes. Matth. XII. 7. *Quid existis in desertum videre? arundinem vento agitatam?* 2. Afflictos et contritos. If. XLII. 3. *Arundinem quassatam* (Vulg. *calamum quassatum*) *non confringet* Mesias, imo consolabitur. 3. Auxilio ferendo impares, insuperque pravos et noxios, quibus cum damno, ut arundineo baculo confracto et manuum laedente confiditur. IV. Reg. XVIII. 21. *An speras in baculo arundineo atque confracto Aegypto, super quem, si incubuerit homo, comminutus ingreditur manum eius, et perforabit eam.* Huc pertinet *Juncus*, quo infimae sortis et conditionis homines significantur. If. IX. 14. *Et disperdet Dominus ab Israele, caput et caudam, כָּפַף וְאַגְמֹן* ramum et iuncum, h. e. ut interpretantur LXX μέγαν καὶ μικρόν magnum et parvum. Vulg. in utroque versu incurvantem et refraenantem transtulit, respexitque ad verbum כָּפַף (unde כָּפַף) quod significat *incurvare*; et ad significatum alterum nominis אַגְמֹן, quod κείνον circum interdu vertunt LXX, ut Job. XL. 21.

ABSINTHIUM et רָאֵשׁ, quae vox ultima est *cicuta* ob ingratum saporem, et summam amaritudinem denotat culpas et peccata. Deut. XXIX. 17. *Ne forte sit . . . inter vos radix germinans וְלֶעֱנָה רָאֵשׁ* *cicutam et amaritudinem.* LXX ἐν χολῇ καὶ πικρίᾳ in felle et amaritudine Vulg. *fel et amaritudinem.* In his versionibus est metonymia effectus pro causa. Vide Psal. CXXXIX. hebr. CXL. 10. ubi Vulg. vocem רָאֵשׁ in primaria eius significatione adceperunt.

§. XIII.

Metaphorae ab animalium partibus et membris desumptae.

Partes et membra animalium eo fere ordine recensentur, quo a natura ipsa disponuntur. Itaque

CORNU quadrupedum quorundam ornatus praecipuus et roboris exserendi, seque tuendi instrumentum, generatim loquendo significat in hominibus tum potentiam, virtutem, gloriam et fortitudinem. I. Reg. II. 1. *Exaltatum est cornu meum in Deo meo* i. e. gloria mea, virtus mea. Haec phrasis frequentissime occurrit in Psalmis. Heinc phrasis: *cornu petere*, potentiam adversus hostes exserere significat. In aliis rebus *cornu* significat 1. locum eminentiorem II. V. 1. *Vinea facta est dilecto meo, in cornu filio olei* h. e. in loco sublimi et pinguiissimo. 2. splendorem et radium rutilantem cornu similem. Habac. III. 4. *splendor eius* (Dei) *ut lux erit: cornua in manibus eius* h. e. splendores; vel, ut nonnullis placet, robur et potentia. Atque inde verbum קַרְנִי in modum cornuum radios diffundere, coruscare, splendere significat. Vide Exod. XXXIV. 29.

OS, ORIS, qui concavum patulumque est, et mordendi in animalibus instrumentum significat 1. orificium, aditum, et patens foramen, sicque tribuitur *sacco, puteo, speluncae, urbis portae, rivo* cet. 2. Aciem gladii, qua veluti mordet, caedet etc. sic frequenter occurrit: *in ore gladii*.

MORDERE (נִשַּׁךְ) significat hostium invasionem, spoliationem, lacerationemque ab illis factam. Habac. II. 7. *Numquid non repente consurgent, qui mordeant te, et suscitabuntur lacerantes te, et eris in rapinam eis?* 2. dolores



res corporis. Prov. XXIII. 32. *In novissimo mordebit* (vinum plus aequo haustum) *ut coluber, et sicut regulus venena diffundet*: certe vinum sic hilariter et liberalius haustum dolores gignit in capite, stomacho, et toto corpore acerrimos, moribus serpentum persimiles, lipientes causat oculos, foetentem halitum, membra tremula, paralyfin, podagram, vertigines, et tandem ut venenum, enecat. 3. Usuras, quibus facultates alterius quasi paulatim admordentur, corroduuntur et consumuntur. Quare usura dicitur *אֲשָׁרָא מִמֶּנֶה* a mordendo

COMEDERE (*אָכַל*) quod metaphorice est perdere, consumere. Exod. XV. 7. *Misti iram tuam*, quae *אָכַלְתָּם* comedet vel consumsit eos (hostes) *sicut stipulam* h. e. perdidit, consumsit. Vide Psal. XIII. hebr. XIV. 4. cet. Huc etiam spectat verbum *absorbere*, eiusdem cum priore significationis: quum autem, quae absorbentur, ea ex oculis remota abscondantur, idem verbum *tegere* vel abscondere significat. Vide Num. IV. 20. Ab eodem verbo deducitur vox *haustus* (*מַגֵּט*) quae genti Chaldeorum praedatrici tribuitur. Habac. I. 9. *Omnes ad praedam venient* *מִגֵּט פְּנֵיהֶם קְרִימָה* *haustus faciei ipsorum ad Orientem* h. e. quidquid vel solo aspectu absorberint, i. e. quidquid aspererint et rapere decreverint, id destinabitur ab eis deportandum in Chaldaeam sive Babylopiam, ad orientem Judaeae sitam. Vulg. *facies eorum ventus urens*, neglexit vocem *מִגֵּט* et *קְרִימָה* pro vento urente sumsit. Nec male; nam *קְרִימָה* cum *ה* paragogico *קְרִימָה* (ut ex *לֵי* fit *לֵיה*) ventum orientalem, eumque urentem significat. Vox *מַגֵּט* apud Rabbinos significat etiam *aspectum*, seu quod aspicitur, aut oculis opponitur.

LAM-

LAMBERE (לָחַךְ) quod hominibus tributum, delere, consumere cet. significat. Num. XXII. 4. . . .
 יִלְחֲכוּ lambent (Vulg. delebit) hic populus omnes, qui in
 nostris finibus commorantur, כִּלְחָךְ quomodo lambit bos
 אֶת-יֵרֶק הַשָּׂדֶה herbam agri. LXX τὰ χλωρὰ ἐν τῇ πε-
 δῶν herbas virides ex agro Vulg. quomodo solet bos herbas
 usque ad radices carpere, videntur legisse הַשָּׂרֵשׁ radix
 pro הַשָּׂדֶה ager.

DENS metaphorice sumtus significat *promontorium*,
 five scopulum acutum, et more dentis prominentem.
 I. Reg. XIV. 4. Erant autem inter ascensus, per quos nite-
 batur Jonathas transire ad stationem Philistinorum, dens pe-
 trae a transitu inde, et dens petrae a transitu inde, h. e. ut
 elegantissime reddidit Vulg. eminentes petrae ex utraque par-
 te, et quasi in modum dentium scopuli heinc, et inde prae-
 rupti. Dentes hominibus adtributi, virulentiam, et po-
 tentiam hostilem designat, sumta metaphora a belluis,
 quae dentibus ut plurimum pugnare, laedere et discer-
 pere solent. Psal. III. 8. dentes peccatorum contivisti h. e.
 potentiam confregisti.

CERVIX, si cum verbo *indurare*, vel cum nomine
durus, iungatur, contumaciam, protervitatem, men-
 tem rigidam et indocilem significat. Ducta est meta-
 phora ab equis, aliisque iumentis indomitis, quae cer-
 vicem suam huc illuc ad nutum scessoris inflecti non
 sinunt, sed fraeno reluctantur. phrasis frequens: *popu-
 lus durae cervicis*. Heinc verbum עָרַף decervicare, de-
 collare metaphorice etiam significat *diruere*, confringere.
 Os. X. 2. Ipse (Deus) confringet simulacra eorum, et
 יַעְרוֹף decollabit (Vulg. depopulabitur h. e. evertet) alta-
 ria eorum nempe Israhelitarum.



ALAE volucris, quia extrema eius membra sunt, in latum extenduntur, et volatus celeris per aera sunt instrumenta, triplici ratione in metaphora usurpantur. 1. Vestis oram seu extremitatem denotant. Num. XV. 38. *Ut faciant sibi fimbrias* אֵלֶּיךָ כְּנָפֵי super alas (Vulg. per angulos) palliorum. 2. Quatenus alae in altum extenduntur, latera et dispositos integri exercitus ordinēs designant. Is. VIII. 8. *Et erit extensio alarum eius* (exercitus Regis Assyriorum) implens latitudinem terrae tuae o Emmanuel. Vide quoque Dan. IX. 27. ubi per כְּנָפֵי אֱלֹהִים alam abominationum legiones Romanas quidam intelligunt. LXX. autem כְּנָפֵי interpretantur ἱερόν Vulg. *Templum*, cuius longae lataeque porticus instar alarum sese habebant. 3. Quatenus alae celeris per aera volatus instrumenta sunt, significant primos lucis solisque radios, qui super omnem terram, alarum instar, subito expanduntur. Psal. CXXXIX. 9. *si sumsero* כְּנָפַי שָׁחַר pennas vel alas aurorae, et habitavero in extremis maris. h. e. si etiam eadem celeritate, qua aurorae radii in terram sparguntur, ad extrema maria fugerem. Nota phrasin. Hebraei observantes auroram in uno puncto inluminare universum hemisphaerium, dicunt rem celeriter factam, *pennis aurorae fieri*. Ventis alae tribuuntur ad denotandum celerrimum eorum impetum. Vela navium dicuntur alae, quia alarum instar expanduntur, et quum a ventis insilantur, celerrimi motus super aquas maris instrumenta sunt: unde Virgil. Aeneid. l. III. *velorum pandimus alas*.

COR, quia interius est, et propemodum in medio animali situm, rei cuiusque medium, vel etiam interiorē partem significat. Deut. IV. 11. *Adcessistis usque ad radices montis, qui ardebat usque ad cor coelorum* h. e. coelos

los interiores. Vulg. *usque ad coelos*, vocem *cor* utpote ibi pleonasticam omisit: plura huius pleonasmii exempla occurrunt. Jerem. LI. 1. Sic dicit Dominus, ecce ego suscitabo super Babylonem, et super יְשׁבֵי לֵב קַמִּי habitantes cor insurgentium in me, ubi cor insurgentium ipsa est Babylon, quae tanquam regina in medio inimicorum Dei sedebat. Eandem loquutionem usurpavit. S. Hieron. praef. in Mich. ergo quasi in corde voluminis positus, ubi in corde voluminis dixit pro in medio voluminis, nempe 12. prophetarum, in cuius medio est Michaeas propheta secundum hebraeos. Eodem sensu adcipitur vox בֶּטֶן venter.

CAUDA postrema animalis pars, cuiusque rei extremitatem notat. Is. VII. 4. Rafin rex Syriae, et Phacee rex Israel caudae titiomm adpellantur, h. e. torres extremi, pene exusti, et qui fumigare tantum possunt, minime vero urere. Caput et cauda interdum coniunguntur, et capite quidem summum; cauda vero imum sive praestantes et abiecti significantur. vide Is. IX. 14. Atque inde est verbum נָחַץ decaudare, caudam praecidere i. e. extremum exercitus agmen caedere.

CALCANEUM pars pedis extrema metaphorice significat 1. finem, metam, terminum. 2. Emolumentum, fructum, mercedem, quae finis operis esse solet. Psal. hebr. CXVIII. 112. 3. Causam finalem propter, propterea quod. Phrasis levare seu magnificare calcaneum, hostem refractarium, et malorum machinatorem significat. Psal. XL. 10. Qui edebat panes meos, הִגְדִּיל עָלַי עֵקֶב magnificavit contra me calcaneum. h. e. insigniter contra me rebellavit, conatus fuit me obprimere. S. Hieron. leva-



levabit contra me plantam. Sumta est metaphora ab equis calcitronibus et refractariis.

Hucusque de partibus animalium *bederogeneis* sive *dissimilaribus*; nunc de *homogeneis* sive *similiaribus*.

Os, ossis, quia durum est, et album, duo etiam metaphorice significat 1. Duritiem animi. Prov. XXV. 15. *lingua mollis confringit os.* h. e. ut interpretatur Vulg. *duritiā.* 2. Candidum instar ossis IV. Reg. IX. 13. *festinaverunt itaque et unusquisque tollens pallium suum, posuerunt sub pedibus eius* (Jehu) אֶל-גֵּרָם הַמַּעֲלֹזֹת *ad os graduum* h. e. ad vel in fastigium velut os candidum, a quo sensu non longe recedit Vulg. *in similitudinem tribunalis*, candidi videl. regum enim throni ex ebore ut plurimum constabant. Vel posuerunt pallia sua sub pedibus Jehu, pro *osse* seu *loco ossis graduum*, hypallage, pro loco graduum ossium seu tribunalis officii i. ex ebore facti.

MEDULLA, quia ossa, totumque corpus suaviter inrigat, eique gratum praebeat alimentum; pro quovis optimo metaphorice adcipitur. Idem significat

ADEPS, PINGUEDO, quae etiam fertilitatem terrae denotat. 2. Homines opulentos et divites Psal. XXI. 30. *Manducaverunt et adoraverunt omnes pingues terrae.* 3. Rebelles, quia pinguedo animalia facit refractaria Deut. XXXII. 15. *Incrassatus est dilectus et recalcitravit.* Psal. XVI. 10. *Adipem suum concluserunt:* Est anabathmus: quorum enim sunt opes, eorum etiam lauta est vita: quorum vita lauta est, eorum adeps crescit: quod autem dicit: *concluserunt*, significat magnam copiam opum; adeps enim conclusus in copia facit, ut vix membrorum adpareat distinctio, ita ut *to concluserunt* signi-

significat, undique obducti sunt adipe iuxta illud Job. XXI. *Viscera plena sunt adipe* i. e. sunt opulenti; et alibi Psal. LXXII. 7. *Prodiit quasi ex adipe iniquitas*: i. e. iniquitas eorum ex animo obfirmato in malo et insensibili procedit: adeps enim seu pinguedo omni sensu destituitur: sunt homines in malo inveterati. Is. VI. 10. יִמְשַׁח *impingua cor populi huius* Vulg. *Excoeca*. LXX. ἐπαχύνθη *impinguatum est*: legebant יִמְשַׁח in praeterito Hophal.

4. Abundantem et supereffluentem Dei benedictionem. Psal. LXXII. 6. *Sicut adipe et pinguedine repleatur anima* i. e. et replear pinguislima tua o Deus benedictione.

SANGUIS ob eius rubedinem pro eo ponitur, quod rubrum colorem mentitur. Gen. XLIX. 11. *Lavabit (Judas) in vino stolam suam, et in sanguine uvae pallium suum*. h. e. in vino; posterius enim istud hemistichium prioris est repetitio. Porro lavare stolam in vino, tantam liquoris huius abundantiam innuit, ut ad communes etiam lotiones adhibeatur. Luna etiam dicitur in sanguinem convertenda Joel III. 14. quia lux eius cum umbra terrae permixta rubedinem efficit.

LAC ob dulcedinem et utilitatem eximiam in Veteri Testamento Messiae beneficia denotat. Is. LV. 1. *Venite, emite absque argento . . . vinum et lac*. In Novo autem Verbum Dei I. Petri II. 2. *sicut modo geniti infantes, rationabile sine dolo lac concupiscite, ut in eo crescatis in salutem*. Lacti autem verbum Dei comparatur, tum ob simplicitatem et candorem; sicut enim lac non est liquor arte humana compositus, sed ab ipsa natura factus; ita Verbum Dei non homines, sed Deum auctorem



rem agnoscit. *Tum* ob iucunditatem et dulcedinem. Vide Psal. XVIII. 11. et alibi. *tum* ob abutentium perniciem; ut enim lac non conducit febricitanti, sic improbis verbum Dei nocet, et in maiorem damnationem eis cadit. Dein *lac* si solido cibo obponatur, prima religionis Christianae rudimenta notat. I. Cor. II. 2. *Lac vobis potum dedi, non escam, nondum enim poteratis*, subple ferre. Demum *lac* coagulatum cordis duritiem significat. Psal. CXVIII. 70. *Coagulatum est sicut lac cor eorum*. hebr. שֶׁמֶן impinguatum, in crassatum; i. e. induratum est cor eorum velut caseus, stupidum factum est, ineptumque ad intelligendam legem tuam, aut ei vacandum. Vocantur autem *pingues corde*, qui nihil volunt intelligere. Eadem phrasi Amos propheta foeminas Ephraimiticas vocat vaccas pingues, obtusas, crassas, monitorum prophetarum minime capaces.

BUTYRUM, quod ex lacte conficitur, verba mollia, blanda, et adulatoria significat. Psal. LIV. hebr. LV. 22. חֲלָקוֹ מִחֶמֶת פִּי *mollia sunt, butyrina sunt* (verba) *oris eius*, וְקָרַב לָבוֹ *et pugnare vel pugnare cor eius*. *) i. e. Verum tamen cor illius pugnam adversus me cogitat: blande loquutus est Achitophel, sed bellum cor illius.

§. XIV.

*) Vulg. lat. *divisi sunt ab ira vultus eius, et adpropinquavit cor illius*. Pro חֲלָקוֹ cum LXX. legebat חֲלָקוֹ in pual, *divisi sunt*, quae est primaria huius vocis significatio. deinde loco מִחֶמֶת legebat מִחֶמֶת ab חֶמֶה *ira, furor* cum א antiqua vocali a denique pro וְקָרַב legebant וְקָרַב *et adpropinquavit*, quod primario verbum istud significat: vel infinitivum heic positum esse pro praeterito vel praesenti crediderunt.

§. XIV.

Metaphorae aliae ab Animalibus derivatae.

FERA, BESTIA, de his vocibus actum satis supra in hebraismis e re agraria et pastoritia depromtis cap. I.

JUMENTUM (בְּעִיר unde nomen בְּעִיר *brutus*) hominem stupidum, rudem, imperitum, stultum, ac brutum similem significat. Psal. LXXII. 22. וְאִנִּי-בְעִיר *Ego autem stultus*, Sym. *eram autem imperitus*. Metaphorae sensum expressit. LXX. καὶ ὡς ἐξεδυνώμενος *et ego ad nihilum redactus sum*. Hi forte pro בְּעִיר legebant בְּעִיר in nuditate, vel ad nuditatem, a verbo נָדָה *nudavit*, unde נָדָה nuditas, formae נָדָה et cum praepositione ב in vel ad; ego autem ad nuditatem redactus sum h. e. omni ope destitutus. Vel sensum, non verbum reddiderunt. S. Hieron. *Et ego insipiens et nescius*, nihil sciens, restringe, de hoc mysterio, quare ita impii prosperentur: et sic circa hoc punctum *eram apud te* i. e. coram te *ut iumentum*. Nota hic faciendum punctum: dein incipit novus versus.

ONAGER (פָּרָא) ut plurimi hanc vocem interpretantur, ferum hominem, significat. Gen. XVI. 12. *Hic* (Ismael) erit פָּרָא אָדָם *onager homo* Vulg. *ferus homo* LXX. ἄγρῳστος ἄνθρωπος *rusticus homo*. Theod. ἐρημὸς ἄνθρωπος *desertus homo* i. e. invidis et bellicus, cuius manus contra omnes, et contra quem manus omnium, quibus in locis homo cum פָּרָא *fera* sive *onagro* ob stuporem et indomitam naturam comparatur. Huc pertinet, quod ait S. Paulus I. Cor. XV. 32. *se* Ephesi θεσπιμαχῆσαι *cum bestiis seu ad bestias pugnasse*, quibus ex nonnullorum sententia intelligendi sunt increduli et pertinaces iudaei, quibus



quibuscum *per tres menses de regno Dei disputavit.* Act. XIX. 8. 9. Neque enim verisimile est, Paulum, si vera feris obiectus fuisset, ut volunt quidam, nullam huiusce periculi mentionem facturum fuisse, dum II. Cor. XI. 23. potiores et omnium maximas calamitates suas, quas inter cum bestiis conflictus non ultimum sane obtinisset locum, enumerat. Quod autem ait κατ' ἀνθρώπων *secundum hominem* supple λέγω *dico*, id ita intelligendum est, q. d. ut more hominum i. e. in sensu metaphorico loquar, quae phrasis in similitudinibus infrequens non est. If. XI. ἔψ. 6. 7. 8. 9. Variæ animalium species et societas enumerantur, quibus gentium esserarum ad Ecclesiam vocatio, et eiusdem ex multis populis conlectio intelligitur. Vide etiam c. LXV. 25.

Ad animalium generalia pertinent eorum quaedam effecta et adiuncta, qualia sunt, PASCERE, DEPASCERE, quod metaphorice significat perdere Psal. XLVIII. 15. *Mors depascet eos* i. e. perdet: fruges enim et gramina perduntur, dum ea ab animalibus pascuntur. 2. More pecorum oberrare Num. XIV. 33. *Filii vestri erunt* רָעִים LXX. *νεμόμενοι pascentes in deserto quadraginta annis.* Metaphora sumta est a pastoribus, qui uno in loco non subsistunt, sed herbis ibi consumtis ad alium demigrant. 3. Secure bonis frui. If. XIV. 30. *Et pascentur primogeniti pauperum, et pauperes fiducialiter requiescent.* Hic coniunctionem *Et recte etiam verteris id est*, est enim prioris repetitio.

VENARI in malum fere semper adcipitur, pro insidiari, mala machinari cet. ferarum enim venatores variis technis et insidiis solent eas in rete inducere. Exod. XXI. 13. *Qui autem non* צָדָה *venatus est*, Vulg. *insidiatus est.*



verbis tuis. Praeceptum oeconomicum de non fide iu-
bendo saepius hoc libro repetitum, non quod spondere
vetet, qui et largiri praecipit c. III. 27. 28. Sed inte-
rim haec vitanda monet; primum ne falso pudore ac
nimia facilitate te obliges; alterum ut obligatus quam
primum exsolvi te cures, ne diligens licet paterfami-
lias aliena indiligentia atque incuria pereas.

Heinc LAQUEUS, RETE adcipitur pro damno, exitio.
Psal. LXVIII. 23. *fiat mensa eorum coram ipsis in laqueum,
et in retributiones et in scandalum.* Refertur ad id, quod
dixit de felle: sicut ipse felle me potaverunt, ita vi-
cissim eorum mensa seu eorum cibus vertatur ipsis in
laqueum seu exitium: et pro retributionibus seu pro
expectata mercede habeant scandalum seu ruinam; sunt
enim retributiones omnes res, quas aliquis expectat ut
charas; verbo: felicitates vertantur in ruinam.

MACTARI, MACTATIO, quae bestiis competunt,
hominum occisionem violentam a Deo per hostes inla-
tam designant. If. XXXIV. 6. *Victima enim Domini in
Bosra et מַחֲלָה mactatio (Vulg. interfectio) magna in terra
Edom.*

De animalibus in specie desumuntur quoque elegan-
tes metaphorae.

LEO rex animalium in bonum et in malum sumitur.
Gen. XLIX. 9. Judas dicitur *catulus leonis* ob robur,
potentiam, et tribus illius prae aliis eminentiam. Ezech.
XLIII. 15. 16. altare holocaustorum adpellatur אֵילֵי
leo Dei, quae vox composita est ex אֵיִל leo et אֵל Deus,
vel quia victimarum sanguine maderet, ut leo praedam
discerpens; vel quia holocausta sibi imposita, quasi in-
mitis leo, voraret, i. e. igne perpetuo absumeret.
Eodem



Eodem nomine Jerusalem vocitatur Is. XXIX. 1. 2. quod ferox extiterit adversus Deum et prophetas eius, quos occidit, perinde ac si leo agnum discerperet. Vel quia circumdanda erat sanguine occisorum, sicut circumdabatur altare sanguine sacrificiorum in die festi.

In malum significat hostes truculentos vel tyrannos. Psal. XXI. 22. *salva me ex ore leonis*. Psal. XXXIII. hebr. XXXIV. 11. כְּפִירִים *leunculi depauperati sunt et esuriunt*. Optime Vulg. *Divites eguerunt*; nempe qui non solum opibus abundant, sed opibus iniuste acquisitis elati sunt: apte igitur pro divitibus sumuntur *leunculi*, in quibus licet sit robur, ut quaerant escam; subinde tamen egent, et famem patiuntur, nec prodest eorum virtus. Diabolus quoque *leoni rugienti* comparatur. *Rugitus* etiam, qui leonum proprius est, adcipitur 1. de violentia et tumultu hostili. Is. V. 29. Zach. XI. 3. 2. de tonitru, Job. XXXVIII. 4. 3. de gemitibus et clamoribus dolentium. Psal. XXI. 2. *longinquus a salute mea, verbis* רֹאֵם *rugitus mei*. Est anthropopatheia, quasi Deus esset remotus, ita ut non audiat verba rugientis seu lamentantis. Vulg. *verba delictorum meorum* videtur legisse רֹאֵם sumendo & pro antiqua vocali.

UNICORNIS saevum animal dictum רֶקֶם quod uno cornu fortissimo et alto praeditus erat, de quo supra, significat virulentos hostes. vide Psal. XXI. 22. Idem significant *Aper* seu *porcus sylvestris*, *Ursus*, cet. Sumuntur pro saevo tyranno: Prov. XXVIII. 15. *Leo rugiens et ursus esuriens, princeps impius*. 2. Significat Deum poenas infligentem. Thren. III. 10. *Ursus insidians factus est mihi (Deus) leo in absconditis*. Alii utrobique comparisonem esse volunt, subintellecta particula *sicut*, quae non raro desideratur.



LUPUS animal saevum et rapax homines item fero-
ces, fortes, avaros et crudeles denotat. Gen. XLIX. 27. *Beniamin lupus rapax*, qua metaphora S. Patriarcham vaticinari robur et virtutem bellicam Beniamitarum, qui bis in praelio filios Israel fuderunt. Omnes fere Patres latini hoc vaticinium de S. Paulo intelligunt, qui ex tribu Benjamin originem traxit, quique ante conversionem in christianos faeviit: at factus ex lupo diaboli lupus Dei, spolia gentium detraxit diabolo, Christo et Ecclesiae divisit. In Novo Testamento lupis seductores hypocritae, qui induti sunt vestimentis ovium, intus autem sunt lupi rapaces; item doctrinarum pestiferarum auctores designantur.

CERVA, quae velocissime fugit, in rebus feliciter agendis celeritatem indicat. Gen. XLIX. 21. *Nephtali cerva emissæ, et dans eloquia pulchritudinis*. Vulg. *Cervus emissus*. Hebr. צִיָּוֶן et *cervum* et *cervam* significat; animalium enim nomina utpote ζῆναιον sexum utrumque sub una eademque terminatione comprehendunt. Nephtali itaque dicitur cervus emissus, sive cerva emissæ, ob celeritatem, qua Barac ex tribu Nephtali Debora adiutus, Sisarae exercitum fudit. Quod autem sequitur: *et dans eloquia pulchritudinis*, ad suave illud Baraci et Deborae carmen ἀνίσταιν respicit, quod Jud. V. describitur. Vide etiam Prov. V. supra cap. XIX.

EQUUS et hinnitus eius libidines efferas significat. Vide Jerem. V. 5. Eodem sensu

ASINUS una cum equo Ezech. XXIII. 20. *Et insani- vit (Jerusalem) libidine super concubitum eorum, (Aegyptiorum) quorum carnes sunt ut carnes asinorum, et sicut fluxus equorum, fluxus eorum*. Hæc carne denotatur membrum

brum virile, Lev. XV. 2. et fluxu semen. Ea vero metaphora turpissimam iudaeorum idololatriam significat. Huc pertinet verbum *equitare*, quod metaphorice sumtum *dominari* et *excelsam esse* significat; quemadmodum equo insidens eum regit et gubernat. Deut. XXXII. 13. יְרֵכֵי־יְהוָה *equitare fecit eum* (populum suum Dominus) *super excelsam terram*, i. e. *constituit*. Terra autem Chanaan *Excelsa* dicitur ob montes, qui in ea frequentissimi sunt. Psal. LXV. 12. *Equitare fecisti* (הִרְפַּתְתָּ) *homines super capita nostra*, Vulg. *Posuisti homines*. i. e. *permisisti*, ut homines nobis uterentur velut iumentis, quibus miserrimam et abiectionem servitutem et subiectionem exprimit Propheta.

FRAENARE seu *fraenum imponere* significat violentiam hostium potenter inhibere et avertere, II. XXXVII. 29. *Ponam ergo circulum in naribus tuis, et fraenum in labiis tuis, et reducam te in viam, per quam venisti*. Sic loquitur Dominus de Sennacheribo. Vide etiam c. XXX. 28. 2. Decenter prudenterque moderari, si linguae tribuatur. Jac. III. 2. *si quis in verbo non offendit: hic perfectus est vir, potest etiam fraeno circumducere totum corpus*, Job. XXX. 11. בִּי יִתְרוֹ פֶתַח וַיַּעֲנֵנִי וַרְסֹן מִפְּנֵי שִׁלְחוֹ *Quia pharetram suam aperuit* (Deus) *et adflixit me: et fraenum a facie mea abiecerunt subditi mei*. Secundum lectionem Maf. *quia funem meum solvit* (quilibet e subditis meis) *et adflixit me, et fraenum a facie mea abiecerunt* h. e. *solvit cingulum, quo eum constringebam, et fraenum a facie mea abiecerunt*, i. e. *iugum in praesentia mea, vel coram facie mea excusserunt*. Fune seu cingulo, et iugo significatur imperium ex parte Jobi, ex parte vero subditorum obedientia. Vulg. *Phare-*



tram enim suam aperuit (Deus) et adflixit me, et fraenum posuit (leg. שלח) in os meum quilibet e subditis meis, vel Deus ipse, qui iumentum loco me habuit: sicque ad Deum refert. Melius tamen posterior pars cum LXX. ad Jobi subditos refertur: sagittas suas in me misit Deus, i. e. adflixit me, quod videntes subditi mei, me praesente, iugum excusserunt.

ASINUS insuper significat ignaviam. Gen. XLIX. 14. יִשָּׁכָר חֲמַר גִּרְם רִבְזָן בֵּין הַמְּשַׁפְּתִים. *Issachar asinus offis* (i. e. asinus fortis Vulg.) *cubans inter terminos suos* h. e. Issachar quidem fortis, sed ignavus instar asini, intra limites suos continebit se, nec eos bello extendere curabit. LXX. Ἰσάχαρ τὸ καλὸν ἐπεθύμησεν, ἀναπαύομενος ἀναμίσσον τῶν κλέων. *Issachar bonum vel pulchrum desideravit, requiescens inter terminos suos.* Pro חֲמַר חֲמַר concupivit, desideravit, et תֹּף גִּרְם adfingebant etiam sensum boni, pulchri, solidi, a quo non multum recedit apud Rabbinos, quibus est *substantia, corpus*. Itaque sub hac asini metaphora pingitur Issachar fortis quidem, at quietis amore et agri amenitate captus, nihil praeclari gesturus, domique residens, ignaviter sibi tributa indici passurus. Hinc sequitur v. 15. *Vidit requiem, quod esset bona, et terram, quod optima, et subposuit bumerum suum ad portandum, וַיְהִי לָמָּס עֵדָה* LXX. Καὶ ἐγενήθη ἀνὴρ γεωργὸς et factus est vir agricola. Quum metaphoram hoc in versu non agnoverint illi interpretes, sensum non verba expresserunt. Aq. ἄνθρωπος εἰς φόρον δουλεύων . . homo sub tributo, seu ut Vulg. tributis serviet. Agricola ut plurimum, tributis obprimuntur, a quibus immunes sunt milites.

Bos,

BOS, TAURUS hominem violentum, crudelem. vide supra c. I.

VITULA triennis sive *conternans*, ut interpretatur Vulg. luxum et lasciviam denotat; vaccae enim triennes et faginatae, quaeque partus et iugi laborum ignarae sunt, ferocire et luxuriari solent. Is. XV. 5. *Cornu meum ad Moab clamabit, vestes eius* (i. e. et ad vel super munitiones eius) *usque ad Segor* עֲגִלַת שְׁלִישִׁיהָ vitulam *conternantem* h. e. totis viribus clamabo super Moabiticam regionem, et urbes eius munitissimas, ita ut clamor meus audiatur et pertingat usque ad Segor, quae instar vituli triennis ob rerum abundantiam luxuriatur. עֲגִלַת hic est in regimine pro absoluto, vel subintelligitur שָׁנָה annus sic: עֲגִלַת שְׁנָה שְׁלִישִׁיהָ vitula tertii anni, i. e. trima. Vide Jerem. XLVI. 20. Os. X. 11. Ephraim dicitur *vitula docta diligere trituram*, non vero arationem; qua metaphora Israelitarum, quos haec per synecdochen significant Ephraimitae, felicitas innuitur; triturae enim labor levis et gratus est, quum in ea subpeditat victus abundantissimus, secundum illud Deut. XXV. 4. *Non ligabis os bovis terentis in area fruges tuas.* Huc pertinet

JUGUM, quo boves adligantur ad trahendum aratrum, aut currum, quod metaphorice significat i. Doctrinam, et certam agendi rationem, quae homines ad certum vitae genus, sicuti iugum boves ad certum laborem adstringit. Jerem. V. 5. *Confregerunt iugum* (optimates) *fregerunt vincula.* Chald. *rebellarunt a lege, recesserunt a doctrina.* Heinc בְּלִיעַל Belial vertitur etiam *absque iugo*, qui iugum doctrinae et disciplinae excussit. 2. Molestias, afflictiones, aerumnas, oppressiones praesertim tyrannorum, Dominorum et Magistratuum.



Boves enim sub iugum conligati varia onera trahere coguntur, atque insuper stimulis aut flagris a duris gubernatoribus in eos animadvertitur. Lev, XXVI. 13. *Ego Dominus Deus vester . . . qui confregi lora iugi vestri.* Vulg, *catenas cervicium vestrarum.* Jugum vocatur lex Mosaica, maxime circumcisio Aët. XV. 10. Item matrimonium, II. Cor, VI. 14. *Nolite iugum ducere cum infidelibus* h. e. nullum cum commercium, maxime quod ad matrimonium attinet, habeatis.

CANIS vide supra cap. 1. Ob vilitatem infimos quosque homines. IV. Reg. VIII. 13. *Dixitque Hazael: quid enim sum servus tuus canis,* i. e. homo vilissimus, *Heinc mortuus canis, caput canis.* 2. ob impudicitiam et obscoenitatem cynaedum seu puerum meritorium, Deut. XXIII. 18. *Non offeres mercedem prostibuli, nec pretium canis;* concordat cum v. praeced. *Non erit meretrix de filiabus Israel, nec* *וְצִדִּיק* *cynaedus de filiis Israel* i. e. *Scortator.* 3. Ob immunditiam legalem, qua inter animalia imunda computabatur, profanos homines, qui monitis sacris oblatrant. Matth. VII. 6. *Nolite sanctum dare canibus* h. e. nolite porrigere salutis doctrinam, mysteriam, sacramenta cet. profanis. 4. denique ob eius, quum latrare deberent, silentium denotat pastores mercenarios, et falsos doctores, qui, quum pro re et tempore loqui debeant, conticescunt. II. LVI. 10. *Canes muti, non valentes latrare* v. 11. iidem ut *canes impudentissimi ac insatiabiles,* ob inexplibilem eorum avaritiam proponuntur. Philipp, III. 2. *Canes* adpellantur pseudo-apostoli ob impudentiam, calumniam, caninam mordacitatem, avaritiam, et praesertim quod ad iudaismum, sicut canes ad vomitum, reverterentur; unde sequitur: *videteli, e. cavete circumcissionem.*

OVIS

Ovis ob simplicitatem, patientiam, puritatem, obedientiam, fertilitatem, utilitatem, pios ac fideles significat; unde et Ecclesia grex ovium adpellatur, Psal. XCIX. 3. *Non autem populus eius (Dei) et oves pascuae eius.* Est hebraismus pastoritius vide supra cap. I, et similitudo bucolica hebraeis rem pastoritiam exercentibus longe notissima.

Interdum per obpositionem ad oves, quae electos denotant, *birci* sive *baedi* ob petulantiam cet. reprobos significant. Matth. XXV. 33. Alias *birci*, qui gregem praecedunt ac regunt, duces ac gubernatores populi designantur, Is. XIV. 9. *Omnes עֲתוּרֵי אֲרָץ birci* (principes) terrae surrexerunt de solis suis. Heinc verbum *pascere*, si de magistratibus cet. adcipiatur, significat 1. *Dominari, gubernare, praeesse.* Gen. XLIX. 24. *inde pastor egressus est,* i. dux et princeps Aegyptiorum nempe Josephus, Psal. LXXVII. 70. *Et elegit David servum suum,* . . . *de post foetantes accepit eum* foetantes sunt matres ovium, emittentes foetum, unde subintellige oves: exprimitur singularis Davidis cura circa greges sibi commissos: cura enim praecipua indigent parturientes) * 71. *Pascere Jacob servum suum,* 2. *Docere,* si ad magistros referatur Jerem. LXXI. 16. *Ego autem לֹא-אֶצְטִי מִרְעָה אַחֲרַיָּךְ non instrui, ut essem pastor post te,* h. t. ut docerem populum post te. Prov. X. 21. *Labia iusti יִרְעוּ pascunt* (Vulg. erudiunt) plurimos,

SERPENS metaphorice Diabolum significat, qui in serpente latens, primos homines seduxit. Caput serpentis maximam diaboli potestatem, regnum, tyrannidem ac virulentiam denotat 1. quia caput praecipua pars animalis est. 2. quia virus serpentum in capite



continetur: quare Gen. III. 15. de Christo dicitur, quod sit *contriturus caput serpentis*. Eundem Diabolum significat vox *Draco* heinc impii *genimina viperarum* dicuntur, i. e. filii diaboli, qui vipera his in locis adpellatur, quod serpentis huius venenum omnium sit nocentissimum. Inde phrasis. *Ova aspidum frangere*, i. e. sibi aliisque exitium parare. If. LIX. 5. *Ova aspidum ruperunt* (impii ad cibum ex eis conficiendum) *et telas aranearum texuerunt* (i. e. vana et inutilia meditati sunt) *qui comederit de ovis eorum* (aspidum) *moriatur*; וְהוֹרִיחַ תִּבְקַע אֲפֵדֶיהָ *et compresso* (ovo illo, h. e. unoquoque ex illis ovis) *erumpet regulus* i. e. aspis; sensus est: impii ova aspidum fregerunt, ut ex eis cibum venenatum aliis adpararent: verum telas aranearum texuerunt, i. e. incassum laborarunt, male sibi consuluerunt; nam qui comederit ex huiusmodi ovis veneno infectis, h. e. qui pravis eorum consiliis acquieverit, morietur quidem; at dum quilibet eorum (impiorum) ova illa frangit, erumpit ex eis regulus, qui eum enecat, i. e. dum prava consilia exequitur, sibi ipsi plurimum nocet. Vox אֲפֵדֶה melius vertitur *aspis* seu *regulus* cum LXX. Symm. Theod. S. Hieron. quam *vipera*, cum Aquila; vipera enim catulos suos vivos parit (unde dicitur *vipera* quasi *vivipara*) quum reliquae serpentes eas ex ovo excludant. Psal. CXXXIX. 4. *venenum aspidis* pravos sermones, calumnias, blasphemias cet. significat. Jerem. VIII. 17. Chaldaei iudaeorum hostes virulenti et implacabiles instar aspidum dicuntur *serpentes reguli et mordentes*. *Lingua viperæ* rem maxime noxiam et mortiferam significat: sicut et *aspis*, *basiliscus* maxima pericula denotant.

Gen. XLIX. 17. Tribus Dan praedicitur futura *coluber in via, cerasites in semita, mordens ungulas equi, ut cada*

cadat ascensor eius retrorsum. Qua metaphora significatur Danitas astu potius, quam aperto Marte rem gesturos; ceraſtes enim ambiguo gressu et quasi claudicans ambulat; quumque arenae colorem referat, a viatoribus, quibus insidiandi causa in via latet, facile animadverti non potest. Danitarum astutiae exemplum est *Lais* vide Jud. XVIII. 27.

If. XIV. 29. *Ne laeteris Philistaea omnis tu, quoniam comminuta est virga percussoris tui: de radice enim* שׂוֹרֵשׁ *serpentis (Vulg. colubri) egredietur* יָדָא *regulus, et fructus eius erit praester volans.* Vulg. *semen eius absorbens volucrum.* Per radicem colubri: sive serpentis intelligitur Ozias, qui Philistaeos graviter adfixit II. Paral. XXVI. 26. Per regulam Ezechias, qui ex sanguine Oziae per Joatham et Achaz egressus maiori adhuc clade Philistaeos adfecit. IV. Reg. XVIII. 8. Heinc praester sive serpens ignitus et alatus vocitatur. Similitudo aptissima; nam regulus colubro nocentior est, praester autem regulo.

SCORPIONES denotat *tum* homines perversos et incredulos Ezech. II. 6. *tum* plagas gravissimas et onera durissima. III. Reg. XII. 11. 14. ubi scorpiones erant virgae spineae ubique aculeatae, ac instar scorpionum pungentes.

ARANEARUM TELA sive DOMUS secundum hebr. conatus irritos vanosque denotat, ut modo dictum. Job. VIII. 14. *Non placebit ei (hypocritae) recordia sua, et domus araneae (Vulg. et sicut tela araneae) fiducia eius erit.*

Haftenus de animalibus terrestribus, sequuntur VOLATILIA et ALTHIA.

AVIS ob celerem volatum metaphorice significat famam, Ecclef. X. 20. *In cogitatione tua regi ne detrabas;*

et



et in secreto cubiculi tui ne maledixeris diviti: quia avis coeli portabit vocem tuam; et qui habet pennas, adnuntiabit verbum, quod dixeris. Postrema illa verba, qui habet pennas cet. priorum, quia avis coeli cet esse repetitionem, nemo non videt. Hoc hyperbolice intelligendum, ait S. Hieron. quomodo solemus dicere, etiam ipsos parietes, quibus confcisci loquimur, quae audierint, non caelatueros. Tam inopinato, celeriter ac mirabiliter revelabuntur, quae dicis ac si avis praetervolans, aut ante fenestram forte confidens ea detulisset: plurimi namque respectu principum et divitum sunt, qui, quidquid dicitur, colligunt, ut ex alienis malis quaestum faciant.

II. XLVI. 11. Cyrus dicitur avis, et quidem rapax, (עֵיט) idque tum ob celeritatem, qua venturus erat contra Babylonios; heinc semita in pedibus eius non adparitura dicitur, ibid. cap. XLI. 3. tum ob faevitiam, quam in eosdem Babylonios erat adhibiturus. Jerem. XII. 9. Haereditas Domini, nempe populus Israeliticus, dicitur עֵיט צְבוֹי avis tincta, vera scil. et falsa religione; quia vero Deo non contenta, falsos praeterea colebat. Vulg. avis discolor, idem sensus.

TURTUR populum Israeliticum seu potius Ecclesiam significat. Psal. LXXIII. 19. Ne tradas לְחַיִּית נֶפֶשׁ תּוֹרֶךְ bestiae animam turturis tui h. e. Ecclesiae, quae non nisi unum te colit, sicut turtur alteri non coniungitur; quaeque in afflictionibus, instar turturis, solitaria gemit et ad te suspirat. LXX. ne tradas bestiis animam confitentem tibi. Vul. per enallagen, animas confitentes tibi pro לְחַיִּית quod constructum est pro absoluto לְחַיִּיהָ positum, legeb. לְחַיִּית et pro תּוֹרֶךְ turturis tui תּוֹרֶךְ aut תּוֹרֶךְ confitebitur aut confitetur tibi, a verbo יָדָה iecit, in high. confessus est, celebra-

celebravit, laudavit cet. Praeterea supplebant relativum **אֲשֶׁר** qui, quae, quod. S. Hieron. *Ne tradas bestiis animam eruditam lege tua*: ita quoque Chal. pro **תִּיקָה** legerunt **תּוֹרַתְךָ** a **תּוֹרָה** lex. Vel existimarunt **תּוֹרָה** esse syncopen pro **תּוֹרַתְךָ**, ut dicitur **גִּלְתָּהּ** pro **גִּלְתָּהּ** *lecythus eius*.

MUSCAE et APES ob multitudinem, celeritatem, et vim laedendi, hostes populi Dei significant. Is. VII. 18. *Et erit in die illa: sibilabit Dominus muscae, quae est in extremo fluminum Aegypti: et api, quae est in terra Assyria*. Aegyptii muscae vocantur, inquit S. Hieron. comm. in h. l. *propter sordes idololatriae*: Assyrii vero apes, quia omnis prope Assyriorum, et Persidis regio usum habet sagittarum, quae aculeis apum adsimulantur. Vide prophetiae huius complementum IV. Reg. XXIII. et XXIV. II. Paral. XXV. et XXXVI.

STIMULUS seu ACULEUS mortis I. Cor. XV. 55. 56. peccatum est.

PISCATIO metaphorice sumta hostilem direptionem significat. Amos IV. 2. *Levabit vos (hostis) בְּצִנּוֹת in vel cum aculeis seu hamis aculeatis (Vulg. contis) et reliquias vestras (i. e. posteritatem vestram) בְּסִירֹת דּוּגָה in hamis piscationis i. e. piscatoriis*. Sensus est: vos estis quidem sicut vaccae pingues, & t. f. sed extrahimini ab hostibus veluti pisculi minuti, nihil impediens eos vestra pinguedine *). Attamen piscatio interdum in bonam partem

*) LXX. et Symm. vocem **בְּצִנּוֹת** interpretati sunt **ἐν ὅπλοις** in armis. Aquil. **ἐν θυρεοῖς** in clypeis. Theod. **ἐν δόρασι** in hastis; voces autem **בְּסִירֹת דּוּגָה** LXX. transtulerunt **εἰς λίβητας ὑποκαταμένους** in ollas succensas, et verbum **ἐμβαλῶσιν** iniiciens **σείσω**



partem accipitur Matth. IV. 19. *Venite post me, faciam vos fieri piscatores hominum.*

LEVIATHAN, CETE, BALAENA, DRACO MARINUS metaphorice significant Pharaonem, et duces exercitus eius. Psal. LXXIII. 13. *Tu confirmasti (hebr. dirupisti seu divifisti) in virtute tua mare (rubrum, ut transirent Israelitae) contribulasti seu confregisti capita draconum in aquis i. e. Pharaonis, (qui magnus Draco adpellatur Ezech. XXIX. 3.) aliorumque Aegyptiorum, qui dracones vocantur ob nimiam eorum erga Israelitas saevitiam. v. 14. Tu confregisti capita draconis (h. e. principes et duces exercitus Pharaonis in aquis suffocasti) dedisti eum (Pharaonem cum eius copiis) escam populis Aethiopum hebr. אֶת־לֶחֶם לְעַם הַצִּיּוֹן populo sive incolis desertorum i. e. feris et avibus, quibus discerpenda Aegyptiorum cadavera evomit mare. Is. XXVII. 1. Leviathan cet. Nabuchodonosorem denotat. In die illa visitabit Dominus (per Medos et Persas) super Leviathan serpentem vectem (i. e. robustum et validum instar vectis) et super Leviathan serpentem tortuosum i. e. variis ambagibus et dolis laedentem.*

sensus complendi gratia addiderunt. Vulg. *Levabunt vos contis et reliquias vestras in ollis ferventibus*, h. e. quum sitis vaccae pingues, tollent vos (hostes vestri) contis, non hamis, ob mollis magnitudinem, sicuti piscatores ex aquis hamorum ministerio pisces extrahunt; ac in ollis ferventibus excoquent, h. e. durissimis subpliciis vos enecabunt. Qua vero ratione LXX. et Vulg. הַצִּיּוֹן interpretati sint *succensas* vel *ferventes*, non video; nisi forte aliter in suis exemplaribus legerint, aut sensum duntaxat attenderint; per ollas enim seu lebetes piscationis sive piscium, intelligere potuerunt ollas, in quibus coquantur pisces. Vidē etiam Habac. I. 15. 16. Jerem. XVI. 16. ubi per *piscatores* intelliguntur Aegyptii piscationi dediti Is. XLIX. 8. 9. 10. per *venatores* autem Chaldaei a Nemrod potente venatore. vide IV. Reg. capp. XXIII. et seqq.

tem. LXX. habent. ἐπὶ τὸν δράκοντα ὅφιν φεύγοντα *super draconem serpentem fugientem*, legebant בָּרַח a בָּרַח *fugit*, pro בָּרַח ut modo punctatur.

§. XV.

Metaphorae ab homine, et his, quae ad illum pertinent, desumptae.

In homine considerari possunt tum *essentialia*, tum *accidentalialia*. Essentialia sunt *corpus* cum suis membris, et *anima*, ex cuius cum corpore coniunctione vita oritur. Accidentalialia partim *interna* sunt, ut differentiae quaedam inter homines et actiones diversimode se habentes: partim *externa*, ut subiecta continentia et varia adiuncta, de quibus in sequentibus.

CORPUS in Novo Testamento saepe Ecclesiam Christi significat Rom. XII. 5.

CAPUT membrorum primum, supremum et praecipuum denotat 1. cuiusque rei initium et originem. Exod. XII. 2. *Mensis iste vobis (erit) caput mensium* i. e. primus mensis. 2. Eminentiam loci Gen. XXVIII. 12. Eminentiam imperii Num. XIV. 4. *constituamus nobis caput* (Vulg. *ducem*) et sic frequenter in scripturis. Heinc *caput anguli*, lapis summus et angularis est, qui aedificii latera continet ac firmat, quod de Christo praedicatur. 3. In re qualibet praecipuum ac optimum. Exod. XXX. 23. *fume tibi aromata capitis myrrhae et electae, quingentos siclos* i. e. *myrrhae primae*, ut interpretatur Vulg. five praestantissimae. Sic *capita aromatum* Cant. II. 14. *Caput* five *vertex montium antiquitatis* i. praestantissimae res montium antiquorum. Is. VII. 8. 9. Damascus dicitur caput Syriae, et Samaria caput Ephraim h. e. metropolis.

Spa-



Specialiter autem vox illa id, quod in numeratione praecipuum est, five summam denotat. Exod. XXX. 12. *Quando tuleris caput* (Vulg. *summam*) *filiorum Israel.* Lev. VI. 5. *reddet omnia, quae per fraudem voluit obtinere,* ראשׁו in capite suo Vulg. *optime integra.* Jud. VII. 16. *distinctae exercitus turmae adpellantur capita;* quia certo numero dispositae emittuntur. *Divisitque trecentos viros in tria* ראשׁו *capita* h. e. ut reddidit Vulg. *in tres partes* five turmas.

FACIES saepe pleonastice in scriptura ponitur: sic *facies belli* i. e. bellum, *facies abyssi* i. abyssus. Dein significat interiorum animi adfectum, nempe iram, tristitiam. Gen. XXXII. 20. *Placabo* פני *facies eius muneribus* i. e. animum Esavi iratum, aut Vulg. *illum placabo.*

FRONS idem significat, maxime pertinax Deo contradicendi studium, et in peccando obstinaciam. Is. XLVIII. 4. *Scivi enim, quia durus es tu* (Jacob) *et frons tua aerea.* Jerem. III. 3. *frons meretricis* pro summa impudentia et obfirmatione in malo accipitur.

OCULUS anchistice saepius ad mentem transfertur, ac iudicium et cognitionem indicat. Gen. XVI. 4. *At illa* (Agar) *concepisse se videns,* i. e. cognoscens et sentiens. Zach. XI. 17. *Oculus dexter providentiam significat. Gladius super oculum dexterum eius* (improbi pastoris) *oculus dexter eius tenebrescens obscurabitur.* h. e. omnis eius cura ac providentia auferetur, ipseque pastoralis suo officio excidet. Generatim *oculus providentiam, curam, sollicitudinem* tam in bonum, quam in malum significat. *In bonum.* Gen. XLIV. 22. *Adducite eum* (Beniamin) *ad me, et ponam oculos meos super illum.* *In malum* Psal. XVI. 11. *oculos suos statuerunt declinare in terram i*

terram: non statuerunt oculos suos declinare in tetram, sed statuerunt oculos i. e. fixerunt, ut me declinarent et prolicerent in terram. Unde verbum יָצַו pro oculis nocendi, causa observare i. Reg. XVIII. 9. usurpatur.

Oculus bonus mentem benevolam et beneficam significat. Prov. XXII. 9. Econtrario oculus malus pro maligna et malevola mente adcipitur. Prov. XXIII. 6. *Ne comedas panem mali oculi*. Vulg. *ne comedas panem cum homine invido*. Oculorum apertione, experientia cum conscientiae acerbo sensu coniuncta innuitur. Gen. III. 7. *Et aperti sunt oculi amborum*. Item spiritualis inluminatio mentis, et cordis renovatio oculorum inluminacione exprimitur. Psal. XII. 4. *inlumina oculos meos, ne unquam obdormiam in morte*. Aliam secundum literam explicationem vide supra cap. XV.

LACRYMA, quae ex oculo fluit, mustum et oleum significat, quia guttatim more lacrymarum destillant, quum uvae et olivae calcantur. Exod. XXII. 29. מְלֵאכֶתֶךָ יְרֵמֶיךָ plenitudinem tuam et lacrymam tuam non tardabis supple cum Vulg. reddere. LXX. primitias areas, et torcularis tui non tardabis reddere. Collyrium, oculorum male habentium medicina, coecitatis spiritualis medelam et mentis inluminacionem significat. Apoc. III. 18. Collyrio inunge oculos tuos, ut videas.

AURES per anchistiam ad animum saepe transferitur. Aurium adgravatio obdurationem animi et cordis contumaciam innuit. Is. VI. 10. *Excoeca cor populi huius, et aures eius adgrava*. Aurium pruritus pravam novae doctrinae studium significat; quemadmodum scabie laborantes ex fricatione voluptatem percipiunt, ex qua novius dolor sequitur.



NASO SUSPENDERE irridere et subfannare significat. Thren. IV. 20. Rex dicitur *spiritus nasi* sive *narium*, h. e. sub cuius tutela respirant et reficiuntur subditi. רִיחַ נַפְתָּי *spiritus narium nostrarum* (Vulg. *oris nostri*) captus est *Chrius Dominus* vel *Christus Domini* secundum puncta Massorethica, nempe Sedecias, qui erat typus Christi.

OS ORIS animum et voluntatem quandoque significat. Gen. XXIV. 57. *interrogemus os eius* (Rebecca) h. e. ut optime Vulg. *voluntatem eius*. Josue IX. 2. *uno ore pugnare* h. e. uno animo, eademque sententia. Psal. CXV. 2. *Os risu seu gaudio repleti* est animum gaudio perfundi. Psal. CII. 5. *saturare os bono* significat magnis beneficiis et bonis cumulare. LXX. Vulg. *in bonis desiderium reple-re*. Exod. IV. 16. *Os alicuius esse* denotat interpretem agere. Matth. XV. 11. Os pro corde ponitur. *Quod procedit ex ore, hoc coinquinat hominem*. Huc spectat loqui. Prov. VI. 13. *Loqui pedibus, et docere digitis*, pedes et digitos ad fallendum componere significat.

COLLUM seu CERVICEM pro aliquo subponere. Rom. XVI. 4. *vitae discrimen pro alterius incolumitate subire* significat.

HUMERUS, gestationis organum, habita ratione oneris significat afflictiones et tribulationes. Psal. XX. 13. *Quoniam pones eos humerum*, Vulg. *dorsum*, h. e. malis tanquam oneribus, humeris eorum impositis obrues: alii, ut terga vertant, efficies. Vide supra cap. VI. 2. Obedientiam Deo praestandam, quae et ipsa quasi onus quoddam est, sed leve. Heine Sophon. III. 9. *Servire Deo humero uno*, est ipsi *ἐκδοῦμας* h. e. *concorditer* servire; sumta metaphora a baiulatoribus, qui simul humeros eidem oneri ferendo subponunt. Econtrario *ponere scapulam* sive *humerum recedentem* Zach. VII. 11. *obedi-*



dientiam detrectare significat. If. IX. 6. de Christo dicitur, quod *factus sit principatus super humerum eius*, quod omnes fere Patres de cruce intelligunt. Dici etiam potest, Christum onus officii sui in se unum suscepisse; quum econtrario saeculi huius principes in humeros servorum, consiliariorum, ministrorumque suorum reiciant solus enim Christus Ecclesiam suam sanguine suo sibi acquisivit et salvat.

BRACHIUM roboris exerendi potissimum instrumentum, potentiam et auxilium designat I. Reg. II. 31. *Ece dies veniunt, et praecidam brachium tuum et brachium domus patris tui*. If. IX. 20. *Carnem brachii sui vorare*, propinquos et necessarios, a quibus sperandum esset auxilium, perdere et consumere significat. Psal. XXXVI. 17. *Quoniam brachia peccatorum conterentur*, i. e. omnia auxilia et praesidia, vires, opes. *Brachium* itaque potentiam et fortitudinem signat. Job. XXII. 8. *Quia eras Dominus brachii tui*, i. e. potens, fortis, magnus, dives, sub cuius Dominio terra erat.

MANUS significat robur et vires. Deut. XXXII. 36. *videbit, quod infirmata sit manus* h. e. potentia. Heinc tritum illud: *An nescis longas regibus esse manus?* 2. Auxilium, ministerium, machinationem Exod. XXII. 1. *Non tinges manum tuam, ut pro impio dicas falsum testimonium* h. e. auxilium tuum non impendes, non sociaberis. Sic Deus dicitur loqui *in manu omnium prophetarum*, h. e. per ministerium; prophetae enim organa sunt Spiritus S. et dispensatores mysteriorum Dei. Vel vox *manus* hac in phrasi pleonastica est.

Vacillare seu infirmari manus alicuius dicitur, quum ei vires et nervi rerum agendarum non subpetunt.



Econtrario manus roborare, est consilio et auxilio sublevare. Nota phrasin *tradere aliquem in manus alterius*, est illum extradere ad punitionem. Sic dicitur Psal. X. 14. *ut tradas eos in manus tuas*, in potestate tua est, o Deus, ut des poenam impio. Unde illud poetae: *Dii laneos habent pedes, sed ferreas manus*, nempe dum punnit Deus.

Heinc intelliges, quid significet obscurus locus Psal. XVI. 13. *Eripe animam meam ab impio, frameam tuam ab inimicis manus tuae*. i. e. frameam tuam, metaphorice, nocendi potestatem eripe similiter ab iis, qui viribus et potestate a te concessis abutuntur. In hebr. habetur: *מַמְתִּים יָרֵךְ אֶל־יְדֶיךָ* a viris manus tuae, quibus nempe Dominus robur et vires concessit: et recte dicuntur *inimici manus Dei*, qui viribus et robore sibi a Deo concessis abutuntur.

DORSUM sive TERGUM in metaphora etiam usurpatur, ac *post tergum proicere*, negligere ac avertere se significat. III. Reg. XIV. 9. *me autem proiecisti post גִּבִּי tergum tuum*, Vulg. *corpus tuum*, quae est primaria significatio vocis גִּבִּי. Eadem metaphora quandoque oppressio et afflictio denotantur. Psal. CXXVIII. vide supra cap. I.

LUMBI, in quibus robur corporis positum est, metaphorice, seu ut aliis placet, metonymice robur ipsum denotant. Is. XLV. 1. hebr. *et lumbos regum dissolvam*, h. e. ut Vulg. *et fortitudinem regum frangam* seu *et dorsa regum vertam*. Vide supra cap. VII. Lumborum cinctura virium corporis ad currendum, laborandum et pugnandum expeditionem significat. vide III. Reg. XVIII. 46. Ratio metaphorae supra data est, quia Orientales longis

longis vestibus utantur, eas inter agendum circa lumbos adcingant, ne iis impediti labantur. If. II. 5. *Iustitia dicitur cingulum lumborum Messiae, et fides cinctorum renum eius, qua loquutione Messias officio suo cum iustitia et fide alacriter perfuncturus significatur.*

UMBILICUS, quo foetui in utero materno alimentum subministratur, eleganti metaphora ad Ecclesiae filios transfertur. Prov. III. 7. *Time Deum . . .* v. 8. *sanitas quippe erit umbilico tuo* cet. h. e. quemadmodum in infantibus in utero matris versantibus alimentum subministratur umbilico ad intimas partes confirmandas: ita Dei cognitio, reverentia, et obsequium te pascet, educabit, et confirmabit spiritu. Alii volunt, umbilicum positum esse per synecdochen pro toto corpore, unde LXX. *τότε ἰασις ἔσται τῷ σώματι σου tunc sanitas erit corpori tuo.* Sunt etiam, qui existiment heic praecipi ab illicitis voluptatibus abstinentiam; qui enim veneri intemperanter indulgent, male habent, et corpore sunt exsucco et exhausto: unde sequitur: *et inrigatio ossium tuorum vel ossibus tuis.* Neglecta umbilici praecisio, primaevum et abominabilem iudaicae gentis statum allegorice denotat. Ezech. XVI. 4. *In die ortus tui לא־כָּרַת שֵׁרֶךְ non est praecisus umbilicus tuus, et aqua non es lota in salutem, nec sale salita, nec involuta pannis, h. e. antequam idololatria liberarem te, in morte, in fordibus peccatorum, in infirmitate cet. constituta eras.* Sumta est metaphora sive allegoria a pueris recens natis, quorum umbilicus non praeciditur, neque sordes aquis abluuntur, sed statim ab utero proiiciuntur, exponunturque. Apud eundem cap. XXXVIII. 12. *ut inferas manum tuam super . . . populum, qui possidere coepit, et esse habitator umbilici*



bilici terrae, i. e. Judaeae, quae montosa erat, ac in medio terrae habitabilis et priscis cognitae, sita.

SINUS significat interiora et occulta; quia sinus vestibus tegitur. Job. XIX. 27. *Reposita est haec spes mea in sinu meo* i. e. apud me ipsum, in corde meo. Sinus amoris notionem obtinet, quae enim diligimus, ea in sinu fovemus. Deut. XIII. 6. *Si tibi voluerit persuadere . . . uxor, quae est in sinu tuo* h. e. quam diligis ut animam tuam, ut de amico sequitur. Sinus Abrahæ vitæ aeterna. Reliqua vide supra cap. VII.

GENUA debilia roborare significat animi moerore prostratos erigere, solari et confirmare. Job. IV. 4. *et genua debilia confortasti*. Metaphora sumitur ab externis periculis subito ingruentibus, in quibus ob vires nervorum, et musculorum terrore consternatas, genua debilitantur. Quapropter in descriptione infirmitatis, periculi et terroris, *genuum confisio* et *debilitatio* exprimi solet.

PEDES variis modis in sermone metaphorice adciuntur. 1. Subsidiū, curam, sollicitudinē. Gen. XXX. 30. *benedixit tibi Deus לְרַגְלִי ad pedem meum* i. e. per curam et diligentiam, quam in pascendis gregibus tuis adhibui. Optimus est etiam Vulg. sensus: *ad introitum meum* h. e. ex quo gregum tuorum curam suscepi. Job. XXIX. 15. *Oculus fui coeco, pes claudō*, h. e. quodvis subsidium miseris praestiti. 2. Violentiam. Psal. XXXV. 12. *Non veniat mihi pes superbiae* h. e. superborum hominum violentiam non experiar. Pedis commotio, nutatio declinatio cet. pericula et calamitates inquit. Psal. XXXVII. 17. *Dum commoventur pedes mei super me magna*

gna loquuti sunt inimici mei h. e. dum in periculis verfor et obprimor calamitatibus. Econtra pedum a nutatione cct. custodia, Dei protectionem adversus hostes exprimit. Psal. LV. 14. *Quoniam eripuisti . . . pedes meos a lapsu*. Psal. CXX. 3. *Non det in commotionem pedem tuum*, non permittat, ut in foveas, quas foderunt inimici, incidas. Sic pedum in latitudine vel petra constitutio, a periculis denotationem denotat; in angustis enim et lubricis locis facilis est lapsus. Psal. XXX. 9. *statuisti in loco spatiofo pedes meos* i. e. fecisti, ut mihi pateret fugae locus. item. Psal. XXXIX. 3. *statuit supra petram pedes meos*, petra pro arce, quia in petris construebantur arces, et est obpositio inter lacum, et inter arcem: per lacum enim indicat afflictiones et statum calamitosum; per arcem statum felicitatis. Psal. LXXII. 18. *Profecto in lubricis posuisti eos*. Vulg. *Veruntamen propter dolos posuisti eos*. Est conclusio, q. d. quum igitur res sic se habeat, sequitur, felicitates impiorum esse dolosas, et veluti decipulas positas. Aut i. Vulg. *Certe propter dolos* i. e. ut deciperentur (nam divitiae impiis deceptioni sunt et ruinae) *posuisti* i. e. permisisti, ut essent in deceptionem eis scil. divitiae.

Jerem. XIII. 16. Phrasis: *pedes offendere ad montes caliginosos* in maximas calamitates incidere significat; calamitas enim, ut supra dictum, caligine denotatur; proindeque mons caliginis, maximam calamitatem indicat. *Claudicatio pedum*, quae pedum laesione fit, calamitatem quoque, afflictionem et pericula denotat. Psal. XXXIV. 15. *Et בְּצִלְעִי in claudicatione mea laetati sunt* i. e. in meo casu et infortunio. LXX. et Vulg. *et adversum me laetati sunt* q. d. ad latus meum laetati sunt; בְּצִלְעִי et claudicationem et latus significat.



CARO, quum ad animum transfertur, si cum *mordendi* aut *lacerandi* verbo coniungatur, desperationem significat. Job. XIII. 14. *Quare lacerarem* (Vulg. *lacero*) *carnem meam dentibus meis?* quur me ipsum in desperationem abiens, doloribus, curis consumerem? *et animam meam portarem* (Vulg. *porto*) *in manibus meis?* i. vitae et animi omnem curam abiicerem, et me vitae discrimini exponerem. Sic *carnem suam comedere* dicitur stultus Eccles. IV. 5. h. e. se ipsum macerare prae fame: quum enim videat stultus industriam sive laborem hominum patere invidiae, *complicat manus suas, et comedit carnem suam* i. e. ad tantam inopiam desidia sua redigitur, ut prae fame carnem suam devorare cogatur, ad digitos sibi manducandos et exfugendas manus adigatur, loquutio hyperbolica. Carnem alicuius edere, est illum obprimere. Psal. XXVI. 2. *ut edant carnes meas*, phrasis etiam latinis familiaris; videntur enim devorare, qui obprimunt, et alios praedantur.

§, XVI.

Metaphorae ab iis, quae ad vitam, sensus cet.
hominis spectant, desumptae.

VITA tribuitur aquis iugiter salientibus et fluentibus, vitae enim indicium motus est. Ose. XIV. 8. *vivabunt se* (Israelitae ut) *triticum*, h. e. erunt instar tritici, quod in terram coniectum, ad tempus mori videtur; postea vero non revirescit tantum, verum etiam multiplicatur, ac multum fructum adfert. Vulg. *Vivent tritico* pro וַיִּבְּרוּ legebant וַיִּבְּרוּ in fut. kal.

SANITAS doctrinae coelesti et fidei tribuitur; quae earum puritas denotatur. Tit. I. 9. Deus dicitur *sana-*

re, curare, medicari cet. quando ab adversitatibus liberat, et quamcunque incolumitatem praestat. Item dum remittit peccata. Pſal. XL. 5. *sana animam meam, quia peccavi tibi.* Pſal. CXLVI. 3. *qui sanat contritos corde, et adligat omnes contritiones eorum* i. e. plagas eorum adligat, metaphora a medicis vulnera ligantibus: exules iudaei in captivitate comparabant se infirmis, aegrotantibus, vulneratis.

MORBUS si ad animam referatur, peccatum significat; si ad corpus, aut externa hominis, calamitates quascumque et vitae humanae adversitates denotat. Pſal. LXXVI. 11. *Et dixi: חֲלוּתִי infirmari meum hoc, mutatio dexterae excelsi: h. e. infirmitas, calamitas mea haec aliunde non est, quam ex mutatione dexterae Excelsi, quae prius hostes meos mihi subiiciebat, nunc autem ipsis me subiicit.* LXX. et Vulg. *Et dixi: nunc coepi; haec mutatio dexterae Excelsi.* חֲלוּתִי accipiebant a verbo חָלַל, quod in hiphil incipere etiam significat. Porro tria verba haec חָלַל, חוּל, חֲלָה, saepe formas commutant. Huc pertinent vulnera amici Prov. XXVII. 6. quae amaram reprehensionem denotant.

Sanitati in specie adversantur stigmata, et cicatrices, quibus innuit Apostolus persecutiones et tribulationes, quas ob Christi confessionem, eiusque verbi praedicationem sustinebat Gal. VI. 17. quaeque stigmata obponit cicatrici, de qua frustra gloriabantur pseudoapostoli, de quibus 1. Cor. 12. et seqq. egerat. Hanc autem metaphoram sumsit a militibus, qui *victuris in cute pur-* editis signabantur, quo sensus Aelianus vocem *στίγματα* usurpavit.



I. Tim. IV. 2. *Conscientia cauteriata* significat vel conscientiam infamibus criminum notis inustam; vel duram, callosam, et exquisiti sensus expertem; quae enim partes cauterio notantur, illae habent sensum hebetiorem; vel denique vitiis ac peccatis exulceratam.

TABES, MACIES pro calamitatibus, poenis ac miseriis. If. XVII. 4. *Et erit in die illa . . . pinguedo carnis eius marcescet.* Vide cap. XXIV. 16.

PUTREDO OSSIUM animi cruciatus et dolores significat. Prov. XIV. 30. *Vita carniū, sanitas cordis; putredo ossium, invidia*, h. e. invidia animum rodit et excruciat, sicut caries ossa; et ex antithesi, cor sanum, ab irae, invidiae, omnique vitioso in proximum adfectu liberum maxime conducit ad sanitatis et vitae conservationem. *Putrescere* perire significat. Prov. X. 5. *Nomen impiorum putrescet*, i. e. peribit, evanescet, aut nomen impiorum foetet, detestabile est et odiosum.

PESTIS hominem exitiosissimum denotat. Aët. XXIV. 5. *Invenimus hunc hominem λοιμὸν pestem* Vulg. *pestiferum*; recte, utrumque graecum significat. Unde Psal. I. 1. dictionem *דִּשָּׁן* *derisorium* LXX. *λοιμὸν pestilentium* Vulg. *pestilentiae* interpretantur; nulla enim est pestis deterior huiusmodi hominibus, qui divina humanaque rident.

VENENUM metaphorice significat insignem malitiam, qua animabus, corporibus, et famae hominum perniciēs infertur. Psal. LVII. 5. *דָּמָם* *venenum illis sicut venenum serpentis*. LXX. *θυμὸς αὐτοῖς* Vulg. *furor illis*. Vox hebraica *דָּמָם* *furorem* et *venenum* significat. *Venenum aspidis* sermones pessimos, calumnias, detractiones, indicat Psal. CXXXIX. 4.

MORS



MORS, quae vitae opponitur, significat alicui rei nuntium remittere. Rom. VI. 2. 7. 11. *mortuum esse peccato*, est ei renuntiare, illud non amplius committere, sicut mortuus non agit vel operatur. Coloss. III. 3. Credentes dicuntur *mortui*, et eorum vita *abscondita cum Christo in Deo*, h. e. mundo et concupiscentiis eius, pravis ac vanis voluptatibus renunciassse. Item gratia et amore Dei privari. Ephes. II. 1. *Et vos, quum essetis mortui in delictis et peccatis. Laquei mortis* sunt maxima pericula; Psal. XVII. 5. *praeoccupaverunt me laquei mortis* i. e. pericula: *praeoccupaverunt* dicit ex similitudine, quia laquei iaciuntur a parte anteriore hominis, qua nempe incidere debet. *Pulvis mortis* sepulchrum, Psal. XXI. 16. *in pulverem mortis deduxisti me*, i. e. ad talem statum reduxisti me, ut sim velut mortuus et terrae mandandus; metaphora deducta est a milite ex adceptis vulneribus contabescentis et in pulvere exspirabundi. *Umbra mortis* pro periculis mortalibus: sicut latine dicimus: *tristissima mortis imago*. Psal. XLIV. 20. *Quoniam humiliasti nos in loco afflictionis* (hebr. דְּרָאֻמוֹן *Draconum* pro loco horrido, ubi habitabant Dracones et monstra, quibus comparat Babylonios) *et cooperuit nos umbra mortis*: est descriptio captivitatis.

SENSUS humani varios gignunt hebraismos: scias autem sensum per anchistiam saepius ad animum transferuntur. Sic Luc. IX. *Et erat velatum* (verbum istud) *ante eos, ut non sentirent illud* h. e. intelligerent. Sic etiam

VISUS, VIDERE pro sentire seu experiri. Exod. XX. 18. *Cunctus autem populus videbat voces* (seu) *tonitrua... et sonitum tubae* i. e. percipiebat seu audiebat; auditus enim



enim et visus anchistice nonnunquam inter se commutantur. Hic hebraismus in psalmis frequens est, vide infra de hebraïsmis anchisticis. Sic *videre somnum* i. e. experiri illum, seu dormire. *Videre corruptionem*, eam sentire seu ipsi obnoxium esse. *Videre mortem*, mori significat.

Visioni obponitur *coecitas*, qua significatur doctrinae salutaris et verae fidei privatio. II. XLII. 18. *surdi audite, et coeci intuemini ad salutem.* 2. maxima calamitas, in qua impii, consilii omnis inopes, non inveniunt, quid agant. Verbum *excoecare* de incredulis et impiis usurpatum tribuitur 1. Tenebris I. Joan. II. 11. *Tenebrae obcoecaverunt oculos eius* h. e. mens peccatis corrupta obcoecavit oculos cordis eius. 2. Diabolo. II. Cor. IV. 4. *Deus huius saeculi* (Diabolus) *excoecavit mentes infidelium* i. e. seduxit, induravit. 3. Deo ipsi. Joan. XII. 40. *Excoecavit* (Deus) *oculos eorum* cet. Deus autem non excoecat *positive*, ut aiunt, sed *privative* h. e. coecitatem per se ipse non inmittendo, sed subtrahendo gratiam, qua propria obstinacia indignos se reddiderunt, et qua destituti homines in spississimas mentis tenebras offendunt. Munera etiam dicuntur obcoecare sapientes et iudices, ad corrumpendum ius et pervertendam iustitiam dum eos inducunt.

AUDITUS, AUDIRE interiorem animi intelligentiam denotat, Sic Gen. XI. 7. *Et non audiat unusquisque linguam proximi sui* h. e. non intelligat. 2. Adprobationem, obedientiam. Gên. III. 17. *quia audisti vocem uxoris tuae* i. e. obtemperasti. Auditui obponitur *surditas*, quae infidelibus, impiis, et verbo Dei reluctantibus tribuitur.

OLFA-

OLFACTUS, quia vulgo subtilis est, celeritatem denotat. Jud. XVI. 9. *Et rupit* (Samson) *vincula, quomodo si rumpatur filum, quum olfecerit ignem*, h. e. tam cito, tamque facile vincula sua rupit, quam filum consumit ignis. Job. XIV. 9. *Ad odorem aquae germinabit* (arbor) i. e. dum humorem gratissimum percipit, quo perinde reficitur, ut homo suaveolente odore recreatur. Ibid. XXXIX. 25. *Equus odorari bellum dicitur* h. e. sentire. Huc pertinet verbum *foetere*, quod de mala fama, displicentia, et odio adcipitur. Gen. XXXIV. 30. *foetere me fecistis Chanaanais* Vulg. *odiosum me fecistis*.

GUSTARE intelligere, experiri et frui denotat. Psal. XXXIII. 9. *gustate et videte, quoniam suavis est Dominus; tō suavis est pro bonus*. Ad gustum pertinet verbum *dulcescere*, quod pro delectare et valde placere usurpatur. Psal. LV. hebr. 15. *אִשָּׁר יַחְדָּו נִמְתִּיק סוּד* qui simul dulcescere faciebamus secretum i. e. qui cum summa animi voluptate secreta communicabamus. LXX. et Vulg. qui mecum dulces capiebas cibos: Pro *נִמְתִּיק* legisse videntur *נִמְתִּיק* dulcescere faciens eras, et pro *סוּד* secretum *צוּר* vel *צוּר* infin. loco *צִיר* esca, cibis; interdum enim infinitivus loco nominis usurpatur, ut ex reg. grammat. patet. Vel légerunt etiam, ut hodierni habent codices, verum *ס* in *צ* commutandum existimarunt; duae enim illae literae, quum sint eiusdem organi, facile invicem permutantur. Sapientiae coelestis verba grata gutturi dicuntur, h. e. alimenta vitae aeternae suavissima. Quo sensu cum melle confertur verbum coeleste, et suavitate illi praeponitur. Vide Psal. CXVIII. 103.

Amarum esse, amarum reddere, sive amaritudine exacerbare, quae verba significant tristitia adficere, et calamitatibus



tatibus obruere. Exod. I. 14. *Atque ad amaritudinem perducebant* (Aegyptii) *vitam eorum* (Israelitarum) *operibus duris luti et lateris.* 2. Significat noxium esse. Prov. V. 4. *Novissima autem illius* (gutturis meretricis) *amara quasi absynthium.* In specie

Amaritudo denotat crudelitatem, animi afflictionem, et acerbitem Gen. XLIX. 23. וַיִּמְרָרוּ et *amaritudine adfecerunt eum* (Josephum) Job. III. 5. *Involvatur amaritudine:* i. e. tempus, diesque acerbi et amari sint, luctibusque et lamentis repleantur. 2. calumniandi libidinem. Rom. III. 14. *Quorum os maledictione et amaritudine plenum est.* 2. Peccatum in genere. Act. VIII. 23. *In felle amaritudinis . . . video te esse* i. e. in gravissimo peccato: vere enim peccatum felli comparatur, quod excruciat animam.

TACTUS, TANGERE idem ac malum inferre. Psal. CIV. 15. *Nolite tangere Christos meos*, ne mali quid faciat. Obiectum tactus durum est et molle. DURITIES crudelitatem et saevitiam. Gen. XLIX. 7. *Maledictus furor eorum* (Simeon et Levi) *quia pertinax, et indignatio eorum, quia dura*, i. e. crudelis. Denique afflictiones et tristitiam significat. I. Reg. I. 15. *Mulier קָשָׁת־רוּחַ dura spiritu ego sum* h. e. afflictiva sive infelix, ut optime reddit Vulg.

MOLLITIES de corde hominis usurpata denotat timorem et consternationem. Deut. XX. 3. *Non mollescat cor vestrum* h. e. non frangatur, vel non pertimescat ut Vulg. 2. contritionem cordis et poenitentiam. 3. de sermone adhibita, significat lenitatem, humanitatem, mansuetudinem, cum prudentia coniunctam. Prov. XV. 1. *Responsio mollis frangit iram*, i. e. lenis, honesta, mansueta. Vide supra cap. XXI. v. butyrum.

SOMNUS

SOMNUS sive DORMITIO, qua significatur securitas, est metonymia signi pro signato; ubi enim nulla securitas, nullus somnus. Psal. III. 6. *ego dormivi et soporatus sum*. Item quies post calamitates ab hostibus inlatas. Psal. CXXVI. 2. *Quum dederit dilectis suis somnum*, et requiem ab inimicis, quam in se sperantibus concedet Deus, adparebit haereditas Domini i. e. ipsis a Deo concedenda, copiosa scil. proles, quae singularis parentum benedictio est *). 2. Significatur securitas mala, si tamen securitas dici queat, quae infidelitatis et impietatis est, Rom. XIII. 11. *Hora iam est, nos de somno surgere*. Huc pertinet *spiritus soporis* Is. XXIX. 10. quo animi induratio in malum, et in reprobum sensum traditio ex iustissimo Dei iudicio facta innuitur. 3. Ignavia. Prov. IV. 9. *usque quo piger dormies? quando consurges e somno tuo? **)* 4. Mors et interitus. Job. III. 13. *Nunc enim dormiens*

*) Hanc esse genuinam huius loci expositionem, patet ex scopo psalmi, maxime si *domum* v. i. pro familia, prole sumamus ut Exod. 1. Psal. CXII. 9. *Nisi Dominus suscitaverit prolem, quis suscitabit? Nisi Dominus custodierit civitatem, quis proteget?* Prolem ergo et quodcunque bonum aliud a Deo expectandum est. Unde sequitur v. 3. *Ecce haereditas Domini*: transit ad aliud genus providentiae, nempe *liberos*, qui etiam non sunt in potestate hominum sine Dei benedictione; ideo vocat illos haereditatem Dei et mercedem: boni liberi sunt magna Dei benedictio; et *fructus ventris* idem significat, quod praecedens *fili*. Haereditas ergo seu possessio a Domino concedenda, illiusque pro additionibus in captivitate toleratis retributio erit prolium multiplicatio.

**) Expositionem sibi hic expostulat locus ex Psal. LXVII. 14, qui omnium torset ingenia. *Si dormiatis inter medios cleros, pennae columbae deargentatae, et posteriora eius in pallore auri* i. e. in auro pallido, seu viridi, ut habent LXX. nam color viridis est



dormiens (i. e. mortuus) filerem. Psal. LXXV. 6. dormierunt somnum suum; et nihil invenerunt omnes viri divitiarum in manibus suis. Meretur locus expositione literali. Agit psaltes de exercitu Sennacherib ab Angelo percusso. Viri divitiarum sunt viri fortes in exercitu; nam לִבָּא significat robur, exercitum, opes. Unde vertit S. Hieron. Et non invenerunt omnes viri exercitus manus suas scil. ad pugnandum i. e. nihilomagus percutiente Angelo arma expedire potuerunt, quam si manibus caruissent: aut nihil subaudi virum. LXX. et Vulg. subintellexerunt τὸ δ' in non raro deficiens; in manibus suis. Unde et somnus a profanis dicitur mortis imago.

Specialibus autem credentes in Domino defuncti dicuntur dormire; nam in hac metaphora respicitur ad beatam tum animarum in manu Dei, tum corporum in sepulchris requiem; nec non maxime ad innuendam resurrectionem futuram; qui enim dormiunt, rursus expergiscuntur; et surgunt. Unde Matth. XXVII. 52. dicitur: *Multa corpora sanctorum, qui dormierant, surrexerant.*

VIGI-

verus auri color. Perstringitur heic ignavia tribuum Ruben et Gad, quae fratribus in bellum contra Jabin euntibus opem ferre noluerunt, et otiosa intra terminos suos domi remanserunt. Unde tota confusio orta est ex τὸ Cleros, quae vox ex graeco κληρος retenta fuit, et significat possessionem, haereditatem. Pennae sunt Rubenitae, allegoria adlusiva ad volucres, quae potissimum suum robur in pennis habent: unde dicit Jacob Gen. XLIX. de Ruben: fortitudo mea. Per columbam adumbratur Jacob. Per argentum et aurum designantur opes et facultates, vires et robur tribus Ruben. Est ergo oratio Elliptica: O vos pennae i. e. Rubenitae; fortitudo columbae i. e. Jacobi, si dormiatis inter medios cleros i. e. otiose, ignave degatis intra terminos vestros, in possessione vestra, neque auxilium feratis fratribus vestris: supple ellipsin: cedet hoc vobis in maximum dedecus. Eiusmodi ellipses frequentes esse, patet ex regulis syntaxeos hebraicae.

VIGILIA fomno obponitur, quae etiam fomno contrariam significationem metaphoricam obtinet; adcipitur enim 1. pro variis pietatis operibus, et virtutis studio. Matth. XXIV. 42. *Vigilate ergo* (ieiunio, eleemosyna, oratione, aliisque bonis operibus) *quia nescitis, qua hora Dominus venturus est.* 2. Pro alacritate, diligentia, et prudentia in officio rite obeundo. Psal. CXXVI. 1. *Nisi Dominus custodierit civitatem, frustra vigilat, qui custodit eam.* 3. Pro vita. I. Thess. V. 10. *sive vigilemus* (seu vivamus) *sive dormiamus* (i. e. moriamur) *simul cum illo* (Christo) *vivamus*, heic in gratia, in altera autem vita, in gloria. Phrasis. *Anticipare vigilias* pro non dormire. Psal. LXXVI. 5. *Anticipaverunt vigilias oculi mei*, tota nocte non dormiebam. hebr. אֲחֻזָּת שְׁמֵרוֹת עֵינַי *Tenuisti custodias* (vigilias) *oculorum meorum* i. e. vigiles tenuisti oculos meos: tenuisti in vigiliis oculos meos, ut dormire nequeam. Eccl. XXXI. 1. *Vigilia honestatis tabefaciet carnes, et cogitatus illius auferet somnum.* i. e. vigilias (anxia cura) *honestatis* i. e. divitiarum augendarum, prout ea vox saepius in libris sapientialibus sumitur; *carnes tabefaciet* i. e. sanitatem excoquet, sanitati officiet.

§. XVII.

Metaphorae ab hominis aetate, sexu, gente et familia, variisque actionibus sumtae.

VIR (אִישׁ) strenuum et magnanimum denotat. I. Reg. XXVI. 15. in N. T. ἀνδρείως fortiter se gerere significat. Quidam volunt, distinctionem esse inter has voces אִישׁ et אָדָם homo. Voce אָדָם intelligi volunt homines ignobiles, plebeios: *Tò enim Adam* dicitur, U quia



quia מן הָרֶמֶה עָפָר *pulvis ex pulvere*. Unde recte γηγενεῖς *terrigenae* ex γῆ *terra*; γένεῖς *genuit*; quod est a γένεσθαι *nascor*, quasi ex terra nati, viles, abiectionis. Altera vox אִישׁ complectitur illos, qui dignitate aliqua pollent: nam אִישׁ *Vir* est quasi *consistens* a שׁ *fuit*, *existit*. Sic et homo iuxta aliquam sui prae coeteris animalibus eminentiam graece dicitur ἀνθρώπος quasi ἀνα ἀθρόων ὁπὶ quod sursum spectet, coelumque intueatur. Sic in Psal. XLVIII. 3. dicitur: *filius hominis, et filius viri . . . simul in unum pauper et dives* vide etiam Psal. LXXXI. 7. At subtilia haec sunt: videntur potius haec duo nomina esse synonyma.

MULIER meticulosum, infirmum, et ignavum hominis animum exprimit. If. III. 12. נְשִׁים Sym. γυναῖκες *mulieres dominatae sunt eis* i. e. effoeminati et ignavi. Aquila ἀπειθοῦντες *exatores*. Theod. δανισταὶ *foeneratores* legerunt נְשִׁים *exatores*, a verbo נָשָׂה, unde etiam venit נְשִׁים *mulieres*. Phrasis haec ad profanos transiit. Virgilius Aeneid. 1. IX. *O vere Phrygiae, neque enim Phryges*. Homerus Iliad. II, et VII. timidos graecorum milites Ἀχαιοί, οὐκ ἐτ' Ἀχαιοί *Achivas, non amplius Achivos adpellat*.

VIRGO. Hoc nomen adtribuitur electis, idque ob eorum puritatem cum fide, tum in fide, tum in vita et moribus. item urbibus. vide supra cap. XIV.

INFANS, PUER, PARVULUS pariter electos, seu fideles denotant ob eorum simplicitatem, candorem et innocentiam. Matth. XI. *Confiteor tibi pater . . . quia revelasti ea parvulis, κατεκάλυψας infantibus*. Dein rudes in doctrina fidei. Rom. II. 20. *Eruditorem insipientium, magistrum infantium* cet. confidis te esse. Infantium lactatio
meta-



metaphorice transfertur ad primitivam Christi Ecclesiam inter gentes conlectam, fotam, et conservatam. IC. XLIX. 23. *Et erunt reges nutritii tui, et reginae nutrices tuae.* Simili metaphora cap. LXVI. 11. 12. dulcissima Evangelij consolatio, quam in Ecclesia hauriunt credentes, cum infantium lactatione confertur. Nomina מְעוֹלָל, נֶפֶר *puer, parvulus* principibus et magistratibus tributa, fatuitatem, prudentiae iudiciiue privationem denotant. Eccl. X. 16. *Vae tibi, terra, cuius Rex puer est.* PUERITIA de populo intellecta, priora et antiquiora tempora significat. Jerem. III. 4. *Pater meus, dux נֶפֶרִי pueritiae meae tu es o Deus.* Vulg. *virginitatis meae.* Heic autem *pueritia* tempus egressionis ex Aegypto intelligitur, quo populus Israeliticus pueri instar a Deo informatus est, ac in terram promissam deductus. Pueritiae, seu adolescentiae aut iuventutis nomine, robur etiam spirituale significatur. Psal. CII. 5. *Renovabitur, ut aquilae, iuventus tua* vel iuxta hebr. *Renovabis te, sicut aquila, iuventute tua:* aquilae renovari dicuntur, quum post certam periodum temporis, veteres pennas abiiciunt, et induuntur novis. Heinc illud IC. XL. 31. hebr. *Ascendent* (i. e. succrescent) *pennae sicut aquilarum.* Insistendo autem literali sensui conformiter ad psalmi cit. materiam substratam, hic prodit sensus: *Renovabitur* scil. per eum, qui tot te beneficiis cumulat, o Israel! ut qui videbaris captivitatis calamitate pene consumtus, novis viribus velut pennis instruaris, et velut ad renovationem transeas aquilarum: quia aquila etiam in senectute sunt fortes; sic et restituet tibi vires iuventutis tuae in senecta. Unde illud graecorum: *Ἀετῶν γῆρας, κορυδαυ νεότης, aquilae senectus, alaudae iuventus.*



SPONSI et SPONSÆ vocibus coniunctio spiritualis Christum inter et Ecclesiam, piamque animam exprimitur. Ose. II. 19. *Sponsabo te mihi in sempiternum.* Deus If. LIV. 5. *Maritum Ecclesiae se vocat.* Vulg *qui dominabitur tui*: verbum בָּעֻלָּה et *dominari et maritum esse* significat. Heinc hebr. בְּעוּלָהּ *maritata* dicitur. Vide If. LXII. 4.

VIDUITAS populo vel urbi tributa eius desolationem indicat. If. XLVII. 9. *Venient tibi duo haec subito in die una: sterilitas et viduitas*, i. e. desolatio, vastatio. Vox eadem Ecclesiae adtributa afflictiones denotat. If. XLIV. 4. *Noli timere . . . quia obprobrii viduitatis tuae non recorderis amplius.*

PATER ob diversa adtributa varias efficit metaphoras. 1. Sumitur pro auctore cuiuscunque rei ob generationis et productionis opus. Gen. IV. 20. *Jabel dicitur pater habitantium in tentoriis et pastorum.* 2. Ob educationem filiorum pro doctore et magistro. Jud. XVII. 10. *Mane apud me, et esto mihi pater ac sacerdos.* Heinc filii prophetarum i. e. discipuli. 3. Ob gubernationem filiorum et rei domesticae pro principe, superiore. I. Reg. XXIV. 12. 4. Ob conversationem et coniunctionem cum filiis pro coniunctissima quaque re ponitur: idem est de אִמָּה Mater ac soror. Job. XVII. 14. *Putredini dixi: pater meus es: mater mea, et soror mea vermis*: i. e. corruptio mihi ac vermes, quibus mortuorum cadavera corroduntur, mihi coniunctissima et praesentissima sunt.

MATER fornicationum et abominationum terrae dicitur Babylon Apoc. XVII. 5. h. e. inventrix, confirmatrix, propagatrix et propugnatrix quarumvis idololatriarum, doctrinarum damnabilium, errorum scelerumque nefandorum,

rum, quae mysticae scordationes et abominationes maximae sunt coram Deo. Ezech. XXI. 21. bivium *mater* adpellatur, quia exinde duae viae tanquam duae filiae ex eadem matre oriuntur.

FILIUS tribuitur credentibus et fidelibus, ob mysticam regenerationem. Magistratus quoque et principes *fili* *excelsi* sive Dei adpellantur, quia in iudiciariae potestatis exercitio vices Dei apud homines gerunt. vide Psal. LXXXI. 6. Primogenitus, qui patri solet esse charissimus, pro re pretiosissima et charissima adcipitur. Exod. IV. 22. *Haec dicit Dominus: filius meus primogenitus Israel* i. e. charissimus.

ORPHANUS non semper significat illum, qui parentibus destitutus est, sed metaphorice hominem omni ope destitutum, spretum, abiectum et calamitatibus obpressum. Psal. hebr. X. 14. *Tibi derelictus est pauper, orphano tu eris adiutor*, i. e. tuae curae et protectioni est commissus.

FRATER pro simili ponitur. Job. XXX. 29. *Frater fui draconum et socius struthionum* i. e. similis fui quantum ad lamentabilem planctum.

Voces *Vir* et *frater eius* simul iunctae unius hominis ad alterum consociationem denotant. Gen. XXVI. 31. *Et surgentes mane* (Abimelech et Isaac) *iuraverunt* וְיָמְנוּ וְיָמְנוּ *vir fratri suo* i. e. alter alteri Vulg. *mutuo*. Eadem loquendi ratio ad quascumque alias res etiam traducitur, eaque significatur unius rei similis ad similem coniunctio et adplicatio. Exod. XXV. 20. *respiciantque se* (Cherubini) *vir fratrem suum* h. e. *mutuo*. Sic *mulier* et *soror eius* Exod. XXVI. 3. *Quinque cortinae sibi iungentur, mulier ad sororem suam* i. e. *mutuo*. Eodem sensu coniun-



guntur voces *vir ad socium suum, mulier et socia eius*. Jerem. XXIII. 35. cet.

Metaphorae a *gente* defumuntur. Sic CHANANAEUS, qui erat a populo Dei alienus sumitur pro extraneo aut impuro. Zach. XIV. 21. *Et non erit Chananaeus ultra in domo domini* i. e. alienigena Vulg. *et non erit mercator*; gens enim Chananaea ob maris viciniam, mereaturae et negotiationi dedita erat. Prov. XXXI. 24. *Sindonem fecit et vendidit, et cingulum tradidit Chananaeo* h. e. mercatori.

ARABS pro latrone, quia ab omni memoria gens Arabum latrociniis famosa extiterit. Jerem. III. 2. IDUMAEI, et MOABITAE hostes iudaeorum infensissimi, pro quibusvis Ecclesiae hostibus usurpantur. Vide If. XXV. 10. cet.

CHALDAEI pro astrologis et genethliacis. Dan. II. 2. quia gens illa erat astrologiae deditissima, in eaque praecipue excellebant sacerdotes Chaldaeorum. SODOMAE et GOMORRAE nomina tribuuntur contumaci et rebelli iudaeorum populo ob similem cum scelestis illis impietatem. If. I. 10. *Audite verbum Domini principes Sodomorum . . . populus Gomorrae*. Sic etiam civitas illa magna, in qua sedem figet antichristus Apoc. XI. 8. vocatur spiritualiter *Sodoma* et Aegyptus.

Ab actionibus hominum variis variae derivantur metaphorae.

EDERE VEL MANDUCARE pro consumere, perdere. Gen. XXXI. 15. *Nonne tanquam alienas reputavit nos (Laban pater noster) et vendidit, comeditque pretium nostrum*. Vide Psal. XIV. 4. et alibi. 2. Pro frui et commoda percipere; sicut quae eduntur, et delectationem et alimentum utile praestant: est autem delectatio et fruitio tum externa et
corpo-



corporalis, tum interna et spiritualis. Sic Prov. IX. 5. *Venite, comedite panem meum* i. e. verbum meum auscultate, ei que obtemperate. Jerem. XV. 16. *Inventi sunt sermones tui, et comedi eos* i. e. aequae mihi iucundi erant, ac cibus dulcis est comedenti: et sequitur: *factum est mihi verbum tuum in gaudium, et in laetitiam cordis mei.*

SITIRE, ESURIRE significat spiritualium bonorum ardens desiderium. Psal. XLI. 3. *Sitivit anima mea ad Deum fontem* (non fontem) *vivum.* Eadem verba de impiis usurpata in iis bonorum illorum absentiam et aeternam maledictionem notant. Il. LXV. 13. *Ecce servi mei comedent, et vos esurietis: ecce servi mei bibent, et vos sitietis.*

BIBERE, quia sitientibus iucundum est, adhibetur tum in *corporalibus*, quam *spiritualibus.* Jerem. II. 18. *Quid tibi vis in viis Aegypti, ut bibas aquam* שיחור Schibbor (Vulg. turbidam) *et quid tibi cum via Assyriorum, ut bibas aquam fluminis, Euphratis* scil. qui sic κατ' ἐξοχὴν adpellatur. Hoc est, quid tibi rei est cum Aegyptiis et Assyriis, ut auxilium eorum advoces. Heic Nilus adpellatur Schibbor a verbo hebr. שָׁחַר nigrescere, ob limum atrum agros foecundantem, quem secum volvit. Quare Vulg. vertit *aquam turbidam.* Paraphar. Chald. *Nunc ergo quid vobis contrahendo societatem cum Pharaone rege Aegyptiorum, ut proiciatis iterum mares vestros in amnem* (adludit ad oppressionem filiorum Israel in Aegypto) *Et quid vobis percutiendo foedus cum Assyria, ut transigrare faciat vos ultra Euphraten.* Vide supra hebraismos convivales cap. V. convivari idem est pacisci. Num. XXIII. 24. *Sanguinem occisorum biberunt*, plenam de hostibus victoriam reportare significat. Sumta metapho-



ra a leone et leaena, de quibus in hoc versu, qui sanguinem bestiarum, quas dilaniant, exfugunt.

Prov. XXVI. 6. *Rapinam seu violentiam bibit* (Vulg. *iniquitatem*) significat pocnam violentiae sive iniquitatis luere. *Bibere* etiam significat alicui rei assuefieri: heinc phrascs: *bibere iniquitatem quasi aquam*, *bibere subsannationem*, qui facile alios subsannat, obloquitur, iisque insultat. Huc etiam pertinent illa Apoc. XVIII. 3. ubi de vino irae sive veneni h. c. *venenato fornicationis Babylonis magnae omnes gentes bibisse* dicuntur.

INEBRIARI quandoque significat impleri bonis, abundare gaudio, ea quae delectant, cumulativè habere cet. ebrii enim et saturi sunt et laeti. Psal. XXXV. 9. *Inebriantur* (i. e. fatiabantur, replebuntur copiosissime omnibus gaudiis) *ab ubertate domus tuae*. Ubertas domus est optimum, quod habet quis domi suae: sic *pinguedo domus Dei*; per *domum Dei* intelligitur Ecclesia triumphans, quia ibi Deus ceu paterfamilias in domo sua familiariter cum beatis conversatur. Econtrario idem verbum calamitatibus obrui interdum significat. Is. LI. 21. *idcirco audi hoc, paupercula et ebria, sed non a vino*: sicut enim ebrius confusae mentis est, et nescit, quid faciat; sic qui in angustiis constitutus est, quo se vertat, quidve consilii capiat, ignorat.

GENERARE, PARERE de quavis rei productione et eventu adciuntur. Job. XXXVIII. 28. *Quis est pluviae pater, vel quis genuit stillas roris*. Unde vox מוליד *generationes* significat eventus, res gestas, historias cct. Gen. II. 4. *Isae sunt generationes coeli et terrae*. h. e. historia creationis coeli et terrae. Eadem metaphora tribuitur Deo propter gratiam regenerationis spiritualis; item
Eccle-

*Ecclesiae, quae mater est spiritualis credentium; dein
verbi Dei ministris: ego vos per Evangelium genui.*

AMBULARE, *abire, incedere, ingredi*, et si quae sunt huiusmodi, in aliqua re significat studere, sectari, sequi et universim occupari aliqua re; unde *abire in consilio*, est sequi consilium i. e. decretum mentis, institutum, modum agendi seu vivendi. In Levitico monet Deus, ne Israelitae ambulent in legitimis chananaeorum h. e. ne sequerentur mores eorum: sic in Actis Paulus quacsivisse dicitur ad necem; *si quos invenisset huius viae viros*. Phrasis huius origo est, quod hebraei vitam comparent viae seu itineri, sicut et latini faciunt dicendo: *curriculum vitae*. Psal. I. 1. *Beatus vir, qui non abiit in consilio impiorum*, h. e. qui vitam suam non composuit secundum consilium, morem agendi impiorum, aut qui eorum consiliis non acquievit.

Idem verbum significat etiam mori. Gen. XV. 2. *Ego vadam absque liberis* i. e. moriar. Econtrario *manere* pro vivere usurpatur. Joan. XXI. 22. *εὰν σὶ εὖμ ὡλοῖ μανερει, ὡνεκ ὡνιαι, κῡιδ ἀδ τε?* h. e. si eum volo vivere, sive superstitem esse. Vulg. sic vitio liberariorum; omnes enim codices graeci ferunt *εὰν σὶ*.

STARE pro feliciter se habere seu bona conditione esse. I. Reg. XXIV. 21. וְיָמֶיךָ לְךָ. LXX. καὶ σταθῇσεται et *stabit regnum in manu tua* h. e. firmum et diuturnum crit. 2. firmiter credere seu in fide perseverare. Exod. XIV. 13. *Nolite timere, state, et videte magnalia Dei* h. e. firmiter credite. Sic de peccato usurpatum, in eo perseverare denotat. Psal. I. *Et in via peccatorum non stetit*: stare in via peccatorum est probare genus impium, et studia peccatorum, insistere huic vitae generi. 3. Deut.



XIX. 15. *in ore duorum vel trium testium stabit omne verbum* i. e. confirmabitur, ratum habebitur.

SEDERE quietem et stabilem esse significat. Gen. XLIX. 24. *sedit in forti arcus eius* (Josephi) i. e. arcus eius perseveravit stabilis et fortis; pergit enim in metaphora Jacob, qui Josephum et fratres eius inducit tanquam praelium committentes, seque invicem sagittis petentes. Josephum autem in eo praelio superiorem facit, q. d. sagittis quidem suis petiverunt eum fratres eius, sed ipse sagittando fortior fuit, et superior evasit.

CADERE significat 1. peccare Jerem. VIII. 4. 2. Calamitatibus obrui. Prov. XXIV. 16. *Septies enim cadet iustus et resurget: septies i. e. saepius numerus determinatus pro indeterminato: agitur heic de lapsu in calamitates, non in peccatum: quia sic nescitur hic sensus cum sensu genuino v. praeced. q. d. Ne per insidias quidquam struas iustis, licet enim aliquando praedomineris, eosque adversis deprimas, non tamen obrimes: resurgent enim, et ex iis, Deo dante, emergent: at tu contra tuique similes, quum semel lapsi fueritis in calamitatem, poenamque a Deo paratam, non adicies, ut resurgatis. Dein hebraecum כָּדָה cadere, dum obponitur alteri קָם surgere, nunquam significat cadere in peccatum, sed in calamitatem: Extat quoque apud hebraeos proverbium simile: septem foveae pacifico struuntur, quas evadit; at una operanti malum sufficit, ut pereat.*

ABBREVIARE (קָצַץ) de manu Dei usurpatum, impotentiam, et imminutionem notat, et semper negative adcipitur. Num. XI. v. 23. *Numquid manus Domini abbreviata est?* Vulg. *invalida est?* sumta est metaphora a nervorum laesione, quae saepe in causa est, quare manus

nus et brachia contrahantur, sicque fiant inutilia. Vide etiam If. L. 2. At verbum istud homini tributum, semper affirmative exponendum est. Vide IV. Reg. XIX. 26. Idem verbum de anima sive spiritu hominis adceptum, eius contristationem, tedium, et afflictionem denotat. Num. XXI. 4. *Et abbreviata est anima populi huius in via* Vulg. *et taedere coepit populum itineris ac laboris.*

ADCIPERE (לָקַח) discere et intelligere doctrinam significat. Job. XXII. 22. *Adcipe ex ore illius (Dei) legem* i. e. discce. Vide Prov. I. 3. cct. Inde לָקַח adceptio pro doctrina Job. XI. 4. Vice versa dare pro docere sumitur. Prov. IX. 9. לֵךְ לְחָכָם יָדָע doce sapientem et sapientior erit. Hanc esse eo loci verbi לָקַח significationem, liquet ex hemistichio sequenti: *doce iustum, et festinabit adipere.*

ACUERE ponitur pro informare, diligenter inculcare, erudire. Gen. IV. 22. *Sella genuit Tubalcain, qui fuit לוֹטֵשׁ acuens* (h. e. erudiens) *artificem aeris et ferri.* Hic etiam respicitur ad fabros ferrarios, qui ferrum acuunt, i. e. poliunt. Hoc verbum ad oculos relatum, terribiliter intueri significat. Job. XVI. 9. *Hostis meus יִלְטֹשׁ acuit oculos suos in me* Vulg. *terribilibus oculis me intuitus est.*

AEDIFICARE significat I. liberos procreare, ex quibus familia instar domus aedificatur. Gen. XVI. 2. *Ingrederere ad ancillam meam, fortasse אֶבְנֶה aedificabor ex illa* Vulg. *si forte saltem ex illa suscipiam liberos.* Idem significat *aedificare domum*, qua etiam innuitur specialis Dei benedictio. Exod. I. 21. *Aedificavit eis (obstetricibus) domos.*



2. Instaurare, exaltare, et prosperum reddere. Job. XXII. 23. *Si reversus fueris ad Omnipotentem, aedificaberis* h. e. in pristinum felicem statum restitueris, aut sicut prius, prole ditaberis. Quo sensu *destruere* quandoque ipsi obponitur. Psal. XXVII. 5. *Destrues illos, et non aedificabis eos.* 3. Stabilem efficere et confirmare instar domus bene fundatae. Psal. LXXXVIII. 3. *In aeternum aedificabitur misericordia in coelis* h. e. firma erit et stabilis sicut coeli, qui solidissimi sunt. Econtrario *aedificare* per antiphrasin *destruere* significat. I. Cor. VIII. 10. *si enim quis viderit eum, qui habet scientiam, in idolio recumbentem; nonne conscientia eius, quum sit infirma, aedificabitur ad manducandum idolothyta?* h. e. laedetur, seducetur, destruetur, ut etiam idolothyta manducet.

BELLARE, MILITARE, PUGNARE significat ad cultum divinum turmatim convenire. Exod. XXXVIII. 8. *Fecit (Beseleel) et labrum aeneum cum basi sua, ex speculis הַצִּבְאוֹת אֲשֶׁר צִבְאוּ* militantium (mulierum) quae militabant ad ostium tabernaculi h. e. quae turmatim ad ostium tabernaculi conveniebant. Vulg. quae excubabant. Tribuitur eadem vox Levitis et sacerdotibus. Num. IV. 23. *Numera omnes (Levitas) qui ingrediuntur לְצִבְאָה צִבְאָה* ad militandum militiam h. e. ad peragendum sacrum ministerium ad sacerdotio fungendum. Levitae enim in loco sancto ministrantes erant instar militum exercitia militaria obeuntium. Huc pertinet

EXERCITUS, MILITIA, quibus tempus certum et determinatum significatur. Job. VII. 1. *Nonne צִבְאָה militiam sive exercitus est homini super terram* h. e. nonne certum spatium temporis praescriptum est homini super terram? nonne sicut mercenarii dies eius? h. e. sicut mercenarius

narius ad certum tempus conducitur, et postea mercedem laboris recipit: ita homo, postquam certo tempore vixit, moritur, et miseriis eius finis imponitur. Isthæc metaphora a vita et ritu militari desumpta est; nam milites, postquam certo temporis spatio meruerunt, exauctorantur. Vide supra cap. VI.

CASTRA METARI dicitur de Angelis bonis pios defendentibus. Psal. XXXIV. 8. *הַמַּלְאָכִים* *castra metatur angelus Domini in circuitu timentium eum.* Vulg. *Immittet* (supple se i. e. locabit aut ponet se) *angelus Domini in circuitu cet.* In circuitu immittere est cingere, munire, protegere. Non videtur heic interpretis graecam vocem *παραβλάσσει* satis adsequutus, quum ea non modo LXX. in pluribus locis, sed et alii interpretes graeci pro *castra metari* utantur; deducta est significatio a nomine *παραβόλη* *castra exercitus.* 2. dicitur de die ad vesperam inclinante: Jud. XIX. 9. *Confidera diem הַיּוֹם* *castrametari cet.* Vulg. *quod dies propinquat ad vesperam*, quo sol residere nobis videtur.

LIGARE pro abscondere dicitur Is. VIII. 16. *Liga testimonium, signa legem in discipulis meis* h. e. testimonium istud et legem hanc sive doctrinam populo huic pervicaci et obdurato absconde, discipulis meis, i. e. fidelibus piis revelanda. Confer. Matth. XI. 25. Porro sumta est metaphora a notariis, qui postquam in tabulis res secretas scripserant, tabulas illas lino involutas obsignabant.

MERCARI, EMERE i. e. toto animo intentum esse significat. Prov. XXIII. 23. *Veritatem eme, et noli vendere sapientiam*, i. e. veritatis cognitionem diligenter quaere et sapientiam retinete; seu nihil veritati et sapientiae praeponas: quod enim vendimus, eo, quo vendimus, minoris aestimamus. Metaphora, ut liquet, a mercatori-



toribus defumitur, qui, ut merces comparent, longissima et periculosissima itinera suscipiunt, pecuniam impendunt. cet. sic, ut veritas, sapientia, aliaeque divitiae spirituales comparentur, nihil intentatum relinqui debet. Huc pertinet phrasis *tempus redimere*, Ephes. V. 16. *Redimentes tempus, quoniam dies mali sunt* h. e. omni studio et pretio, voluptatum et rerum quorumvis dispendio tempus ad bene agendum captantes, dies enim bonum faciendi occasionem vel adimunt vel minuunt vel periculo exponunt, ob eam, quae adversus vos viget, persecutionem, idcoque mali sunt.

NEGOTIARI pro callide decipere, et perdere accipitur; mercatoribus enim fraudes et doli familiares sunt. II. Pet. II. 3. *Et in avaritia fictis verbis de vobis negotiabantur* magistri mendaces; qui v. 1. commemorantur.

PROICERE ANIMAM SUAM PROCUL, extremum mortis periculum adire significat. Jud. IX. 17. *Et proiecit (Jerobaal) animam suam procul*, h. e. animam suam dedit periculis, ut vertit Vulg. Sic *animam suam ad moriendum probris adficere*, sive probrose exponere. Item *animam suam in manu ponere*. Psal. CXVIII. 109. *Anima mea in manibus meis semper* i. e. ego sum semper in periculis vitae, veluti si portarem vitam meam in manibus praedae expositam.

ADULTERARI, SCORTARI, quod idololatriam exercere et impietati addictum esse significat. Deus enim sibi spirituali foedere Ecclesiam coniunxit et veluti desponsavit. Si igitur Deo vero turpiter relicto ad idola confugiat, et a pietate desciscat; foederis quasi conjugalis obliviscitur, atque ita scortari in scripturis dicitur. Phrasis haec frequentissime occurrit.

FASCI-

FASCINARE, quod falsa doctrina seducere denotat. Gal. III. 1. O insensati Galatae! quis vos fascinavit non obedire Evangelio? sumta metaphora ab oculorum praestigiis; sequitur enim: *ante quorum oculos Christus Jesus praescriptus est, in vobis crucifixus.*

FURARI, quod clanculum dicere vel furari innuit. Gen. XXXI. 20. *Et furatus est Jacob cor Labanis Aramaei, eoquod non indicasset ei, quod fugeret* Vulg. *Noluitque Jacob confiteri socero suo, quod fugeret.* II. Reg. XV. 6. *furari cor* significat etiam dolis et malis artibus animum sibi conciliare. *Et furabatur Absolom cor virorum Israel.* Vulg. sollicitabat. Joan. X. 8. *Fures et latrones* vocat Christus, quotquot ante eum venerunt, quibus intelligit pseudo-prophetas, Pontifices, Sacerdotes, Phariseos cet. qui falsa doctrina animabus, quasi latrones, mortem aeternam inferebant, abducendo a Christo, qui verum est ostium.

PRAEDARI, quod decipere, et cognitione salutis abducere denotat. Colofs. II. 8. *Videte, ne quis vos decipiat* ο συλαγωγῶν *praedetur per philosophiam* cet. Vulg. optime decipiat.

§. XVIII.

Metaphorae aliae ad hominem spectantes.

In hoc capite inquiramus ea, quae tum ad loci dimensionem, tum ad habitationes hominum spectant. Ad dimensionem loci spectat

ALTITUDO metaphorice significat rem abstrusam et difficilem. Prov. XXIV. 7. *Excelsa sive alta (est) stulto sapientia* i. e. non potest stultus ad sapientiam pertingere.

2. Men-



2. Mentis in varias sollicitudines, perplexitates, distractio-
nem. Luc. XII. 29. *Et vos nolite quaerere, quid manducetis,*
aut quid bibatis, καὶ μὴ μετρωρίζεσθε et nolite in sublime tol-
li i. e. ut interpretatur Syrus: *neque distrabatur cogitatio*
vestra in istis. Sic Thucyd. I. II. *Tota Graecia μετρώρος su-*
spenfa, anceps erat. Metaphora autem defumitur ab iis, quae
in aere suspensa, modo huc, modo illuc inclinant. Heinc
latinorum phraſes: *animi pendere, dubio, suspensio animo eſſe.*

A corpore ex alto decidente elegans metaphora
deducitur. Gen. XLIII. 18. *Introducti ſumus, ut devolvat*
ſe (Jofeph) ſuper nos, et ut irruat ſuper nos, et ut adci-
piat nos in ſervos. Vulg. *ut devolvat in nos calumniam.*
Vocem *calumniam* ſenſus planioris efficiendi gratia addi-
dit. Ratio autem metaphorae in eo poſita eſt, quod,
quo graviora et altiora ſunt corpora, eo graviori im-
petu decidunt, idque dignitatem ac potentiam Joſephi
mirum in modum exprimit. Dicitur Deus populum
ſuum *ſuper excelsam terram conſtituiſſe*, quo divina eius
tum protectio, tum deſenſio et exaltatio innuitur. Sic
If. XXXIII. 16. *In excelsis habitare dicitur juſtus, pro ſe-*
curum eſſe ab hoſtibus, et Dei patrocínio frui; loca
enim altiora tutiora ſunt infimis. Pſal. XIV. 1. *Levare*
animam ad Deum, fiduciam in eo ponere, et eius opem
implorare ſignificat. Pſal. CXLIX. 6. *Exaltationes Dei*
in gutture ſeu faucibus piorum eſſe dicuntur, h. e. laudes,
encomia et gratiarum actiones, quibus excelsus praedi-
catur Deus.

DEXTERA ſeu DEXTERUM LATUS prudentiam, cir-
cumſpectionem cet. denotat. Econtrario *ſiniſtra* ſeu *ſini-*
ſtrum latus, imprudentiam, temeritatem innuit. Eccl.
X. 2. *Cor ſapientis in dextera eius, et cor ſtulti in ſiniſtra*
eius, h. e. ſapiens prudentiam, ſtultus autem impruden-
tiam



tiam cogitat: scriptura enim cogitationem cordi, adfectum vero renibus tribuit.

DILATARE vide supra §. iv. Paulo aliter haec vox adcipitur ab Apostolo II. Cor. VI. 11. *Cor nostrum dilatatum est.* v. 12. *Non angustiamini in nobis.* v. 13. *Dilatamini et vos*, q. d. Unus ego vos omnes in corde meo capio i. e. amore complector; vicissim et nos capiatis o Corinthii. *Latitudo cordis* quandoque in bonam partem sumitur; quandoque in malam. *In bonam*, tunc sapientiae et virtutis amplitudinem denotat. III. Reg. IV. 29. *Dedit quoque Deus sapientiam Salomoni . . . et latitudinem cordis* i. e. magnanimitatem ad res, quas prudentia fugerebat, adgrediendas.

In malam; tunc superbiam et audaciam significat. Prov. XXI. 4. *Exaltatio oculorum est dilatio cordis.* i. e. oculorum elatio ex tumore cordis proficiscitur. I. Reg. II. 1. *Dilatari os* dicitur, quum sermo libere et cum gaudio profertur. *Dilatatum est os meum super inimicos meos* i. e. habeo nunc; quod reponam inimicis meis; qui sterilitatis meae obprobrium mihi obiciebantur; libere nunc eos adloquar cet. Psal. LXXXI. 11. *Dilata os tuum; et implebo illud*: pete; quae tibi sunt necessaria: innuitur magna petitio ex parte postulantis; et magna donatio ex parte Dei concedentis. Sumta est metaphora ab avibus vel infantibus, qui matre porrigente cibum os aperiunt, ut porrectum alimentum percipiant. Psal. CXVIII. 131. *Os meum aperui et adtraxi spiritum* i. e. aerem: figurata loquendi formula, quae significare vult; se prae legis desiderio os veluti aperire et aerem adtrahere; hic enim est gestus hominum avidissime aliquid expetentium, maxime famelicorum, dum offertur cibus: Impii



quoque *os suum dilatare* dicuntur, quo petulans eorum adversus pios insultatio exprimitur. *Animam dilatare* Habac. II. 5. est avaritia et *πλεονεξία* maxima laborare. Loquutio eadem de inferno usurpatur If. V. 14.

Quod spectat ad habitationes hominum, considerandae sunt earum *partes* et *species*. Partes sunt

FUNDAMENTUM praecipua aedificii pars, et cui tota moles supraedificata incumbit: significat 1. Christum, qui est Ecclesiae, et spiritualis eius aedificii fundamentum. If. XXVIII. 16. 2. ob firmitatem et stabilitatem de terra usurpatur. Job. XXXVIII. 4. *Ubi eras, quando ponebam fundamenta terrae.* Psal. CIII. 5. *Fundavit terram super stabilitatem suam* hebr. super columnas seu bases eius, quibus terra immobiliter nititur. Terrae enim bases quasdam et columnas ceu fundamenta adtributa fuisse ex variis s. scripturae locis patet. If. XL. 22. Jerem. XXXI. 28. Hinc *fundare* pro *confirmare* sumitur If. XIV. 32. *Quia Dominus fundavit Sion.* 3. Fundamentum, quod primum est in exstructione, et ultimum in destructione, ordinem denotat; indeque pro initio, respectu temporis, sumitur. I. Esd. VII. 9. *Quia in die primo, mensis primi, ipse (Esdras) fuit fundamentum ascensus* sive coepit ascendere de Babylone.

PARIES vocatur a Paulo Eph. II. 14. Lex Mosáica, quae iudaeos custodiebat, et a gentibus separabat. *Ipsae enim Christus pax nostra, qui fecit utraque unum* (nempe iudaeos et gentiles) *et medium parietem maceriae solvens, inimicitias in carne sua* (i. corporis sui sacrificio) *solvit.* Aët. XXIII. 3. Paulus summum Pontificem vocat *parietem dealbatum* h. e. hypocritam.

MURUS



MURUS roboris et defensionis signum est et vice versa: *ruptura muri*, robur ablatum et defensionem ablatam denotat. Ezech. XIII. 5. *Non ascendistis* (o falsi prophetae בִּפְרָצִית in fracturas sive rupturas (muri) et non non obposuistis murum pro domo Israel h. e. monitis, precibus cet. periculis non obstitistis, quae per vestram legis violationem; quasi per muri fracturam in Dei populum instar hostium irruerunt. Haec metaphora a re castrensi desumpta est; quum enim in obsidione urbis rumpuntur muri, milites, qui eam custodiunt, turmatim illuc se conferunt, ut hostem, quo minus per rupturam illam ascendat, impedian, et obiectis corporibus claudunt. Huc pertinet Psal. CV. 23. *Et dixit* (h. e. decrevit Deus) *ut disperderet eos* (Israelitas) *si non Moyses electus eius stetisset* בִּפְרָץ in ruptura (Vulg. in confractio-
ne) in conspectu eius, ut averteret iram eius, cet. nisi Moyses precibus suis furori Dei se fortiter obiecisset, ac Deum veluti repulisset. Stare itaque in confractio-
ne seu ruptura significat intercedere seu interpellare pro aliquo. Huc etiam pertinet maceria, sive sepes, quae ab hostibus tutelam significat. I. Esd. IX. 9. *Inclinavit super nos misericordiam suam* (Deus) *ut daret nobis sepem in Iuda et Ierusalem*; h. e. ut nos ab hostibus nostris tutaretur. Econtrario *rumpere sepem* seu *maceriam*, est hostibus tradere cec.

GRADUS, quo ascenditur in aedificum, pro donorum spiritualium augmento adcipitur. I. Timoth. III. 13. *qui bene ministraverint, gradum bonum sibi acquirant*, h. e. in dies ex dono Dei augentis proficient, et altius quasi adsurgent.



COLUMNA, quia totam molem domus ei incumbentem sustinet, constantiam, firmitatem, perennitatemque denotat. Jerem. I. 18. *Ego dēdi te hodie in civitatem munitam, et columnam aeream.*

ANGULUS, quia extremitas aedificii est, pro aliarum rerum extremitate adcipitur. Inde verbum hebraicum in hiphil *אַנְגָּלָה* *angularare*, si fas est ita loqui, et in fut. *אֲנַאֲגֵלָה* Deut. XXXII. 26. *angularabo eos* i. in angulos sive extremitates terrae profligabo eos. Vulg. *Ubinam sunt?* legebat voce hebraica in tres partes divisa *אֲנִי-אֲנִי-אֲנִי* *etiam ubi sunt ipsi?* 2. Agri et regionis partem. Lev. XIX. 9. *Quam messueris segetes terrae tuae, non absolves angulum agri tui* h. e. Angulum indemessum relinques. Angulus autem iste ex moribus iudaeorum erat pars sexagesima, quae pauperibus et peregrinis relinquenda erat. 3. Principem, Regem, magnatem, qui anguli instar regni aedificium continet. Jud. XX. 2. *omnesque anguli populorum . . . in Ecclesiam populi Dei convenerunt*, i. e. primores, magnates, procures, qui reipublicae molem fulciunt, sicut anguli aedificium sustinent. Inde est adpellatio lapidis *angularis*. Obscurus demum locus habetur II. III. 17. *et Dominus אֲנַאֲגֵלָה angulum ipsarum nutabit*, pro *אֲנַאֲגֵלָה* cum adfixo anomalo, loco *אֲנַאֲגֵלָה*. LXX. Vatic. *τὸ χῶμα αὐτῶν habitum earum*. Complut. *ἀγχίνωμα αὐτῶν ignominiam seu pudendum ipsarum*, atque ita explicant plerique interpretes. Vulg. *crinem earum* h. e. capillorum cicinnos, qui in frontem decidunt.

CLAVUS, PAXILLUS, quia bene infixus locum suum, et res sibi adnexas retinet, significat sedem certam ac fixam.

fixam. I. Esd. IX. 8. *Et nunc . . . facta est deprecatio nostra apud Dominum Deum nostrum . . . ut daretur nobis paxillus in loco eius i. e. sedes fixa. Vide supra cap. I.*

JANUA, OSTIUM, PORTA metaphorice adcipitur de iis, quae vices eius sive in *materialibus*, sive in *spiritualibus* praestant. In materialibus usurpatur de urbe populosa, per quam veluti per ianuam mercatores ex omnibus populis ingrediuntur et egrediuntur. Ezech. XXVI. 2. *Pro eo, quod dixit Tyrus de Jerusalem: Euge, euge, confractae sunt portae populorum* h. e. Jerusalem everſa est. Heic etiam portae pro urbe ipsa per synecdochen possunt adipl. 2. de labiis, quibus os clauditur et aperitur. Job. XLI. 5. *Portas vultus eius (Behemoth) quis aperiet?* h. e. labia eius. Psal. CXL. 3. *Pone Domine custodiam ori meo, et ostium circumstantiae labiis meis* i. e. sepi ostium labiorum meorum. 3. De nubibus, ex quibus decidit manna in deserto. Psal. LXXVII. 22. *Et ianuas coeli aperuit, et pluit illis manna.* Dicitur autem Deus ianuas coeli aperire, quando benefacit. 4. de utero materno. Job. III. 10. *Quia non conclusit ostia ventris, qui portavit me.*

In spiritualibus ostii apertio verbi Dei praedicandi commoditatem denotat. Is. XXVI. 2. *Aperiet portas, et ingrediatur gens iusta. Porta coeli dicitur vel locus, in quo Deus praesentem et familiarem se exhibet; vel medium, quo ad coelestem beatitudinem pervenitur.* Gen. XXVII. 17. *Non est hic aliud nisi domus Dei et porta coeli.* Idem significat porta iustitiae, Psal. CXVII. 19. *Aperite mihi portas iustitiae* (h. e. templi vel tabernaculi) *ingressus in eas confitebor Domino.* Christus Dominus Joan. X. *ostium* se vocat, quia mediator est, per quem in ovile h. e. in Ecclesiam, et per hanc in vitam aeternam



introyre licet. Heinc scribae et pharisei *regnum coelorum claudere dicuntur*, quia homines a doctrina Christi avertabant. Matth. XXIV. 33. *prope esse in ianuis*, propinquitatem temporis denotat. *Portae mortis et sepulchri* sive *inferni* ipsam eius potentiam, regnum et imperium diaboli; sic Turcae, qui et ipsi Orientalibus phrasibus utuntur, suum imperium vocant *portam ottomannicam*. *Portae filiae Sion* sunt non solum ipsa civitas per synecdochen partis, sed totum imperium Ierosolymitanum. Ducta est metaphora ab urbium portis, in quibus iudicia et consultationes exercebantur, ad quae frequens erat populorum concursus unde in psalmis: *quum loquentur inimicis suis in porta*, h. e. in iudicio. *Portae* igitur sumuntur pro magistratu, seu portis iudicii, ut et illud: *Nobilis in portis vir eius*. *Portae mortis* sunt consilia et machinationes mortis; item extremum vitae discrimen et summa pericula. Job. XXXVIII. 17. *Nunquid apertae sunt tibi portae mortis, et ostia tenebrosa vidisti?* h. e. an rationes, aut varia mortis genera, quibus singuli conficiuntur, perspecta sunt tibi? Aut *portae mortis* heic idem importare videntur, quod *ostia tenebrosa*, loca, scil. densa caligine obducta et abditissima, q. d. Num intimos terrae recessus, ut ego, scrutatus es? *Portae inferi*, quae *adversus Ecclesiam non praevalerunt*, significant consilia, machinationes, et potestatem diaboli, eiusque ministrorum, haeticorum videlicet et tyrannorum. Matth. VII. 7. Luc. XI. 9. *pulsare ianuam* gratiae credentes iubentur h. e. instanter orare. Et vicissim Christus *pulsare ianuam cordis nostri* dicitur, quum ad poenitentiam internis inspirationibus invitat.

VECTIS, quo fores civitatis, aut domus obsirman-
tur, mari etiam tribuitur, et praeterea omne rei munimen-
mentum

mentum et robur indicat. Job. XXXVIII. 10. *Circumde- di illud (mare) terminis meis, et posui veſtem et oſtia h. e. repagula et fores, quibus concluderetur.*

CLAVIS, qua ianua referatur, auctoritatem, et po- testatem gubernationis indicat. If. XXII. 22. *Et dabo cla- vem domus David ſuper humerum eius cet. i. e. ſumma au- ctoritate pollebit.* Apocal. I. Christo *claves inferni et mortis* tribuuntur, quibus ſummum eius imperium expri- mitur. Luc. XI. 52. *Clavis ſcientiae* poteſtatem docendi et interpretandi ſcripturas denotat. Matth. XVI. 19. *Claves regni coelorum* potentiam remittendi et retinendi peccata ſignificat.

CIVITAS, URBS denotat Eccleſiam tum militantem, tum triumphantem. If. XXVI. 1. *Urbs fortitudinis nobis (eſt; nam) ſalus ſive ſalvator ponet murum et antemurale ita ut adverſus eam portae inferi non praevaliturae ſint.* Vulg. *Urbs fortitudinis noſtrae Sion.* Vocem Sion addi- dit, quia revera de Jeruſalem Eccleſiae typo heic agi- tur. Specialis loquutio habetur apud Eccleſiaſten X. 15. *labor ſtultorum adfliget eum* (h. e. unumquemque illorum) *quod neſciat ire in civitatem.* Hoc plerisque proverbium eſt, pro rem notiſſimam ignorare. Torquent ſe ſtulti mul- to labore circa difficilia et homini abſcondita, qui ta- men facilia et pueris nota ignorant. Urbium munitio- nes denotant arma, in quibus confidunt Eccleſiae ho- ſtes, qualia ſunt carnalis ſapientia, profana eruditio, eloquentia cet. II. Cor. X. 4. *Arma militiae noſtrae non carnalia ſunt, ſed potentia Dei, ad deſtructionem munitiorum* cet. ad confundendam carnalem ſapientiam.

TURRES ob celſitudinem, reges, principes, magna- tes, ſuperbos indicant. If. II. 12. *Quia dies Domini exer- cituum &c. 15. ſuper omnem turrim excelsam.*



DOMUS, TABERNACULUM Ecclesiam militantem et triumphantem significat. Amos IX. 11. *Tabernaculum David instauratum adumbrat etiam purum Dei cultum rursus instauratum.* In die illa suscitabo Tabernaculum David, quod cecidit, et reaedificabo aperturas murarum eius . . . et reaedificabo illud sicut in diebus antiquis, Davidis nempe et Salomonis, quorum aetate pura vigeat religio. Vide Aët. XV. 16. ubi vaticinium illud ad Christi tempora a S. Jacobo cœterisque Apostolis refertur. Praeterea *tabernaculum* de solis in coelo mansionem sive constitutionem usurpatur. Psal. XVIII. hebr. XIX. 5. לְהָאֱלֹהִים שָׁמַיְלָא לְהָאֱלֹהִים שָׁמַיְלָא soli posuit tabernaculum in eis (coelis Vulg.) In sole posuit tabernaculum suum: Haec constructio in lingua latina absfona adparet; at qui intelligit naturam linguae hebraicae, facile adsequetur sensum, vid. *solem posuit in coelis*, solem in coelis habitare fecit. Eundem sensum habent graeca iuxta idioma Hellenisticum intellecta: ἐν τῷ ἡλίῳ ὅθιστο σκάνωμα ἐν αὐτοῖς (οὐρανοῖς) Nam graecis infrequens non est dativum per τὸ ἐν exprimere. Εμπιστεύσατε ἐν προφήταις credite prophetis eius. Dein τὸ αὐτοῦ saepius in LXX. pro adverbio loci ponitur. Aët. XVIII. 19. *reliquit eos αὐτοῦ ibi*; sic et supra: *soli posuit tabernaculum ibi*. Insistendo autem Vulgatae hic est sensus: Deus in sole dicitur constitui tabernaculum ob speciatissimas operationes lucis, caloris, vegetationis, stabilitis et uniformis motus. Vox eadem de corpore humano adcipitur II. Pet. I. 14. *Certus, quia velox est depositio tabernaculi mei* cet. h. e. quod brevi moriturus sum, Anima enim in corpore quasi in tabernaculo ad tempus habitat, donec ex eo migrare in morte iubeatur.

PENETRALIA seu INTERIORA AUSTRI stellae sunt versus polum Antarcticum, quae sic dicuntur, quod iis, qui

qui in altero hemisphaerio degunt, non adpareant, quasi in penetralibus concluderentur. Job. IX. 9. *Qui (Deus) facit Acturum et Oriona et Hyadas et interiora Austr.* Prov. VII. 27. *Penetralia seu interiora mortis mortem aeternam, ex qua nemo revocari potest, denotant.* Is. XXVI. 20. *Penetralia vel cubicula populi Dei sepulchra sunt, e quibus educentur mortui in extremo iudicio.*

CARCER et in eum inclusio, aeterna impiorum sub-
plicita denotat. Is. XXIV. 21. Vulg. *In die illa (extremi iudicii) visitabit Dominus super militiam coeli in excelsa* (h. e. super angelos malos, qui una cum hominibus, iudicandi sunt I. Cor. VI. 3.) *et super reges terrae, qui sunt super terram, quique magis punientur, quam eorum subditi, quos in officio continere debebant)* v. 22. *Et congregantur congregatione unius fascis in lacum (proiiciendi) et claudentur in carcere, et post dies multos visitabuntur, i. e. in aeternum punientur; visitare enim, ut supra monuimus, punire etiam significat; et multitudo dierum per synecdoches speciem heic pro aeternitate ponitur, ut alibi dies pro annis usurpantur.* Vice versa *eductio de carcere* sive *custodia*, ex malis et periculis liberationem significat. Psal. CXLI. 8. *Educ de custodia animam meam* i. e. e periculis et angustiis eripe me.

NAVIS Ecclesiae hostes denotat. Is. XXXIII. 21. Hebr. *Quia ibi (in Sione Ecclesiae typo) potens Dominus (erit) nobis loco fluviorum et rivorum spatiosorum manibus* (h. e. rivorum latissimorum, qui equitibus pedibusque adcessum negabunt) *neque transibit per eum (fluvium aut rivum) navis remi* (i. e. remis impulsam) *neque navis magnifica* (h. e. navis maxima) *pertransibit eum, adeo rapidus erit et navibus impervius.* Haec metaphora indicatur

X §

Christ



Christi Ecclesiam ita a Deo fore protegendam, ut nunquam portae inferi adversus eam praevaliturae sint. I. Tim. I. 19. *Naufragium facere circa fidem* ab ea per apostasiam et vitae improbitatem desciscere significat.

SEPULCHRUM corporis post mortem domicilium pessimam hominis naturam exprimit. Psal. V. 10. *sepulchrum patens est guttur eorum*. Synchesis est, i. e. sensus ordo perturbatur, quum subiectum praedicato postponitur: lege sic: *guttur eorum sepulchrum patens est*: quemadmodum ergo ex sepulchro aperto odor teterrimus et pestilens egreditur; ita ex improborum corde per guttur eorum exeunt pessimi sermones, qui audientium animas enecant. Unde Matth. XXIII. Pharisei et scribae sepulchris dealbatis comparantur.

§. XIX.

Metaphorae a variis hominum adiunctis desumptae.

Adiuncta hominis alia sunt *in-alia externa*; de internis heinc inde iam dictum fuit. De externis scil. armis, vasis cet. agemus.

ARMA metaphorice sumpta ad spirituales hominis pugnam adversus diabolum, mundum et carnem referuntur. Rom. VI. 13. *Sed neque exhibeatis membra vestra arma iniquitatis pro peccato: sed exhibete . . . membra vestra arma iustitiae Deo*. h. e. ne exhibeatis membra vestra peccato ad certandum pro iniquitate; sed exhibete illa Deo ad pugnandum pro iustitia, contra carnis desideria, mundi inlecebras cet. Confer Eph. VI. 11. sqq. ubi spiritualis illius armaturae descriptionem elegantissimam videtis.



defis. Luc. XI. 21. *fortis armatus* Diabolus est, quem vicit Christus.

GLADIUS significat dolores acerbissimos Luc. II. 35. *Tuam ipsius animam pertransibit gladius* h. e. dolores acerbissimos patieris, Qua ratione tribuitur linguae maledicae. Psal. LIV. 22. *Molliti sunt* (hebr. *molles sunt*) *sermões eius super oleum, et ipsi sunt* פְּרִיזוֹת *stricti gladii.* Vulg. lat. *iacula* h. e. dolores acerbissimos adferunt. Vide supra cap. XXI, ad fin. Psal. LVI. 5. *fili hominum, dentes eorum arma et sagittae* cet. hebraismus pro *filiorum hominum dentes.*

ARCUS et SAGITTA, quae linguam maledicam itidem denotant. Vide supra cap. I. §. VI. Unde *sagittare* pro *detrahere.* *Sagitta in die volans* quodvis malum vel periculum subito ingruens significat. Psal. CX. 5.

PHARETRA sagittarum theca, quae domum sive familiam significat. Psal. CXXVI. 4. *Sicut sagittae in manu potentis, ita filii* הַנְּעוּרִים *iuventutum* S. Hieron. *iuventutis* h. e. in iuventute parentum geniti, vel qui ipsi iuvenes sunt, proindeque fortes et robusti. LXX. ἐνταρτινῶν excussorum, quod etiam significare potest vox hebraica נָעַר vide sup. cap. I. §. VI. *Beatus vir, qui implevit* אִשְׁפָּתוֹ Aq. Sym. Theod. φαρτέραν αὐτοῦ S. Hieron. *pharetram suam* i. e. domum suam *ex ipsis* filius iuvenibus ac robustis: *Non confundetur, quum loquetur inimicis suis porta;* quandoquidem causam ipsius agent in porta urbis, ubi iudicia olim exercebantur. Vel *non confundetur, quoniam perdet inimicos suos in porta;* דָּבַר enim et loqui et perdere significat. LXX, vocem אִשְׁפָּתוֹ ἐπιθυμίαν αὐτοῦ *desiderium suum* interpretati sunt, sensum dumtaxat adtendentes; *implere enim pharetram poetica loquutio est, pro tot habere, quot cupias.* CLYPEI



• CLYPEI et SCUTA Principes et magnatos: vide supra loc. cit. Ephes. VI. 16. *in omnibus sumentes scutum fidei . . .* i. e. armantes vos fide tanquam scuto. v. 17. *et galeam salutis adsumite* (h. e. spes et desiderium salutis aeternae consequandae sit vobis instar galeae) *et gladium spiritus* sive *spiritualem*, quod est *verbum Dei*, quod, si ad praxin deducatur, diabolum confodit.

CURRUS ISRAEL ET EQUITES (Vulg. *et auriga*) eius dicitur Elias IV. Reg. II, 12. et Eliseus cap. XIII, 14. h. e. vis et praecipuum robur, praesidium et columnen populi Israelitici fuerunt: metaphora inde desumpta a ritu militari, tunc enim in curribus falcatis et in equitibus situm erat praecipuum exercitus robur.

BACULUS, quia fulcrum est hominis infirmi, significat quodvis subsidium et auxilium. IV. Reg. XVIII. 21. *An speras in baculo arundineo atque confracto Aegypti?* Heinc *baculus panis*, *aquae* cet. pro ipso pane et aqua, quibus vita hominis fulcitur, vel pro ipsa vi alendi usurpatur. Ezech. V. 16. *conteram baculum panis*; vocat Psal. CIV. 16. *firmamentum panis* i. e. sustentatio vitae, Econtrario *baculus* tenuitatis et paupertatis symbolum est; sumpta metaphora ab iis, qui in bello capti, nudi et inermes solo cum baculo dimittuntur. Gen. XXXIII. 10. Dein quia *baculus* est instrumentum percussionis, tyrannidem, saevitiam, imperium durum significat. Is. XIV. 5. *Contrivit Dominus baculum impiorum, virgam dominantium.* Ubi autem *baculus* pro Rege, vel imperio ponitur, synecdoche est partis pro toto, nempe baculi pro sceptro, quod et ipsum per metonymiam signum est pro signato, nempe rege. Porro *baculus* pro tribu seu familia ponitur Num. II, 5.

CALCULUS ALBUS gloriam coelestem denotat Apoc. II. 17. *Vicenti dabo . . . calculum candidum, et in calculo nomen novum scriptum* cet. sumta est metaphora vel a more veterum, qui dies felices albis lapillis, infelices vero nigris notabant. Vel a lapillis albis, quibus utebantur iudices ad absolvendum, nigris vero ad condemnandum. Ovid. Lib. XV. Metam. 41. 42.

*Mos erat antiquis, niveis atrisque lapillis
His damnare reos, illis absolvere culpa.*

vel a *calculo albo*, quem βαβευται certaminum moderatores dabant victori, in quo et ipsius nomen, et praemium scripta erant.

CALIX, POCULUM vide supra cap. V.

CORONA ponitur pro anno. vide cap. VI. item pro quolibet ornamento et commodo. Prov. XVII. 6. *corona* (i. e. gloria) *semper filii filiorum, et gloria filiorum patres eorum.* Unde coronare pro ornare, beneficiis adficere et laetificare usurpatur. Psal. V. 13. *Ut scuto, bona voluntate coronabis eum* (iustum) sic Aq. στεφανώσεις αὐτόν S. Hier. *coronabis eum.* Coronare hic significat in modum coronae cingere, undique defendere et commu-
nare *). Tyrus quoque coronata dicitur Is. XXIII. 8. *quod sicut rex inter plurimam hominum multitudinem, ornatum*

*) LXX. ὡς ἐπὶ πλὴν εὐδοκίας ἐστεφανώσας ἡμᾶς ut armis bonae voluntatis coronasti nos. Vulg. *scuto bonae voluntatis tuae coronasti nos.* Vocem נָצַח quamvis in forma absoluta, in statu regiminis adiciebant, quod nonnumquam fieri ostenditur in syntaxi hebraica. Pronomen vero adfixum נָצַח tu tam eum, quam nos pro diversis punctis vocalibus praevis significat. Denique Vulg. Latin. post voces: *bonae voluntatis* addidit *tuae*; vel sensus complendi gratia, vel quia in suo codice graeco legebat εὐδοκίας σου.



tum diademate erigit caput; ita Tyrus fulgens et excelsa opibus, auroque et gemmis et serico ac purpura nitens regina sit in cunctis gentibus aestimata. S. Hieron. comment. in h. l. Specialissime de praemio coelesti seu vita aeterna adcipitur *corona*, quae fidelibus mundi, carnis et diaboli victoribus post hanc vitam tribuitur, sicut olim victores in certaminibus coronabantur.

THESAURUS non semper est res ipsa recondita, sed theca, scrinium, et huiusmodi iuxta illud: *apertis thesauris suis obtulerunt ei munera.* Sic Psal. XXXII. 7. *ponens thesauris abyssos.* Est synonymia praecedentis hemistichii: Deus congregat aquas maris velut in utre, Deus recondit abyssos velut in reconditorio, ita ut abyssi sint synonymum aquarum, thesauri sint synonyma utrium: itaque Deus per potentiam suam tanquam in utre conclusit aquas maris, easque velut in thesauris i. e. promtuariis continet, indeque, dum lubet, educit, ac terram inundat. Vide Psal. CXXXIV. 7. *Qui producit ventos de thesauris suis*, quo loquendi modo non solum occulta ventorum origo declaratur, verum etiam, quod Deus eos in potestate habeat, atque ubi, et quando vult, pro beneplacito suo laxet. Unde *thesaurizare* significat congerere, et accumulare.

FLAGELLUM significat adflictionem, damnum, plagam et calamitatem quamlibet. Jos. XXIII. 13. *scitote, quod Dominus Deus vestester non eas (gentes) deleat ante faciem vestram, sed erunt vobis in foveam et laqueum וַיִּשְׁחָקוּ וְיִתְּנוּ וְיִפְּלוּ וְיִשְׁחָקוּ וְיִתְּנוּ וְיִפְּלוּ et in flagellum lateribus vestris.*

MALLEUS *universae terrae* dicitur Rex Babylon, Jerem. L. 23. quod tunc temporis eo, tanquam malleo, ad conterenda regna Deus uteretur.

MENSU-

MENSURA, quia partem de integro cumulo decifam continet, ufurpatur 1. de diverfis donorum Spiritus S. portionibus, quae credentibus obveniunt. Rom XII. 3. *Unicuique, ficut Deus divifit menfuram fidei.* 2. Quia implenda eft menfura, quum aliquid cedit aut venditur alteri; ea tum *in bonum*, nempe de larga remuneratione in coelo a piis expectanda, ob beneficia proximo praefita, adcipitur. Vide Luc. VI. 38. tum *in malum* fcil. de improbitatis et peccatorum abundantia et termino, quo completo ultio divina et graviffima poena confequitur. Matth. XXIII. 32. *Et vos implete menfuram* (peccatorum) *patrum veftrorum.* Permiſſiva fimul et ironica Chrifti ad iudaeos loquutio; q. d. quod deeft patrum veftrorum crudelitati, hoc implete; illi prophetas occiderunt, vos eum, quem prophetae ptaedixerunt, occidite. Adagialis apud Hebraeos loquutio eft. Luc. VI. 38. *Eadem menfura, qua menſi eftis, remetietur et vobis.* Vide tr. Sanhedrin cap. II.

NOVACULA CONDUCTA vocatur Rex Babylonis II. VII. 20. quo Deus utitur ad omnia expilanda, exhaustiendi et diſperdenda in regno Iſraelis a ſummo ad imum, quod per *caput et pilos pedum et barbam* intelligitur. Novacula illa dicitur *conduſta*, quia Achaz magna mercede Aſſyrium ad ſubpetias ſibi contra Syros ferendas conduxerat. Per *novaculam* etiam lingua maledica et detractoria intelligitur. Pſal. LI. 4. *ficut novacula acuta feciſti dolum*; dolo tuo, occulte detrahendo, ſub ſpecie exornationis acerbiffime faucians, feciſti, ut omnes penitus ſacerdotes Nobe, eorumque parvuli exterminarentur: quemadmodum novacula penitus omnes etiam tenuiſſimi abraduntur pili.

OLIA



OLLA LOTIONIS five pollubrum dicitur Moab, quo despectus et abiectio denotatur. Psal. LIX. hebr. LX. 10. *Moab* מֹאָב קִיר רֶחֶץ S. Hieron. *Moab lebes lavacri mei*. LXX. et Vulg. *Moab olla spei meae*, respexerunt ad significatio- nem chaldaicam verbi רֶחֶץ, quod in hac dialecto, et forte etiam olim in hebraica *sperare*, *confidere* significat. Unde sensus est; spero et confido fore, at ditioni meae subiiciantur Moabitae, atque in infimam servitutem re- digantur, quasi essent olla, in qua pedes lavantur, aut fordes abluuntur, utar ipsis ad officia vilia pro meo li- bitu. Confer. II. Reg. VIII. 2. ubi David Moabitas per- cussisse, ac in servitutem redegeisse dicitur.

ONUS Lex Mosaica, quae durum et grave iugum erat. Item lex Christi, quae est *iugum suave*; suavitate chari- tatis, et *onus leve*. 2. Prophetiam significat; quā poe- nae a Deo inmittendae denuntiantur. Is. XIII. 1. *Onus Babylonis*, quod vidit Isaias, i. e. prophetia onerosa.

PERPENDICULUM, REGULA, FUNICULUS aedificationis recte peragendae instrumentum, metaphorice etiam de- structionem significat; architecti enim, quod perditum ac deiectum volunt, signant linea ad amissum sive regu- lam ducta. Hinc *funiculo metiri*, *funiculum extendere* cet. solo aequare significat. II. Reg. VIII. 2. *Et percussit* (David) *Moabitas*, et mensus est eos *funiculo*; codequans terrae. IV. Reg. XXI. 13. *Et extendens super Jerusalem funi- culum Samariae*, et pondus sive perpendiculum domus Achab; h. e. funditus evertam Jerusalem; sicut destruxi Sama- riam et domum Achab. Vox eadem de iustitia et iudi- cio Dei usurpata, eius veritatem et *ἀκριβείαν* denotat. Is. XVIII. 17. *Ponam in pondere iudicium et iustitiam in men- sura* h. e. iustitiam et iudicium certissime et accuratissi- me Messiae temporibus exercebo;

ROTA

ROTA moderatum ac prudentem sermonem significat. Prov. XXV. 11. *Malq sive poma aurea in lectis seu thecis argenteis verbum dictum* אֶפְנִי וְלִי *super rotas suas.* Vulg. *qui loquitur verbum in tempore suo.* Per lectos intelligit Menochius non eos, qui ad capiendam quietem comparati sunt, sed areolas, in quibus gemma, aut aliquid aliud pretiosum inseritur, cuiusmodi est pala in anulo, quae bene lectus adpellatur, quia in ea lapillus collocatur, et quodammodo quiescit: Alii intelligunt de lectis proprie dictis: at quidquid sit, nihil satis certi constat de voce hebraea מִשְׁכֵּית: hoc certum, significari heic aliquid mira varietate et pretiositate delectans. Sensus est: quemadmodum poma aurea thecis argenteis et undequaque perforatis inclusa, oculos mirum in modum delectant: ita sermo tempestive prolatus aures iucundissime demulcet. Rotarum metaphora ab auriga desumitur, qui pro locorum circumstantiis rotarum cursum industrie moderatur.

Vox eadem poenam Talionis inflictam notat. Prov. XX. 26. *Dissipat impios Rex sapiens, et incurvat vel redire facit super eos* אֶפְנִי LXX. *περὶ ἑαυτὸν rotam* Vulg. *fornicem.* In eo metaphora fundatur, quod sicut rota in circumvolutione ad idem redit: ita malum in suum auctorem revertitur. Varios alios sensus adducunt. 1. De certo hebraeorum subplicio, de quo II. Reg. XII. 31. *Circumegit super eos (David) ferrata carpenta;* atque heinc per synecdochen quodvis subplicii genus intelligunt. Alii ab hoc sensu vix discrepant: q. d. excutit illos: in calidis regionibus frumentum rotae conversione excutiebant, atque palaestinos rotis et plaustris grana sua triturasse et comminuisse desumitur ex Is. XXV. 10. et alibi: bl:



bi: Eos comminuit, velut rota aut plauastro comminuuntur et teruntur grana. Juxta Vulg. per *fornicem* intelligere possumus cryptam seu caveam, cui mortuorum corpora includuntur, eritque sensus: illos supremo supplicio adficit, de hac vita tollit, ac sepulchro condit. Jacob. III. 6. *Rota nativitatis*, vitae cursum significat.

Orbitae Deo tributae significant Viam Domini, i. e. rationem et modum agendi. Psal. XVI. hebr. XVII. 5. *perfice gressus meos in orbitis tuis* Vulg. *in semitis tuis*. i. e. tene, sustenta, contine me in illa nempe electione, in illo statu, in quo me conlocasti. Parallelum locum habes Psal. V. 7. *dirige in conspectu meo viam tuam*: dirigit Deus viam suam, quando ostendit se recte agere: et hoc petit David, sicut in superiore loco, ut ostendat hostibus rectam et legitimam fuisse electionem a Deo factam, ut foret Rex. Perficit ergo gressus hominis Deus in orbitis suis, quando conatus hominum secundum suam providentiam secundat et felices reddit. Alii per orbitam rotae decurrentis intelligunt rectam informationem et doctrinam, ad quam vita instituitur; quemadmodum rota certam in decurrendo super orbita rationem tenet: unde textum sic exponunt: fac, ut vitam meam ad praecepta tua dirigam; fac ut in praeceptis tuis gressu firmo ambulem. Vide Psal. XXII. 3. *Ducet me in orbitas iustitiae* i. e. ducet me per iustitiae et mandatorum suorum semitam, meque in pietatis studio conservat. Sic Hebr. XII. 13. *orbitas* sive *gressus* suos rectos facere pedibus suis, rectum vitae cursum ad legis divinae normam oxigere, atque bono aliis exemplo praecire significat.



SORS sumitur pro bono spirituali, Aët. VIII. 21. *Non est tibi pars neque sors in sermone isto* vel potius in hac re, nimirum in receptione vel conlatione Spiritus sancti; λόγος enim graecorum, sicut et דָּבָר hebraeorum, pro re vel negotio interdum usurpatur. 2. Pro Ecclesia, quae Dei quasi haereditas est; sors enim metonymice pro haereditate, cuius distributio forte fiebat, nonnunquam usurpatur. I. Petr. V. 3. *Neque ut dominantes in fortibus* Vulg. *in Cleris* h. e. in Ecclesia, vel eius portione, quae regenda vobis obigit. Sic in V. T. populus Dei vocatur *haereditas Domini*. 3. Pro poenis divinitus inmissis. If. XVII. 14. *Haec est pars eorum, qui vastaverunt nos, et sors diripientium nos.*

SPOLIA hostibus erepta ac divisa, spirituales Christi adversus diabolos victoriam significant. If. LIII. 12. *Ideo disperdiam ei* (Christo) *plurimos* (Judaeos et gentiles, ex quibus confurgit Ecclesia) *et fortium dividet spolia* h. e. diaboli et mortis. Jerem. XXI. 9. *Animam esse alicui quasi spoliū*, ex praesentissimo mortis periculo divinitus eripi denotat; qui enim spolia reportat, is prius mortis periculo se commisit.

TEGMEN, INVOLUCRUM, OPERIMENTUM de rerum divinarum ignorantia quandoque adcipitur. If. XXV. 7. *Et praecipitabit* (Dominus) *in monte hoc* (Sion) פְּנֵי־חֵלוֹט חֵלוֹט על־בִּלְהַעֲמִים וְהִמָּסְכָה חֲנוּכָה עַל־בִּלְהַגִּיִּם *faciem operimenti* (i. e. multiplicis operimenti) *quod est super omnes populos: et operimentum expansum super omnes nationes* h. e. Deus subito auferet in monte hoc velum, quod positum est super cor omnium populorum, quodque impedit, quominus Evangelii lucem intueantur.



Qua metaphora iudeorum et gentium ad Christi fidem conversio designatur. Thren. III. 65. מִגְנֶת־לֵב *operimentum cordis* obdurationem eius significat, quod *traditionem in reprobum sensum* notat.

TORQUES usurpatur 1. de sapientiae coelestis pulchritudine, et eximia utilitate. Prov. I. 8. *Audi fili mi ut addatur gratia* (corona) *capiti tuo, et torques collo tuo*, h. e. ut honoratissimus ab omnibus habearis. Satis insipide Vulg. German. *ro gratia*, quod passim hoc libro est pro pulchritudine, reddit *Gnaden*.

VAGINA corpus designat, quod idem est animae, ac vagina gladio. Dan. VII. 15. *Horruit vel transfixus est spiritus meus . . . בְּגִי נִרְכָּה in media vagina*, i. e. in medio corpore.

VAS quoque metaphorice de corpore humano sumitur. I. Reg. XXI. 5. *Et fuerunt vasa* (h. e. corpora) *puerorum tuorum sancta. Porro* (si) *via haec polluta est*, (h. e. si legalem aliquam impuritatem in itinere isto contraximus) *sed et ipsa hodie sanctificabitur in vasis* i. e. corporibus; proindeque panes propositionis comedere poterimus. II. Cor. IV. 7. *Vasa fictilia* vocat se et conlegas suos Apostolus ob contemptum, ignominiam, pericula cct. quibus erant obnoxii; quemadmodum vas fictile prae aureis et argenteis contemnitur ac facile frangitur. I. Petri III. 7. Mulier dicitur *vasculum infirmius*, idque ratione tum corporis, tum animi. Aët. IX. 15. Paulus adpellatur *vas electionis* h. e. instrumentum praestantissimum, quo ad gentes convertendas Deus uti voluit. Rom. IX. 22. 23. Electi, quos Deus misericordia sua ad gloriam vocat, dicuntur *vasa misericordiae*; repro-

reprobi autem, quos ob peccatâ reiecit et dâmnat, *vasa irae* adpellantur.

VELUM, OPERIMENTUM, munitiones et propugnacula, quibus Judaea quasi velo operiebatur, denotat; et *illud retegere*, est civitates illas munitas expugnare If. XXII. 8. *Et revelabitur operimentum Judae* h. e. loca, quae Judaeam tegebant, capientur.

VESTIMENTUM, quo corpus tegitur, munitur et ornatur; de re spiritali intellectum, et metaphoricè adceptum, beneficiorum Christi conlationem, gratiamque denotat, quibus animae nuditas operitur, ipsa contra peccati frigus ex charitatis absentia profectum defenditur, et ut Dei oculis placeat, ornatur. If. LXI. 10. *Gaudens gaudebo in Domino Quia induit me vestimentis salutis, et indumento iustitiae circumdedit me.* Spirituali illi vestimento obponitur *tunica maculata, vestium inquinatio*, quibus *vetus homo* seu peccati habitus significatur. Vide supra cap. I. §. VIII.

VINCULA, et FUNES denotant 1. servitutem, obpressionem, calamitatem, poenas. Psal. XVII. 5. *circumdederunt me חבל־יָמוּת funes mortis.* LXX. *ὁδὸς; δαυάρον dolores mortis* h. e. quales in morte experiuntur homines. Vox hebraea חבל et funem et dolorem significat. At prior interpretatio melius eo loci convenire videtur tum ob verbum *circumdare*, tum ob sequens hemistichium, in quo *laqueorum* fit mentio. 2. Obedientiam ob foedus initum debitam. Jerem. II. 20. Vulg. a *saeculo confregisti iugum meum, rupisti vincula mea*, h. e. Obedientiam et mandatorum meorum observationem, quam mihi promiseras, quaeque sicut vincula te mihi adliga-



bant, dereliquisti *). Ezech. IV. 8. *funes imponere*, seu *vinculis circumdare* Ezechielem dicitur Deus, tum ut hoc signo aspectabili decreti divini firmitatem denotet; tum ut civium Jerusalem vinciendorum typum in prophetae huius persona exprimat. Coloss. III. 14. Charitas dicitur *vinculum perfectionis*, h. e. omnes fideles invicem perfectissime coniungens tanquam multa unius eiusdemque corporis membra, ita ut in Christo unum sint, sententiis, animis cet. Zach. IX. 12. *Vincti spei* sunt, qui in captivitate et calamitatibus spem in Deum non abiecerunt; ideoque *ad munitionem* h. e. Ecclesiam Christi tutissimum salutis asylum revocantur seu convertuntur. Aët. XX. 22. *Adligatum spiritu* vocat se Apostolus, i. e. Spiritu S. fortiter impulsus, quasi ad profectum Hierosolymam iniectis vinculis, inlaesa tamen libertate, traheretur.

Deni-

*) Hunc Jeremiae textum aliter legunt Massorethae, et olim legunt LXX. hebraeum sic habet: כִּי מַעֲוָלִים שִׁבְרָתִי עָלֶיךָ נִתְקַתִּי מִסְרוֹתַיָּךְ quia a saeculo confregi iugum tuum, disrupti vincula tua, nunc e terra Aegypti educendo te. LXX. ὅτι ἀπὸ αἰῶνος συνέτριψας τὸν ζυγὸν σου, καὶ διέσπασας τοὺς δεσμούς σου quia a saeculo confregisti iugum tuum, disruptisti vincula tua. pro שִׁבְרָתִי confregi in prima persona legebant שִׁבְרָתִי confregisti, eodem modo secundum verbum in secunda persona foemin. (quia sermo ad Ecclesiam iudaicam dirigitur) et cum (י) utrobique nunc pleonastico, sed olim vocali e. Vulg. pro עָלֶיךָ iugum tuum legebat עָלַי, et pro מִסְרוֹתַיָּךְ legebant מִסְרוֹתַי vincula mea, sive quod ita haberent eius codices: sive quod proprio Marte et commodioris sensus, ut ipsi videbatur, efficiendi gratia verba primae personae in secunda, et vice-versa pronomina secundae personae in prima transtulerit. Vid. Ezech. XX. 37. Psal. II. 3.

Denique *fines et vincula iniquitatis* seu mendacii significant impiorum conligationem, conspiracyemque; tum etiam spiritualem peccati captivitatem, et gravissimas, quae illud consequuntur, poenas. Is. V. 18. *Vae, qui trahitis iniquitatem in funiculis vanitatis* seu nequitiae, et quasi vinculo plaustrum, peccatum, h. e. vae vobis, qui magno conatu ac labore, quasi plaustrum onustum trahe- retis, poenas iniquitatis ac peccati vobis adcersitis; ini- quitas enim et peccatum nonnunquam in scripturis pro eorum poenis usurpantur.

§. XX.

Metaphorae a Personis, locis, et ritibus sacris desumptae.


DAVID vir secundum cor Dei saepe pro Messia ponitur ex eius stirpe nascituro: ratio huius denominationis quaerenda videtur tum in singulari Dei favore et beneplacito, quo Davidem regem complexus est, et in quo figuram quasi et specimen amoris sui perfectissimi erga filium suum unigenitum hominibus prisci foederis exhibuit; tum in regni Davidis conditione, quod typus regni Messiae fuit. cet. Is. LV. 3. *Feriam vobiscum pactum sempiternum, misericordias David fideles*, sive firmas ac stabiles; nempe salutem, quam per Christum non Israeli modo, verum etiam universo orbi exhibiturus sum. Per Davidem heic Messiam intelligi clare adserit Qimhhi, et liquet ex v. seq. *Ecce testem populi dedi eum, ducem ac praeceptorem gentibus.*

SALOMONIS nomen mystico, sed certo ac vero sensu Messiae etiam tribuitur. Cant. III. 11. *Egredimini et*



videte filiae Sion regem Salomonem (i. Christum) *in diademate* (scil. carne humana) *quo coronavit eum mater sua* (Sanctissima Virgo) *in die desponsationis illius* h. e. quo naturam humanam adsumsit, ac sibi desponsavit. Vide II. Reg. VII. 14. coll. Hebr. I. 5. Christo autem tribuitur nomen Salomonis ob eximiam regis huius sapientiam, pacatum imperium, Salomon enim dicitur a שָׁלוֹם *pax*;

ZOROBABEL Agg. II. 24. Secundum quosdam interpretes, est etiam typus Christi, qui ex eius profapia ortus; sicut enim Zorobabel ex captivitate Babylonica iudaeos eduxit: ita Christus ex captivitate diabolica nos liberavit. Praetereo reliqua tum Patriarcharum, tum aliorum virorum sanctorum V. T. qui typus Christi erant, nomina, quum apud obvios interpretes occurrant. Ut autem a personis typicis quaedam desumpta Christo tribuuntur: ita vicissim a Christo ipso quaedam translationes fiunt ad Ecclesiam, quae ipsa vocatur *Christus*, I. Cor. XII. 12. *Sicut enim . . . omnia membra corporis, quum sint multa, unum tamen corpus sunt: ita Christus*, i. e. Christi Ecclesia.

A Christi conceptione et formatione, ad doctrinam fidei de Christo solo servatore metaphora ducitur. Gal. IV. 19. *Filioli mei, quos iterum parturio, donec formetur Christus in vobis*, h. e. donec accipiatis rectam fidem de Christo, qua credatis eam vobis ad salutem sufficere sine legalium observatione. Galatae enim a falsis doctoribus seducti, existimabant fidem solam in Christum, licet etiam cum bonis operibus coniunctam, ad salutem nequaquam sufficere, sed cum ea circumcisionem, aliosque Mosaicae Legis ritus esse coniungendos. 

A Chri-

A Christi aetatis incremento, ad spiritualement in fide et pietate profectum, metaphysica fit translatio. Ephes. IV. 13. *Donec occurrant omnes* (tam iudaei, quam gentiles) *in unitatem fidei et agnitionis filii Dei, in virum perfectum, in mensuram aetatis plenitudinis Christi*, h. e. donec fide adulta in Christum sumus praediti. Ut enim Christus proficiebat aetate, Luc. II. 40. 52. Sic in fidei, pietatis, sanctitatisque studio fideles iugiter proficere debent, *ut non sint sicut parvuli fluctuantes cet.*

A Christi crucifixione, morte et sepultura, credentium renovatio significatur. Rom. VI. 4. *Consepulti enim sumus cum illo* (Christo) *per baptismum in mortem; ut quomodo Christus surrexit a mortuis per gloriam Patris: ita et nos in novitate vitae ambulemus.* Gal. V. 25. *crucifigere carnem*, est concupiscentias carnis pravas edomare, ac spiritui subiicere, quod non sine acerbo veteris hominis dolore fit, haut secus, ac si cruci adfigeretur. Denique vox *crucis* ad afflictiones, quibus fidem suorum explorat Deus, non raro transfertur. Matth. X. 38. *Qui non adcipit crucem suam, et sequitur me, non est me dignus.*

TERRA CHANAAN, quam inhabitaverant Israelitae, quaeque postea terra Juda interdum adpellatur, ob eius fertilitatem, ad denotandam Christi Ecclesiam non raro transfertur. Benedictiones enim temporales, quas iudeis promiserat Deus, figurae erant bonorum spiritualium, quibus Ecclesiam N. T. cumulavit. Huc pertinet adductio, adcessus, properatio gentium ad iudaeorum terram, et cultus divini locum; qua loquutione significatur adgregatio gentium ad Ecclesiam Christi, quod est spirituale eius regnum.



JERUSALEM Judaeae metropolis, in qua peculiariter se Deus revelavit, Ecclesiam quoque Christianam, et Ecclesiam triumphantem denotat, vocaturque Apoc. XXI. 2. 10. *Jerusalem nova*. Eandem significationem obtinet *Sion*, mons in urbe Jerusalem, in quo regia Davidis sita erat, diciturque κατ' ἐξοχὴν *mons Domini*, *mons Sanctus*. Amos IX. 11. *Tabernaculum David conlapsam* (h. e. regia Davidis) cuius instauratio promittitur, Ecclesiam ex gentibus conligendam significat.

TABERNACULUM (σκηνη) denotat etiam Christi humanitatem. Hebr. IX. 11. *Christus adsistens pontifex futurorum bonorum, per amplius et perfectius tabernaculum non manufactum, id est, buius creationis*, v. 12. *Neque per sanguinem hircorum aut vitulorum: sed per proprium sanguinem, introivit semel in Sancta*. Heic respicit Apostolus ad ritum Lev. XVI. 12. quo summus sacerdos semel in anno cum sanguine introivit sanctum sanctorum, illud expiaturus. Metaphorice autem *tabernaculum* est corpus Christi, quod dicitur non manufactum, sive huius creationis h. e. non ab homine, neque secundum ordinem in natura constitutum; sed Spiritus Sancti operatione in sinu et ex carne SS. Virginis divinitus formatum. *Sancta* autem, de quibus heic agitur, coelum est, in quod Christus per proprium sanguinem non alienum, i. e. vitulorum aut hircorum introivit, ut et illud nobis referaret, *aeterna redemptione inventa*.

ALTARE bona spiritualia, morte Christi nobis adquisita significat Hebr. XIII. 10. *Habemus altare, de quo edere non habent potestatem, qui Tabernaculo, deserviunt*, h. e. qui adhuc adhaerent ceremoniis legis, atque in iis suam coram Deo iustitiam quaerunt, non possunt edere
de

de hoc altari spirituali, i. non possunt esse participes Christi sacrificii et beneficiorum per mortem eius partorum. Confer v. 9. ubi *escis, quae non profuerunt ambulanti in eis*, intelliguntur victimae, quae sine fide in Christum non iustificabant eos, qui illas offerebant.

Titulus, statua, lapis, altare synonyma sunt, et adciuntur pro cultu divino. Sic Gen. XXXI. *erexit Jacob lapidem in titulum* cet. atque in beneficiorum a Deo adeptorum memoriam eiusmodi statucae et monumenta erigebantur *).

Sacrificium significat seriam cordis contritionem. Psal. L. 19. *sacrificium Deo spiritus נִשְׁכָּרֵךְ contritus*, Vulg. *contribulatus* cet. 2. Carnis macerationem. Rom. XII. 1. *Obsecro itaque vos . . . ut exhibeatis corpora vestra θυσίαν sacrificium*. Ubi respicit Apostolus ad antiquae legis victimas.

*) *Tituli* vox in scripturis S. quadrupliciter sumitur. I. Pro inscriptione, ut titulus libri, titulus crucis. II. Pro columna, aut pyramide in trophaeum victoriae, aut insignis facinoris erecta. I. Machab. XIII. III. Pro statua imagine, vel idolo erecto ad cultum et adorationem, qualis titulus prohibetur Lev. XXVI. Solebant veteres idololatrae erigere, et oleo ungere lapides, etiam rudes et informes, ut essent domicilium alicuius genii. Unde Arnobius lib. I. scribit, dum adhuc idolorum cultui deditus esset: *si quando conspexeram lubricatum lapidem, et ex olivi unguine ordinatum, tanquam inesset vis praesens, adulabar*. IV. denique est titulus, lignum vel lapis, tumulus aut res alia posita et erecta in alicuius rei recordationem absque ulla inscriptione, vocatur hebraice מִצְבֵּה. Atque heinc est, quod Christiani ad exemplum Patriarchae Jacobi Ecclesias suas antiquitus *titulos* appellabant, vel a titulo crucis ibi erecto, vel a nomine alicuius sancti, in cuius honorem Ecclesiae intulabantur et consecrabantur, ut *titulus S. Praxedis, titulus S. Laurentii* cet. ex quibus eminentissimi Cardinales suos titulos et cognomina sumpservnt.



ctimas. 3. Precationem cum pietate coniunctam. *Is. LVI. 7. Holocausta eorum et victimae eorum placebunt mihi super altari meo; quia domus mea domus orationis vocabitur (erit) timentis gentibus.* *Psal. CXL. 2. dirigatur oratio mea incensum in conspectu tuo: elevatio manuum mearum sacrificium vespertinum.* *LXX. et Vulgat. subplent particulam similitudinis ω; sicut.* Quur autem potius sacrificii vespertini, quam matutini meminerit, haec videtur ratio, quod holocaustum agni vespertinum esset velut aliorum totius diei sacrificiorum complementum, expressiusque sacrificii crucis figuram contineret. 4. Dei glorificationem, *Psal. XLIX. 14. Immola Deo sacrificium laudis.* 5. Proximi sublevationem. *Philip. IV. 18. Habeo autem omnia, et abundo adceptis ab Epaphrodito, quae misistis, odorem suavitatis, hostiam adceptam, placentem Deo.* 6. Verbi Evangelici per mortem testificationem. *Philip. II. 17. sed et si immolor supra sacrificium et obsequium fidei vestrae, gaudeo.* i. e. si contingeret, ut propter fidem, quam vobis praedicavi, et qua adcepta vosmetipsos Deo in sacrificium et obsequium obtulistis, inmolarer seu morte adficerer, gauderem utique cet. Vel si sanguis meus adspargeretur supra sacrificium et victimam fidei vestrae, gauderem. Respicit Apostolus adprisci foederis hostias, quae vino et oleo aspergebantur, quae est propria significatio verbi *σπένδω*, aitque se Philippensium fidem cum gaudio sanguine suo confirmaturum. 7. Gravem Dei adversus Ecclesiae suae hostes vindictam. *Is. XXXIV. 6. Gladius Domini repletus est sanguine, incrassatus est adipe de sanguine agnorum et hircorum sacrificium (Vulg. Victimae) enim Domini in Bosra, et interfectio magna in terra Edom.* vide sup. cap. I. §. VI.

Deni-

Denique Habac. I. 16. *Inmolare fagenae suae et reti suo sacrificare* dicitur Rex Babylonis, h. e. victoriam copiis et viribus suis, quae hęc fagena et reti designantur, adceptam referre, atque ex his arroganter ut Deum terrestrem se venditare.

PRIMITIAE. Hoc nomen refertur ad Christum I. Cor. XV. 20. ubi dicitur *primitiae dormientium* i. e. mortuorum; qua metaphora probat Apostolus mortuorum resurrectionem. Sicut enim oblationem primitiarum sequebatur messis: ita Christum a mortuis excitatum ceterorum quoque hominum sequetur resurrectio. *Quoniam quidem per hominem (Adam) mors: et (vel ita) per hominem (Christum) resurrectio mortuorum.* Hac similitudine utitur Paulus, quod ea die, qua Christus resurrexit, nempe die dominica, eo anno primitiarum oblatio contigerit. 2. Ad credentes. Jac. I. 18. *Voluntarie enim genuit nos (Deus) verbo veritatis, ut sinus primitiae quaedam creaturarum eius,* Vulg. *initium creaturae eius* h. e. ex toto hominum coetu delecti, et ipsi consecrati, sicut olim primitiae a reliquis frugibus separatae, Deo offerebantur et consecrabantur. Rom. VIII. 23. *Iidem credentes primitias Spiritus habere* dicuntur; quemadmodum enim Israelitae ex primitiarum oblatione spem concipiebant reliquarum frugum abunde conligendarum: ita credentes ex donis Spiritus Sancti, quorum parte aliqua in hoc seculo donantur, eorundem in altero plenitudinem, sive gaudia aeterna pollicebantur. 3. Ad iudaeorum populum, qui vocatur *sanctus Domino, et primitiae frugum eius* Jerem. II. 3. h. e. ex omnibus mundi populis selectus, ac Deo consecratus, ut primitiae ex omnibus frugibus sanctae erant, et Deo dicatae; unde sequitur: *omnes, qui devorant eum, delinquant;* sicut qui



qui primitias Deo oblatas intervertit, is reus est, et poenas luit ex lege Lev. V. 15. 21.

Denique *primitiis* Patriarchae et Judaeorum maiores significantur. Rom. XI. 16. *Quod si ἡ ἀραχὴ ἀγία primitiae sanctae (sunt) et massa (sancta est) et si radix sancta (est) et ramus (sancti sunt) h. e. si Patriarchae, qui fuerant primitiae et radix iudaicae gentis Deo consecratae, sancti sunt: profecto tota natio iudaica, et sanctorum illorum posteritas sancta est, i. ex mente Apostoli, ius habent ad sanctitatem et iustitiam, quae ex fide est, consequendam; proindeque non est de eius salute desperandum, ut contendebant nonnulli ex gentilibus ad fidem conversi.*

CIRCUMCISIO peculiaris populi Dei character, et secundum Patres quosdam praesertim August. regenerationis instrumentum atque organum, ad denotandam renovationem et regenerationem Spiritus S. virtute factam, transfertur. Deut. X. 16. *Circumcidite praeputium cordis vestri, et cervicem vestram ne induretis amplius.* Coloss. II. 11. *In quo (Christo) circumcisi estis circumcisione non manufacta, (scilicet) in exspoliatione corporis carnis, sed in circumcisione Christi, i. spirituali per Christum facta.* Econtrario phrasis: *praeputiatum* et *incircumcisum* esse corde seu mente, et auribus, homines incredulos, impios et profanos significat. Lev. XXVI. 41. *Inducam illos (impios Israelitas) in terram hostilem, donec erubescat incircumcisum cor (Vulg. incircumcisa mens) eorum.* Ad alia etiam transfertur *circumcisio*. Heinc Exod. VI. 12. 30. Moyses dicitur *incircumciscus labiis*, h. e. gravis loquela, ut vertit Chaldaeus, idque ob non exactam carnem, quae orationem impedit. Denique quum metonymice iudaei

circum-



circumcisio dicantur, metaphorice etiam ea vox ad credentes transfertur Philip. III. 2. *Videte* (i. e. cavete) *canēs* (iudaifantes, qui more canum ad vomitum, i. ad iudaismum redeunt) . . . *videte* seu *cavete* *κντατομὴν concisionem* (h. e. eiusmodi homines, qui parte tantum corporis concisi sunt, non vere circumcisi, nempe circumcissione cordis) v. 3. *Nos enim sumus circumcisio* (h. e. vere circumcisi) *qui spiritu servimus Deo et gloriamur in Christo Jesu, et non in carne* (tantum circumcisa) *fiduciam habentes.*

ASPERSIO, quae super populum fiebat vel sanguine, vel aqua cineri Vaccae rufae mixta, spirituales a peccato mundationem per sanguinem Christi metaphorice significat. If. LII. 15. *Et asperget* (Christus) *gentes multas, super ipsam continebunt gentes os suum* h. e. eum revereantur.

SABBATHUM Vitae aeternae requies est. If. LXVI. 23. *Et erit* (in coelis) *mensis ex mense, neomenia ex neomenia* (qui dies erat festus iudaeis) *et sabbatum ex sabbato* i. e. perpetua festivitas et requies. Nemo non novit sabbatum diem esse quietis; unde Hebr. IV. 9. *relinquitur sabbatismus populo Dei* i. e. aeterna requies.

PASCHA, cui dies azymorum coniuncti erant, pulcherrimam metaphoram simul et allegoriam subpeditavit Apostolo I. Cor. V. 7. *Expurgate vetus fermentum* (incestuosum illum, de quo v. 1.) *ut sitis nova conspersio* sive *massa*, (h. e. nova creatura seu novus homo, depositio veteri) *sicut estis azymi* (vel potius debetis esse azymi, i. e. a peccati fermento immunes, idque non septem dierum spatio duntaxat, sed cunctis vitae vestrae diebus)



bus) etenim pascha nostrum immolatus est Christus. 7. 8. Itaque epulemur (vitam nostram instituamus) non in fermento veteri (peccatorum) neque in fermento malitiae et nequitiæ: sed in azymis sinceritatis et veritatis, i. e. sinceritate et veritate. Hæc autem dicitur Christus pascha nostrum, quod pro nobis immolatus et occisus fuerit.

§. XXI.

De Allegoria simplici et adlufiva.

Allegoria tropi ac inprimis metaphoræ continuatio est, qua aliud dicitur, aliud significatur, sed aliud verbis, aliud sensu ostenditur. Duplex est: *simplex* et *adlufiva*. Simplex est, quæ a rebus quibuscunque naturalibus desumitur; adlufiva, quæ ad alia sive dicta sive facta respicit. Allegoriæ simplicis exempla sunt. Gen. III. 15. *Inimicitias ponam inter te* (o serpens) *et mulierem et semen tuum et semen illius: הוּא* ipsum (semen) *conteret caput tuum, et tu תשופנו עקב* conteres calcaneum eius. Per serpentem eo loci allegorice intelligitur diabolus, qui in serpente latens Hevam adloquutus est; quique alias serpentis et Draconis nominibus designatur. Per *semen serpentis* tota diabolorum caterva, quæ Messiae interitum machinatura erat. Per *semen vero mulieris*, Messias ex Ss. Virgine natus. Ipsum sanctissimum semen *contrivit caput serpentis* h. e. Diaboli imperium destruxit; sicut enim contrito serpentis capite, nihil ipsi veneni, roboris ac vitæ superest: ita per Christi mortem sublata diaboli potentia, quam in homines per peccatum exercebat, nihil amplius in eos iuris ac roboris habet, nisi quantum ab ipsis ei tribuitur. Denique Messiae *calcaneum contriturus* diabolus dicitur, quo vaticinio declaratur, Messiam

siam ad passionem et mortem ignominiosissimam per diaboli membra iudaeos fore perducendum. Verum Deus Pater eum a mortuis suscitavit, ac victorem dominumque inferni constituit. Quam ob rem in calcaneo tantum, non in capite, neque plaga insanabili laesus est a diabolo, qui e contrario, contrito capite, non calcaneo solum, penitus interiit.

Gen. XLIX. 11. *Ligans (Juda) ad vineam pullum suum, et ad vitem, o fili mi, asinam suam. Lavabit in vino stolam suam, et in sanguine uvae pallium suum* &c. 12. *Pulchriores sunt oculi eius vino, et dentes eius lacte candidiores.* Judaei cum Christianis quibusdam haec explicant de fertilitate terrae tribus Juda, quae tanta haec futura praedicitur, maxime in vitibus et lacticiniis, ut eius incolae asinas cum pullis suis ad vites, quasi ad sepes, et dumeta adligaturi sint; et vino vice aquae ad res quaslibet, quae stola et pallio designantur, lavandas usuri sint; ex eoque tam large potaturi, ut rubicundi sint futuri oculis, et ob maximam lactis copiam albi dentibus. At sensum procul dubio sublimiorem in mente habuit S. Patriarcha, qui haec quoque Messiae, de quo in verbis immediate praecedentibus, adplicat. In his itaque hyperbole non est, sed allegoria, cuius iste videtur esse sensus. *Filius meus* (Christus Messias) *ligabit* i. e. vocabit, et triplici fidei, spei et charitatis vinculo ligabit *ad vineam*, Ecclesiam suam, quae saepe in scripturis *vineam* adpellatur, *pullum suum*, populum gentilem, qui iugum legis nunquam tulit; *et ad vitem*, i. e. ad se, qui se ipsum vitem veram dicit Joan. XV. *asinam suam*, populum iudaicum iugo legis adfuetum et adtritum. *Lavabit in vino*, sanguine suo, *stolam suam*, carnem suam, quam Dei-



tas sicut vestimentum induit; vel Ecclesiam suam, qua veluti stola amicitur, quamque pretiosissimo sanguine suo lavit, et peccatorum sordibus emundavit; *et in sanguine uvae pallium suum*, verborum praecedentium repetitio, et idem sensus. *Pulchriores sunt oculi eius vino* cet. his et sequentibus verbis spiritualis Christi pulchritudo describitur. Metaphoricum oculorum ruborem, quod attinet, respexit S. Patriarcha ad morem stibio oculos pingendi in Palaestina receptum. Vide IV. Reg. IX. 30.

Ecclef. XII. Senectutem et mortem pulchra allegoria describit Salomon.

Vers. 1. *Memento creatoris tui in diebus iuventutis tuae*, ama et cole creatorem tuum; verba enim notitiae, praxin et adfectum denotant. *In diebus iuventutis tuae*; nescis enim, utrum ad senium perventurus sis, et quia iuventus bene transacta maximum est senectutis solatium; vel etiam quia incommoda, quae senibus contingunt, eos saepe a cultu divino, ut par est, exequendo avocant. *Antequam veniant dies malitiae seu mali* (Vulg. *tempus afflictionis*) *et adpropinquent anni, de quibus dicas: non est mihi in eis voluntas seu beneplacitum* h. e. *displicent*.

Vers. 2. *Antequam tenebrescat sol et lumen et luna et stellae*, antequam caecutias, et sol, lumen, luna et stellae respectu tui obtenebrescant. Aliis non placet haec expositio, quod in versu seq. oculorum caliginis fiat mentio. Per solem igitur, lumen, lunam et stellas, animae facultates intelligunt, videlicet intellectum, iudicium, perspicacitatem, memoriam cet. quae in senibus plerumque debilitantur. Ista explicatio eo videtur probabilior, quod quatuor sequentes versus ad partes corporis



poris referantur. Quare is mentem spectare debet, cuius alioquin, licet praecipua sit pars hominis, infirmitates a Salomone omitterentur, quod verosimile non est. *Et revertantur nubes post pluviam* i. e. calamitates calamitatibus succedant. Notum proverbium: *Nubes post imbrem*, de malis sibi cito succedentibus; et contra: *post nubila phoebus*, de gaudio-tristitiam sequente.

Vers. 3. *Quando commovebuntur seu tremunt custodes domus*, quando manus et brachia erunt remissa, quae dicuntur custodes domus i. e. corporis, quod est animae domus, quod universum corpus custodiant, et ab eo mala propulsent. *Et nutabunt viri fortissimi*, genua et crura, quae sunt Atlantes corporis, et in quibus hominis robur conlocatur. Psal. CXLVI. hebr. CXLVII. 10. Cant. V. 15. *Et otiosae erunt molentes in minuto numero*, et cessabunt dentes molares iique in parvo numero, cibum mandere ob eorum imbecillitatem. *Et tenebrescent videntes per foramina*, oculi per intervalla palpebrarum, sive per orbitas, quae sex ossibus constantes fornicem efficiunt, prospicientes. Heic etiam est metonymia organi pro causa eo utente, nempe anima.

Vers. 4. *Et claudent sive claudentur ostia in platea*, sive foris, vel exteriora nempe labia, quae oris fores sunt, *in humilitate vocis molentis*, propter tenuitatem vocis, quae in ore, quod veluti mola panaria est, dentium praefertim ope formantur. LXX. *in infirmitate vocis molentis*. Eius autem, qui loqui non potest, clauduntur labia. *Et consurgent ad vocem volucris*, summo mane, quo aves garrire solent. Vel ad galli cantum, seu potius tempore galli cantus; non enim ab eo excitantur, quandoquidem mox surditas ipsis tribuetur. Senes au-



tem parum vulgo dormiunt, et *obsurdescent omnes filiae carminis*, aures scil. quae quum ob id factae sint, ut voces et carmina audiant, eorum filiae esse videntur. Alii per *filias carminis* intelligunt cantatrices, quae senibus obsurdesunt, h. e. non audiuntur, (sicuti sol respectu eorum obtenebrescere supra dictus est) imo et displicent, aut saltem iucundae non sunt. Unde II. Reg. XIX. 35. *Octogenarius sum bodie* (inquit Berzellai ad David) *nunquid audire possum ultra vocem cantorum atque cantatricum?* Quibusdam *filiae carminis* sive cantici heic sunt concentus musici, harmoniae, et omnia, quae musicae inserviunt, vel in voce, vel in organis musicis, ut *filius hominis* idem est, qui homo.

Vers. 5. *Excelsa quoque timebunt, et formidabunt in via*, loca alta fugiunt senes sive ob lassitudinem, sive ob difficultatem spirandi, sive ob vertiginem, sive ob lapsus metum ect. imo viam quamlibet averfantur, utpote qui vel ad festucam impingant. *Florebit amygdalus*, caput conspergetur canitie, et albescet sicut flores amygdali, cuius similitudine utitur Salomon, quod aliis arboribus citius floreat. Et recte id quidem; cani enim opinione citius emergunt, et non opinantibus obrepit senectus. *Impinguabitur locusta*, adgravabitur spina dorsi, quae ob multas eius vertebrae locustae comparatur. Ita LXX. et Vulg. per metonymiam antecedentis pro consequente; quae enim impinguntur, ea adgravantur. Hebr. *יִסְתַּבֵּל הַחֲגָב* *onerabitur vel adgravabitur locusta*, h. e. tam debilis erit senex, ut vel si locusta parvum licet animal ac levissimum, super eum requieverit, ei futura sit oneri. *Et dissipabitur capparitis* h. e. libido refrigescet, et organa coitus dissipabuntur ut explicat S. Hieron. comm. in d. l. capparitis enim excitatur adpetitus venereus.

reus. Quoniam ibit homo in domum aeternitatis suae, sepulchrum, quod hominis domus dicitur Is. XIV. 18. et quidem aeterna, sive in aeternum Psal. XLVIII. 12. h. e. in qua longissimo tempore habitabit, nempe ad ultimum usque iudicium. Vox hebraica עוֹלָם et aeternitatem et longum tempus significat. Et circuibunt in platea plangentes amici, vel praefici et praeficae funus undique ambientes,

Vers. 6. Antequam rumpatur funiculus argenteus, medulla spinac dorfi, quae alba est ut argentum, et quae rupta vel laxata homo fit paralyticus, aut moritur. Et recurrat vitta aurea, ita Vulg. qui וְתָרַץ deducebat a וָרַץ currere, recurrere. LXX. καὶ συντρίβῃ τὸ ἀνδρείμιον τοῦ κεφαλῆς et conteratur vitta aurea Hebr. וְתָרַץ גִּילַת הַזָּהָב et confringatur lenticula aurea a רָצַץ confringere גִּילָה significare potest et vittam et lenticulam. Per vittam autem sive lenticulam aut phialam, heic intelligitur μηνinx h. e. membrana, praesertim interior, quae cerebrum involvit, et in omnes eius anfractus alte se insinuat, eisque firmiter adnexa singulas partes in propriis suis locis et texturis retinet. Aurea dicitur, quia rufa, et flava est, et auro proprior, quam ulla alia pars corporis. Porro illa membrana, quae vulgo pia mater vocatur, instante morte saepe rumpitur, et in se recurrit, unde cerebrum subsidit. Et conteratur hydria super fontem, et confringatur rota super cisternam. Hydria, de qua heic agitur, ex mente doctissimi Smith, a quo maxima huius allegoricae expositionis pars desumta est, venae sunt, verum ac proprium sanguinis vas sive conceptaculum. Fons autem, dexter cordis ventriculus, vitae spirituumque vitalium origo; venae siquidem ab eo (dextro cordis ventriculo) profisciscuntur, quae quum a naturali actione et



usu cessant, h. e. cum sanguinem nequeunt in cor refundere, sed stagnari eum in se sinunt, tunc *hydria super fontem conteri* dicitur. Confractionem rotae super cisternam quod adinet, nihil aliud est, quam cessatio sive abolitio pulsus, quod symptoma morientis certum est indicium. Quod ut facilius intelligatur, sciendum est sanguinem naturaliter et sponte in venis ad cor tendere, indeque in reliquas corporis partes pelli, ac primo quidem in arteriam aortam, quae quum sit primum ac praecipuum *rotationis* sive *circulationis* instrumentum, *rota* merito a Salomone adpellatur; quumque officio suo fungi desinit, confringi dicitur super cisternam, i. sinistrum cordis ventriculum, cui adnectitur, et unde oritur. Ut autem maiori adhuc luce, quae dicta sunt, perfundantur, non ab re fuerit verba D. Smith circulationem sanguinis describentis heic adtexere.

» Sanguinis primaria sedes et fons est cor, ubi fit,
 » et unde dispergitur in totum corpus. In corde duae
 » sunt cavitates, sive ventriculi, dexter et sinister.
 » E dextro procedit magna illa vena *cava* dicta, et vena
 » arteriosa; e sinistro, arteria magna sive *aurea*, et arteria
 » venosa; quarum omnium aditus valvulis clauditur
 » tur atque munitur. Vena cava sanguinem leniter
 » transmittit in dextrum ventriculum cordis, qui
 » dilatatur in diastole sua ad ipsius receptionem,
 » et statim contrahens sese in systole sua (valvulis
 » tricuspidibus regressum in cavam prohibentibus)
 » necessario trudit sanguinem per venam arteriosam,
 » indeque (valvulis sigmoidibus regressum impedientibus)
 » in pulmones, ac deinde in ramos arteriae venosae,
 » per quam in sinistrum cordis ventriculum perducitur,
 » unde per pulsus expellitur in aor-

» tam

» tam (valvulis heic, ut antea, reditum intercludenti-
» bus) per cuius ramos transfertur ad omnes partes cor-
» poris, ut eas vivificet: quo peracto, reliquum san-
» guinis recipitur in venis capillaribus variarum partium,
» unde naturaliter transit in magnum truncum venae
» cavae, indeque in dextrum cordis ventriculum: et
» sic perpetua reciprocatione fertur. »

Vers. 7. *Et revertatur pulvis i. e. corpus in terram suam*, de qua formatum est, *et Spiritus i. anima, redeat ad Deum, qui dedit illum*. Plures Allegoriae in S. scriptura occurrunt; Canticum canticorum perpetua etiam est allegoria, qua Christi et Ecclesiae, sub sponsi et sponsae nominibus, mutui amores exprimuntur. Vide If. XXVIII. 20. XXXVIII. 12. Jerem. XI. 16. 17. cet.

Allegoriae adlusive haec inter alia ponuntur exempla. Psal. X. 6. *Pluet super peccatores (Dominus) laqueos, ignem et sulphur, et spiritum procellarum, partem calicis eorum*. Adludit Psalter ad excidii Sodomitici modum.

• Psal. XIX. 4. *Memor sit (Dominus) omnis sacrificii tui, et holocaustum tuum יִרְשָׁנָה in cinerem redigat*, h. e. adceptum, gratum habeat. Heic respicitur ad sacrificiorum oblationem, quae, igne misso de coelo, quandoque in cinerem convertebat Dominus, eoque signo grata sibi esse declarabat. Vulg. *pingue fiat*, proin adceptum: pinguedo enim utpote pars animalis optima Deo peculiariter consecrata erat.

Psal. LIV. 10. *Praecipita, vel perde Domine, divide linguas eorum*, ubi adlusio fit ad linguarum confusionem; q. d. dissona sint eorum consilia, neque contra me conveniant. 16. *descendant in infernum viventes*, de inte-



ritu hostium, ut de subplicio Dathan et Abiron: q. d. repente, quin de morte cogitent.

In novo Testamento. Matth. VI. 17. *Tu autem, quum ieiunas, unge caput tuum, et faciem tuam lava:* adludit Christus ad phariseorum hypocrisin, qui faciem suam in ieiunio deformabant, eique obponit v. 16. ritum illius temporis, quo soliti erant, uti unctionibus in laetitia, et in conviviis. Vide supra. cap. I. §. 1v. Apostolus Paulus a velamine, quod Moses ponebat super faciem suam II. ad Cor. III. 11. 15. pulcherrimam allegoriam ducit, qua novae legis dignitatem commendat. Dein iudaeorum, Christi hostium caecitatem demonstrat, qui spirituales Mosaicae faciei splendorem, i. e. scriptorum eius finem atque scopum, qui Christus est, non vident. Nam *obtusi sunt*, inquit v. 14. *sensus eorum; usque in hodiernum diem idipsum velamen in lectione veteris testamenti manet non revelatum; quoniam in Christo evacuatur v. 15. sed usque in hodiernum diem, quum legitur Moses, velamen positum est super cor eorum. v. 16. quum autem conversus fuerit (Israel) ad Dominum, auferetur velamen.*

Gal. IV. 22. Duo filii, quos Abraham habuit, unum de ancilla *Agar* nempe *Ismaelem* secundum carnem natum; et unum de libera *Sara*, videl. *Isaacum*, qui secundum repromissionem natus est, allegorice duo testamenta significant, explicante ipso Apostolo, unum quidem in monte *Sina* in servitutem generans: alterum vero in *Jerusalem*, quae sursum est, libera, et est mater nostra, scil. Christi Ecclesia, cuius filii sumus; nos enim secundum *Isaac* promissionis filii sumus, et filii liberae, qua libertate Christus nos liberavit, a iugo Mo-

saicae



saicae legis adserendo. cet. Plures eiusmodi allegoriae occurrunt in S. scriptura, quas facile intelliges, si ritus populorum Orientalium praesertim hebraeorum perspectos habeas, quibus utebantur tum in sacrificiis, conviviis, iudiciis, atque in toto vitae genere; plurimum vero conducit historiae gentis Israeliticae, atque ipsius terrae Chanaan notitia geographica.

CAPVT IV.

De reliquis figuris in S. scriptura occurrentibus.

§. I.

De Synchrony.

Synchrony figura est, qua vocum aut sensus ordo perturbatur et confunditur: ea locum habet in vocibus simplicibus, in vocibus coniunctis, in tota propositione, in sermone continuo, et tandem in distinctis rerum gestarum enarrationibus.

I. IN VOCIBUS SIMPLICIBUS. Exod. XXII. 20. *Qui immolat Diis, occidetur, praeterquam Deo soli* i. qui immolat Diis, praeterquam Domino soli, occidetur. Jerem. XIV. 1. *אֲשֶׁר הָיָה דְּבַר יְהוָה* Quod factum est verbum Domini ad Jeremiam i. e. Verbum Domini, quod factum est. Ibid. XXXI. 7. *Quia haec dicit Dominus: cantate Jacobo laetitiam* i. Haec dicit Dominus Jacobo: cantate. Philem. 5. *Audiens charitatem tuam et fidem, quam habes in Domino Jesu, et in omnes sanctos* i. audiens fidem, quam habes in Domino, et charitatem, quam habes in omnes sanctos.



II. IN ADVERBIIIS haec figura locum habet, et quidem in adverbiiis

Temporis. Rom. V. 6. *Adhuc enim Christus, quum essemus infirmi* cct. *ἐτι γὰρ ἡμεῖς* h. e. Christus enim, quum adhuc essemus infirmi,

Negandi. Joan. VI. 32. *Non Moyses dedit vobis panem de coelo*, i. e. Moyses non dedit vobis panem; non enim eo loci quaeritur, quis manna dederit, Moyses, an Deus? sed quid datum fuerit, an panis verus, an coelestis. Rom. I. 21. *Qui, quum Deum cognovissent, non sicut Deum glorificaverunt* h. e. sicut Deum non glorificaverunt; nam adverbium negandi cadit in verbum *glorificare*, quod negat, nequaquam vero in adverbium *sicut*; secus enim posset quis cogitare, quod aliter cum glorificaverint. I. Cor. X. 5. *sed non in pluribus eorum beneplacitum est Deo* h. e. in pluribus eorum non beneplacitum est.

Excludendi Is. XXVIII. 19. *וְהָיָה בִּקְרוֹעָה* Eritque tantum commotio intelligere *rumorem* h. e. eritque commotio, quum rumor tantum audietur.

Comparandi Gen. XVIII. 11. *Desierat esse Sarae* *אֵרָח בְּנִשִּׁים* *consuetudo secundum mulieres* h. e. secundum consuetudinem mulierum. Vulg. *et desierant esse Sarae muliebria*. Psal. CI. 10. *Quia cinerem tanquam panem manducabam* i. sicut cinerem panem manducabam; panis non mihi magis sapiebat, quam cinis.

III. IN VOCIBUS CONIUNCTIS. Gen. XIII. 20. *Elevatis Lot oculis vidit omnem circa regionem Jordanis, quae universa irrigabatur, antequam subverterat Dominus Sodomam, sicut paradisus Domini, et sicut Aegyptus venientibus in Se-*
gor.

gor. Horum verborum ordo genuinus est iste: Quae universa irrigabatur ut paradisus Domini, et sicut Aegyptus venientibus in Segor, antequam subverteret Dominus Sodomam. Cant. I. 5. *Nigra sum, sed formosa . . . sicut tabernacula Cedar, sicut pelles Salomonis* h. e. nigra sum sicut tabernacula Cedar, sed formosa, sicut pelles seu tentoria Salomonis, quae magnifica erant, ac regio adparatu digna.

IV. IN CONTINUO SERMONE. Sermonis continui partes per metathesin seu traicctionem quandoque enarrantur. Jos. II. 15. *Demisit ergo eos (exploratores) per funem de fenestra: domus enim eius haerebat muro* 16. *dixitque ad eos: ad montana conscendite . . .* v. 17. *Qui dixerunt ad eam . . .* Quae referuntur versibus 16. 17. ea procul dubio ante demissionem exploratorum per fenestram dicta sunt; alioqui res facile prodi potuisset, si e fenestra foris eos constitutos adloquuta esset. Marc. XIV. 23. *Et accepto calice gratias agens dedit eis, et biberunt ex illo omnes.* 24. *Et ait illis: hic est sanguis meus novi testamenti* rel. Haec v. 24. dicta fuerant priusquam Apostoli bibissent vinum sanguinem Christi factum.

§. II.

De Hysterologia et Prolepfi.

Saepe numero in SS. scripturis res factae non eo, quo contigerunt, ordine; sed quandoque *κατα προληψιν* per anticipationem, quandoque *καθ' ὑστερολογίαν* per *hysterologiam* seu recapitulationem narrantur.

Gen. XI. 32. narratur mors Thare patris Abraham; et cap. XII. Ingressus Abrahae in terram Chanaan; quum tamen constet, Patrem Thare adhuc vixisse 130 annis iuxta



iuxta meliorem chronologiam *). Pariter cap. XXV. narratur mors Abrahae ante nativitatem *Jacob* et *Esau*,
et

*) Gen. XI. 26. *Vixit Thare septuaginta annis, et genuit Abram, et Nachor et Aran.* Quod vero hoc 70 anno Thare genuerit Abram; ex scopo Moyſis claret, qui voluit nobis integram et exactam patriarcharum conscribere historiam, ut patet in praecedentibus tum ante- tum post- diluvianis: Et Moyſes semper indicat tempus nativitatis eorum, quorum textit genealogiam, ut sciremus aetatem mundi: sic determinat annum nativitatis *Setb*, non vero *Cain* et *Abel*. Dicitur Noe 500 annorum, et genuisse *Sem*, *Cham* et *Japhed*, ubi notatur praecise annus, quo natus est *Sem*: sic pariter, quia Abrahami tantum textitur genealogia, ille anno 70 *Thare* natus sit, oportet: alias Moyſes inutile nobis reliquisset aenigma. Dein si Abraham natus fuisset anno patris sui 130, nullus stupori et admirationi Abrahae fuisset locus: *putasne centenario nascetur filius, et Sara nonagenaria pariet?* exemplum sane recens habuisset in patre, qui centenario longe maior genuisset. Quod autem ex *Cethura* longe senior proles adhuc genuerit, extraordinario et singulari foecunditatis dono concedendum est. Aut potius dicendum, Abrahamum post mortem Sarae non duxisse *Cethuram*, sed hac in vivis adhuc existente. Nam tunc habitabat Abram in convalle Mambre Gen. XXIII. quae sita est ad plagam occidentalem; quando autem duxit *Cethuram*, et filios earum ab Isaac separaverat, adhuc habitabat ad plagam orientalem. Dein mortua est Sara anno aetatis suae 127, dum Abraham erat 137, et Isaac 37; et antequam Isaac Rebeccam duceret anno suo 40, nati erant sex ex *Cethura* filii Gen. XXV. 2. quos Abraham ab Isaac separaverat: quis autem credat spatio duorum aut trium annorum Abrahamum sex ex *Cethura* genuisse filios? Moyſes ergo usus fuit *ὕστερολογία*.

Difficultatem, et nodum inextricabilem vix non obiiiciunt ex S. Stephano, qui ait Act. VII. 2. 3. . quod Abraham post obitum patris Thare a Deo translatus fuerit *in terram istam*: at tunc Abraham erat 75 annorum, quos si subtrahas a 205, quos vixit Thare, remanebunt 130: ergo hoc anno fuit natus Abraham. Verum incertum relinquitur ex verbis S. Stephani; num Abraham



et tamen illos 15 annis adhuc supervixit. Sic et mors Isaaci narratur statim post Jacobi e Mesopotamia reditum, et antequam Joseph a fratribus suis venderetur; quum tamen longo post tempore mors illa contigerit, et Joseph duodecim saltem annis in Aegypto commoratus esset. Id autem Moyses ideo fecerat, quia intendebat historiam unius Patriarchae absolvere, antequam novam inciperet, ut sic confusionem tolleret. Vide etiam III. Reg. XXII. 51. Mors Josaphat narratur, quae tamen nonnisi aliquot post annis contigit; nam IV. Reg. III. 7. ascendisse memoratur cum Joram contra Moabitas. Prolepses itaque frequentes occurrunt in S. scriptura.

Huius

anno 130 patris, an serius natus fuerit: etenim stat cum proprietate sermonis, Abraham annos natum 75 post mortem patris translatus fuisse, licet plures anni intercefferint: nam non sequitur: *Petrus duxit uxorem post mortem patris: ergo immediate post mortem patris?* quo autem plures anni intercefferint, eo serius natum fuisse Abrahamum sequitur. Dein si utriusque verba, Moyses et Stephani in summo rigore accipi debeant, Moyses potius, quam Stephanus, in strictiore sensu intelligendus erit: nam prior partes historici agit; oratoris alter; solent autem oratores subinde obscure, aenigmatice ac minus proprie loqui: historici econtra stilo plano ab omnibus facile perceptibili: Acta igitur ad genesin, non genesis ad acta examinanda sunt, lignum ad normam exigendum est, non norma ad lignum. Tandem omiffis aliis responsionibus de dupplici Abrahami egressu de Haran vivente adhuc patre, et post mortem; nam hoc nullo nititur fundamento: nam si Abraham annos agens 135 (totidem enim erat post mortem Patris, natus scil. anno 70) fuerit in Haran; quur tunc non accepit uxorem filio suo Isaac? Quur oeconomus ille, qui quinque annorum spatio elapso eam ob rem in Haran ablegabatur, de rebus Abrahami, de eius opibus, de filio ex Sara suscepto, quasi de rebus ignotis loquitur? Quur Gen. XXII. 20.

Abra-



Huius quoque exempla in *nominibus propriis* locorum frequentissima sunt. Gen. XII. 8. *Bethelis* fit mentio tempore Abrahami, quum tamen id nominis huic loco inditum non fuerit, nisi ipsius nepotis Jacobi tempore, ut liquet Gen. XXVIII. 19. *Adpellavitque Jacob nomen urbis illius Bethel, quae prius Lachis vocabatur.* Gen. XIII. 10. Urbs *Segor* memoratur, quae nomen illud fortita non est, nisi cum *Loth* in eam se recepit Gen. XIX. 12. Num. XIV. 45. fit mentio loci *Horma*, qui tamen diu post sic vocatus fuit, nempe cap. XXI. 3.

Τελελογία seu *recapitulatio* figurae praecedenti respondet, quando nempe ex occasione aliqua narratur quidpiam gestum post tempus, quo reipsa contigit. Gen. XII. 1. linguarum confusio narratur, quum tamen praecesserit ea, quae cap. X. referuntur. Gen. XXXVIII. Judae historia narratur, postquam Joseph venditus est a fratribus suis, cuius tamen historiae pars ante illud tempus contingere debuit. Ab eo enim tempore, quo Joseph in Aegyptum abductus est, ac Jacob eodem descendit,

Abrahamae nuntiatum est de filiis *Nachor* fratris sui, tanquam de ignotis, si eos ante 5 annos inviserat? Igitur congrue ille ex act. cit. nodus dissolvitur, si dicamus, non innui a S. Stephano terram Chanaan universam, sed eam partem duntaxat, quam iudaei tunc ut suam inhabitabant. Respicitur igitur habitatio Abrahamae in Mambre, quando emto agro prope Hebron fixam, firmamque sedem habuit: erat tunc Abraham ann. 137. patet id ex emphatica S. Stephani loquutione, quam graecum exhibet: *εις την γην ταυτην in terram hanc ipsam*, suffecisset dicere, *in terram hanc, in qua nunc habitatis.* Et quor addidit *το νunc*? nisi ut terram istam, in qua subsistebat iudeaorum respublica, ab aliis eiusdem regionis terris, aperte distingueret. Denique S. Stephanus ait, quod sola *promissio* facta fuerit Abrahamae, *antequam ipsi nasceretur filius*, non autem *translatio*, quod bene notandum.

dit, 22 et 23 tantummodo anni effluxerant: nam 17 secundum hebr. vel 16 secundum Vulgatam annos natus a fratribus suis venditus est; quos si detraxeris ex 39, quos exegerat, quum Jacob veniret in Aegyptum, subpetunt 22 aut 23. Per id autem temporis Judas duxit uxorem *Sue* filiam Chananaei, ex qua tres suscepit filios, quorum duo primi, alter post alterum, uxorem habuerunt *Tbamar*, quae post multos viduitatis annos concipit ex *Juda*, paritque *Pharez* et *Zaram*. *Pharez* uxorem ducit, ex qua duos habet filios *Efron* et *Hamul*, qui et ipsi cum Jacobo in Aegyptum descendunt. Quomodo ista omnia tam brevi annorum 22 aut 23 intervallo contingere potuerunt? Saepius occurrit illud ὅσους προτέρον.

§. III.

De Ironia.

IRONIA (*ἰρωνία*) tropus est, quo contrarium pro contrario, sive obpositum pro obposito ponitur, vel quo ex re nominata, res huic contraria aut obposita intelligitur. Hic tropus locum habet I. in vocibus per se consideratis, quae vulgo *Antiphrasis* adpellatur; et de hac egi supra in hebraïsmis antiphrasticis. II. In vocibus in oratione certa positis, et cum illusione vel exprobratione quadam pronuntiatis, quae est *ironia*, cuius species quaedam est *sarcasmus*, quum quis ironia acerbioris miseris et calamitate obpressis insultat. Et II. est ironia cum permissione non ut tali, sed cum prohibitione.

Per Ironiam dicebat Deus Gen. III. 22. *Ecce Adam quasi unus ex nobis factus est*, adlusio fit ad v. 5. *Eritis sicut*



sicut Dii. Job. XII. 2. Ironia cum sarcasmo: *Ergo vos estis soli homines, et vobiscum morietur sapientia.* IV. Reg. VIII. 10. *Dixit ei (Hazaeli) Eliseus: vade, dic ei (Benadad) sanaberis:* quod ironice dictum est, ut indicant verba sequentia: *porro ostendit mihi Dominus, quia morte morietur.* Aut si vis intellige Benadadum Regem sanatum fuisse, et restitutum sanitati, quantum ad constitutionem corporis et virium, nisi altero die ab ipso Hazaele occisus fuisset. Sic etiam III. Reg. XXII. 15. Michaeas respondet Achabo: *Ascende, vade prospere, et tradat eam Dominus in manus tuas,* Ironice, q. d. En! 400 coram stant prophetae tui, omnes fausta prophetant: vade ergo prospere rel. At Rex subodoratus ironiam adiurat prophetam, ut ferio ediceret: ac v. 17. etiam ferio respondit.

Ironice quandoque quidquam videtur permitti, quum tamen econtrario summa potius prohibitio sit. Jud. X. 14. *Ite et invocate Deos, quos elegistis: ipsi vos liberent in tempore angustiae.* II. XVII. 3. *Et cessabit adiutorium ab Ephraim, et regnum a Damasco, et reliquiae Syriae, sicut gloria filiorum Israel ceteris.* gloriam per ironiam dictam accipe, pro ignominia, scribit S. Hieron. Zach. XI. 13. *Decorum pretium, quo adpretiatus sum ab eis.* Ironia de pretio, quo per Judam tradendus erat Christus.

Ad ironiam referuntur quaedam simulato animo et πειρασμῶς i. e. tentandi ergo prolata. Gen. XIX. 2. *Obsecro, Domini, declinate in domum pueri vestri (sic duos angelos adloquitur Lot.) qui dixerunt: minime, sed in platea manebimus.* Ita loquebantur angeli, ut Lot tentarent, eumque urgerent ad se compellendum, quod reipsa contigit; missi enim erant a Deo, ut apud eum diver-



diverterent, eumque et eius familiam e sodomitica conflagratione eruerent. Matth. XV. 24. *Non sum missus, nisi ad oves, quae perierunt domus Israel* . . . v. 26. *Non est bonum sumere panem filiorum et mittere canibus.* Tentationem et heic fuisse, et explorationem fidei mulieris, ex Christi elogio patet.

Quaedam cum dissimulatione et hypocrisi proferuntur, quae quidem in se vera sunt, at a loquentis mente aliena. Gen. XXXVII. 19. *Ecce somniator venit: revera Joseph revelationibus divinis per somnia θεοπεμπτα a Deo inmissa informabatur; at longe aliter de eo fratres eius sentiebant.* Vide II. Reg. VI. 20. Matth. XXII. 16. *Magister, scimus, quia verax es, et viam Dei in veritate doces* cet. Talis quidem erat Christus, sed illud in animum suum minime inducebant pharisaei, qui sic eum adloquebantur, ut ipsum caperent in sermone. Sic et Herodes adloquebatur tres Magos Matth. II. 8.

§. IV.

De Hyperbole.

HYPERBOLE (ὑπερβολή) tropi adfectio est, qua voces insolentius et audacius, rerum amplificandarum, aut extenuandarum gratia, a nativa sua significatione in aliam traducuntur. Duplex autem statuitur hyperbole, RHETORICA et LOGICA. *Rhetorica* est, qua vocum ipsarum insolentior, audaciorque fit translatio. *Logica* vero, qua audacior, atque a veritate simplici alienior comparatio, verbis tamen propriis concepta atque expressa instituitur.



HYPERBOLE RHETORICA voces quaedam sumuntur:

BELLUM pro quavis rixa privata. Jac. IV. 1. *Unde bella et lites in vobis?* Verbum hebr. **נִלְחָם** *pugnare* eodem significatur accipitur Jerem. I. 19. XV. 20.

CASTRARE se ipsum, pro illicitis carnis voluptatibus et matrimonio ipsi nuntium remittere. Matth. XIX. 12. *sunt Eunuchi, qui se ipsos castraverunt propter regnum coelorum.*

COELUM pro maxima altitudine, et e contrario, ABYSSUS sive INFERNUS pro magna profunditate seu deiectione. Psal. CVI. 26. *Ascendunt (fluctus maris) usque ad coelos, et descendunt usque ad abyssos.* Gen. II. 4. Deut. I. 28. Thren. II. 1. Matth. XI. 23. cet.

DESERERE seu RELINQUERE pro posthabere. Gen. II. 24. *quam ob rem relinquet homo patrem suam et matrem suam, et adhaerebit uxori suae* i. e. anteponet uxorem patri cet. non enim hoc praecepto amor erga parentes prohibetur, sed amor coniugali postponitur.

LASSITUDO pro summa contentione. Dan. IX. 21. *Ecce vir Gabriel . . .* **בְּעָרִים** *in lassitudine volans* i. cito; in sanctos enim angelos nulla cadit lassitudo.

MUNDUS pro plenitudine Jac. III. 6. *lingua ignis est, mundus (Vulg. Universitas) iniquitatis* h. e. plenissima malorum, sicuti mundus plurimis rebus repletus est.

NUBES pro magna altitudine. Jerem. IV. 29. *fugit omnis civitas, ingressi sunt* **בְּעָרִים** *in nubes* i. e. loca praealta, seu ardua, ut Vulg. ascenderunt, ut vitae suae consularent.

ODISSE pro posthabere, minus diligere. Gen. XXIX. 31. *Videns autem Dominus, quod exosa esset Lia i. minus amata.* Vide Luc. XIV. 26. Vide infra syntax. simpl.

PRAEDARI seu exspoliare, pro ab aliquo accipere. II. Cor. XI. 8. *Alias Ecclesias ἐσπλησα depredatus sum* (Vulg. exspoliavi) *accipiens stipendium ad ministerium vestrum.*

RIVI OLEI pro omnium bonorum abundantia. Job. XXIX. 6. *Quando petra fundebat mihi rivos olei.* Confer. XX. 17.

TONITRU pro forti hinnitu equi. Job. XXXIX. 19. *Nunquid circumdabis collo eius (equi) רַעְמָה tonitru* Vulg. hinnitum.

TURRIS pro suggesto. II. Esd. VIII. 4. *stetit autem Esdras scriba super מִגְדָּלֹה turrim ligneam h. e. suggestum.*

In vocibus connexis seu in phrasi coniuncta hae occurrunt hyperbolae: Gen. XLI. 47. *Et fecit (produxit) terra septem illis annis saturitatis, ad manipulos seu manipulatim, q. d. ex uno grano integer manipulus colligebatur; qua hyperbole maximus proventus innuitur.* cap. XLIV. 28. *Et exiit cor eorum i. animus eorum defecit.* Plures eiusmodi hyperboles occurrunt maxime in hebraeo; Vulgatus hyperbolicum sermonem interdum in simplicem commutavit.

HYPERBOLEN LOGICAM quod adinet, illa occurrit praesertim in hyperbolicis comparisonibus. Gen. XIII. 16. *faciam semen tuum sicut pulverem terrae* rel. rel. III. Reg. XX. 10. *Non sufficeret pulvis Samariae pugillis omnis populi, qui sequitur me,* thrasonica Benadadi regis Syriae iactatio, quā ingens copiarum eius numerus indicatur. Joan.



XXI. 25. *sunt autem et alia multa, quae fecit Iesus . . . , nec ipsam arbitror mundum capere posse eos, qui scribendi sunt, libros.* Luc. X. 4. *Neminem per viam salutaveritis, quae hyperbole maxima inter eundem celeritas innuitur.*

§. V.

De Interrogatione.

INTERROGATIO (ἑρωτησις) spectari potest tum quoad eius peculiarem vim et emphasin, tum quoad usum illius singularem.

QUIS? Non solum simpliciter et affirmative quaerit: verum etiam quandoque absolute negat, dum de personis sermo est. Psal. CV. 2. *Quis loquetur potentias Domini, auditas faciet omnes laudes eius?* quod conciliari potest sic cum Psal. IX. 15. *Ut annuntiem omnes laudationes tuas* rel. quod in priori loco intelligitur *laus Dei* ob ea, quae fecit universo populo suo: in posteriori vero ob ea, quae Davidi seorsim exhibuit. Psal. XCIII. 16. *quis consurget mihi adversus malignantes?* i. nemo. Vide sup. in hebraismis adfirmantibus. Subinde interrogativum quis restringit, ut innuatur paucitas. Psal. LXXXIX. 11. *Quis novit potentiam irae tuae?* i. quam pauci sunt, vel norunt. vel difficultas Prov. XXXI. 10. *Mulierem fortem quis inveniet?* i. quam difficulter est invenire.

AN, NUNQUID praeter ordinariam suam affirmative quaerendi vim, absolute negare solet, quum de re sermo est. Gen. XVIII. 14. *An difficile erit Domino verbum?* h. e. minime difficile erit. In quibusdam tamen locis affirmative interrogat, seu affirmativum sensum efficit; tuncque particula *non* cum interrogatione subintelligenda

da erit, sic: *annon?* I. Reg. II. 27. *An manifestando manifestavi me domui patris tui i. omnino.*

Uſus interrogationis tam varius eſt, ut cuicunque propemodum adfectui exprimendo inſerviat. Eſt itaque interrogatio.

ABOMINATIONIS ſeu abſurditatis declarandae. Joan. III. 4. *Quomodo poteſt homo naſci, quum ſit ſenex cet. i. e. abſurdum hoc eſt.*

ADMIRATIONIS Gen. XVII. 17. *An centenario naſcetur filius?* Eſt interrogatio Abrahami divinam potentiam cum ſua et uxoris impotentia comparantis, admirantis, et ſuſpicientis, non vero diffidentis. Sic quoque intellege interrogationem B. V. Mariae: *Quomodo fiet iſtud, quoniam virum non cognosco:* ſollicita erat de virginitate ſua, quam Deo voverat, unde merito quaerit de modo, quo id fiat.

DUBITATIONIS. Gen. XVIII. 12. Interrogatio Sarae diffidentis et dubitantis fuit, unde et ab Angelo increpata fuit. Zacharias quoque Luc. I. interrogatione ſua animum diffidentem et incredulum prodidit, et ideo in poenam loquela deſtitutus fuit.

EXALTATIONIS. Pſal. XXX. 20. *Quam magna multitudo dulcedinis tuae, Domine, quam abſcondiſti timentibus te?*

EXPOSTULATIONIS, ACCUSATIONIS ET EXPROBRATIONIS. Gen. XII. 18. *Quidnam eſt hoc, quod feciſti mihi? quare non indicaſti mihi, quod uxor tua eſſet?*

INDIGNATIONIS Pſal. II. 1. *Quare fremuerunt gentes? rel.*

INSULTATIONIS ET IRONIAE. Pſal. XLI. *Dum dicitur. mihi quotidie, ubi eſt Deus tuus?*



LAMENTATIONIS Pf. XXI. *Deus meus, Deus meus, ut quid dereliquisti me?*

OPTATIONIS II. Reg. XXIII. 15. *Quis mihi dabit potum aquae de cisterna, quae est in Bethlehem iuxta portam?* rel. rel.

Praetereo alias figuras, quae in S. scriptura obcurrunt, et a commentatoribus sacris referuntur, quia eas non adeo necessarias esse censeo, et quasdam supra in hebraismis expositas habes. Videre autem eas et legere poteris apud Cl. P. Hieronymum *Bezae* vol. I. sect. V. pag. 114. Cl. P. Petrum Guarin tom. II. a pag. 264. et seqq.

§. VI.

De Sententiis et Phrasibus Proverbialibus.

PROVERBIUM fermo est a publica loquendi consuetudine, quae vulgo etiam ignota non est, petitus; unde graecis dicitur *παροιμία*, a vocibus *παρά* a vel ab, et *ὁμός* via, quasi fermo trivialis. Sed notionem proverbii in S. scriptura frequentissimi examinemus. Denotat ergo dictum *celebre*, usu receptum atque pervulgatum: quale est illud: *Num Saul inter prophetas?* 2. sententiam *obscuram*, intricatam et explicationis indigam. Ezech. XX. 49. *Ipsi dicunt de me: Nunquid non per parabolas loquitur iste?* hebr. Nunquid מִשְׁלֵי מִמֶּשֶׁל מְשָׁלִים הוא? *proverbificator proverbiorum est iste?* i. parabolice i. e. obscure loquitur. 3. Dictum *grave*, et paucis verbis res magni ponderis ac momenti complectens. Job. XXVII. *Addit quoque Job adsumens* מִשְׁלֵי *parabolam suam* i. serium et magni momenti sermonem. vide Num. XXIV. 3. 15.

De

De Balaam. 4. Tristem et querulam aut gravem lamentationem. Mich. II. 4. *in illa die adsumet super vos* בְּמִן *parabolam, et lamentabitur lamentum.* 5. Sermonem ironicum et insultatorium. Is. XIV. 4. ubi laeta illa piorum cantio, beneficii divini celebratio, et contra impios insultatio dicitur *parabola contra Regem Babylonis.*

Phrasis inde oritur: *esse aut ponere in parabolam*, est versari in ore, aut ponere aliquem in os vulgi insultantis aut ironizantis. Vide Psal. XLIII. 15.

Proverbium et Paraemia est *sermo utilis sub umbra figuraque idonea expressus, multum et usus et gravitatis complectens, in recessu quoque multum altae sententiae contegens.* S. Basilius hom. in princip. Proverb. Perantiquus est apud veteres proverbiorum usus: *familiale est*, inquit S. Hieron. in Matth. XVIII. Syris et maxime Palaestinis (Judaeis) *ad omnem sermonem suum parabolas iungere: ut quod per simplex praeceptum ab auditoribus teneri non potest, per similitudinem exemplaue teneatur.* Hanc docendi methodum Christus ipse sequutus fuit.

Apud Pythagoram elegantissima eiusmodi proverbia reperiuntur, quae veteres summe celebrarunt: aliqua refert S. Cyrillus lib. IX. cont. Julian. *stateram ne transeas* i. e. ne avarus sis. *Ne ignem gladio fodias*; i. impudentem et iratum animum asperis verbis ne moveas. *Coronam ne vellices* i. leges ne offendas: nam civitatum coronae sunt. *Ne cor edas* i. ne conficias te ipsum curis. *Neque super choenicem vel modium sedeas* i. ne ignaviter vivas. *Non suscipiendas birundines in domum* h. e. loquaces et impotentis linguae homines non esse faciendos contubernales. *Onus portantibus imponendum, non autem simul deponendum*, per quod monet, non opertere, cooperari cuipiam ad ignaviam, sed ad virtutes et labores.



Elegantiora in S. scriptura inspiciamus proverbia, quibus maxime excelluit mortalium sapientissimus Salomon. Percurre librum proverbiorum, et miraberis. Observes tamen velim, in hoc libro plerumque omitti particulam comparationis, unde magna orta est libri huius obscuritas. Subplendae itaque sunt particulae illae comparationis aut similitudinis *quemadmodum, sic* etc. quarum loco hebraei passim substituunt coniunctivam *et*: sic: *ventus aquilo dissipat pluvias, et facies tristis linguam detrahentem*. Interdum hanc particulam etiam subprimunt: *Nubes et ventus, et pluviae non sequentes, vir gloriosus et promissa non implens*. Quod saepe difficultatem non levem parit, ut in illo: *amittit pallium in die frigoris. Acetum in nigro, qui cantat carmina cordi pessimo sive afflicto*, quae perspicua fiunt, si particulam comparandi subpleveris hoc modo: *qui confidit super infideli in die angustiae*, est similis illi, *qui amittit pallium in die frigoris*, dum maxime opus habet, nempe omnem opem amittere; et sicut acetum addere nitro, est acrimoniam addere acrimoniae, eamque augere: sic sane *musica in luctu importuna narratio*, inquit Ecelus cxxii. 6. tempore recentis calamitatis et doloris cantus et instrumentorum sonus non modo non lenit dolorem, sed auget potius et exasperat.

Phraes quoque proverbiales frequentes sunt. Sic Exod. XI. 7. *Apud omnes filios Israel non movebit canis linguam suam, ab homine usque ad pecus*; qua phrasi tanta tranquillitas innuitur, ut ne canis quidem, qui vel minimo strepitu excitari solet, cuiquam oblatraturus est. IV. Reg. IX. 8. Phrasis *perdere seu delere mingentem ad parietem*, extremam internecionem significat, qua nec cani quidem parcitur, qui altero pede sublato ad parietem mingere solet. Est. I. 22. *loqui linguam populi sui, in domo sua dominari*

minari seu imperium habere significat. Job. XVI. 10. *Maxillae percussio* graves iniurias et calamitates denotat: *exprobrantes percusserunt maxillam meam.* Pſal. III. 8. *Quoniam tu percussisti omnes adversantes mihi* לְחִי (in) *maxilla* Et ita iuxta hebraicum legendum esse, patet ex sequenti hemistichio: *dentes peccatorum contrivisti.* Prov. VI. 10. *Conferere* five *complicare manus*, pro ignavia et turpi otio usurpatur. Sic Livius: *compressis manibus sedere.* et cap. XXVI. 17. *Adprehendere auribus canem*, periculis temere sese obicere significat. Cap. XXVIII. 21. *Pro buccella panis praevaricari*, vel. ut Vulg. *deferere veritatem*, cadit in iudices, qui muneribus vel levissimis corrupti, ius pervertunt. Ita Cato apud Gellium: *frusto panis conducitur potest, vel ut taceat, vel ut loquatur.* Act. IX. 5. *Contra stimulum calcitrare*, potentioribus se, et maxime Deo frustra et magno suo malo reluctari significat. Metaphora desumpta est a bobus arantibus, qui, quum stimulis recalcitrant, non stimulos, sed se ipsos laedunt.

§. VII.

De תִּקּוּן סוּפְּרִים seu Correctione Scribarum.

Priusquam coronidem imponam operi, quaedam adhuc Philebraeo scienda sunt circa diversas exemplarium lectiones, quae vocantur תִּקּוּן סוּפְּרִים *Correctio* aut *coordinatio scribarum*; quia quum compilatio diversorum voluminum fieret temporibus Esdrae, lectio, quae fuit in pluribus et inlustrioribus exemplaribus, facta collatione exemplarium, illa inserta est textui, altera autem lectio notata in margine. Signum huius coordinationis et correctionis in modernis bibliis est parvulus circellus supra literam ם, et vocatur קְרִי *lectum*, lege, et פְּתִיב *scribe*



scribe aut scriptum, qui circellus et in margine adpositum signum ק i. e. קרי *lege*, diversas indicant lectiones, quae tamen plerumque sunt amanuensium sphalmata.

Subinde integrae voces in textu non scribuntur, spatio relicto, aut solis punctis vocalibus cum circello adscriptis, literis vero in margine positis cum hac nota: וְלֹא קָרִי i. e. *legitur* (haec vox) quamvis non scribatur. Ut Jud. XX. 13. בְּנֵימִין וְלֹא אָבוּ בְּנֵימִין *noluerunt autem Benjamin*, subple בְּנֵי filii. At voces, quae e contrario in textu scribuntur, sed non leguntur, punctis destitutae sunt, habentque in margine קָרִי לֹא *scribitur* ea vox, *sed non legitur*. ut Ezech. XLVIII. 16. חֲמֵשׁ חֲמֵשׁ הָמָשׁ *quingenta*, ubi posterius חֲמֵשׁ abundat.

Subinde etiam vox quaedam coniungitur, quae tamen divisim legenda est, ut notatur per ק. Gen. XXX. 11. בָּגֶר בָּגֶר *pro בָּגַר venit turma*.

Erudita vero est scribarum observatio in Isaia: *multiplicasti gentem, et non magnificasti laetitiam*: in textu hebraico legitur insertum לו h. e. *magnificasti ei laetitiam*, et in margine legitur לֹא h. e. *non magnificasti laetitiam*: latina lectio ergo habetur in margine, non vero in textu. Item. Psal. XCIX. legimus in latino: *Et non ipsi nos*; at in ipso textu hebraeo non legitur לֹא h. e. *non*, sed legitur לו *ipsi* i. e. *nos sumus possessio* לו *ipsi* Deo, Deo propria, quia sumus ipsius חֵלֶק *portio, pars* cet. Plures eiusmodi observationes Massoretharum in hodiernis bibliis adcuratioribus adnotatae occurrunt. Atque hisce phraseologiam finio. Cuncta cedant ad maius linguae hebraeae emolumentum, atque perennem Verbi Divini Neonati, diebus hisce in carne visibiliter ad parentis honorem et gloriam. Amen.

LACO-



LA CONISMUS DE SYNTAXI HEBRAICA.

Fessum in conscribendo hoc opere calamum iam re-
posueram, illudque virorum eruditorum iudicio
subieceram, dum coeteros inter eruditione hebraica non
vulgariter tinctus Vir suavior hortatorque venit, ut dor-
mientem paulisper calamum rursus excitarem, regulas
seu Canones syntaxeos hebraicae opusculo adnecterem,
quoniam isti plurimum conferunt non tantum ad ple-
nam linguae hebraicae notitiam adsequendam, sed mi-
rum etiam sensum S. scripturae inlustrant. Neque diu
reluctandum censui optimo consilio, atque protinus ope-
ri me adcinxi, maxime quia videram, in optimis etiam
grammaticis linguae hebraicae syntaxin plerumque desi-
derari. Necessarios scitu canones heic adponam.

C A P U T I. De hebraeorum articulo.

Defectus notitiae articuli hebraici, eiusque recti
usus multos in errores abstraxit. Sciendum ergo arti-
culum ך, cui respondent articuli graeci ὁ, ἡ, το, omni-
bus casibus posse praefigi, et iungitur 1. nominibus sub-
stantivis; 2. adiectivis; 3. quando substantivum et adie-
ctivum coniunguntur, nunc alterutri, nunc utrique
praeponitur. 4. Nominibus propriis locorum, fluvio-
rum.



rum. 5. Nominibus gentilitiis הַעֲבָרִי *hebraeus*. 6. Pronominibus tertiae personae, quae tunc adiective ponuntur יוֹם הָהוּא *die eo ipso*: et pronominibus demonstrativis אֶת־הַבַּיִת הַזֶּה *domum hanc*.

At ה istud non iungitur 1. Nomini proprio hominis, quia illud, *tantum individui nomen, sui notitiam per se suo nomine exhibet, neque alio signo opus habet*, ait Qimhi in Michlol. et si quibusdam nominibus propriis adponitur, ista anomala sunt, aut ista nomina propria virorum potius nomina gentilitia sunt. הָאָדָם subinde est nomen appellativum hominis.

2. Articulus non praefigitur nomini constructo; quia alterum substantivum prioris declaratio, et quasi notificatio est; unde altero signo, nempe ה notificativo opus non habet. Sunt tamen quaedam scripturae loca, in quibus ה nomini constructo praepositum est. Gen. XXXI. 13. *Ego sum הָאֵל בֵּית־אֵל Deus Bethel*. Sed in his exemplis vel subintelligitur idem substantivum, sed in forma constructa, et sine ה repetitum, *ego sum הָאֵל אֵל Deus*, Deus inquam, *Bethel*, et sic habent formam absolutam pro constructa; vel si in forma constructa sunt, enallage est status constructi pro absoluto.

3. Non praemittitur nomini cum adfixis coniuncto; ipsum enim adfixum nominis notitiam indicat, unde redundabit ה notificativum. Interdum tamen ad maiorem notitiam et emphasin, articulus ה praefigitur. הַחֹהֵל הָאֵלֵּי *hahoheli tabernaculum meum*, aut in genitivo *tabernaculi mei*.

CANON I. Articulus ה apud hebraeos quandoque emphasin importat, unde vocatur הֵ הֵּ HE NOTIFICATIONIS, quod

quod nominis significatum notius reddat, et quasi ostendat. dicitur etiam ה demonstrativum et superlativum gradum nonnunquam exprimit. Saepe etiam emphasi caret.

I. Cum emphasi ponitur Gen. III. 15. *Inimicitias ponam inter te et inter הַאִשָּׁה mulierem*, ubi non vulgaris quaedam, sed excellens mulier intelligi datur. Pariter Is. VII. 16. *Ecce הַעַלְמָה virgo concipiet et pariet*, seu ut in hebraeo, *virgo concipiens et pariens*, ubi emphasis maior, qua eximia virgo, nempe B. V. Maria designatur, quae nec similem visa est, nec habere sequentem, gaudia matris habens cum virginitatis honore. Vide Esth. VII. 7.

II. Saepe etiam ה emphasin non habet, sed ad solum orationis ornamentum adhibetur. Deut. VIII. 3. *ut ostenderet tibi, quod non עַל-הַלֶּחֶם לִבְרוּ in solo pane vivat homo.*

CANON II. ה etiam significat *qui, quae, quod, ó! an? num? nunquid? cet.*

I. *Qui, quae, quod*, si addatur praeterito aut participio. Esd. VIII. 25. *Appendique eis argentum et aurum et vasa, הָהֵרִימוּ quae obtulerunt Rex et consiliarii eius.* Participio: *Anima הָאֹכֵלֶת quae comederit.*

II. הַ הַקְרִיָּה He exclamationis. הַקְרֵה o congregatio.

III. הַ הַשְׂאֵלָה He interrogationis. In interrogationibus affirmativis ה istud negat; in negativis adfirmat. הָאֵתָה Numquid tu aedificabis mihi domum? i. non aedificabis. Aliquando tamen adfirmat, sed tunc est pro הֲאֵתָה annon? nonne? Sic I. Paral. XXI. 17. הֲלֵנָּה nonne ego sum, qui iussi i. revera is ego sum.

Non-



Nonnunquam deest interrogandi particula ה. Gen. XXVII. 24. הָאָתָּה *Tu es filius meus Esau?* subpie הֲאֵתָּה *nam tu?* Job. XIII. 15. *Etiam si occiderit me* (Dominus) לֹא אֶסְפֶּרוּ *non sperabo?* pro nonne.

Observatio specialis. Vocatur quidem articulus hic ה demonstrativum, quatenus nempe rem alias communem, aut indeterminatam determinet ad rem certam et individualement, quanquam adhuc incognitam, et absentem. Falsa ergo est persuasio eorum, articulum ה ita esse demonstrativum, ut rem aut individuum praesens necessario sistat. Vel unicum supra adductum ex Gen. III. exemplum id commonstrat: Quis enim catholico-rum dixit unquam, הַשִּׁנְיָה *mulierem*, quae virtute feminis benedicti contritura est caput serpentis, tunc fuisse praesentem? pariter intellige illud de הַמִּלְחָמָה apud Isaiam cap. VII. cit. Nam hebraeum ה eodem fungitur officio, eadem gaudet emphasi, ac articulus graecus ὁ, ἡ, το: habetur apud graecos hic Canon:

Nomina adpellativa seu adiectiva virorum (adde et mulierum) qui in aliqua arte, scientia, dignitate, qualitate aut eminentia conditionis excelluerunt, necessario articulo insigniri debent. Sic Aristoteles simpliciter dicitur ὁ φιλόσοφος, Homerus ὁ ποιητής, S. Paulus ὁ Αποστόλος, Christus Dominus ὁ προφήτης *Propheta* Matth. XXI. 11. idque ἀντονομασικώς καὶ κατ' ἐξοχὴν. Et ὁ Αποστόλος vocat anti-Christum hominem peccati cum articulo ὁ ἀνδρὶς ἀμαρτίας, qua expressione adiuncti articuli vult docere, anti-Christum fore hominem non communis et ordinariae malitiae, sed singularis plane et diabolicae. Idem dic de illa virgine apud Isaiam, ubi in graeco pariter additus est articulus ἡ παρθένος, ut demonstret et determinet, virgi-

virginem illam singularem et eminentem fore: Emphaticum itaque hac loco est hebraicum ׀ et graecum ὁ. Interim docti et intelligentis interpretis est expendere, quandonam isti articuli cum emphasi accipiendi sint, nec ne?

Scholion. Ex curiosa et minus necessaria articuli graeci consideratione falsae hypotheses et errores oriuntur. Didymus Alexandrinus hanc olim de Spiritu Sancto regulam tradidisse legitur: *Apostoli, quando intelligi volunt personam Spiritus S. addunt articulum το πνευμα, sine quo Spiritus S. dona significantur.* Incerta est et fallit haec regula, quia το πνευμα cum articulo, quandoque Spiritus Sancti dona significat I. Thessal. V. 19. το πνευμα spiritum nolite extinguere h. e. Spiritus S. dona. Et vicissim πνευμα sine articulo Spiritus S. personam significat I. Cor. XII. 11. *Haec autem omnia operatur unus atque idem πνευμα Spiritus.*

Photiniani et Sociniani hanc tradunt regulam: *nomen θεος cum articulo, verum Deum notat, sine articulo vero minime.* Falsa est haec regula, nam ὁ θεος cum articulo interdum idolis tribuitur Act. VII. 43. et XIV. 11. rel. Et vicissim θεος sine articulo verum Deum designat. Matth. IV. 4. *Non in solo pane vivit homo, sed in omni verbo, quod procedit δια σματος θεου de ore Dei.* Vide V. 9. VI. 24. rel.

CAPUT II.

De Nomine proprio.

CANON I. *Quaedam nomina propria licet significatione singularia, formam tamen pluralem aut dualem obtinent.*

Hacc



Haec autem nominum priorum forma plane insolens videri non debet, quandoquidem nomina sunt adpellativa, quae singulari numero, terminatione tamen plurali gaudent. תָּמִים perfectus. מְרִים exaltans.

CANON II. *Multa nomina propria ex vocibus simplicibus, interveniente lineola MAQQAPH, vel sine ea componuntur.* בֶּן-יִמִּין Beniamin ex בֶּן filius, et יִמִּין dextera, quae tamen vox coniunctim legenda est. מֶלֶךְ-צֶדֶק Melchisedech, cum ׳ paragogico. Et sine maqqaph. אֲבֹרָם Abram ex אב pater et רָם excelsus. Et אֲבֹרָהֶם Abraham, ex הֶמוֹן multitudo, sublata terminatione ן euphoniae causa.

Nomen Dei יְהוָה abbreviatum ex יְהוֹה format nomina propria, tuncque excidit mappiq ex litera ה. ut: עֲבֹדֶיָה Abdias i. עֹבֵד servus seu serviens, et יְהוֹ Deus. Pariter ex nomine tetragrammato יְהוֹה praefer duas priores literas יה, etiam tertia ן adsumitur. הִזְקִיָּהוּ Ezechias i. fortitudo Domini ex הִזְק fortitudo et יְהוֹ Dominus.

CANON III. *In hac nominis proprii compositione brevitate ergo quandoque prior quandoque posterior pars, omissa altera, exprimitur.* Num. XIII. 26. Locus, qui dicitur קָדֵשׁ Cades, Num. XXXII. 8. vocatur קָדֵשׁ בָּרְנֶזֶז Cades-barne. Osee X. 14. שַׁלְמָן Salman videtur idem esse, atque שַׁלְמַנְאֶסֶר Salmnaser i. Salmanasar. Sic filius יִמִּי Femini ex voce בְּנֵי־יִמִּין.

CANON IV. *Unum idemque nomen proprium variationi et mutationi in literis vel syllabis quandoque obnoxium est.*



1. INITIO. Qui I. Paral. II. 9. **רַם** *Ram* dicitur, is Matth. I. 3. *Aram* vocatur. Et II. Paral. XXII. 5. **אַרַם** *Aram* Syria, Job. XXXII. 2. **רַם** *Ram* adpellatur per aphaeresin. Sic **יִשָּׁי** *Isai* scribitur etiam **אִישֵׁי** praeposito **א**,

2. IN MEDIO. II. Reg. XVII. 25. quae **אַבִּיגַיִל** *Abigail* vocatur, ea I. Paral. II. 16. **אַבִּיגַיִל** *Abigail* adpellatur. **דַּמָּשְׁקַיִם** *Damascus*, II. Paral. XXVIII. 5. dicitur **דַּמָּשְׁקַיִם**.

3. IN FINE. If. XVI. 7. **קִיר-חֲרָשֶׁת** *Qir-bbarefeth* urbs quaedam nominatur, quae **רֶשֶׁת** *Resch* legerunt *Qir-bbares* LXX. habent **רֶשֶׁת** pro **ר** *Resch* legerunt **דַּלֶּת** *Daleth*, et literam **ח** omisere, quod interdum solent facere.

4. In permutatione literarum. IV. Reg. XX. 12. **בְּרֹאדַךְ** *Berodach* cum **א** epenthetico, ut volunt, sed potius antiqua vocali *o*, hic Rex If. XXXIX. 1. vocatur **מְרֹאדַךְ** et extrito **א** utpote inutili post adscripta puncta. Jos. VII. 1. **אַחִיזַכַּר** *Achan* dicitur I. Paral. II. 7. **אַחִיזַכַּר** *Achar*, mutato **ח** in **ר** ob adlusionem, quae fit ad verbum sequens **אַחִיזַכַּר** *turhavit*, II. Reg. XI. 3. **בֶּת-שֶׁבַע** *Bathscheva* Vulg. *Bethsabee* uxor Uriae, postea Davidis I. Paral. III. 6. **בֶּת-שֶׁבַע** *Bathscheva* mutato **ב** in **ו**.

5. Literarum **ר** et **ר** frequens est commutatio, quae tamen amanuensium incuriae adscribi potest. Vide Gen. X. 3. 4. XXXVI. 26. Num. I. 14.

6. Reperitur etiam metathesis literarum. II. Reg. XI. 3. pater Bethsabee dicitur **אֵלִיָּם** *Eliam*, qui I. Paral.



III. 5. vocatur אַנְיִיֵּל *Anniel*, ubi integrae transponuntur literae, nomine et significatione manente eadem; utraque enim vox *populum Dei* significat. IV. Reg. XXIV. 6. 8. יְהוֹיָכִין *Jeboiachin* Vulg. *Joachim*, יֶזְכְּיָה *Jeconia* Vulg. *Jeconias* I. Paral. III. 16. כְּנִיָּז *Coniabu* Vulg. *Jeconias*. Vide cap. XV. 29.

CANON V. *Hebraeorum nominum propriorum origo in hebraea; graecorum in graeca, latinorum in latina lingua quaerenda est, neque ex aliena deducenda.* Sic *Pascha* non venit a πασχω *patior*, sed a פָּסַח *transitus*. *Iesus* hebraicam originem habet, non graecam ab ἰσω *sano*, fut. ἰσω *mutato α in η, ἰσω*: sed vox ista derivatur a יָשַׁע *salvavit*, quia *salvum faciet populum suum a peccatis eorum*. Sic et *Moyse* non est nomen deductum ab aegyptio *Moi*, quod *aqua* significat, sed ab hebraeo מֵיָה *extraxit*, quia *de aqua מֵיָהוּ *traxisti eum*, inquit Mater Moysis ad filiam Pharaonis.*

CANON VI. *Nomina propria in versionibus retinenda sunt, neque ut adpellativa interpretanda.* Ab hac regula saepe discedunt LXX. cum aliis graecis interpretibus, ut patet conferendo plura loca cum fonte hebraeo, et nostra Vulgata: atque inde graves difficultates quandoque, et obscuritates ortae sunt. Sic Psal. XXVIII. 6. *Et convinniet eas tanquam vitulum Libani* et DILECTUS quemadmodum *filius unicornium*; dilectus heic sumendum est pro nomine proprio שָׂרִיִן *feu ut legit S. Hieron. Sarion*, quo nomine adpellabant Sidonii montem *Hermen Libano* contiguum Deut. III. 9. Ipse quoque Interpres latinus sequutus LXX. quaedam nomina propria adpellative accepit. Gen. II. 8. *Plantavit autem Dominus Paradisum* גֶּן־עֵדֶן *volupta-*

voluptatis pro in Eden. Vide cap. X. II. Et aedificavit (Assur) Niniven עִיר וְרַחְבּוֹת et plateas civitatis, pro et Rhooboth civitatem.

CANON VII. *Nominis proprii quandoque periphrasis est sive circumloquutio. 1. Paral. XVII. 13. Et misericordiam meam non auferam ab eo (Salomone) sicut abstuli ab eo, qui ante te fuit. Sic Joannes se ipsum circumscribit: hic est discipulus ille, quem diligebat Iesus.*

CANON VIII. *Plurima nomina propria personarum a Deo et Hebraeis imposita sunt ab aliquo eventu. Hebraei veteres nominum liberis imponendorum certas causas habere, quae aliquando exprimuntur in scriptura, saepe etiam omittuntur, et in omisiss non est, quod nos immodice torqueamus, aut certe aliquid pronuntiemus temere, quum multis coniecturis locus est. Sic Isaac a risu, non Sarae matris, sed patris Abraham, צָחַק ridere significat, unde יִצְחָק. Percurre historiam primorum Patriarcharum, et plurimorum nomina ob eventus cuiusdam circumstantiam eis imposita reperiēs. Sic et nomina civitatum. Babel a confusione linguarum, derivatur a rad. בָּלַל confudit. Nomina gentilitia. Assyrii ab Assur, deducitur a rad. אָשַׁר beavit, quia regionem temperatissimam atque beatissimam אֲשֹׁר consequutus est. Arabes constituunt gentem ex diversarum nationum permixtione coalescentem, diversisque alborum Syrorum, et nigrorum Aethiopum coloribus confuse infectam: Unde Arabs derivatur ab hebr. עָרַב, quod significat permiscere, et res diversas confuse coniungere; unde עֶרֶב vespera ex residua diei fulgentis parte, et parte adventantis noctis composita dicitur.*



CANON IX. *Uni eidemque personae duo vel plura quandoque imposta leguntur nomina propria.* I. Reg. XXI. 1. *Achimelech* vocatur etiam *Abimelech*, mutato א in ב, is quoque dicitur *Abiathar* Marc. II. 26. Imo si quis conferat I. Paral. XXIV. 3. et II. Reg. VIII. 17. cum II. Reg. XV. 29. 35. et III. Reg. II. 26. deprehendet et patrem et filium binomines fuisse, et utrumque modo *Abimelech* aut *Achimelech*, modo *Abiathar* nominari. IV. Reg. VIII. *Ochoshias* filius Joram Rex Juda vocatur *Azarias*. II. Paral. XXII. 6. II. Paral. XXVI. 1. *Ozias* Rex Juda vocatur *Azarias* IV. Reg. XV.

CANON X. *Uni eidemque loco plura interdum leguntur nomina imposta.* Gen. XIV. 7. Fons *Misphat* vocatur etiam *Cades*. Agyptus vocatur *Cham*, a Chamo Noe filio. Is. LI. 9. vocatur רַהַב *Rahab* propter summam eius superbiam, רַהַב enim adpellative id significat; unde Vulg. *superbum* interpretatur. Is. XXIX. 1. Jerusalem dicitur *Ariel*, quia replenda erat interfectorum sanguine, sicut altare holocaustorum, quod etiam *Ariel* vocatur. Ezech. XLI¹. 15. 16. ad quod respicit propheta, sanguine victimarum spargebatur.

CANON XI. *Personis iam antea nomina sua habentibus, alia quandoque leguntur superimposita, ob certam rationem in S. Scriptura plerumque expositam.* De nomine *Abram* in *Abraham*, item *Jacobi* in *Israel* supra egi. שְׂרַי uxoris *Abraham* nomen mutatum fuit in שָׂרָה. S. Hieron. quae est, in Gen. dicit: *Causa autem ita nomini inmutati haec est, quod antea dicebatur PRINCEPS MEA, unius tantum domus mater familias: postea vero dicitur absolute PRINCEPS i. e. ἀρχουσα in hebraeo habetur: non vocabis nomen eius SARAI, i. e. non dices ei PRINCEPS MEA es, omnium quippe gentium*

gentium futura iam princeps est. Joan. I. 42. 43. *Simoni a Christo imponitur nomen Cephias h. e. petra, seu Petrus, quia super eum, tanquam supra firmam petram aedificaturus erat Ecclesiam suam. Vide Gen. XXXV. 18. Num. XIII. 16. Prov. XXXI. 1. Salomon a matre blandiente vocatur לַמֹּיָל i. cuius Deus est, vel qui stat a Deo, vel quem Deus fovet. rcl.*

CANON XII. *Plures unius Regni aut Provinciae reges, sive principes sibi invicem succedentes, saepe uno eodemque nomine vocantur.*

PHARAO commune regum Aegyptiorum nomen fuit. *Pharao Nechao memoratur IV. Reg. XXIII. 29. Pharao Ephree Jerem. XLIV. 30. Post Alexandri M. tempora Reges Aegypti vocati sunt PTOLOMAEI a voce graeca πολεμος, et inserto τ, πτολεμος, bellum q. d. bellatores. Sic Ptolomaeus Lagi, Ptolomaeus Philadelphus, Ptolomaeus Philopator. ABIMELECH Philistinorum Regum in scripturis nomen est. ARTAXERXES Reges Persarum vulgo nominati sunt; Xerxes iuxta Herodot. bellatorem, Artaxerxes, magnum bellatorem significat. BENADAD commune regum Syriae nomen fuisse scribit S. Hieron. comm. in Amos cap. I.*

CANON XIII. *Quaedam nomina dubiae sunt significationis, proprie sint, an adpellativa. Num. XXIV. 17. Orietur stella ex Jacob . . . vastabitque omnes filios נֶשֶׁת Seth., Chaldaeus: dominabitur in omnes filios hominum: a Setho omnes prognati sumus, quum in diluvio Caini proles extincta fuerit, et Noe, a quo genus humanum reparatum est, a Seth suam traxerit originem. Plura eiusmodi exempla in dictionariis reperire est.*

CANON XIV. *Quandoque rei nomen pro re ipsa ponitur. II. VII. 14. Emanuel i. e. nobiscum Deus, pro ipso Messia.*



Hic idem cap. IX. 6. vocatur *admirabilis*, *Consiliarius*, *Deus*, *fortis*, *princeps pacis*, i. e. erit: Sicque nomen *vocari* saepius pro *esse* ponitur. Zach. VIII. 3.

CANON XV. *Nomen proprium unius ob quamdam similitudinem vel etiam typum alteri quandoque imponitur.* IV. Reg. IX. 31. *Jebu* vocatur a *Jezabele Zambri*, quia sicut *Zambri* occiderat Dominum suum, ita *Jehu*. *Joannes Baptista* vocatur *Elias*, quia in Spiritu et virtute *Eliae* antecessit Christum. Similis erat *S. Joannes Eliae* ratione vestis. Item hic libera sua increpatione offenderat *Jezabelem*, hic *Herodiadem*. cet.

C A P U T III.

De Nomine adpellativo.

CANON I. *Adiectivum seu concretum pro substantivo seu abstracto interdum ponitur.* Gen. XXI. 16. כַּמְטָחוֹי קָשֶׁת sicut *iaculantes arcu*. Vulg. *quantum potest arcus iacere*. Num. XXIV. 20. עֲרֵי אֵיבֹר usque ad *pereuntem* i. *perditionem*. Psal. CXVIII. כָּשֶׁה אֵיבֹר sicut *ovis pereuntis* i. *perditionis*. וַיֵּהָיֶה enim est in forma constructa, ut . . denotat. Dan. IX. 24. ad obsignandam visionem וְנִבִּיאַת et *prophetiam*. i. e. *prophetiam*.

CANON II. *Denominativa seu epitheta quandoque de subiectis suis praedicantur, etiamsi fundamentum ipsorum et denominationis ratio perierit.* Et vicissim *denominantur* quaedam talia, etiam ante rem ipsam, ob quam ista fit denominatio. Exod. VII. 12. *Virga Aaronis in serpentem conversa*, adpellatur *virga*, quia talis erat natura sua, et mox in pristinam formam erat reditura. Il. XI. 6. *habitabit lupo cum agno* i. qui erat prius *lupus*. Qua metaphora intelliguntur homines feri, qui per susceptionem Evangelii



lii mansuescunt. Sic *Coeci vident cet.* Joan. IX. *Dicunt ergo coeco iterum* i. qui fuit coecus. Matth. XXI. 31. *Publicani et meretrices praecedent vos in Regnum Dei* i. qui fuerunt publicani. I. Cor. XI. 26. 27. 28. Corpus Christi dicitur *panis*, et sanguis eius *vinum* seu calix per metonymiam continentis pro contento.

CANON III. *In sacris literis res interdum describitur non qualis nunc est, sed qualis futura est.* Gen. III. 20. *Adamus nominat uxorem suam Hevam, eoquod, (futura) esset mater cunctorum viventium.* Gen. XXIX. 21. Deut. XXII. 24. *desponsata* vocatur *uxor*, quia est *uxor* promissa et futura. Sicut e contrario, quae *nupta* est et *uxor* viro iuncta, quamdiu matrimonium non est consummatum, vocatur *desponsata* Luc. II. *Joseph ivit in Bethlehem, ut profiteretur cum Maria desponsata sibi uxore.*

C A P U T IV.

De Nomine substantivo.

CANON I. *Substantivum cum substantivo eiusdem rei, in eodem genere, numero et casu convenit, quam constructionem latini adpositionem vocant.* Sic dicitur נַעֲרָה בְּתוּלָה puella virgo. אָנָּשִׁים אַחִים viri fratres.

In hac substantivorum adpositione utrique saepe articulus, praepositio, aut alia litera servilis praepositur, pleonastice quidem, sed elegantia et emphasi singulari. Gen. XXXII. 18. לַעֲבָדָךָ לַיַּעֲקֹב servi tui Jacobi. II. Reg. XVIII. 18. בְּנֵעָר בְּאַבְשָׁלוֹם in puerum istum, in Absalon.

Loco adpositionis interdum status regiminis ponitur. Gen. XV. 18. נָהָר פָּרָת fluvius Euphratis. Amos. V. 2. בְּתוּלָה יִשְׂרָאֵל Virgo Israelis pro Virgo Israel i. e. populus Israeliticus.



CANON II. *Idem substantivum, eodem casu et numero, saepius in S. scriptura repetitur, idque ad emphasin et evidentiam vel etiam continuationem designandam.* Deut. II. 27. בִּרְדִּי בִּרְדִּי in eadem via, in eadem via procedam h. e. continuo eadem via procedam, non declinabo ad dexteram vel sinistram. Cap. XVI. 20. צֶדֶק צֶדֶק iustitiam iustitiam sectaberis, i. indefinenter et constanter. Vide supra in hebraïsmis periphrasticis de formatione superlativi. Ezech. XXI: 27. Perversitatem, perversitatem, perversitatem ponam eam (coronam) i. regnum Israëliticum funditus evertam.

2. *Ad multitudinem significandam, quod plerumque in repetitione substantivorum pluralium fit.* Gen. XIV. 10. Vallis autem Siddin (Vulg. sylvestris) erat putei putei bituminis i. habens plures puteos bituminis. Exod. VIII. 14. Et colligebat eas (ranas) acervos acervos i. acervatim. If. XXV. 7. Et praecipitabit (Dominus) in monte hoc faciem הָלוֹט הָלוֹט vinculi vinculi h. e. multitudinis vinculi. Vulg. Vinculi conligati, pro ultimo הָלוֹט legebat הָלוֹט in participio. Aq. cum Theod. teste. Hieron. comm. in h. l. faciem tenebrarum interpretatus est. At Symm. ἐξουσιαστος του εξουσιαζοντος Dominatoris dominantis, quae omnes interpretationes eundem sensum efficiunt; vincula enim sive involucria, victoris potentiam denotant, et infelicem captivorum statum, quem tenebrarum nomine metaphoricè expressit Aquila. Sensus autem literae est is: post reditum e captivitate babylonica conterrer Dominus in monte Sion vincula, quibus adligati fuerant omnes populi, nempe Israëlitae. Clarius autem innuitur gentium ad Christi fidem conversio.

3. *Ad distributionem indicandam.* Gen. XXXII. 16. Et dedit (Jacob) in manus servorum suorum gregem gregem
seorsim



feorsim h. e. singulos greges *feorsim*. Num. V. 12. *Vir Vir, quum declinaverit uxor eius* i. cuiuscunque viri uxor. Cap. XXVIII. 21. *decimam decimam parato* i. singulas decimas.

Eadem fere ratio est adiectivorum numeralium, quae si geminentur, distributiva sunt. Gen. VII. 9. *Duo duo ingressa sunt* i. bina.

4. *Ad diversitatem et varietatem innuendam.* Quod fit, si copula *et* interponatur, etsi exempla quaedam in praeced. numero posita ostendant distributionem indicati, etiam dum copula illa interiicitur. Deut. XXV. 13. *Non erit tibi pondus et pondus* i. diversa pondera. Vulg. maius et minus. Psal. XI. 3. *In corde et corde loquentur* i. e. duplici corde. Psal. LXXXVI. 5. *Homo et homo natus est in ea* i. quam plurimi homines. Sic in diverso genere et numero. Is. III. 1. *Ecce enim Dominator Dominus exercituum auferet a Jerusalem et Juda* מִשְׁעָן וּמִשְׁפָּחָה *scipionem et scipionem*, i. hunc et illum robustum. Eccl. II. 8. *Cantores et cantatrices* i. varios cantores, diversa musices instrumenta.

Joel III. 14. Multitudinem damnatorum hac allegoria eleganter expressit: *multitudines multitudines* (Vulg. *populi populi*) *in valle concisionis* h. e. tanta erit strages, cumuli cadaverum passim coacervatim adpareant.

C A P U T V.

De Nomine Adiectivo.

CANON I. *Duo nomina substantiva vel synonyma, vel disparatae significationis coniunguntur, et eorum alterum vicem adiectivi cum emphasi sustinet.* Haec loquendi forma adpellatur vulgo *Hendyadis* h. e. *ex dia duon unum per duo*.

B b 5

quan-



quando scilicet una res per duo vel synonymae vel disparatae significationis vocabula exprimitur. Gen. I. 26. *Ad imaginem et similitudinem suam* i. imaginem simillimam. Cap. XIX. 24. *Pluit Dominus super Sodomam et Gomorrhham sulphur et ignem* i. sulphur igneum vel ignem sulphureum. Job. IV. 16. דְּמָמָה וְקוֹל *silentium et vocem audiui* h. e. tacitam et submissam vocem. Cap. X. 17. חֲלִיפוֹת וְצָבָא *mutationes et exercitus (sunt) contra me* h. e. quasi exercitus aliis aliis succedentes me obpugnant. Exercitus illi poenae, calamitates sunt. Jerem. XXII. 3. *facite iudicium et iustitiam* i. iudicium iustum. Matth. III. 11. *Ipse baptisabit in Spiritu S. et igne*, h. e. in Spiritu S. ignito, inluminante, inflammante et purificante corda vestra. Act. XIV. 12. *Sacerdos Jovis . . . tauros et coronas adferens* i. tauros coronatos.

CANON II. *Saepius abstractum pro concreto, sive substantivum pro adiectivo cum insigni emphasi et energia ponitur.* Sic Gen. XLVI. 34. תִּוְעֵבָה *Abominatio Aegyptiorum* i. summe abominabilis. Psal. V. 10. *Cor eorum הָוּוּ perverfitates* i. perversum maxime. Agg. II. *desiderium omnium gentium* i. Messias ardentem desideratus. Luc. XVI. 15. *Quod hominibus altum est, abominatio est apud Deum* i. summe abominabile.

CANON III. *Ex duobus substantivis, quorum alterum altero regitur, modo prius, modo posterius loco adiectivi ponitur: quandoque etiam utrumvis pro adiectivo potest accipi.* Gen. XVII. 5. *Patrem הַמֶּן multitudinis gentium constitui te* i. multarum gentium. Cap. XLV. 22. *mutationes vestium, vestes mutatoriae.* *Juramentum obligationis, i. obligatio iuramento firmata.* *Proceritas cedrorum* i. cedri procerae. Psal. XCVIII. 4. *fortitudo Vulg. honor regis iudicium*



dicium diligit. i. Rex fortissimus, honoratissimus. I. Cor. I. 21. *Stultitia praedicationis* i. stulta coram ratione humana praedicatio. Gal. III. 14. *Promissio Spiritus* i. Spiritus promissus.

Posterius substantivum loco adiectivi est et vicissim. *Vir belli* seu *pugnae* i. bellicosus, pugnator. *Petra fortitudinis*, *domus munitionum* i. petra fortis, domus munita. Psal. LIV. hebr. LV. 9. *רוּחַ סֶפֶד* *Spiritus profectionis* i. Spiritus seu ventus rapidissimus, cuius impetu omnia dispelluntur, et quasi e loco suo proficiscuntur. Psal. LVIII. 31. *קֶנֶה חֵיץ* *catervam arundinis* i. sagittis, quae ex arundinibus fiebant, armatam. Vulg. *feras arundinis*. Videtur legisse *חֵיץ* i. quae in arundinetis degunt: *חֵיץ* et *feram* et *catervam* significat. *Vir violentiae*, i. e. violentus. *Lupi vesperae* Habac. I. 8. i. e. vespertini, qui cum nihil praedae tota die nancisci potuerint, de nocte grafsantur. Matth. XXVI. 64. *a dextris virtutis Dei* i. ad dexteram potentissimam Dei. Rom. VII. 24. *Quis me liberabit de corpore mortis huius* i. de mortali hoc corpore. Ephes. IV. 24. *Iustitia et sanctitas veritatis* i. vera et non ficta sanctitas. Philip. III. 21. *Corpus humilitatis nostrae* i. corpus humile aut humiliatum. *Vultus nativitatis* i. natus. *Seetae perditionis* i. perdentes, perniciosae. *Semen virorum* i. virile, Vulg. *optimè sexum virilem reddidit*. Psal. XXIII. 2. *super aquas מְנוּחֹת* *quietum* i. quietas, et leniter fluentes, non turbidas et exitiosas. Vulg. *refectionis*. Prov. *Cerva amorum* i. charissima. Matth. XXIV. 15. *Abominatio desolationis* i. abominabilis desolatio.

CANON IV. *Adiectivum eleganter exprimitur per substantivum cum aliqua ex his praepositionibus ב, ל, מ vel מן con-*
iunctum.

I. cum



I. cum כ in. Exod. XXXII. 22. quia כרע in malo est i. malus. cap. I. 14. In omni opere in agro i. agresti. I. Paral. XXVI. consiliarius in intellectu i. intelligens. Psal. XXVIII. 4. Vox Domini in magnificentia, vox Domini in virtute, i. potens et magnifica. Psal. I. 7. Ecce in iniquitate formatus sum, et in peccato concepit me mater mea i. iniquum et peccatorem, peccato scil. originali. Psal. LXXXIX. 5. Custodia in nocte i. nocturna. Cant. III. 8. propter timorem in noctibus i. nocturnum. Luc. IV. 32. quia in potestate erat sermo eius (Christi) i. quia potens erat sermo eius, vel quia loquebatur tanquam potestatem habens. Joan. IX. 34. In peccatis totus natus es h. e. omnino sceleratus et peccator. I. Cor. II. 7. loquimur Dei sapientiam in mysterio h. e. mysticam, et huius mundi sapientibus incognitam seu absconditam. Huc etiam referuntur haec. Marc. V. 2. homo in spiritu immundo i. habens spiritum immundum. mulier in fluxu sanguinis נ. 25. i. fluxum sanguinis habens.

II. cum ל ad vel in. II. IV. 2. In die illa erit germen Domini (Messias) in magnificentiam et gloriam i. magnificum et gloriosum. ibidem. Et fructus terrae (Messias rursus ex terra benedicta nempe B. V. Maria) in sublimitatem et decorem i. sublimis et decorus. Psal. C. 1. Psalmus לתודה LXX. εις εξομολογησιν ad confessionem i. ad confitendum sive gratias agendum compositus. Tob. XIII. 1. Precatio ad exultationem i. exultatoria, qua Deo grates persolvuntur cum singulari mentis gaudio, quale fuit canticum B. V. Mariae, Magnificat anima mea. cet.

III. Cum מ vel מן a, ab, de, ex. Psal. XVI. 4. Non libabo libamina מן de sanguine i. sanguinea nempe immunda: nam sanguis censebatur immunda res, quo non
ve-

vescebantur iudaei, bene vero idololatrae; unde Isaias dicit, mundandum esse sanguinem in Jerusalem. Joan. III. 31. *Qui de terra est i. terrenus, de terra loquitur i. terrena.*

Praepositio etiam cum adiectivum format. Psal. LXXXVIII. 14. *Tuum brachium cum potentia, h. e. potens est.* I. Timoth. III. 4. *filios habentem in subiectione* (Vulg. *subditos*) *cum omni castitate i. honestissimos.* Item *secundum.* II. Cor. VIII. 2. *secundum profunditatem paupertas eorum i. profundissima.*

COMPARATIVUM quoque hebraei formant addendo praepositionem ב aut מן prae. Eccl. IV. 9. *Boni sunt duo מֵאֶחָד, aut מִן־הָאֶחָד prae uno i. meliores.* Agg. II. 10. *magna erit gloria domus huius posterioris מִן־הָרִאשׁוֹן prae priore illa i. maior, praestantior.* Enallage heic etiam locum habet, quando positivus pro comparativo, et superlativus pro comparativo ponitur, sicut et quandoque comparativus pro superlativo. Matth. XVIII. 8. *bonum tibi est ad vitam ingredi debilem cet. i. e. melius tibi est.* Sic apud profanos: *bonum est non vivere, quam misere vivere.* Ibid. cap. XI. 11. *Qui minor est in regno coelorum, maior est illo,* Joanne Baptista i. qui minimus est. Cap. XIII. 32. *quod (granum sinapis) μικροτερον minus quidem est omnibus seminibus i. minimum.* Vulg. *quum autem creverit μελλον maius est omnibus oleribus i. maximum.*

CANON V. *Adverbium substantivo additum, adiectivi significationem non raro induit.* I. Reg. XXV. 31. *quod effuderis sanguinem מִן־יָדְךָ innoxie i. innoxium.* Prov. III. 25. *Non timebis a timore מִפְתָּאֵךְ subito i. subitaneo.* Luc. X. 30. *και τις εστι μου πλησιον Et quis est meus prope i. proximus.*

CAPUT



CAPUT VI.

De Hebraeorum numero et casu.

CANON I. *Quaedam vocabula in plurali numero modo cum emphasi, modo sine emphasi, et ex solo linguae usu, effe-
runtur. Vide supra in hebraismis enallagicis. Psal. CIX. 1. sede a dextris meis, in hebraeo habetur לְיָמֵי ad dexteram
meam. In novo testamento saepe ponitur Sabbathum in
plurali. Eadem vox sive in plurali sive in singulari num-
mero, dies septimanae, seu septimanam integram synec-
dochice denotat. Matth. XXVIII. 1. Vespere autem σαβ-
βατων Sabbathorum, quae lucefcit εἰς μίαν σαββατων in una
Sabbathorum i. in prima die septimanae. I. Cor. XVI. 1.
In una Sabbathorum i. prima die septimanae: in his exem-
plis una est pro prima; saepe enim numerus cardinalis
pro ordinali ponitur. Sic et illud Luc. XVIII. 12. Jeiu-
no bis in Sabbatho i. in septimana.*

CANON II. *Pluralis numerus pro uno aliquo non defini-
to, seu plurale pro uno ex pluribus quandoque ponitur. Gen.
VIII. 4. Requievit arca super montes Ararat, i. e. super
unam montium. Jud. XII. 7. sepultusque est (Jephthe) בְּעָרֵי
in urbibus Galaad; in tina urbium. Unde volunt in his
exemplis esse ellipsin distributivi. אֶחָד unus, אֶחָת una.
Vide supra in hebr. ellipt.*

CANON III. *Nominativus in oratione quandoque absolute
ponitur, adeo, ut vim integri membri in sententia absolvat.
Psal. X. 4. Dominus, in coelo sedes eius, Dominum quod
adinet, sedes eius in coelo est. Psal. XVII. 31. Deus
perfecta via eius. In his exemplis videtur esse pleonasmus
pronominis, atque το eius redundare, ut sensus sit: Do-
mini sedes in coelo est, Dei via perfecta est. Hic hebrais-
mus etiam in novo Testamento occurrit Matth. XXII.*

42. *Lapidem, quem reprobaverunt aedificantes, hic factus est in caput anguli.*

CANON III. *Casuum inter se enallage seu permutatio non raro occurrit; praecipue Nominativus pro vocativo, vel potius nominativo similis est vocativus, quod ad dialectum Atticam pertinet. Specialius observandum, quod adcusativus frequenter pro nominativo ponatur. Nehem. IX. 19. וְאֶת־עֲמֹד־הַנֹּשֶׁבֶת columnam nubis non recessit ab eis. I. Reg. XVII. 34. Et veniebat leo וְאֶת־הַרְיָב et ursus. Præterea alia exempla, tum quia aliter explicari possunt; tum quia אֶת certa non est articuli nota; nam etiam ablativum, et nominativum, maxime in verbis passivis et intransitivis indicat.*

C A P U T VII.

De nominum hebraeorum regiminis statu.

In regiminis statu quinque notanda sunt; *Idiotismus, Pleonasmus, Ellipsis, Enallage, Hypallage.* De quatuor ultimis supra iam egimus. Idiotismus occurrit tum in genere, tum in specie. *In genere ratione significationis, et ratione constructionis. Ratione significationis hic statuitur*

CANON Nomen rectum in genitivo casu, ratione usus et significationis varie accipitur, denotatque CAUSAM EFFICIENTEM, MATERIALEM rel. vide supra §. XI. de hebraeis regiminis.

Ratione constructionis sequentes observentur canones.

CANON I. Infinitivus seu nomen substantivum, quandoque ab altero nomine substantivo regitur. Gen. II. 4. בְּיוֹם שַׁבָּת in die facere i. factionis seu quo fecit Dominus. In diebus



diebus iudicare iudices i. iudicii iudicum, quando iudices praeerant. *In anno venire* i. adventus. Mich. VII. 15. *בְּיָמַי יֵצְאתִי* in diebus egredi te i. egressionis tuae.

Sic etiam participia quandoque regunt infinitivum. Sic Psal. CXXVII. 2. *diluculantes surgere, tardantes sedere* i. qui summo diluculo surgitis, et sero sedetis. *Aman-tes dormire* i. dormitionem.

CANON II. *Duorum synonymorum rectio auxesin et evidentiam denotat.* Psal. X. 6. *Spiritus seu ventus procellarum* i. procellissimus. Psal. XVI. hebr. XVII. 5. *Dominus pars portionis meae* Vulg. haereditatis meae i. haereditas mea omnimoda. Psal. XXXI. 5. *Remisisti iniquitatem peccati mei* h. e. peccatum meum gravissimum. Vel iniquitas sumitur pro poena peccati. Zach. X. I. *pluviam imbris* i. abundantissimam. *Caligo tenebrarum* i. densissimae tenebrae, horribilis caligo.

Idem observa in adiectivis synonymis *fortes potentum* i. duces potentissimi. *סָרִי סִוְרִים* contumaces contumacium h. e. contumacissimi.

Interdum tamen illa emphasis locum non habet, sed duntaxat pleonasmus est. Sic Num. XIX. 2. *hoc est הַקֹּחַ הַזֶּה* statutum legis, i. statutum, five lex. *Psalmus cantici*, simpliciter psalmus, vel canticum. *Domus tabernaculi*, domus, tabernaculum. Ephes. IV. 23. *Renovamini Spiritu mentis vestri* i. Spiritu, mente.

CANON III. *Adiectiva nominalia et participialia regunt genitivum, qui diversimode a latinis exprimuntur.*

I. Per ablativum, si genitivus iste rei sit, si personae per adjectivum cum praepositionibus *inter*. Psal. hebr. XXIV. *innocens manuum* i. manibus. Jerem. XXXIII.



19. גדול הַעֲצָה *magnus consilii* i. consilio. If. III. 3. חֲכָם
הָרַשִׁים *sapientem artificum* i. inter artifices.

II. CAUSA EFFICIENS, et explicatur per *a*, vel *prae*.
Gen. XXIV. 31. *Ingrederere בְּרוּךְ יְהוָה benedicite Domini* i.
a Domino. Cant. II. 5. *aegra amoris* i. prae amore.

III. SUBIECTUM, RECIPIENS, exprimitur genitivus
iste vel per adnominativum, vel per ablativum. Sic *con-*
tritus Spiritus i. Spiritu. *pollutus labiorum* i. labiis. *Timens*
Domini יְהוָה יִרָא i. timens Dominum.

C A P U T VIII.

De Enallage Nominum.

De Enallage supra §. v. in hebraismis iam actum est.
Sequentia adhuc notanda sunt.

CANON I. *Nomina verbalia tam absoluta, quam con-*
structa, casum verbi sui regunt, qui latinis per genitivum ex-
plicandus est. Num. X. 2. *Ad convocationem coetum*, i.
coetus, et *admotionem castra* i. castrorum. If. XI. 9. *Re-*
pleta est terra יְהוָה אֶת-יְהוָה scientia Dominum i. Domini.

Si aliud nomen vel pronomen genitivi casus substan-
tivo verbali addatur, tum adnominativus, qui per substan-
tivum illud verbale regitur, per accusativum cum prae-
positione, aut alia ratione exponendus est. Deut. I. 27.
Propter odium Domini nos מִשְׂנֵאת יְהוָה אוֹרְנוּ i. e. *adver-*
sam nos; vel per ellipfin verbi coniugati, i. שָׂנֵא odio
habuit, quod includitur in nomine substantivo שְׂנֵאָה *odium*,
sic: *propter odium Domini*, quo odit nos. II. Reg. III.
11. *Propter timorem eius ipsum*, i. *ab ipso* Vulg. quia me-
tuebat illum. If. XXIX. 3. *timor eorum me* i. erga me;
Vulg. *timuerunt me*.



CANON II. *Inter duo substantiva per copulam ET conne-
xa, alterian per genitivum quandoque exponitur.* Gen. III.
16. *Multiplicabo dolorem tuum, et conceptionem tuam* i. dolores
conceptus tui. Is. I. 13. *Non possum (ferre) iniquitatem
et coetum* h. e. iniquitatem coetus. Jerem. XXXVI. 27.
Postquam combusserat Rex volumen et sermones i. volumen
sermonum. Rom. I. 5. *Per quem accepimus gratiam et
apostolatam* i. gratiam apostolatus.

CAPUT IX.

De Pronomine Demonstrativo.

De pronomine consideranda sunt duo, scil. *gene-
ralia et specialia.* Generalia sunt eius repetitio, Pleo-
nasmus et Enallage.

CANON I. *Demonstrativi pronominis repetitio distributio-
nem indicat.* Num. XXII. 24. *stetit Angelus Domini in
tramite vinearum* גִּיר מֶזֶה וְגִיר מֶזֶה maceria ex hoc et ma-
ceria ex hoc i. heinc illeinc seu utrinque maceriam habente.
Jud. XVIII. 4. כְּזֶה וְכֵזֶה secundum hanc • secundum
hunc fecit mihi. i. haec et haec praestitit mihi. Psal. XIX.
8. אֲלֵהֶם bi in curribus וְאֲלֵהֶם et hi in equis. h. e. alii in cur-
ribus, alii in equis.

CANON II. *Pronomina demonstrativa nominibus subiun-
cta, verbi substantivi loco, singulari cum elegantia ponuntur.*
Gen. III. 10. *Timui eoquod* הֵנָּה עֵרִים הָנֹכְחִי nudus ego, h. e.
nudus essem. Cap. VI. 2. *Videntes . . . filias hominum,
quod* טִבְּבוֹת הָנֶחָמָה bonae subple forma. Vulg. quod pulchrae
essent.

Quando nominibus praeponuntur, verbi substanti-
vi *sunt* ellipsis est, remanente pronominum illorum signi-
ficatione.

ficatione. Gen. VI. 9. אֵלֶּה חֲלוֹדֹת istae (sunt) generationes. הוּא מֶלֶךְ iste (erat) Rex.

CANON III. *Loco pronominis demonstrativi primae et secundae personae, quandoque ipsum nomen eius, qui loquitur, vel ad quem fit sermo, ponitur.* Exod. XXX. 16. *Eritque filiis Israel monumentum coram Domino* i. e. coram me, loquitur enim Dominus. Lev. X. 11. *Doceatisque filios Israel omnia . . . quae loquutus est Dominus ad eos, i. quae loquutus sum;* sunt verba Domini ad Aaronem. Psal. Hebr. L. 14. *Immola Deo laudem* Vulg. *immola Deo sacrificium laudis.* h. e. immola mihi. Loquitur heic Deus. Ps. CXXXI. 1. *Memento Domine David* h. e. memento mei. Et utriusque personae. Num. XXVII. 11. *Sicut praecepit Dominus Moysi* h. e. sicut praecepi ego Dominus tibi: Deus enim Moysen adloquitur.

CANON IV. *Pronomina demonstrativa הוּא et הֵואוּ quandoque cum emphasi maiori, quam proprie sonant, vel in alia paululum diversa significatione accipiuntur.*

הוּא ipse de Deo usurpatum, immutabilitatem eius notat. Psal. CII. 28. הוּא אֲתָה הוּא Tu autem idem es, sequitur explicatio: et anni tui non deficient.

הֵואוּ pro indefinito quidam interdum sumitur. I. Reg. XVII. 12. *David autem erat filius viri Ephrataei* הֵואוּ illius i. cuiusdam. Ibid. v. 34. *veniebat leo et ursus, et tollebat* הֵואוּ illud de medio gregis i. aliquid. Deut. V. 29. *Utinam cor eorum esset* הֵואוּ illud ad timendum me i. tale.

CAPUT X.

De Pronomine relativo.

Relativi pronominis voce non solum eo loci intelligitur אֲשֶׁר vel שֶׁ qui, quae, quod; verum etiam ipsa



pronomina primitiva, et quae ex eis deducuntur, adfixa, quae eo etiam nomine insigniri possunt, quod ad rem, vel personam, de qua habetur sermo, referantur. Circa pronomen relativum consideranda sunt quatuor, I. *Idiotismus*, II. *Enallage*, III. *Ellipsis*, IV. *Pleonasmus*.

CANON I. *Relativum QUI, QUAE, QUOD* אֲשֶׁר *determinatur ad certum genus, casum, et numerum per suffixum, quod habetur reiectum post verbum. Sic* אִישׁ אֲשֶׁר נָתַתִּי לוֹ *vir, qui dedi ipsi, i. e. cui dedi. Gen. I. 12. facientem fructum* אֲשֶׁר זָרְעוּ-בוֹ *in quo est semen eius.*

CANON II. *Relativa quandoque referunt ea, quae remotius distant, licet adsint propiora, ad quae referri posse videantur. II. Reg. XX. 6. Tolle ergo servos Domini tui, et persequere eum, non Dominum tuum, sed Sebam, cuius mentio praecessit. Psal. XCVIII. 6. Moyses et Aaron in sacerdotibus eius, et Samuel inter eos, qui invocant nomen eius. 7. in columna nubis loquebatur ad eos scil. ad Moysen et Aaron, non ad Samuelem.*

CANON III. *Aliquando relativam respicit ad consequens, sive ad id, quod in textu sequitur. Num. XXIV. 17. Videbo eum, sed non modo, intuebor illum, sed non prope, illum scil. de quo mox dicturus sum, nempe orietur stella rel. quae stella Christus est. Stella hebr. כּוֹכַב a rad. arab. cawcebb, quae micandi et fulgendi notionis est, non tatum sidus coeleste micans et fulgens, sed etiam eleganti metaphora a splendore sideris deducta hominem conspicuum, inlustrem, et praesertim Regem et doctorem significat, propter dignitatis et doctrinae splendorem. Confer. Gen. XXXVII. 9. Is. XIV. 12. Dan. VIII. 10. Apoc. XV. 20. Heinc Onkelos, Jonathan et Targum Jeros. Regem vertunt. Stellam itaque non pro fide-*
re

re accipiendum esse, patet ex sequentibus verbis: *Ex Jacob*: sidus enim nemo dixerit *ex Jacob* ortum fuisse: et stella, quam viderant magi in Oriente, non erat ipse Rex, sed eius signum.

De ENALLAGE *relativi* vide supra in hebraïsmis, insuper sequentia observa.

CANON IV. *Relativum saepius pro ipso antecedente ponitur.* Num. VII. 89. *Quumque ingrederetur Moyses tabernaculum foederis* אֶת־בֵּית־יְהוָה *ut loqueretur cum ipso i. cum Deo.* Vulg. *ut consuleret oraculum*, sensum, non verba retulit. Ibid. XXV. 4. *Tolle cunctos principes populi, et suspende illos i. e. illos, qui initiati sunt Beelphegor, ut v. 5. explicatur.* II. Reg. XI. 25. *Conforta* מְלַחֵמֶיךָ *praelium tuum . . . וְיִחְזְקֶיךָ et confirma eum h. e. militem tuum.* Optime Vulg. *Conforta bellatores tuos . . . et exhortare eos; abstracto per concretum reddito.*

CANON V. *Pro relativo et reciproco, et interdum etiam possessivo pronomine, saepius ponitur antecedens in textu repetitum.* Gen. I. 27. *Et creavit Deus hominem ad imaginem suam; ad imaginem Dei creavit illum i. ad imaginem, inquam, suam creavit illum.* Gen. IV. 23. *Dixitque Lamech uxoribus suis . . . audite vocem uxores Lamech i. uxores meae.* Gen. XII. 5. XVI. 16.

Sunt tamen quaedam loca, in quibus antecedentis repetitio personarum distinctionem denotat.

Gen. XIX. 24. *Igitur* יְהוָה *Dominus pluit super Sodomam et Gomorrhham sulphur et ignem* יְהוָה מֵאֵת *a Domino de coelo h. e. Deus Pater pluit sulphureum ignem de coelo a, h. e. per Dominum filium suum; quaecunque enim ille fecerit, haec et filius similiter facit, Joan. V. 19. Nullus autem sensus esse videtur, si dicatur Deus plucere*

C c 3 ignem



ignem a se ipso. Psal. CX. *Dixit Dominus Domino meo* i. e. Christo Deo filio suo et Domino meo. Ose. I. 7. Jerem. XXIII. 5.

CANON VI. *Loco pronominis relativi* אֲשֶׁר, interdum ponitur demonstrativum הַ vel וְ iste. Psal. IX. 16. *in laqueo וְ istum absconderunt mihi* i. אֲשֶׁר quem. Psal. CIV. 8. *in locum הַ istum fundasti eis* i. quem. Vide Psal. CXLII. 4. Is. XLIII. 21.

CANON VII. *Loco pronominis relativi, quandoque usurpatur coniunctio Et.*

Exod. X. 25. *Hostias quoque et holocausta da nobis וְעִטִּינוּ et offeremus Deo nostro* i. quae. Ruth. III. 16. *Et venit ad focrum suum וַתֵּאמֶר et dixit ei* i. quae dixit ei. I. Reg. XX. 2. *Neque enim faciet pater meus quidquam grande vel parvum, וְלֹא et non indicabit mihi* i. quod non.

Subinde adhibetur etiam particula causalis כִּי quia. Gen. III. 19. *Donec revertaris in terram כִּי מִמֶּנָּה quia ex ea sumtis es pro מִמֶּנָּה אֲשֶׁר de qua sumtus es.* Gen. IV. 25. *Posuit mihi Deus aliud semen pro Abel, כִּי quia occidit eum Cain* i. quem occidit. Psal. LXXI. 15. *Os meum adnuntiabit iustitiam tuam et salutare tuum כִּי quia non novi numeros.* i. cuius non novi numeros h. e. amplitudinem, copiam beneficiorum tuorum numerare nequeo. Vide Psal. XC. 4. Prov. XI. 15. XX. 16.

De ELLIPSI pariter supra actum: sunt vero sequentia adhuc notanda.

CANON VIII. *Relativum אֲשֶׁר qui, quae, quod, cum particulis אֶת, ל, מ, ב, coniunctum, non raro antecedens suum includit, quod commode subintelligendum est.* Gen. XLIV.

XLIV. 1. *Praecepit autem Joseph אֶת-אֲשֶׁר cui praeerat domui suae i. illi, qui praeerat.*

Quum de loco sermo est, frequens est haec ellipsis.
Gen. XXI. 17. *Exaudivit enim Deus vocem pueri בְּאֶשֶׁר בְּמָקוֹם in quo ipse est, subple בְּמָקוֹם in loco, in quo ipse est Vulg. de loco.* Sic cum demonstrativo. Gen. XXXVII. 17. *recesserunt מִזֶּה de hoc Vulg. de loco hoc.*
Num. XIII. 17. *ascendite hac, subple דֶּרֶךְ via.*

PLEONASMUM relativi, et ad quod refertur, substantivi, vide in hebraismis pleonasticis; sequentes adhuc canones observa.

CANON IX. *Antecedenti substantivo relativum quandoque adiungitur, pleonastice quidem, sed evidenter et cum energia; quum alioquin solum substantivum sufficeret. In hoc idiotismo relativum modo praeponitur, modo postponitur. Et primo*

Praeponitur. Exod. II. 6. *Et aperuit (arcam) וַתִּפְתָּח וַתֵּרָאֶהוּ אֶת-הַיֶּלֶד et vidit eum puerulum ipsum.* I. Reg. XXI. 13. *et mutavit eam speciem suam. וַיַּשְׁמֵנו אֶת-טַעֲמוֹ 20. Prov. V. 22.*

Postponitur. Gen. II. 17. *de arbore autem scientiae boni et mali non comedēs מִמֶּנָּה ex ea h. e. ex ea, inquam, plane non comedas.* Is. VIII. 13. *Dominum exercituum ipsam sanctificate.* Vide XLV. 9. Ezech. XXXIII. 2. rel.

CANON X. *Duplex relativum quandoque usurpatur, quum unum sufficeret.*

I. Adfixum et integrum pronomen interdum cum eleganti emphasi coniunguntur. IV. Reg. IX. 27. *גַּם אֶתוֹ הַכּוּ etiam hunc percutite ipsum.* Psal. IX. 7. *אֶבְרָם זָכָר*



זָכְרֵם הָיָה *perit memoria eorum ipsorum*, vel ipsi in solidum perierunt.

CAPUT XI. De Verbo.

§. I.

De Verborum Idiotismo.

Idiotismus verborum tum *significationem*, tum *constructionem* spectat. Significatio verborum vel *generalis* est, vel *specialis*, de utraque agetur.

CANON I. *Simplicia verba apud hebraeos, adiectis praepositionibus, et saepe etiam sine iis, habent compositorum significationem.*

Omnia verba apud hebraeos simplicia sunt; nulla composita: praepositio igitur, quam graeci et latini cum verbo coniungunt diversarum significationum causa, ab hebraeis inter *verbum* et *nomen* sequens disponitur, ut v. g. הָיָה *ire*, cum praepositione אֶל *ad* significat *adire*, cum מִן *ab*, *abire*, cum לִפְנֵי *ante*, *praeire*, cum אַחֲרַי *post*, *sequi*.

Quandoque etiam sine eiusmodi praepositionis adiectione, verbum simplex compositi significationem obtinet, quod ex contextu ipso eruendum. Sic עָמַד *stare*, etiam sumitur pro *obstitit*, *restitit*, *substitit*, *restitit*, *superstitem esse* etc. רָעָה *pascere* et *depascere*, *perdere* cet. Quae verba accurate adnotantur in dictionario P. Guarini et aliorum.

CANON II. *In uno eodemque verbo quandoque duae significationes concurrunt, seu unicum verbum pro duobus ponitur.*

Gen. XII. 15. וַתִּקַּח *Et capta est mulier in domum Pharaonis*

racnis i. capta perducta est. Sic לָקַח subin accipitur Gen. XV. 9. 10. Exod. XVIII. 2. Gen. XLIII. 33. וַיִּמְרֹאוּ Et mirati sunt homines illi, quisque ad proximum suum. i. mirantes respexerunt alter ad alterum. ו. 34. וַיִּשָּׁק Et accepit (Joseph) fercula de eo, quod erat in conspectu suo, ad eos h. e. accipiens misit ad eos. Psal. XXII. 22. Salva me ex ore leontis, et a cornibus unicornium עֲנֵי יְהוָה exaudies me i. exaudiens liberaisti me. LXX. et Vulg. humilitatem meam, pro עֲנֵי יְהוָה legebant עֲנֵי יְהוָה ab עֲנֵי man-
suetudo, humilitas cum Vaf loco ' , et adfixo verbali גִּי, loco ' . . Psal. CXVIII. Et exaudivit me in latitudine i. exauditum conlocavit me in latitudine: latitudo obponitur angustiae, et significat a malis liberationem. Psal. LXVIII. Accepisti dona in hominibus i. accipiens dedisti hominibus. IC XXXVI. 17. Tu autem אָמַרְתָּ amavisti animam meam ex fovea consumptionis i. amando eruisti me. Cap. XIV. 17. Vincos suos non solvebat בֵּיתָהּ domum h. e. ut domum reverterentur. Ibid. XLVI. 6. Vilipendentes aurum de crumena i. aurum vilipendentes illud produxerunt de crumena. Jerem. XLI. 7. Et iugulavit eos in medium foveae i. iugulatos eos proiecit in medium foveae.

CANON III. Verbum, quod actum completum significat, accipiendum est quandoque inchoative. Et vicissim, quod actum inchoatum denotat, accipiendum est quandoque complete. Sic II. Reg. II. 10. quadraginta annorum erat Isboseth, quem regnaret i. regnare coepisset. III. Reg. VI. 4. 480. anno . . . aedificavit (Salomon) domum Domino i. aedificare coepit. Verba quaedam inchoativa complete intelligenda sunt.

Accipere pro acceptum retinere. Gen. XXXVIII. 23. וַיִּקַּח accipiat sibi h. e. acceptum retineat.



Congregare pro congregatos retinere. I. Paral. XVI. 35. *Salva nos, et congrega nos* i. congregatos contine, ne diffipemur; nam tunc temporis inter gentiles dispersi non erant Israelitae.

Aperire pro apertum tenere. If. LX. 11. *Et aperient portas tuas iugiter*, i. apertas tenebunt Ministri Ecclesiae, ut singulis horis animas lucrifaciant Christo, et intromittant in Ecclesiam.

Vincire, ligare pro vinctum retinere Marc. V. 3. *Et neque catenis iam quisquam poterat eum ligare* i. ligatum retinere.

Sic etiam verbum *incipiendi* cum altero coniungere. Gen. IX. 20. *וַיִּתְּחַל* *Et coepit Noe vir terrae* i. agricola, et plantavit vineam i. e. Noe autem plantavit vineam. Act. I. 1. *Et coepit Iesus facere et docere* i. fecit, docuit. Hoc idiotismo explicant quidam illud Luc. III. 23. *Ipse Iesus erat incipiens quasi annorum triginta* i. triginta annos natus; adverbium enim *quasi* heic non dubium, sed rem certam indicat. Vid. sup. in hebraismis adfirman-
tibus.

CANON IV. *Verbum quandoque de continuatione rei significatae intelligendum est*, sive, res saepe fieri dicitur, quum continuatur et augefcit. Gen. XV. 6. *credidit Abraham Deo rel.* i. fides eius continuata et confirmata est; iam enim ante crediderat. Lev. VI. 5. *Ignis autem in altari semper ardebit* j. perget ardere. Luc. XI. 13. *quanto magis pater vester de coelo dabit Spiritum bonum petentibus se* i. dona Spiritus S. augebit: neque enim eo loci agitur de prima eorum conlatione; quandoquidem sine Spiritu S. preces Deo gratae fieri non possunt, minus impetratoriae. Joan. II. 17. *Et crediderunt in eum discipuli* i. in fide confirmati sunt.

Huc



Huc pertinet verbum *imovari* seu *renovari*, quod interdum pro incremento novitatis a Spiritu Sancto impertitae accipitur. Gen. IV. 26. *Tunc coeptum est invocari in nomine Domini*; h. e. Enos cultum divinum instauravit; nam procul dubio primi parentes invocaverant nomen Domini. II. Reg. XIX. 23. *An ignoro hodie me factum regem super Israel?* i. me esse confirmatum regem.

CANON V. Verbum, quod actionem seu effectum notat, de potestate seu facultate agendi non raro intelligendum est, et per POSSUM cum infinitivo exponendum.

Gen. XVI. 10. *Et non numerabitur prae multitudine* h. e. non poterit numerari. Exod. IX. 15. *Quia iam extendi manum meam, et percussi te* h. e. extendere potuissem et percutere. IV. Reg. V. 11. Job. IX. 6. *Qui commovet terram de loco suo* i. potest commovere. v. 7. *Qui praecipit soli et non oritur* i. potest praecipere. Psal. XXII. 18. אֲסַפֵּר numerabo omnia ossa mea, i. numerare possum prae macie.

CANON VI. Verbum quod actionem seu effectum notat, de iure ac debito quandoque intelligendum est, et per DEBEO sequente infinitivo vertendum.

Psal. XXXI. 8. *Instruam te in via, qua gradiaris* i. gradi debeas. Gen. XX. 9. *opera, quae non fieri fient*, fecisti mecum, i. quae non fieri debent. Ezech. XXXIV. 2. *Vae pastoribus Israel, qui pascebant eos* i. pascere deberent. Vulg. *pascebant semetipsos*, אֹתָם reciproce accepit, quod in hebraeo rarissimum. Malach. II. פִּי לַבַּיִת Labia sacerdotum custodiunt scientiam i. custodire debent. Luc. VII. 42. Hebr. V. 4.

CANON VII. Verbum quod actionem seu effectum notat, de voluntate et voto agendi non raro intelligitur, et per volo, seu opto cum infinitivo exponitur.

Exod.



Exod. XV. 23. *Quod coquetis, coquite* i. quod vultis coquere. Gen. XXIV. 58. Num *התלכתי* ibis cum homine isto? i. ire vis. Exod. XII. 48. *Et si peregrinabitur apud te peregrinus.* וַיַּעֲשֶׂה et fecerit pascha Domini i. et voluerit facere. Matth. XIII. 13. *quia videntes non vident, et audientes non audiunt* i. videre, audire nolumus. Luc. XI. 52. *Ipsi non introistis, et eos, qui introibant, prohibuistis,* i. qui introire volebant. Ibid. cap. XXII. 26. *Qui maior est in vobis* i. qui maior esse desiderat. Act. VII. 26. *et reconciliabat eos dicens* i. reconciliare volebat.

CANON VIII. *Verbum, quod actionem aut effectum notat, de conatu agendi quandoque intelligitur, exponiturque per conor cum infinitivo.*

Gen. XXXVII. 21. *Et audiuit Ruben, et liberavit eum* i. nitebatur eum liberare. Exod. VIII. 14. *Et fecerunt similiter* (magi pharaonis) h. e. conati sunt facere; neque enim cyniphes eduxerunt. Deut. XXVI. 5. Syrus *אבד אביו* perdidit patrem suum h. e. perdere conatus est. Syrus eo loci est Laban, qui Gen. XXVIII. 5. dicitur *אֲרָמִי* Syrus: is dura servitute premebat Jacobum, et persequabatur in patriam redeuntem. Act. VII. 15. I. Cor. X. 33.

CANON IX. *Verbum, quod actionem seu effectum notat, de consuetudine agendi quandoque intelligendum est, et per soleo exponendum.* Gen. VI. 21. *Tolles igitur tecum de omni cibo, qui יאכל comeditur* h. e. comedi solet. Cap. XXIX. 26. *Et dixit Laban: לא יעשה כן* Non fiet sic in loco nostro h. e. fieri non solet, seu ut optime Vulg. *non est in loco nostro consuetudinis.* I. Reg. XX. 2. *Pater meus non facit quidquam grande vel parvum* i. non solet facere. Marc. XV. 6. *Per diem autem festum ἀπαλυσ* dimittebat illis unum

ex

ex vinculis h. e. solebat dimittere. I. Reg. XX. 5. XXIII. 21. Joan. XII. 20.

CANON X. Verbum, quod actionem seu effectum notat, de occasione eius quandoque intelligendum est, ac per occasionem dare explicandum.

Gen. XLII. 38. Deducetis canos meos cum dolore ad inferos h. e. morti meae occasionem praebebitis. II. Reg. XII. 14. Veruntamen, quia blasphemare fecisti inimicos Domini i. e. blasphemandi occasionem tribuisti. III. Reg. XIV. 16. Propter peccata Jeroboam, qui peccare fecit Israel i. occasionem idololatriae dedit. Act. I. 18. Hic (Judas) acquisivit agrum de mercede iniquitatis i. occasio acquirendi extitit.

CANON XI. Verbum, quod actionem seu effectum notat, de permissione seu concessione quandoque intelligendum est, et per sino, permitto exponendum.

Deut. II. 28. cibum pro pecunia תְּשַׁבְּרֵנִי comparare me facies, i. comparandi facultatem mihi concedes. Job. I. 21. Dominus dedit, Dominus abstulit i. auferri permisit. Psal. CXVIII. 31. Noli me confundere, i. noli permittere, ut confundar. II. LXIII. 17. Quare errare nos fecisti Domine de viis tuis, indurasti cor nostrum i. quare permisisti, ut erraremus. Matth. VI. 13. Et ne nos inducas in tentationem i. ne finas nos induci. In eadem significatione sumitur quandoque verbum נָתַן Gen. XX. 6. propterea לא נָתַתִּי non dedi tibi, ut tangeres eam i. e. non permisisti. Vide. Gen. XXXI. 7. Exod. III. 19. Apocal. XIII. 7. Datum est bestiae i. permillum.

Item הָיָה et הֵחֵיָה vivificare pro in vita relinquere, seu vivere permittere. Exod. I. 17. Timuerunt autem obstetrices Deum . . . וַתַּחְיֶינָה et vivificarunt mares i. vi-



i. vivere permiserunt. Deut. XX. 16. Jos. II. 13. IX. 15. 20. rel.

Permissio autem negotii alicuius apud hebraeos petitur in futuro rei agenda. Deut. II. 27. *Transibo per terram tuam* h. e. transeam, quaeso. Vide Ruth. II. 2. II. Reg. XVI. 9.

CANON XII. *Verbum potestatis non raro pro verbo DEBITI et IURIS accipitur*, exponiturque per *debeo*, *licet*. Idiotismus hic praesertim in propositionibus negantibus locum habet.

Gen. XXIV. 50. *A Domino egressum est verbum istud*, i. res ista; *non possumus eloqui tibi malum aut bonum* h. e. non debemus. Cap. XXXIV. 14. *Non possumus facere, quod petitis*, i. e. non debemus facere. Cap. XLIII. 32. *quia non possunt Aegyptii comedere cum Hebraeis* i. non debent, eis non licet. Cuius rationem reddit Chald. *quia pecus, quod Aegyptii colunt, comedunt hebraei*. Cap. XLIV. 22. *Non poterit puer relinquere patrem suum* i. non convenit, non decet, ut relinquat. Act. IV. 20. *Non possumus nos, quae vidimus . . . non loqui* i. e. non debemus.

Interdum verbum *potestatis* pro verbo *difficultatis* ponitur. Ruth. IV. 6. *Non possum redimere mihi, ne perdam possessionem meam* h. e. difficile mihi est, et cum dispendio rei familiaris coniunctum. Esth. VIII. 6. *quomodo possum aspicere illud malum* i. sine insigni luctu ac molestia non potero rel. Psal. CI. 5. *Superbum oculo et tumentem corde* לא אוכל אתו *non potero ipsum suble ferre*, h. e. permolestum est mihi. Vulg. leg. לא אוכל אתו *cum hoc non edebam*. Marc. VI. 5. *Et non poterat (Jesús) ibi virtutem ullam facere*. h. e. difficulter miracula ibi patrabat ob eorum incredulitatem. Luc. XI. 7. *Non possum sur-*
gere



gere et dare tibi i. vix possum, grave mihi est. Joan. VI. 60. Apoc. II. 2.

CANON XIII. *Verbum voluntatis quandoque non de simplici et nudo voluntatis arbitrio accipitur, sed interdum causam simul et conditionem effectus denotat.*

Dan. V. 19, *Quos volebat pater tuus, interficiebat*, subintelligitur conditio seu causa, quia sapientes Babylonis, qui heic occidi iubentur, somnium regis interpretari non potuissent. Rom. IX. 18. *Deus, cuius vult miseretur, et quem vult, indurat*, prius membrum poenitentiae, et alterum pervicaciae conditionem involvit, et in peccato perseverantiam, cuius occasione Deus peccatorem indurat, suam ei denegando gratiam, non impertiendo malitiam.

CANON XIV. *Verba quaedam, praeter usitatam significationem, quoddam eius adiunctum aut conditionem in genere indicat.*

Ezech. XXVI. 14. de Tyro dicitur: *Non aedificaberis amplius*, h. e. ea dignitate et elegancia, qua antea exstructa eras. postea enim instaurata fuit haec civitas. Imo Is. XXIII. 15. 17. *Instauratio eius post 70 annos praenuntiatur.*

Audire. Joan. VIII. 47. *Qui ex Deo est, verba Dei audit*, i. fructuose, qui illud audit iuxta requisita Luc. VIII. 15.

Confiteri non quamvis confessionem notat, sed eam, quae ex vera fide manat, et quam charitas consequitur: et hoc modo obligamur *confiteri Christum.*

Dicere, posse dicere pro vere et ex animo dicere. Prov. XX. 9. *Quis potest dicere purificavi cor meum?* I. Cor. XII. 3. *Nemo potest dicere, Dominus Iesus, nisi in Spiritu Sancto*



Sancto h. e. nemo potest dicere meritorie, in ordine ad salutem.

CANON XV. Verba, quae ESSE, FIERI, vel AGERE quid significant, quandoque non tam actum, quam eius notificationem aut praenuntiationem denotant.

Gen. XXVII. 37. Dominum illum tuum (Jacobum) constitui i. talem eum, futurum disposui, significavi. Cap. XXXV. 12. Terram dedi Abraham et Isaac i. daturum me promisi. Exod. XIII. 2. Sanctifica mihi omne primogenitum h. e. indica meo nomine populo, ut sanctificet. Job. X. 2. לא תִּרְשָׁעַי ne facias me impium i. ne me impium pronuncies. Is. VI. 10. Excoeca cor populi huius, et aures eius adgrava, et oculos eius claude, ne rel. i. e. vaticinare populo huic, fore, ut cor eius excoecandum sit cet. idque si resipiscere nolint. Jerem. I. 10. Ecce constitui te hodie super gentes, et super regna, ut evellas et destruas, et disperdas et dissipes, et aedifices et plantes h. e. ut aliis ruinam, aliis incolumitatem denunties. In scripturis enim ministri Dei id facere dicuntur, quod Deus verbo ipsorum praedicat et praestat. Ibid. IV. 10. Decepisti populum istum et Jerusalem h. e. populum istum per pseudoprophetas pacem denuntiantes deceptum ostendisti. Cap. XV. 1. Eiice eos a facie mea i. eiiciendos vaticinare. Ezech. XIII. 19. Ut interficerent animas, quae non moriantur, et vivificarent animas, quae non vivent, mentientes populo meo i. ut pronuntiarent morituras vel victuras esse. Et hoc modo plures textus interpretare. Huc pertinet Rom. XI. 32. Concludit enim Deus omnia (Graec. Vulg.) omnes in incredulitate i. verbo suo declaravit omnes esse conclusos.

CANON XVII. Verba, quae FIERI, ESSE vel AGERE significant, quandoque pro rei cognitione ponuntur. Job. V. 3.

Ego

Ego vidi stultum firma radicē, et maledixi habitaculo eius statim h. e. statim cognovi, habitaculum eius fore maledictum; male ominatus sum de prosperitate eius, non diu duratura. Psal. I. 6. *ut iustificeris in sermonibus tuis* i. ut iustus agnoscaris. Joan. IX. 41. *si coeci essetis, non haberetis peccatum* h. si coecitatem vestram agnosceretis, peccatum vobis remitteretur, ut patet v. seq. Rom. V. 10. *Lex autem subintravit, ut abundaret delictum* h. e. ut melius delictum cognosceretur abundare.

Huc spectat illud Psal. XVII. 26. *cum sancto sanctius eris* i. e. ut cognoscaris, te ita te gerere erga homines, sicut ipsi se gerunt erga Deum: nempe pios ab impiorum oppressione eliberando; sicut e contrario: *cum perverso perverteris*, non quod Deus pervertatur, sed ut cognoscant omnes, dolosos homines Dei permissione suis met dolis capi: aut pervertitur Deus, quando, qui omnibus bene vult, reddit impiis iuxta vias suas distortas derisores ipse deridet Prov. III.

CANON XVIII. *Verba, quae ESSE, vel FACERE significant, quandoque pro rei opinione ponuntur.* Matth. X. 39. *Qui invenit animam suam, perdet eam* h. e. qui putat vitam suam tueri per abnegationem Evangelii, perdet eam. Ibid. cap. XIII. 12. *Qui autem non habet, auferetur ab eo* i. quod se habere putat. Joan. V. 31. *si ego testimonium perhibeo de me, testimonium meum non est verum* h. e. falsum a vobis reputabitur. Ibid. VII. 28. *Et me scitis, et unde sim, scitis* i. scire putatis. Prov. III. 7. *Ne sis sapiens in oculis tuis* i. ne videaris tibi ipsi sapiens.

Sunt tamen quaedam loca alia, in quibus opinio pro re ipsa ponitur.



Philipp. II. 6. *Qui quum in forma Dei esset i. vere Deus, formam servi accipiens i. revera servus, non rapinam arbitratus est esse se aequalem Deo i. e. non rapuit, seu instar rapinae usurpavit.*

CANON XIX. *Verba adfirmantia pro contrariis negantibus quandoque ponuntur. Sic odisse pro non curare, posthabere, minus amare Gen. XXIX. 31. Luc. XIV. 26. si quis venit ad me, et non odit patrem suum, cet. quod Matth. X. 37. sic exponitur: qui amat patrem . . . plus quam me, non est me dignus. Joan. XII. 25. Qui odit animam suam in hoc mundo i. qui minus diligit vitam, quam Christum. Sic illud. Esau odio habui i. minus dilexi. Job. II. 6. Verumtamen animam eius custodi i. vitam ne auferas.*

CANON XX. *Verba negantia pro contrariis adfirmantibus saepius cum emphasi ponuntur. Exod. XX. 7. Non habebit infontem cet. i. maxime fontem habebit, et gravissime puniet. 1. Reg. XII. 23. Nolite declinare post vana (idola) quae non proderunt vobis i. maxime oberunt. Zach. VIII. 17. Juramentum mendax (falsum) ne diligatis i. odio habetote. Joan. IV. 18. Non relinquam vòs orphanos i. certo adero vobis, et potenter vòs protegam. 1. Cor. X. 1. Nolo vos ignorare i. e. scire vos maxime cupio. Psal. CVI. 38. Et iumenta eorum non minoravit, i. e. plurimum auxit. Prov. XII. 2. Non roborabitur homo ex impietate i. e. radicitus eradicabitur. Ibid. XVII. 21. Non laetabitur Pater stulti i. e. magno et continuo dolore adficietur. Hebr. XIII. 2. Hospitalitatem nolite oblivisci i. e. omni studio eam sectamini.*

§. II.

De speciali Verborum significatione.

Specialis verborum signifikatio *activum* et *passivum* verbum seorsim considerat. Quae circa utrumque adnotanda sunt, sequentes canones elucidabunt.

CANON I. *Activum verbum quandoque non actionem, sed habitum denotat.* Gen. II. 17. *In quocunque die comederis ex ea,* מוֹת תָּמוּת *morte morieris*, h. e. *mortalis eris.* Exod. IV. 14. *Aaron frater tuus scio, quod loquens loquetur* i. e. *eloquens sit.*

CANON II. *Verba activa interdum tribuuntur illis, quae non proprie et proxime agunt, sed certa tantum ratione concurrunt.* Tribuuntur itaque

I. AGENDI VIM AC POTESTATEM CONFERENTI. Matth. XIX. 5. *Et dixit (Deus) propter hoc dimittet homo patrem et matrem cet.* Hoc immediate non dixit Deus, sed Adamus, Gen. II. 23. 24. At Deus per Adamum hanc legem promulgavit. Act. X. 20. Spiritus S. dicitur misisse viros illos, qui Petrum adcerferant . . . *quia ego misi illos*, quum tamen eos miserit Cornelius. Verum id Cornelio per angelum mandaverat Spiritus S. Rom. VIII. 26. *Spiritus (Sanctus) postulat pro nobis gemitibus enarrabilibus* i. e. Spiritu S. adflati postulamus gemitibus enarrabilibus. Vel, ut scribit pseudo-Augustinus, *eo quod nos gementes facit*: ita ut verbum illud in sensu *Hiphil* hebraeorum accipiatur.

II. ACTIONEM MANDANTI ET PROCURANTI. Gen. XLVI. 29. *Funxit Joseph currum suum* i. e. *iungi curavit.* II. Reg. XII. 9. *Uriam Hetbaeum percussisti gladio* i. *occidi*



mandasti. Plura huiusmodi exempla occurrunt. Sic Joan. IV. 1. Christus dicitur baptisasse, quum tamen non ipse, sed discipuli eius baptisaverint.

III. CONSENTIENTI ET ACTIONEM ADPRORANTI. Vide Jud. IX. 18. II. Reg. III. 30.

IV. CAUSAE ORGANICAE seu INSTRUMENTALI. Dan. XII. 3. *מַצְדִּיקֵי הָרַבִּים* *Qui iustificant multos*, h. e. iis, quibus Deus tanquam instrumentis utitur ad iustificandum multos. Luc. XVI. 9. *facite vobis amicos ex mammona iniquitatis, ut . . . recipiant vos in aeterna tabernacula* i. e. ut precibus, quas pro vobis fundent, exoratus Deus recipiat vos.

Huc pertinent miracula, quae hominum ministerio operatur Deus, et hominibus tribuuntur. Item quae in negotio salutis hominibus praeciuntur, quae a solo Spiritus S. adiutorio procedunt, et huiusmodi phrasibus nihil aliud significatur, quam ut Spiritus S. operationi non resistent. Ezech. XVIII. 31. *Proicite a vobis omnes praevaricationes vestras . . . facite vobis cor novum et Spiritum novum*, i. e. nolite reluctari gratiae divinae, qua cor et spiritus innovantur.

V. Denique *Verbum activum nonnunquam tribuitur agenti, etsi res praeter eius intentionem accadat*. Matth. X. 34. *Non veni pacem mittere, sed gladium*, v. 35. *veni enim separare hominem adversus patrem suum* cetera. Christi mens non fuit, ut separaret hominem a patre suo, sed heic tantum declaratur fore, ut qui Evangelio crederent, segregarent se ab incredulis etiam parentibus. Heic autem per *gladium* omne genus persecutionum intelligit. Act. XIII. 46. *sed quoniam repellitis illud (verbum Dei)*.

et

et indignos vos iudicatis vitae aeternae cet. Judaei indignos se vitae aeternae non iudicabant, sed ex eorum pertinacia et incredulitate id consequutum est. Prov. XXVIII. 8. Qui concervat divitias usura et foenore, liberali in pauperes congregat eas, Deo sic disponente, non improbi hominis illius consilio.

Verba activa, quae Deo tribuuntur, et quibus malum aliquod inferre dicitur, ita exponenda sunt, ut malum istud non positive, sed privative, ut loquuntur, inferat, h. e. non imperando malitiam, sed iusto iudicio denegando gratiam, ex cuius privatione homines propria sua culpa indurantur; Deus enim peccati auctor non est.

CANON III. Verba activa in tertiis personis significationem passivorum saepius adsumunt, sive passive exponuntur. Exod. X. 21. Sint tenebrae super terram Aegypti (tam densae) שָׁחַךְ ut palpet tenebras i. ut palpentur. 1. Reg. XXIII. 22. וַיֹּאמֶר יְהוָה quia dixit mihi, quod astute admodum soleat agere, h. e. quia dictum est mihi. Job. XVIII. 18. Expellent eum i. expelletur cet. et c. XIX. 26. Et postquam confoderint pellem meam hanc h. e. postquam pellis mea confossa fuerit. Notandus est specialiter hic idiotismus.

If. IX. v. 6. Parvulus natus est nobis . . . נִקְרָא et vocavit vel et vocabit nomen eius admirabilis cet. h. e. vocabitur. Unde LXX. καλεῖται vocatur: Aquila ἐκλήθη vocationem est nomen. Symm. κληθήσεται vocabitur. Ex his veterum interpretationibus liquet vocem hebraeam נִקְרָא modo per activum, ut in alia versione Aq. ἐκάλεσε vocavit, modo per passivum heic redditam fuisse, sed eodem sensu. Non sequitur: quidam antiqui active legebant: ergo etiam active intellexerunt: si enim a quibusdam



active conversa est, in significatione passiva ab iisdem accepta fuit.

Judaei ergo, ut Messiae divinitatem pernegent, punctuationem massorethicam retinent, atque vertendum esse: *Et vocabit nomen eius admirabilis, consiliarius, Deus, fortis, pater futuri saeculi PRINCEPEM PACIS.* At contorta minus est haec iudaeorum lectio, quia casus vulgaris adcusandi nota אַח, vel particulae sive praepositiones בְּ, aut אֶל aut עַל, quibuscum verbum קָרָא constructur, deficiunt ante voces שֵׁר־שָׁלוֹם: Et quaero ex Rabbiniis, quur priorem שֵׁר princeps per accusativum, posteriore vero שָׁלוֹם pax, per genitivum interpretentur, coeteras vero admirabilis, consiliarius cet. totidem verbi huius nominativos efficiant?

Dicunt fortasse, particulas illas cum verbo isto saepe desiderari, proindeque eas etiam ante praedictas voces expressas non fuisse. Esto. Sed quur eas ad ultima duntaxat haec duo vocabula referunt potius, quam ad praecedentia? Quur eodem, imo longe potiore iure, maiorque analogia istud hemistichium sic interpretari mihi non licebit: *et vocabit nomen eius Admirabilis consiliarium, Deum, fortem cet.*

CANON IV. *Verba passiva quandoque active, instar mediorum apud graecos, et deponentium apud latinos usurpantur.* Sic נִכְסַף desideravit. II. LXVI. 16. Quia in igne Dominus נִשְׁפָּט iudicat vel iudicabit. Vide Ezech. VI. 9. Quandoque etiam in hac coniugatione augetur significatio. Psal. CVIII. hebr. CIX. 23. sicut umbra, quum declinat, נִהַלְכְתִי evanui, abire coactus fui. Exod. XIV. 14. Dominus יִלָּחֶם strenue pugnabit pro vobis.

Verbum

Verbum נִשָּׁט Zach. IX. 9. non habet significatio-
nem passivam *salvatus*, sed est nomen, idem active signi-
ficans, quod *Josue*, *Jesus* i. salvator, sumendo nun
pro litera heemantica et formativa nominis, uti est in
Nenrod, *Nephtali*. Et sic sumserunt LXX, qui verte-
runt σωζων. Verba enim in *Niphal* saepe sumuntur tran-
sitive: et hebraei saepe passivo pro activo utuntur.

§. III.

De Verborum constructione.

CANON I. Verba hebraea crebro et eleganter regunt no-
men coniugatum, vel cognatum, quo vel significati emphasis
intenditur, vel effectus et obiectum actionis innuitur.

I. Emphasis significati intenditur, nomenque a la-
tinis per ablativum vulgo exprimitur. Gen. XXVII. 33.
Et timuit Isaac timore magno i. maximo timore. Ibid. XXX.
8. *Luctationibus Dei luctata sum cum sorore mea i. vehemen-*
ti lucta. II. XXII. 17. *Ecce Dominus asportari te faciet*
פִּלְטָה גִּבֹּר asportatione viri i. virili, vehementi. Vulg.
sicut asportatur gallus gallinaceus. S. Hieron. comm. in h.
1. scribit: *GEBER omnes VIRUM interpretati sunt. Hebraeus*
autem, qui nos in veteris instrumenti lectione erudit, GAL-
LUM GALLINACEUM transtulit. Sicut, inquit, gallus gal-
linaceus humero portitoris de alio loco transfertur in alium;
sic te Dominus de loco tuo leviter asportabit.

II. EFFECTUS five OBJECTUM actionis innuitur, ac
nomen a latinis per adjectivum fere exprimitur. Gen.
II. 11. *Germinet terra herbam virentem פִּרְיֵי יֵרֶק* sementan-
tem semen i. facientem semen. Ibid. VIII. 21. *Et odora-*
tus



tus est Dominus odorem quietis i. acceptum habuit Noe sacrificium, quod effecit, ut ira eius quiesceret.

Quandoque nomen coniugatum deficit. Psal. hebr. XIII, 4. *Inlumina oculos meos, ne dormiam mortis subple dormitionem.* Haec phrasis sumpta est a languentibus et morituris, quorum obtenebrabantur oculi. Vide I. Reg. XIV. in historia Jonathae; ubi comesto melle inluminati sunt oculi eius i. e. levata fames est: ita heic: *inlumina oculos meos* i. leva animam meam a moerore et languore: refocilla me auxilio. Sicut ergo coecitas pro maximo corporis malo habetur, atque inde ad denotandam maximam calamitatem transfertur Thren. V. 17. ita propheta rogat, se a maximis calamitatibus liberari.

CANON III. *Ex duobus verbis finitis et per coniunctionem copulatis, vel etiam sine copula coniunctis, alterum quandoque in infinitivum resolvitur.*

Gen. IX. 20. *Et coepit Noe vir terrae, et plantavit vineam* i. coepit plantare. Deut. II. 31. *Incipe, posside*, h. e. incipe possidere. Jos. VII. 7. *Utinam voluissimus et mansissemus trans Jordanem* h. e. voluissimus manere. II. Reg. VII. 29. *Velis et benedic domui servi tui* h. e. velis seu placeat benedicere. Is. I. 19. *si volueritis et audieritis me* h. e. si volueritis audire.

CANON IV. *Quam duo verba eiusdem temporis coniunguntur vel copula intercedente, vel sine ea; tum prius verbum saepe per adverbium latinis exprimitur.*

Gen. XXIV. 18. *et festinavit et demisit hydriam* i. festinanter demisit. Cap. XXV. 1. *Et addidit Abraham, et accepit uxorem* h. e. denuo accepit. Ibid. XXVI. 18. *Et reversus est Isaac et fodit foveam* h. e. rursus fodit. Psal.

LXXVIII.



LXXVIII. 41. *Et reversi sunt et tentaverunt Deum* i. rursus tentaverunt. Psal. CII. 13. *festina, exaudi me* i. velociter exaudi. I. Paral. XIII. 2. *Erumpamus, mittamus ad fratres nostros* i. e. huc illuc celeriter amandemus cursores. Metaphora ab aquis inundantibus sumpta. II. Esd. III. 20. *הַחֵרֶה הַחֲוִיק* *accendit, instauravit*, i. ardens instauravit. Vulg. in monte aedificavit: pro *הַחֵרֶה* legeb. *הַחֵרֶה* montem versus cum ה locali in fine, et articulo ab initio. Is. LXIV. 4. *Occurristi laetanti et facienti iustitiam* i. laetanter occurristi. Rom. X. 20. *Isaias autem audet et dicit* i. audacter et libere dicit.

CANON IV. *Verbum finitum cum infinitivo iunctum quandoque adverbialiter exponendum est, et infinitivus in tempus et personam finiti convertendus.*

Gen. VIII. 10. *וַיֹּסֶף* *Et adiecit Noe dimittere columbam ex arca* i. iterum dimisit. Et sic plerumque exponitur verbum *יֹסֵף* iunctum alteri verbo. Gen. XII. 11. *Quum adpropinquasset Abram ingredi in Aegyptum* h. e. quum prope, et iam iam ingressurus esset. Psal. XXXIII. 3. *benefacite psallere* i. bene psallite. LXXVIII. 38. *et multiplicavit avertere iram suam* i. plurimum avertit. Psal. CXXVI. 2. *magnificavit Dominus facere cum eis* i. magnifice egit.

CUM PARTICIPIIS Psal. CXIII. 5. *הַמְגִבִּיהִי לְשָׁבַח* *qui exultat habitare* i. qui altissime habitat. v. 6. *et humiliat respicere* *לְרֹאוֹת יְהִמְשְׁכִילִי* h. e. demisse respicit seu infimo se demittit respiciendo. Participia illa sunt cum י, quod vocant paragogicum, sed quod revera est antiqua vocalis e sub ultima litera subintellecta.



Interdum deficit infinitivus. Num. XIV. 24. וַיִּמְלֵא *Et implevit post me subple ire* h. e. plane sequutus est me. Vide cap. XXII. 11. et 12. Deut. I. 36. I. Reg. XVIII. 27. *Et impleverunt ea Regi subple, dare, i. e. ple-ne dederunt.*

Quandoque infinitivus iste loco adverbii est. I. Reg. XVII. 16. *Et adpropinquabat Philistaeus* הַשָּׁמַיִם וְהָעֶרֶב *matutinare et vesperscere* h. e. mane et vespere.

CANON V. *Verbum finitum quodvis regit suum infinitivum ad certiore rei cognitionem et evidentiam exprimendam.*

Haec verbi cum suo infinitivo syntaxis non tantum locum habet in eadem coniugatione, sed etiam in diversis. Insuper infinitivus verbum finitum modo praecedit, modo sequitur, eadem ubique emphasi.

I. IN ORATIONE AD FIRMATIVA. Gen. II. 16. *Ex omni ligno paradisi* אָכַל הָאֵלֶּךָ *comedenda comedes* h. e. libere comedere poteris. v. 17. *moriendo morieris* i. certo morieris, supra. *Vivendo vivet* i. certissime vivet.

Quandoque diversi verbi infinitivus sequitur tempus finitum, quo fere *continuatio actionis* innuitur. Gen. VIII. 3. *Et reversae sunt aquae . . . eundo et revertendo* i. e. continuo recedendo. Et v. 7. *Et egrediebatur Corvus egrediendo et revertendo* h. e. continuo ibat et redibat, ultro citroque circa arcam volitabat, nec tamen intra eam redibat.

Pro altero infinitivo nomen interdum ponitur. Jud. IV. 24. וַתִּיָּדָה *Etavit manus filiorum Israel* הָלֹךְ וְקָשָׁה *eundo et dura* h. e. perrexit indefinenter durior esse. Vulg. optime sensum expressit.

Pro

Pro infinitivis quandoque participia ponuntur. I. Reg. XVII. 41. *Ibat autem Philistaeus* וַיֵּבֶן הַלֵּךְ *incedens et adpropinquans adversus David*, h. e. continenter adpropinquabat ad Davidem.

II. IN ORATIONE NEGATIVA. Gen. III. 4. *Non moriendo moriemini* i. nequaquam. Exod. V. 23. וְלֹא-תַחַלֵּץ *et liberando non liberaſti*, h. e. omnino, prorsus non liberaſti. Ibid. XXXIV. 7. וְלֹא-יִנְקָה *et mundando non mundabit* h. e. mundando non mundabitur; illa enim tertia persona activa passive accipienda eſt, ut ſupra.

CANON VI. *Verbis paſſivis nominativus ſubiunctus non raro praecedentem habet particulam אֵת* vulgarem adcuſativi notam, pleonaſtice quidem, ſed emphatice, et amplioris declarationis gratia. Gen. XVII. 5. *Nec ultra vocabitur* אֶת-שְׁמִי *nomen tuum Abram.* et XXII. 5. *Quoniam natus eſſet ei* אֶת-יִצְחָק *Isaac.* Si in his et ſimilibus puncta mutantur, facile in activa convertentur. Sic v. 9. *nec ultra* יִקְרָא *vocabit nomen tuum Abram.* h. e. vocabitur.

CANON VII. *Verbum paſſivum ex VOCARI derivatum cum dativo conſtruitur, quem latini per alterum nominativum exprimunt.*

Gen. II. 23. לְהָאָדָם *Huic vocabitur virago* i. haec vocabitur. Quandoque etiam alter nominativus exprimitur. If. LVI. 7. בֵּיתִי בֵּיתִי *quia domus mea domus orationis vocabitur.*

CANON VIII. *Verbum ſubſtantivum SUM vel expreſſum vel ſubintellectum loco poſterioris nominativi, eleganter regit nomen cum praepoſitione.*

I. Cum



I. Cum praepositione **ב** *in*. Jud. XI. 35. *Tu es בעֲרִירִי* in perturbatoribus meis h. e. perturbans me. Psal. LIV. 6. *Dominus בִּסְמִכִי* in sustentantibus animam meam i. e. fuscceptor animae meae. Psal. CXVIII. 7. *Dominus est mihi בְּעֲזָרִי* in adiutoribus meis. Vulg. mihi adiutor.

Cum praepositione **ל** *ad vel in*. Gen. II. 24. *Et erunt duo לְבָשָׁר* in carnem unam, vel in carne una h. e. una caro. Cap. XVII. 4. *erisque לְאָב* in patrem i. pater. Deut. XXVIII. 44. *Ipse erit לְרֹאשׁ* in caput, et tu eris לְזֵנָב in caudam i. caput, cauda, superior, inferior. Quandoque hac phrasi *conversio* significatur. Exod. IV. 4. *Et fuit לְמַטֵּה* in virgam i. versa est in virgam. 9. *Et erunt aquae לְדָם* in sanguinem.

CAPUT XII. De Adverbio.

§. I.

De adverbio in genere considerato.

CANON I. *Adverbium quandoque aliarum vocum positione circumscribitur.*

I. Nomen substantivum cum praepositione, verbo coniunctum adverbii loco interdum ponitur. Gen. XXXIV. 13. *Responderunt filii Jacob Sichem . . . בְּמַרְמָה* in dolo. i. e. dolose. Sic בְּפִרְץ in saevitia seu duritie i. dure. בְּצַדִּיק in iustitia i. iuste. Matth. XXII. 16. *Magister scimus, quia . . . viam Dei ἐν ἀληθείᾳ in veritate doces* i. vere, recte.

Sine praepositione. Psal. LXXV. *quum accepero tempus, ego בִּישְׁרִים* rectitudinibus iudicabo h. e. in rectitudinibus

sive

sive rectissime. Praepositio **ב** *in*, quae heic subintelligitur, cum hoc nomine exprimitur Psal. XCVI. 10. Psal. XCVIII. 9. LXX. *rectitudines*, Vulg. *iustitias iudicabo*, subintelligi potest *secundum*.

CANON II. *Adverbium idem repetitum vel cum synonymo suo coniunctum emphasin significationis importat.* Exod. XXIII. 30. **מָעוֹט מָעוֹט** *parum parum expellam eos* i. sensim admodum et paulatim. IV. Reg. X. 4. *Et timuerunt* **מְאֹד מְאֹד** *valde valde* i. maxime. Priori **מְאֹד** interdum additur particula seu praepositio **ב**. Gen. XVII. 6. *faciamque te crescere* **בְּמְאֹד מְאֹד** *in valde valde* h. e. vehementissime.

Interdum etiam hac repetitione *distributio* significatur. Lev. VI. 5. *Et accendet super eo (altari) sacerdos ligna* **בְּבֹקֶר בְּבֹקֶר** *mane mane* i. singulis matutinis.

Quando iungitur adverbium cum suo synonymo, *emphasis* denotatur. Is. XXX. 13. **פְּתָאִים לִפְתָּעַ** *repente, momento veniet contritio eius* i. maxime subito et repente. Vulg. *subito dum non speratur*. Vide Is. V. 26. Joel. III. 4. **מְהֵרָה קָל מְהֵרָה קָל** quae sunt nomina substantiva pro adverbis posita, *cito velociter reddam* i. velocissime.

§. II.

De adverbio temporis.

CANON I. *Adverbium temporis certi et determinati nonnunquam interminate et indefinite sumitur.* II. Reg. XV. 20. *Heri venisti, et hodie compelleris nobiscum egredi* i. nuperime venisti.

HODIE pro praesenti tempore Psal. XCIV. 7. *Hodie si vocem eius audieritis.* At Psal. pro aeternitate sumitur:



tur, ego hodie genui te i. ab aeterno: nam in aeternitate nec praeteritum nec futurum datur, sed semper praesens.

CRAS pro futuro tempore indeterminato. Gen. XXX. 33. *Respondebitque mihi seu pro me מחר cras iustitia mea*, i. posthac. Haec vox saepe occurrit in hac significatione.

CANON II. *Adverbium temporis SEMPER, seu IUGITER, per SAEPE vel FREQUENTER, aut quid aliud interdum exponendum est.* Exod. XXVII. 20. *Ut ardeat lucerna semper in tabernaculo testimonii*, semper i. a vespere ad mane, uti constat ex v. 21. cap. XXX. 8. Lev. XXIV. 3. III. Reg. VIII. 8. *Beati viri, . . . qui stant coram te semper* i. frequenter. Exod. XXVIII. 30. *Et gestabit (Aaron) iudicium virorum Israel in pectore suo, in conspectu Domini semper*, scil. quoties ingreditur tabernaculum. Luc. XVIII. 1. *Quoniam oportet semper orare* i. frequenter, saepissime.

CANON III. *Adverbia temporis distributiva QUOTANIS, IN DIES elegantibus sermonis flosculis exprimuntur.* Exod. XIII. 10. *Custodies huiusmodi cultum statuto tempore* ימים ימים a diebus in dies, seu ab anno in annum h. e. quot annis: pluralis enim ימים dies heic et saepe alibi pro anno sumitur. שנה בשנה anno in annum i. per singulos annos. יום ביום die in diem, quotidie. Et per adusativum. Gen. XXIX. 14. *et mansit apud eum חדר ימים mensem dierum*, hypallage, pro dies mensis i. mensem integrum.

CANON IV. *Adverbia temporis indeterminati QUUM, QUANDO per continuationem וְ QUIA non raro exprimitur.* Gen. IV. 12. וְ Quam operatus fueris terram. Num. XXII. 22. *Et iratus est Deus וְ quando abiit ipse.* (Balaam) Profectio

fectio enim ista, quam praeceperat Deus \star . 20. non fuit causa irae Divinae; sed malus Balaami proficiscentis animus, quia proficiscitur cum animo maledicendi.

CANON V. *Adverbium temporis* STATIM, CITO interdum moram includit. Psal. XXXVII. 2. *Quoniam tanquam foenum מִהֵרָה velociter arescent* h. e. post aliquod tempus. Matth. XXIV. 29. *statim autem post tribulationem dierum illorum* (h. e. urbis per Titum expugnationem) *sol obscurabitur*. Adverbium *statim* expendendum non est ad nostram numerandi rationem, sed Dei, in cuius oculis mille anni sunt tanquam dies hesternae, quae praeteriit. Ad haec Christus sequitur consuetudinem prophetarum, qui tum de peculiari iudicio, tum de universali sic loquuntur, ac si essent in propinquo. Imo S. Paulus de extremo die ita loquitur, ac si ipse cum iis, ad quos scribit, ad eum usque superstes in vita mansurus esset. I. Thessal. IV. 15. idque ad excitandam in hominibus vigilantiam. Eodem modo intellige illud Apoc. I. 1. *Quae oportet fieri cito*.

CANON VI. *Adverbium temporis* NON AMPLIUS interdum ad antecedens tempus nullum respectum habet, sed simpliciter pro non ponitur. Sic de Christo dicitur Rom. VI. 9. *mors illi $\delta\omega\mu\epsilon\tau\iota$ non amplius dominabitur*; neque enim prius mors dominata erat Christo. Act. XIII. 34. *Quem autem suscitavit (Deus pater) eum (Jesum) a mortuis $\mu\epsilon\tau\epsilon\tau\iota$, non amplius reversurum in corruptionem, i. non perventurum*; Christus enim nunquam corruptioni fuit obnoxius secundum illud Psal. XV. *Non videbis sanctum tuum videre corruptionem*.

CANON VII. *Adverbia temporis* DONEC et USQUE non semper tempus praeteritum determinant, et futurum excludunt:



cludunt: sed saepius indeterminate accipiuntur, ita ut sequens tempus omne includatur; ac proinde per *semper*, vel *nunquam* oratio exponenda sit.

Haec adverbia in propositionibus tum affirmantibus tum negantibus reperiuntur.

I. *Non excludunt rei continuationem* Gen. XXVIII. 15. Nec dimittam te, donec complevero *universa*; nunquam sane dimisit Jacobum Deus. *Non deficiet ei panis, donec messem conlegerit*, ubi *to donec* non excludit panem tempore messis conlectae adfuturum. Psal. CX. *Donec ponam inimicos tuos scabellum pedum tuorum*, etiam tunc h. c. in perpetuum sede a dextris meis, quando posuerim inimicos tuos scabellum cet. Vide Psal. CXXII. 2. Matth. XXVIII. 20. Matth. I. 25. *Et non cognoscebat eam, donec peperit filium suum primogenitum* i. nunquam cognovit.

II. *Excludunt rei continuationem*, de qua praecedit. Sic: *non recedet plaga, donec resipiscas*, Exempla plura vide Gen. XLII. 7. Idem evenit in praeceptis tam affirmativis, quam negativis. Lev. XXII. 4. Josue I. 14. 15. Ezech. IV. 8. Plana quoque haec sunt in promissionibus: *non auferetur a te domus ista, donec moriatur Pater*, certe obvie et naturaliter mors patris terminus obligationis est, nec ultra fertur promittentis animus. Sic et in insigni vaticinio Jacobi Gen. XLIX. *Non auferetur sceptrum de iuda, et dux de femore eius* יְהוּדָה *donec veniat Schilo* i. Messias *). Ex circumstantiis ergo advertendum,

*) Judaei, ut peremptorium hoc de Messia vaticinium infringerent, nihil intentatum reliquerunt; in id maxime defudarunt, ut vim harum particularum יְהוּדָה *donec* enervarent. Dicunt sub voce יְהוּדָה est accentus *Jethif*, cuius munus est, ut vox, cui subiacet praeco-



dum, aut quodam adiuncto, quando haec particula *donec*, usque terminum designent, aut continuationem rei invol-

praecedenti connectatur: עו vero significat *aeternum*; sicque sensus prophetiae erit: *Non auferetur sceptrum a Juda עו in aeternum, כי postquam veniet Messias*. Judaei etiam ad vocem עו pausant, vocemque adtollunt: ergo ex ipso tono adparet עו a כי separatim legendum esse.

Verum respondetur, falsum esse, pausam seu sensus distinctionem fieri ad vocem עו . Is enim accentus *Jetbif*, licet regius, ibi non distinguit, quum sit honorarius maioris accentus regii, qui sequitur in voce שילה , nempe: *Zaqueph katon*, proindeque efficiat, ut vox עו , cui subiicitur *Jetbif*, pertineat ad sequens comma, quod clauditur voce שילה *schilo*, quae notatur cum *zakeph katon*, qui heic incisum facit: minime vero ad praecedens membrum, quod finitur ad vocem רגליו ubi *Atbnabb* distinguit, qui alioquin esset honorarius regis se minoris, nempe *Jetbif* sequentis, quod est contra omnes regulas. Dein a veritate alienum est, iudaeos ad vocem עו modicum pausare, abest enim pausationis huius nota, nimirum *Pesiq*: at etiamsi adesset, ac pausarent iudaei, nihilo magis ea pausula sensus distingueretur, h. e. idcirco non constituendum esset incisum, quum nota illa tantum veniat post accentus ministros, sive continuantes, et post reges minores, qui nihil distinguunt. Vide Jud. IV. 24. ubi עו eodem accentu adfectum recurrit. Quod vero accentus *Pesiq* non disiungat, patet ex Gen. III. 15. Exod. XVII. 15. XXX. 13. rel. Tandem vix ac ne vix quidem locus aliquis assignari potest, in quo עו , dum alteri aut regimine, aut copula *Vaf* non iungitur, nulla praepositione adfectum pro *in aeternum* accipitur. Certissimum hoc est, quando cum כי construitur, ut patet Gen. XXVI. 13. XLI. 49. rel. Adde עו nonnisi *elliptice* et concise significare subinde *aeternitatem*; subintelligendum enim ordinarius est עולם , ut observat Aben Ezra ad Exod. XV. 18.



involvant: prius in prophetia Jacobi clare colligitur, quia voluit determinare tempus adventus Messiae, quod factum non esset, si Judae regnum semper continuandum, nec sceptrum a Juda auferendum esset.

CANON VIII. *Adverbium NON AMPLIUS, NON ULTRA, non semper omne tempus removet, sed pro aliquo tantum temporis intervallo nonnunquam sumitur.*

I. Reg. VII. 12. *Et humiliati sunt Philistiim, nec adposuerunt ultra, ut venirent in terram Israel, nempe temporibus Samuelis; nam Saule imperante Philistinorum incursiones in terram Israel memorantur.* IV. Reg. XXIV. 7. *Et ultra non addidit Rex Aegypti, et egrederetur de terra sua scil. usque ad ultimos annos Sedeciae.*

§. III.

De adverbio numeri.

Numeralia simplicia ab uno ad decem adduntur substantivis pluralibus in singulari; singularibus vero in plurali. חמשה שנים *quinque anni*, חמשים שנה *quingenta anni*.

CANON *Adverbia quaedam numeri praeter vulgarem suam significationem quandoque alia speciali donantur.*

I. SEMEL nonnunquam idem est ac *prorsus, omnino, certe, immutabiliter* rel. Psal. LXXXVIII. 36. *semel iuravi per sanctitatem meam* Vulg. *in sancto meo* i. irrevocabiliter, immutabiliter iuravi. Vide Psal. LXI.

II. PRIMUM quandoque *inprimis, praesertim* significat, neque semper respicit *secundum*.

Rom.

Rom. I. 8. *Primum quidem gratias ago h. inprimis, ante omnia. Subinde etiam primum pro prius usurpatur per graduum comparationis enallagen. Matth. XVII. 10. Quid ergo scribae dicunt, quod Eliam oporteat primum venire h. e. prius.*

III. SECUNDO speciali ratione accipitur in exemplis sequentibus.

Josue V. 2. *Fac tibi cultros lapideos et circumcide secundo filios Israel h. e. circumcisionem intermissam in deserto ob frequentem castrorum motionem fieri praecipe, non in eodem homine, ut nugantur Rabbini, sed in eodem populo.*

Adverbium *secundo* interdum subponit membrum primum, quod deficit. Esth. II. 19. *Quumque secundo quaerentur virgines h. e. secundo quaerentur pro celebratione nuptiarum Regis cum Esther, sicuti primo quaesitae fuerant pro nuptiis Vasthi, quod membrum subinteligitur.*

Denique *secundo* accipitur pro *postea*. Jud. x. 5. *scientes semel (i. omnino) omnia, quoniam Jesus populum de terra Aegypti salvans, secundo (i. postea) eos, qui non crediderunt, perdidit.*

IV. ITERUM, RURSUS non sunt semper particulae iterationem significantes rei iam factae, aut sermonis iam dicti; sed interdum oppositionem denotant, ac per *e diverso*, *e contrario* explicari debent. I. Joan. II. 7. *Non mandatum novum scribo vobis, sed mandatum vetus* x. 8. *iterum (i. e contrario, imo) mandatum novum scribo vobis.*



Quandoque idem est ac *praeterea*. Matth. XVIII. 29. *Iterum dico vobis* i. praeterea. Interdum significat *etiam*. Matth. IV. 7. *rursum scriptum est* i. etiam. Cap. V. 33. *iteram audistis* i. audistis etiam. Huc pertinet hebraicum **עוד** *adbut*, *amplius*, quod non modo actum continuatum, sed etiam novum ei similem significat, ac per *iterum*, *rursum* exponendum est. Gen. VIII. 21. *Non adiciam maledicere* **עוד** *adbut* terrae. h. e. ut Vulg. *nequaquam ultra* vel *rursum* maledicam.

V. TER pro multifariam accipitur Prov. XXII. 20. *Ecce descripsi eam* (doctrinam) tibi **עַל־כָּפְּתָיִם** Vulg. *tripliciter* h. e. multifariam et multoties cum in hoc libro, tum in aliis a me conscriptis. Heic itaque numerus determinatus pro indeterminato ponitur.

§. IV.

De adverbiiis demonstrandi.

CANON *Adverbia demonstrandi* EN, ECCE, saepius emphasin important, et ad attentionem excitandam adhibetur. Eorum usus est

I. In mirandae, novae, expetitaeque rei enarratione. If. VII. 14. *Ecce virgo concipiet* *) rel. Vide Zach. IX. 9. Matth. XXI. 5. XXV. 6.

II. In

*) Nullo fundamento nititur has particulas ex natura sua ita emphaticas esse et demonstrativas, ut rem praesentem semper indigent: consequenter nec propheta Isaias hac particula usus fuit, ut fictam nescio quam virginem praesentem quasi digito demonstraret, cuius partus signum fuisset ad pacandum Achazi et domus David animum pro praesenti, prout in suo contra hanc prophetiam edito libello contendebat Isenbiehl: hoc certe signum, seclusa



II. In rei praesentis demonstratione. Gen. XXIX.

2. *Quumque circumspiceret, ecce puteus in quodam agro, et ecce ibi tres greges pecudum.* Vide Joan. I. 29. Act. I. 16.

III. In certae et exploratae rei adseveratione. Gen.

I. 29. *Ecce dedi vobis omnem verbum . . . ut sint vobis in escam.* vide v. 31. cap. XII. 11. rel.

IV. In celeritatis ad obsequendum aut benefacien-

dum declaratione. Psal. XXXIX. 8. *Tunc dixi: ecce venio.* Confer. Hebr. X. 7. seq. Luc. I. 38. *Ecce ancilla Domini.*

§. V.

De adverbii negandi.

CANON I. *Adverbia negandi non promiscue, sed cum distinctione in syntaxi usurpantur.* Hebraeis autem septem sunt

E e 3

negan-

seclusa auctoritate prophetica Isaiae, omnino infirmum erat, quia nihil insolitum, nullam pro praesenti certitudinem instantis mox liberationis ab hostibus praeseferre. Sola vis prophetiae erat in habenda fide in Deum, Eiusque promissiones, qui non permittet subverti domum Juda ob Messiam ex ea nasciturum. Sicut ergo haec particula *הִנֵּה* *Hinne* *Ecce* adhibetur in rei alicuius seu oculis mentis, seu oculis corporeis praesentis demonstratione: recte adhibuit propheta hanc particulam, quia virgo ista oculis mentis ipsi praesens esse potuerit: sicut prophetae adsolent res remotissimas ita depingere, quasi oculis coram prostant: sic etiam virginem illam concipientem et parientem ut ut remotissimam clarissimis coloribus depingit, ut eam Achaz et domus Juda quasi oculis intueri potuerit, nempe talem, quae infueto naturae ordine, ac modo plane insolito, nullique hominum cognito sine consortio viri concipiat et pariat *Emmanuel*, nempe Messiam, quem ex domo Juda venturum ex fide patrum noverant, quam etiam fidem refricare intendebat Propheta.



negandi adverbia. *אֵין*, et *לֹא*, *פֶּן*, *אֵין*, *בְּלִי*, *בְּלֹתִי*, *לֹא*, *פֶּן*, *אֵין*, et *אֵין*, quae in syntaxi ita se habent.

I. *אֵין* non iungitur verbis, nisi verbo substantivo subintellecto. Si interdum construatur cum infinitivo, ut Psal. XXXII. 9. tunc infinitivus loco nominis ponitur, vide supra in hebraismis enallagicis. Videtur tamen iungi cum futuro Jerem. XXXVIII. 5. *כִּי אֵין הַמֶּלֶךְ יוֹכַל* quia rex non poterit contra vos quidquam. Vulg. *Nec enim fas est regem vobis quidquam negare.* Sed post *אֵין* subintelligitur verbum substantivum est (ut fit Prov. 21. 30.) hoc modo: non est Rex, qui possit contra vos quidquam facere. Relativum etiam saepe subintelligitur. *אֵין* itaque iungitur tantum nominibus, participiis, quae more nominum sese habent, et particulis, ac tota specie negat.

Dan. IX. 26. *Post hebdomades sexaginta duas occidetur Christus, לוֹ אֵין* Et non ei, subple, erit quidquam, i. putabitur plane excisus, ita ut nihil eius supersit. Vulg. *Et non erit eius populus, qui eum negaturus est*, verba, *populus, qui eum negaturus est*, ad sententiam complendam addidisse videtur. Quidam nec male existimant *לוֹ אֵין* positum esse pro *אֵין* et non ipse, subple superstes erit. Quae loquutio usurpatur de Henoebo Gen. V. 24. de Iosepho ibidem cap. XLII. 36. et de Rachelis liberis Jerem. XXXI. 15.

Ceterum *אֵין* quasi formam nominis constructi imitatur, huius absoluta forma est *אֵין* quae adhibetur in fine alicuius membri sententiae, et ab antecedentibus semper dependet, nunquam autem cum sequentibus coniungi-

iungitur. Exod. XVII. 7. *Estne Dominus nobiscum*, ׀אִי־נֶאֱמַר *an non?*

Quidam etiam volunt per apocopen dici ׀אִי pro ׀אִי־נֶאֱמַר, quod sic legatur I. Reg. XXI. 9. ubi mendum esse videtur pro ׀אִי aut ׀אִי; sed exempla, quae adducuntur, eiusmodi apocopen non probant; nam primum locum quod adtinet Prov. XXXI. 4. ׀אִי redditur a Vulg. *ubi*, legebat procul dubio ׀אִי. Alter locus est Job. XXII. 30. ׀אִי־נֶאֱמַר־נֶאֱמַר־נֶאֱמַר *eruet (Deus) non innocentem*, LXX, Theodot. Vulg. ׀אִי neglexerunt: *eruet nocentem, salvabitur innocens*; pro ׀אִי forte legerunt ׀אִי־נֶאֱמַר. Tertium locum profert Glafs. I. Reg. IV. 21. ubi Heli nepos vocatur a matre ׀אִי־נֶאֱמַר *Ichabod* h. e. ut interpretatur, *non gloria*: verum verti, etiam potest ׀אִי *ubi est gloria?* quae interrogatio aequivalet negationi *non est gloria*. Non constat igitur ׀אִי per apocopen positum fuisse pro ׀אִי־נֶאֱמַר, vel ׀אִי.

II. ׀אִי tantum futuro convenit, et deprecantis aut dehortantis particula est. Prov. XXIII. 4. ׀אִי־נֶאֱמַר־נֶאֱמַר *ne labores, ut dītescas*. Rarissime negat; et omnia loca explicari possunt per particulum dehortantem. Speciale est ׀אִי־נֶאֱמַר־נֶאֱמַר־נֶאֱמַר *quo irruistis hodie?* I. Reg. XXVII. 10. ubi ׀אִי est pro ׀אִי *quo*, secundum paraph. Chald. qui vertit ׀אִי *quo*. Vel potius subintelligitur ׀אִי *quīs* et pro ׀אִי legendum ׀אִי־נֶאֱמַר *ad loco ׀אִי contra*, sic: ׀אִי־נֶאֱמַר pro ׀אִי־נֶאֱמַר *contra quem irruistis hodie*. Vulg. *In quem irruisti hodie?* de solo Davide intellexit; vel est sphalma graphicum pro *irruistis*.



III. בל iungitur praeterito et futuro. Prov. IX. 13. XXII. 29. Osee VII. 2. Reperitur etiam cum infinitivo, sed anomalus Psal. XXXIII. 9. בל קרוב non adpropinquare.

IV. בלי Praeterito et futuro iungitur, negatque absolute. Gen. XXXI. 20. Et furatus est Jacob cor Labanis Syri על-בלי הגיד לו eoquod non indicasset ei, quod fugeret. Vulg. noluitque Jacob confiteri socero suo, quod fugeret. Hebraismum furari cor ad linguae latinae indolem eleganter expressit.

V. בלתי construitur cum praeterito et participio. Num. XXI. 35. If. XIV. 6. saepissime ו בלתי praepositur ל construiturque 1. cum infinitivo Deut. XVII. 20. 2. Cum praeterito Jerem. XXIII. 14. 3. Cum futuro Exod. XX. 20.

VI. לא Omnibus temporibus convenit excepto imperativo, cui nulla particula negans praepositur, quique per futurum, praeposita negatione exponitur. Vide decalogum. Cum participio coniunctum de certo quodam et individuo negat. Sophon. III. 5. לא ידע עול בשר non (est) sciens i. nescit iniquus confusionem, nempe populus iudaicus, de quo loquitur propheta.

VII. פן cum futuro construitur. Gen. III. 21. semel iungitur cum praeterito loco futuri posito. II. Reg. XX. 6. פן ימצא ne inveniat, pro פן ימצא

CANON II. Particula negativa לא, בלתי et praepositio ל, לבלתי universali כל omnis addita, universalem

falem negationem indicat, ita ut *non omnis* idem sit, ac *nullus*.

Gen. IV. 15. *Posuitque Dominus Cain signum*, לִבְלִיתִי ut *non interficeret eum* כָּל־ omnis, i. nemo, nullus. Deut. VIII. 9. *Non indigebis omni in ea* (terra) i. nulla re indigebis. Psal. CXLII. 2. *Non iustificetur in conspectu tuo omnis vivens* i. nullus vivens.

Quum particula negativa praeponitur vocabulis עַד־מָוֶה usque valde, usquequaque, non solum negat summum gradum, et inferiorem admittit; sed universalis est, ac eandem rationem obtinet, atque *non omnis* h. e. nullus. Psal. CXIX. 8. *Non me derelinquas* עַד־מָוֶה usquequaque, i. nequaquam, ne in minimo quidem derelinquas me. Vide ibid. v. 43. Sic in negatione implicita If. LXIV. v. ult. *Nunquid domine . . . adfliges nos usquequaque?* h. e. non adfliges nos ullo modo; interrogatio enim heic negationi aequipollet.

CANON III. ADVERBIA NEGANDI cum verbis et nominibus composita, nonnunquam speciali quadam ratione significant.

I. Contrarium adfirmatum cum emphasi denotant. Exempla verborum vide supra in verborum significatione.

Psal. XLIII. 1. לֹא־חֲסִיד מִגִּוֵּי de gente non sancta; impia, maligna et crudeli. Ose. XIII. 13. *Ipse* (Ephraim est) *filius non sapiens* i. stultissimus. Prov. XVIII. 5. *accipere personam impii* לֹא־טוֹב bonum non (est) i. pessimum est. Matth. II. 6. *Et tu Bethlehem terra Juda nequaquam*



quaquam minima es i. e. *maxima es.* Apoc. XVIII. 7.
vidua non sum i. *sum populosissima.*

- II. Adverbia negandi nominibus praeposita, habent
 • interdum vim *privativam*.

I. Reg. XX. 26. בְּלִי טָהוֹר *non mundus* i. *immundus.*
 Prov. XII. 28. *In semita iustitiae, vita (est) et via semita eius* אֶל-מוֹת *non mors* h. e. *immortalis.* Vulg. *iter autem devium ducit ad mortem*, pro אֶל legeb. אֶל- *ad.* Ibid. cap. XXX. 25. *formicae (sunt) populus* לֹא-יָצִי *non firmus* i. *infirmus.*

- III. Duae negationes, maxime apud graecos fortius negant. Luc. XXI. 33. *Coelum et terra transibunt, verba autem mea* οὐ μὴ *non transibunt.* Sic οὐ vel οὐκ et οὐδεις nullus vel οὐδεν nihil coniunguntur; tuncque nomina illa negativa per *quisquam* vel *quidpiam* exponuntur. Luc. XX. 40. *Et amplius non audebant eum interrogare* οὐδεν *nihil*, h. e. *quidquam.*

CANON IV. *Pro negativo adverbio quandoque comparativa particula adhibetur.*

Psal. CXIII. 8. *Bonum (melius) est confidere in Domino, quam confidere in homine*, h. e. *bonum est confidere in Domino, non vero in homine.* Ose. VI. 6. *Quia misericordiam volui, et non sacrificium, et scientiam Dei, plusquam holocausta*, h. e. *scientiam Dei, non holocausta: heic holocausta sine fide, et cum hypocrisi oblata intelliguntur, quae non vult Deus.*

Hunc inprimis idiotismum efficit particula *μαλλον* *magis*, quae non semper *comparationis* nota, sed saepius

correctionis et obpositionis; h. e. non semper ita comparat, ut aliquid utrique tribuatur, uni vero magis, quam alteri; sed saepius simpliciter rem totam transfert in unum, et alterum ei contradictorie obponit.

Joan. III. 19. *Lux venit in mundum, et dilexerunt homines μᾶλλον magis tenebras quam lucem* h. e. dilexerunt tantum tenebras, non vero lucem. Joan. XII. 43. *Dilexerunt gloriam hominum μᾶλλον magis, quam gloriam Dei* h. e. nequaquam dilexerunt gloriam Dei.

Eadem ratione *primi* dicuntur respectu regni coelorum, qui eius fiunt participes; ultimi vero, qui eo excluduntur. Matth. XIX. v. ult. Luc. XIII. 30. sic *maximus* in regno coelorum is est, qui illud ingreditur, Matth. XVIII. 4. *minimus* vero, qui eius possessione excidit. Matth. V. 19.

CANON V. *Vice versa quandoque adverbium negans pro comparativa particula ponitur.*

Gen. XLV. 8. *Nequaquam vos misistis me huc, sed Deus ipse*, i. e. non tam vos, quam ipse Deus. Exod. XVI. 8. Luc. XIV. 12. *quam facies prandium aut coenam, noli vocare amicos tuos . . . sed voca pauperes* i. potius hos, quam illos. Joan. V. 45.

Huc pertinet Idiotismus, quo adverbium *solum* post particulam negativam subintelligitur, ac non per *non solum* explicandum est. Qua significatione pleraque ex praecedentibus accipi possunt, et vicissim multa exempla ex iis, quae adferam, cum praecedentibus coincidunt. Gen. XXXII. 28. *Nequaquam Jacob adpellabitur nomen tuum, sed Israel*, h. e. non solum Jacob adpellaberis,



ris, sed etiam Israel; nam utroque nomine postea vocatur Jacob. I. Reg. VIII. 7. *Non te abiecerunt, sed me, ne regnem* i. non solum te, sed me abiecerunt. Vide Matth. X. 20. Act. V. 4.

CANON IV. *Verbis negativis et prohibitiuis particula negativa interdum adiicitur, quae videtur abundare.* Luc. XX. 27. *Accesserunt autem quidam Sadducaeorum* οἱ ἀντιλεγόντες *contradicientes resurrectionem* μή *non esse* i. qui negant resurrectionem esse. Luc. XXII. 34. *Non cantabit hodie gal- lus, priusquam ter* ἀπαρνησῇ μή *neges te non nosse me* h. e. donec ter abneges nosse me.

§ VI.

De adverbii dubitandi.

CANON DUBITANDI *adverbia non semper rem incertam denotant, sed eius difficultatem interdum innuunt, aut alia de causa emphatice adhibentur.*

I. אִיִּי fortasse non semper particula dubitantis, sed interdum confidentis et bene sperantis, ominantisque.

Exod. XXXII. 30. *Ascendam ad Dominum* אִיִּי *si quomodo quivero eum deprecari pro scelere vestro* Jerem. XXVI. 3. אִיִּי *si forte audiant et convertantur unusquisque a via sua mala.* Haec verba per ἀνθρῶποπαθεῖν Deo tribuuntur, quibus non dubium, sed liberum hominis arbitrium significatur. Unde S. Hieron. comm. in h. l. tom. III. n. ed. *Verbum ambiguum forsitan Maieitati divinae non potest convenire; sed no iro loquitur adfectu; ut liberum hominis servetur arbitrium, ne ex praescientia eius, quasi necessitate vel*
facere

facere quid, vel non facere cogatur. Non enim ex eo, quod Deus scit futurum aliquid, idcirco futurum est; sed quia futurum est, Deus novit, quasi praescius futurorum.

Tbren. III. 20. Ponet in pulvere os suum, si forte sit spes; particula si forte heic dubitantis non est, sed potius adfirmantis; ex humilitate enim et patientia concipitur spes, quae non confundit. Sensus itaque est: ponet in pulvere os suum i. humiliabit se, quia spem habet. Vide Jos. XIV. 12. (et confer. v. 9.) I. Reg. XIV. 6. II. Reg. XVI. 12.

II. *פֶּן* ne forte dubitationem non semper importat, sed interdum rem certo futuram exprimit. Gen. III. 3. *de fructu vero arboris . . . non tangetis eum פֶּן-תִּמָּוֶת* ne moriamini Vulg. mutatis personis, ne forte moriamur; sed dubium heic non est.

Ibid. cap. XXXVIII. 23. *Habeat sibi (Thamar pignora) פֶּן גְּדִיָּה לָבוֹ פֶּן גְּדִיָּה* ne simus contemptui, si durius inquiramus. *פֶּן* itaque loci prohibentis est adverbium, non dubitantis; neque enim ignorabat Judas, infamem esse fornicationem. Vulg. *פֶּן* adfirmative interpretatur, sensum, non textus verba stricte reddidit.

III. Particula *av*, quam Vulgata nostra versio saepius dubitative exponit, plerumque exletiva est, vel furnitur pro *sane, utique, certe, rel.*

Joan. V. 46. *si crederetis Moyse, crederetis av utique mihi* Vulg. *crederetis forsitan et mihi.* Cap. VIII. 19. *si me sciretis, av certe et patrem meum sciretis* Vulg. *forsitan et*



et patrem meum cet. Vide Matth. XL 21. ubi particula *et* a Vulg. reddita non est, quia eam ut expletivam spectavit.

§. VII.

De adverbiiis excludendi et limitandi.

CANON I. *Adverbium EXCLUDENDI PRAETERQUAM, NISI, non raro pro coniunctione adversativa SED ponitur.*

IV. Reg. V. 17. Non faciet ultra servus tuus holocaustum Diis alienis, nisi Domino h. e. sed Domino. Matth. XII. 3. 4. Quomodo panes propositionis comedit, quos non licebat ei edere . . . nisi solis sacerdotibus i. sed solis sacerdotibus. Vide Luc. IV. 27. Joan. V. 19. Gal. II. 16. scientes autem, quod non iustificatur homo ex operibus legis, nisi per fidem Jesu Christi h. e. sed per fidem, quae operibus legis obponitur: unde subdit: Et nos in Christo Jesu credimus, ut iustificemur ex fide Christi, et non ex operibus legis. Bona tamen opera tanquam media a Deo praestituta et data non excluduntur, imo requiruntur.

CANON II. *Adverbium LIMITANDI seu restringendi QUATENUS, quo caret lingua hebraica, aliis particulis exprimitur.*

Gen. XXXIX. 9. Nec quidquam est, quod non mea sit potestate . . . praeter te כֹּחִי בְּיָדָי in quo h. e. quatenus uxor eius; in coeteris enim Iosephi curae etiam commissa erat. Matth. X. 41. qui recipit prophetam in nomine prophetae h. e. quatenus prophetam. Sic mox in nomine iusti.

§. VIII.

§. VIII.

De adverbii comparandi.

CANON I. *Adverbia comparandi* ὡς, ὡσπερ, καὶ ὡς, ὅσως, non semper omnimodam similitudinem aut aequalitatem denotant, sed de aliqua interdum convenientia intelligenda sunt. Exempla horum vide supra in hebraismis adfirmantibus. Sicut et

CANON II. *Similitudinis particula quandoque non similitudo, sed res ipsa notatur.* Vide ibidem. Matth. XIV. 5. *Quia sicut prophetam eum, Joannem, habebant, i. pro vero propheta habebant.* Gen. XXV. 33. *Jura mihi* כִּי־כֵן *sicut hodie i. hodie.* Caph istud similitudinis vocatur a Qimhhi Caph veritatis, ideoque ab interpretibus negligitur, vel si exprimitur, abundat.

CANON III. *Adverbium comparandi* ὡς sic, non in comparativo solum, sed in aliis etiam loquutionibus usurpatur.

I. Rei qualitatem five adiuncta exprimit. Matth. I. 18. *Christi autem generatio sic erat i. hac ratione se habebat.*

II. Rei magnitudinem ac praestantiam indicat. Joan. III. 16. *Sic Deus dilexit mundum, ut filium suum unigenitum daret, q. d. tantus tamque ardens fuit Dei amor erga nos, ut cet.*

III. Pro coniunctione conclusiva itaque adhibetur. Apoc. III. 16. ὡς itaque quia tepidus es cet. Vulg. *sed quia tepidus es.*

IV. Hebraeum adverbium כֵּן sic quandoque intendendi significationem habet.

Exod.



Exod. I. 12. *Et sicut adfligebant eum* (populum Israel) כֵּן sic multiplicabatur, וְכֵן et sic crescebat. Vulg. eleganter: quantoque obprimebant eos, tanto magis multiplicabantur.

CANON IV. *Pro particula comparativa quandoque aliae particulae usurpantur.*

I. Copula ו Vaf, et I. Reg. XII. 15. *Tunc erit manus Domini super seu contra vos* וְיָבִיא בְּיָמֶיכֶם ut (fuit) super patres vestros. Prov. X. 25. *sicut transit turbo* וְכֵן sic non est impius. Vide If. LIII. 7. Matth. VI. 10. *fiat voluntas tua sicut in coelo, et in terra.* h. e. sic et in terra.

II. Praefixum ל Lamedb. ad. If. I. 31. *et erit fortis* לְנֶעֱרָר sicut flupa, et opus eius לְנִיצוֹץ sicut scintilla. Abd. * 18. לְקֶשׂ sicut stipula.

III. Praepositio עִם cum. Job. IX. 26. *Dies mei transferunt* עִם אֲנִיִּים cum navibus desiderii i. sicut naves desiderii; naves autem desiderii dicuntur naves desideratissimae, seu praestantissimae, velocissimae, quare Symm. interpretatur: *quasi naves festinantes.* Paraphr. Chald. *naves optimis fructibus onustas*, quae celerrime feruntur, ne fructus putrescant, et ut citius divendantur. His comparatur vita ob temporis celeritatem.

Pfal. CXX. 4. *Sagittae potentis acutae cum carbonibus iuniperorum*, sic S. Hieron. h. e. sicut sagittae potentis acutae, sicut carbones iuniperorum es, o lingua dolosa. Psalter heic commemorat carbones iuniperorum, qui coeteris vehementius adurant, et diutius ignem fervant. Vulg. *cum carbonibus desolatoriis.* Per carbones desolatorios seu vastantes mala gravissima indicat, a lingua

gua dolosa provenientia. *v. s. habitavi*, vel habito, *cum habitantibus Cedar* h. e. ut habitatores Arabiae desertae et petraeae (dicti *Cedareni* a Cedar Ismaelis filio) certas et fixas sedes non habent, sed huc illuc vagantur, ac in tentoriis habitant: sic ego locum continuo mutare cogor.

CANON V. *Comparandi particulae non raro in oratione desunt.*

Gen. XVI. 12. *Hic (Ismael) erit onager homo* h. e. ut onager, Vulg. ferus homo. Exod. XIX. 4. *Vos vidistis quomodo portaverim vos super alas aquilarum* h. e. quasi super alas aquilarum, quae pullos suos transferunt non unguibus aut pedibus, ut reliquae aves, sed super alas et dorsum. Hac loquutione indicatur celeritas, qua Deus Israelitas ex Aegypto eduxit.

Quandoque prioris membri particula comparandi deficit; posterioris vero per coniunctionem copulativam *Vaf* et loco comparativae exprimitur. Psal. CXXIV. 2. *Jerusalem, montes in circuitu eius, et Dominus in circuitu populi sui* i. sicut montes sunt in circuitu Jerusalem, qui eam contra hostes tuentur: ita Dominus est in circuitu populi sui, eumque in aeternum proteget.

Interdum prioris membri, quod *περίστροφος* dicitur, particula deest, quae in posteriori, quo *ἀντιπαραβολή* vocant, occurrit. Jacob. I. 11. *Exortus est enim sol cum ardore et arefecit foenum . . . οὕτως sic et dives in itineribus suis (actionibus suis) marcescet*, i. sicut sol exortus.

Interdum utraque particula desideratur. Job. XXIV. 19. *Siccitas et aestus rapiunt (i. citissime absumunt) aquas nivis:*

F f

nivis:



nivis: sepulchrum (eos, qui) peccaverunt, i. quemadmodum siccitas et aestus cet. sic sepulchrum. Jerem. XVII. 11. Perdix fovet (ova) quae non peperit: fecit divitias et non in iudicio. h. e. sicut perdix fovet ova aliena, neque ea excludit: ita qui comparat opes iniustas in dimidio dierum suorum derelinquet eas.

CAPUT XIII.

De Praepositionibus.

§. I.

De praepositionum separabilium constructione.

CANON *Quaedam praepositiones iunguntur infinitivo, illaeque per verbum finitum et coniunctionem exponuntur.*

Gen. V. 4. Et facti sunt dies Adam, אַחֲרֵי הוּלְדוֹ post gignere eum i. postquam genuit. XVIII. 12. אַחֲרֵי בְלָתִי post consenscere me i. postquam consenui. Ibid. v. 19. לְמַעַן הָבִי־אֵלָהּ propter adducere Dominum Abrahamo i. ut adducat Dominus. Luc. XXII. 20. similiter et calicem μετὰ τὸ δεῖπνῆσαι post coenare i. postquam coenavit.

§. II.

De praepositionum separabilium significatione.

CANON I. *Praepositio אֶל AD ex earum numero est, quibus motus ad locum exprimitur. Gen. VI. 19. introduces אֶל-הַתֵּיבָה ad vel in arcam.*

Pro

Pro אל vel alia praepositione motum ad locum denotante, non raro usurpatur ה praecedente (τ) et rarissime (·) quod ה ad finem dictionis adiicitur. Gen. XIX. 1. *Veneruntque duo illi angeli* כְּרִמָּה in Sodomam. Cap. XXXIII. 14. *donec veniam* שְׁעִירָה in Seir. מִצְרִימָה in Aegyptum.

Quandoque nomini proprio loci composito per tmesin diviso, ה locale interponitur. Gen. XLVI. 1. בְּאֵרָה שָׁבַע in Bersabee Vulg. *ad puteum iuramenti*, nomen proprium ut adpellativum interpretati sunt.

Interdum pleonastice ל synonymum טוּוּ אל a fronte praeponitur, et ה in fine adiungitur I. Paral. XXVI. 17. לְצָפוֹנָה ad septentrionem לְנֶגְבָּהּ ad meridiem, לְשִׁאוֹלָה ad sepulchrum.

Loco (τ) ante ה rarissime usurpatur (·) ut נֶבֶה נֹבָם versus, יֶדְדָנָה Dedanem versus. In his autem exemplis (·) positum esse pro (τ) ostendit accentus in penultima.

Saepe ה aut אל deficiunt, sed subplentur; nam apud hebraeos cum nominibus propriis urbium et locorum praepositio vel exprimitur vel negligitur, et subintelligitur. III. Reg. III. 15. *Quumque venisset* (Salomon) יְרוּשָׁלַיִם in Jerusalem pro יְרוּשָׁלַיִם, vel אֶל-יְרוּשָׁלַיִם vel לְיְרוּשָׁלַיִם.

Motum ex loco significare volunt ה. Gen. XIII. 1. ubi הֶנֶגְבָּה explicari videtur 3. per מִנְּגַב a meridie sive a meridiano tractu.



Denique ה ponitur pro *in* vel *ad*, quamvis de loco sermo non habeatur. I. Reg. I. 3. ימִימָה *in dies*. Psal. XLIV. 27. עֲזָרָתָה *in vel ad auxilium*.

CANON II. Saepe praepositiones אֶל et εἰς *ad* pro ב *et* ἐν *in*, sive de loco sermo sit, sive de alia re, ponuntur. Sive *Praepositiones motum significantes* pro *praepositionibus quietem exprimentibus* interdum usurpantur.

I. DE LOCO. Gen. XLIX. 29. *sepelite me cum patribus meis* אֶל-הַמַּעְרָה *ad speluncam* pro ב *in* spelunca. III. Reg. VIII. 30. *Et exaudies* אֶל-מִקְוֶה *ad locum tabernaculi tui* h. e. *in loco*. Vulg. *de loco*, adeo ut עַל ponatur pro בֵּן, quod legitur II. Paralip. VI. 21. Matth. II. 23. *Et veniens Joseph habitavit* εἰς πόλιν *ad civitatem* i. *in civitate*.

II. DE ALIA RE. Gen. VI. 6. *et doluit* (Deus) אֶל-לִבּוֹ *ad cor suum* i. *in corde suo*. Cap. VIII. 21. *Et dixit dominus* אֶל-לִבּוֹ *ad cor suum* i. *in corde suo*.

CANON III. Vicissim ב *in* pro אֶל *ad*, et apud graecos ἐν pro εἰς interdum veniunt, sive de loco, sive de qualibet alia re sermo habeatur, quod est dictu: *Praepositiones quietis loco praepositionum motus quandoque adhibentur*.

Lev. XVI. 22. *Et emittet bircum illum* בַּמִּדְבָּר *in deserto*, pro אֶל-הַמִּדְבָּר *in desertum*. Luc. VII. 17. *Et exiit hic sermo* ἐν ὅλῃ τῇ Ἰουδαίᾳ *in universa Judaea* pro εἰς ὅλῃ τῇ Ἰουδαίᾳ.

De qualibet alia re. Luc. I. 17. *Ut convertat corda patrum in filios et incredulos ἐν φρονήσει in prudentia iustorum* PRO *αὐτῶν φρονήσει in prudentiam.*

CANON IV. Praeter significata recensita, praepositio לְ AD, IN, aliis etiam quandoque insignitur. Ac significat

I. DE. Job. XLII. 7. *Non estis loquuti rectum לְ ad me i. de me.* Jerem. XL. 16. *De Ismael לְ-יִשְׁמָעֵאל.* Luc. XIX. 9. *Ait Iesus ad eum (Zachaeum) quia hodie salus domui huic facta est, id est, ait de ipso; non enim sermo ad Zachaeum, sed ad circumstantes dirigitur.*

II. SUPER, tuncque לְ pro עַל ponitur. Lev. XIV. 50. *Et immolabit passerem unum לְ ad vas fictile, i. super vas fictile, in quo erat aqua viva: sequitur enim: עַל super aquas rel.* II. Reg. II. 9. *Et constituit eum (Isbose-
thum) לְ ad Galaad i. super Galaad, unde statim se-
quitur: וְעַל et super Ephraim.*

III. Propter; tumque לְ usurpatur iterum pro עַל. I. Reg. II. 27. *לְ ad puerum istum oravi i. propter pue-
rum, seu ut Vulg. pro puero.* I. Reg. IV. 21. *לְ-הַלֵּקָה propter capi arcam Dei seu propterea quod capta esset ar-
ca Dei.*

IV. CONTRA. לְ ponitur pro עַל et πρὸς pro κατὰ.

II. XXXII. 6. *Ad loquendum errorem לְ contra pro-
phetas istos, Vulg. super.* Marc. XII. 12. *Cognoverunt enim, quoniam πρὸς αὐτοὺς ad eos vel ad se (h. e. contra eos) parabolam hanc dixerit.* Vid. Joan. X. 35. Act. IX. 5. rel.



Sic *ik* in pro contra, adversus. Luc. VII. 30. XII. 10.

V. Cum אל pro עם. Thren. III. 42. *Levemus corda nostra אל ad manus i. cum manibus ad Dominum.* Ezech. XVI. 26. fornicata est אל cum filiis Aegypti.

VI. אל pro את articulo adculpandi casus usurpatur. Psal. II. 7. *Narrabo אל decretum.* Vide Jud. VII. 25. If. XXXVIII. 19. rel. rel.

VII. אל cum aliis quibusdam praepositionibus, in quarum naturam transit, coniungitur. אל-מול e regione, אל-מחוץ extra, אל-החוץ foris. אל-תחת sub, pro, in locum, sive loco. אל-נכח coram seu e regione, אל-עבר trans. אל-מבית extra. אל-אחרי post, et cum adverbio אל-תהנם frustra.

§. II.

De praepositione אחרי, post.

CANON Praepositio אחרי, sive אחרי, et eius Synonyma מֵאַחַר, מִקֶּצֶה, et graeca μετα, POST, cum locum, tum tempus interdum ratione speciali denotat.

I. אחרי post, si de loco accipiatur, nonnunquam pro nomine sumitur.

III. Reg. XIV. 10. *Et removebo אחרי post domum Jeroboam* h. e. adsecclas domus Jeroboam. Vulg. reliquias i. posteritatem. Ose. V. 8. *Clangite buccina in Gabaa, tuba in Rama: ululate in Bethaven אחרי post te Benjamin* h. e.

h. e. posteriori te Benjamin. S. Hieron. comm. in h. l. *Pulchre dixit, quod Bethaven post tergum sit Benjamin: ubi enim tribus finitur Benjamin, haut procul in tribu Ephraim haec urbs condito est.* Aliter Glassius post Junium: sensus est, inquit, Juda quoque ad bellicas clades perferendas se ipsum comparet, qui *posterior te est*, o Benjamin, seu, qui post regionem tuam habitat. Quam ob rem Israelis mentio fit v. 9. et Judae v. 10.

Praepositio *post*, si de tempore accipiatur, non semper ultimam temporis partem exactam, et praeteritam denotat, sed interdum pro *intra* sumitur, ac interiectum et adhuc viciens tempus significat. Deut. XIV. 28. *אֶחָדָה אֶתְּמִלְּךָ אֶתְּשָׁלֶשְׁתָּ* a fine trium annorum i. anno tertio. Deut. XXXI. 10. *שִׁבְעָה אֶתְּמִלְּךָ אֶתְּשָׁלֶשְׁתָּ* a fine septem annorum Vulg. *post septem annos* i. e. septimo anno, qui annus remissionis est. Jos. IX. 16. *Et fuit אֶחָדָה אֶתְּשָׁלֶשְׁתָּ* a fine trium dierum, Vulg. *post tres dies* i. die tertio, ut v. 17. explicatur. IV. Reg. XVIII. 10. *Et ceperunt eam (Samaritam) אֶחָדָה אֶתְּשָׁלֶשְׁתָּ* a fine trium annorum i. tertio anno.

Matth. I. 12. *Μετα την μετακίεσιν Βαβυλωνος post transmigrationem Babylonis* h. e. per, intra eam transmigrationem, totum captivitatis tempus. Vel si *μετα* transferatur *post*, tunc *μετακίεσις* sumitur pro *μετοικισμῶ* ipsa transmigratione, seu actione, qua in Babyloniam translati sunt iudaei. Cap. XXVII. 63. *μετα τρεις ημερας post tres dies resurgam* h. e. tertia die, ut v. 64. explicatio sequitur.

Huc pertinet oratio, quae completum tempus interdum significare videtur, quum tamen de incompleto intelligenda sit. Jerem. XXV. 12. *Quum impleti fue-*



runt septuaginta anni h. e. initio septuagesimi, quo liberati sunt Israelitae. Luc. II. 21. *postquam confirmati sunt dies octo i. e. quum exactis septem diebus octavus advenisset, quo die fiebat circumcisio.*

§. III.

De Praepositionibus אֶת, עִם, עִמָּךְ cum.

CANON Praepositio cum variis vocibus speciali significatione gaudentibus exprimitur.

I. אֶת et sine maqqaph אִתּ. Illa praepositio cum adfixis mutat (·) in hhiriq qaton sequente daghésch in ת, ut אִתִּי mecum. Interdum tamen (·) mutatur in י, sicuti quum pronominibus vice fungitur, ut תִּתְּנָהּ et dormivit cum illa, אִתִּי mecum, אִתּוֹ cum illo אִתָּם cum illis.

Praeterea אֶת cum significat 1. comitatum et coniunctionem. Exod. I. 1. *qui ingressi sunt in Aegyptum אֶת cum Jacob.* 2. intimam coniunctionem, seu potius identitatem personarum SS. Trinitatis in agendo. Agg. II. 5. *Et nunc confortare Zorobabel . . . quoniam ego vobiscum sum, dicit Dominus exercituum אֶת cum* VERBO, quod pepigi vobiscum (foedus) quum egredimini de terra Aegypti, et (cum) SPIRITU meo stante in vobis cet. VERBUM DEI, quo pepigit foedus cum Israelitis, vocatur Angelus foederis, seu testamenti Malach. III. 1. Confer. Is. LXIII. 9. 10. 3. propinguitatem. Esth. I. 10. Eunuchis, qui ministrabant אֶת־פְּנֵי coram facie Regis, 4. Auxilium, IV. Reg. IX. 32. מִי־אִתִּי quis mecum est? i. quis

i. quis mihi auxiliaturus est? 5. De, poniturque pro מ vel מן Num. XXXV. 6. וְאֵת־הָעָרִים De *ipsis autem civitatibus* cet.

II. Cum eadem fere significata obtinet, ac praecedens אֵת, sic עִמִּי *mecum*. Psal. CVI. *peccavimus* עִם *cum patribus nostris*. 2. propinguitatem sive vicinitatem. Gen. XXV. 11. *Et habitavit Isaac* עִם *cum* h. e. *iuxta puteum*.

III. Cum isthaec praepositio iungitur tantum cum adfixo primae personae: ut עִמָּרִי *mecum*.

IV. Praepositio Cum hebraeis quandoque per copulativam et in oratione negativa, vel negativae aequipollente exprimitur. Jos. XXII. 24. מַה־לָּכֶם וְלִיהוָה *quid vobis et Domino Deo Israel?* h. e. *cum Domino*, non est vobis quidquam cum Domino Deo Israelis. Efd. IV. 3. לֹא לָכֶם וְלָנוּ *Non vobis et nobis* h. e. *nihil est vobis nobiscum*.

Denique praepositiones אֵת et עִם interdum pleonastice cum alia praepositione coniunguntur. Vide infra in praefixo מ. Econtrario aliquando desunt. Lev. XXVI. 41. *Et recordabor foederis mei Jacob* i. *cum Jacob*. rel.

§. IV.

De praepositionibus עֲבַר *trans*, עַל *super*, תַּחַת *subter*, sub.

CANON I. Praepositio hebraea עֲבַר, Graeca *παραν*, *trans*, non semper ulteriorem partem loci significat, sed



et citeriorum; adeoque etiam vicina et proxima citerioris partis loca. Deut. I. 1. *Haec sunt verba, quae locutus est Dominus ad omnem Israel בְּעֶבֶר trans Jordanem*, i. e. cis Jordanem; nunquam enim Moyſes Jordanem tranſiit. If. IX. 1. *Primo tempore adleviata eſt terra Zabulon et terra Nephtali . . . via maris עֵבֶר trans Jordanem* h. e. iuxta Jordanem; Zabulon enim et Nephtali, et utraque Galilaea ſunt cis Jordanem ratione Judaeae. Vide. Matth. XIV. 22. Marc. X. 1.

CANON II. Praepoſitio עַל *super praeter communem ſignificationem*, alias obtinet.

I. Significat IUXTA. Gen. XVI. 7. *Et invenit eam angelus Domini עַל-עֵין iuxta fontem*.

II. VERSUS. Gen. XIX. 28. *Et reſpexit . . . עַל verſus univerſam terram*.

III. AD. Gen. XXXVIII. 12. *Et aſcendit עַל ad tonſores ovium*.

IV. CORAM maxime ſi coniungatur cum פָּנִים *facies*. Exod. XX. 3. *Non habebis Deos alienos עַל-פָּנֵי coram me*.

V. IN. II. Paral. I. 1. *Confortatus eſt ergo Salomon . . . עַל in regno ſuo*.

VI. EX. Exod. XXIII. 13. *Nomen Deorum . . . non audietur עַל ex ore tuo*.

VII. ER-



VII. ERGA. Gen. XIX. 16. *In clementia Domini* עָלָיו
erga eum. Eleganter Vulg. eoquod parceret Dominus illi.
 Num. VI. 26. ponitur אֵל ad, in, erga pro עָלָיו.

VIII. CONTRA. Num. XIV. 2. *Et murmuraverunt*
 עַל־מֹשֶׁה *contra Moysen.* Et sic fere accipitur, quum
 peccatum ac poena peccati dicitur esse *super* aliquem;
 tunc enim maledictio, quam lex divina vibrat, innui-
 tur. Ezech. XXXIII. 10. *Iniquitates et peccata nostra*
 עָלֵינוּ *super nos sunt* i. peccatorum poenam luimus.

IX. PROPTER. Gen. XXVI. 7. *Ne occidant me viri lo-*
ci illius עָלַי *propter Rebeccam.*

X. PRO. Lev. VI. 3. *offeret* עָלַי *pro peccato suo.* Eisd.
 IV. 8. *Pugnate* עָלַי *pro fratribus vestris.*

XI. DE. Gen. XLI. 15. *Ego audiui* עָלַיךָ *de te.*

XII. CUM. Exod. XXXV. 22. *Et venerunt viri* עָלַי
cum mulieribus.

Notandum insuper 1. עָלַי scribitur pro אֵל Ezech.
 IX. 5. עַל־תַּחֲוֹס *Non parcat oculus vester,* וְאֵל *neque*
misereamini. Econtrario אֵל ponitur pro עָלַי I. Reg. XXVII.
 10. עַל־יְהוָה *subple* מִי *contra quem irruistis hodie?* 2. עָלַי
 cum praefixo מ *coniunctum* abundat. IV. Reg. XV.
 18. *Non recessit* מִעָלַי *a peccatis Jeroboam.* Econtrario
 עָלַי *quandoque* deest. Psal. III. 8. *quoniam tu percussisti*
omnes adversantes mihi לַחִי *pro* לַחִי *super maxillam vel in*
maxilla. Vide Ezech. XII. 10.



CANON III. Praepositio תחת *sub*, *subter* praeter communem hanc notionem significat etiam

I. LOCUM. Exod. XVI. 29. *Maneat unusquisque תחתיו sub se i. in loco suo.* Jos. V. 8. *Et manserunt תחתם in locis suis.*

II. PRO, LOCO, VICE. Gen. IV. 25. *Posuit mihi Dominus aliud semen תחת pro Abel.* Ibid. cap. XXX. 2. *Et iratus est Jacob contra Rachelem, et dixit תחתך nunquid pro Deo ego sum?* Exod. XXII. 23. *Et dabis animam תחתך pro anima.*

III. PROPTER, EOQUOD Prov. XXX. 21. *תחת שלש propter tria contremiscit, vel movetur terra.* Ibid. v. 22. *תחת propter servum.* Ibid. v. 23. Is. LX. 15. *תחת הייתה pro eo, quod fuisti derelicta.* Interdum adiicitur אשר Is. LIII. 12. *תחת אשר pro eo, quod tradidit in mortem.* Vid. Deut. XXVIII. 47.

C A P U T XIV.

De Praepositionum inseparabilium constructione et significatione.

Praepositiones inseparabiles seu coniunctae quatuor sunt, כ, ב, ל, מ, quae idcirco dicuntur *inseparabiles*, quod cum aliis vocibus componi debeant, ut certa ipsis constet significatio. Componuntur autem ab initio, unde et *praefixae* vocantur.

§. I.

De praepositione praefixa כ.

Praepositionis huius significatio primaria est *IN* cum ablativo, notatque vel locum vel subiectum *in quo*. ut כִּבְרִית *in domo*, בְּעַמְּךָ *in populo tuo*. Vel qualitatem, aut rem quamcunque. ut בְּאֱמוּנָה *in veritate sive constantia*, h. e. verum et constans, sicque periphrasin efficit adiectivi, vel adverbii בְּמַרְמָה *in dolo*, i. dolose. Praeterea כ signficat

I. INTER. Psal. LXVII. 19. *Accepisti dona* בְּאֲדָמָה *inter homines distribuenda*.

II. AD vel *In* cum adCUSATIVO, notatque vel causam finalem. Eccle. X. 17. בְּגִבּוּרָה וְלֹא בְשֹׁתִי *ad robur, et non ad computationem*, Vulg. *ad reficiendum*. Vel motum ad locum aut subiectum. Gen. XI. 4. *Faciamus . . . turrim, cuius cacumen pertingat* בְּשָׁמַיִם *in coelum*. Job. V. 19. *Non pertinet* בְּךָ *ad te malum*. Usurpatur etiam de tempore שָׁנָה בְּשָׁנָה *anno in annum* h. e. quot annis.

III. CONTRA. Gen. XVI. 12. *Manus eius* (Esau) בְּכָל *contra omnes, et manus omnius* בּוֹ *contra eum*. Vide Exod. XIV. 25. Num. XII. 1. cet.

IV. Ex, DE, atque ita innuit 1. Causam materialem. Exod. XXXV. 32. *Ad faciendum opus* בְּזָהָב *ex auro*. 2. Subiectum cuiuscunque ordinis. Exod. XII. 43. *omnis alienigena non comedet* בּוֹ *ex eo*. 3. Modum actionis et rei. Deut. VI. 5. *Diliges Dominum tuum* בְּכָל-לִבְבְּךָ *ex toto corde tuo*. cet.

V. PRO,



V. PRO, eoque innuitur 1. *Commodum* I. Reg. XIX. 3. *Loquar* בָּךְ *pro te ad patrem, vel incommodium.* Jos. VI. 8. 26. בְּכַכְרוֹ *contra primogenitum suum fundamenta illius (Jericho) iaciat.* 2. *Pretium cum verbis mercandi, et quantitas, cum verbis aestimandi.* Deut. II. 6. *Cibum emetis ab eis* בְּנֶסֶף *pro pecunia.* Is. II. 22. *Nam* בְּמָה *pro quo aestimatur ipse* h. e. quanti. Vid. Gen. XXXVII. 28. Exod. XXII. 3. Thren. IV. 2. rel.

VI. PROPTER. Gen. XVIII. 28. *An delebis* בְּחַמְשָׁה *propter quinque?* Vide Prov. XXVII. 1. ubi etiam verti potest *de.* Psal. CL. 2. rel.

VII. PER. Num. XII. 2. *Num* בְּמֹשֶׁה *per solum Moysen loquutus est Deus?* Vid. II. Reg. XXIII. 2. In iuramento quandoque adhibetur. Is. XLV. 23. בִּי *per me, iuravi.*

VIII. CUM idque vel de *causa instrumentali, aut modo actionis.* Gen. XLVIII. 22. *do tibi partem unam . . . quam tuli* וּבִקְשָׁתִי בְּחֶרְבִי *cum gladio meo et cum arcu meo.* Latini hanc praepositionem negligunt. Interdum כּ subintelligitur. Psal. XLIV. 3. יָדְךָ *manu tua gentes expulisti.* Vel de *causa principali, cuius auxilium indicatur.* Psal. XVII. 30. בְּךָ *in te* h. e. tecum, tua ope, אֶרְץ *transgrediar turmam, hostium cuneos penetrabo.* Vel denique de coniunctione et comitatu Gen. XXXII. 10. בְּמַקְלִי *cum baculo meo transivi Jordanem.* h. e. praeter baculum meum nihil mecum habebam, quum transivi cet.

IX. SIVE, vel TAM, QUAM, quum repetitur, et distributive accipitur. Exod. XII. 19. *Peribit anima illa . . .*

la . . . בְּגֵר וּבְאֶזְרָח tam de advenis, quam de indigenis terrae. Vid. Of. IV. 3.

X. QUUM vel POSTQUAM, si infinitivo addatur, gerundium in do, ut ex grammatica hebraica constat. בְּמִסֵּר in tradendo, quum traderem, traderes, traderent rel. בְּהִמְסִיר In tradere faciendo, sive quum facerem tradere cet. Lev. XII. 6. בְּמִלְאָתָא quum expleti fuerunt dies.

XI. Praefixa ב saepius venit post verba, et modo dativo, modo adcusativo exprimendo inservit, prout verbum latinum hebraeo correspondens postulat. Exod. XIV. 31. Et crediderunt בַּיהוָה Domino. Gen. XXXI. 7. Sed et pater vester בִּי הִתֵּל circumvenit me. Et apud Graecos: Matth. X. 32. Qui confitebitur ἐν ἐμοί in me i. e. me.

De ellipfi et pleonasmo huius praepositionis vide supra in hebraismis Ellipticis et pleonasticis.

Denique ב cum vocibus indeclinabilibus interdum iungitur, idque saepius pleonastice, sed eleganter, ut: בְּאֵין מִבֵּין in non intelligente h. e. nemine advertente. בְּבִלְיָדְעָא in non scientia i. sine scientia et studio. בֵּין בֵּין in inter i. inter. בְּטָרָם in antequam i. antequam. בֵּין בֵּכָה in sic i. e. sic. בְּמֵאָד in valde i. valde. בְּעֵבֶר in trans i. trans. בְּעַד in usque, in propter i. pro, propter, per. בְּעוֹד in adhuc h. e. adhuc. בְּיוֹמָם in interdum h. e. interdum. etc.



§. II.

De praepositione praefixa כ.

Primaria eius significatio est *sicut, tanquam*. Psal. I. 3. *Et erit כִּי־כֵן sicut*, Vul. *tanquam lignum*. Quum geminatur כ, significat rerum inter se ex aequo comparisonem, ita ut prius *παραβολή*, posterius *ἀποδοσιν* similitudinis denotet. Gen. XVIII. 25. *Et erit כִּי־יִשְׁרָאֵל כִּי־יִשְׁרָאֵל sicut iustus, sic impius*, concise pro *et erit iustus sicut impius, et impius sicut iustus*. Vid. cap. XLIV. 18. III. Reg. XXII. 4. II. XXIV. 2. quo in ultimo loco כ duodecies geminatur. Quandoque tamen כ repetitum *tum* vel *tam, quam* redditur.

כ Praeterea varias induit significationes.

I. CIRCITER, PROPE, notatque numeri, mensurae, aut temporis coniecturam. Numeri. Exod. XII. 37. *Profectique sunt filii Israel . . . כִּשְׁשֹׁכֶם circiter sexcenta millia virorum*. Quod hagiographi his particulis fere, circiter usi sint, nulla propterea ignorantia in Spiritum Sanctum, cuius instinctu et directione scripserunt, refundi potest: nam Spiritus Sanctus adsolet se adcomodare familiari hominum loquendi modo, et in hunc finem has particulas Deus ipsis inspiravit; sicut etiam teste S. Hieron. et S. Thom. opinioni vulgi saepius se adcommodat. Dein reliquit Deus scriptores sacros, ut omnino libere libertate exercitii scriberent, et ipsi conscribentes praefertim historias suorum temporum non semper sciverant se interne a Deo moveri ad scribendum: ergo potuerunt se pro sua libertate his loquendi formulis uti.

MENSU-



MENSURAE Ruth. II. 17. Quae collegerat . . . invenit hordei כַּאֲפֵה *circiter Ephraim mensuram.*

TEMPORIS Gen. XVIII. 10. *Revertens veniam ad te* כֶּעֶת חַיָּה *circa hoc tempus vitae* Vulg. *tempore isto, vita commite* i. in quo vita supererit vobis. Huc pertinet כִּמְעַט *circiter parum, h. e. ferme, parum abfuit.*

II. JUXTA, SECUNDUM, ita ut normam vel exemplar respiciat. Gen. I. 26. *faciamus hominem . . .* כְּרִמּוֹתֵינוּ *secundum similitudinem nostram.* Vid. Is. XLIV. 13. I. Reg. XIII. 14.

III. QUOMODO, QUA RATIONE. Eccle. XI. 5. *Quomodo ignoras, quae sit via spiritus, h. e. quomodo anima creetur infundendo in corpus, et creando infundatur, et* כִּעֲצָמַי *qua ratione compingantur ossa in ventre praegnantis.*

QUUM, POSTQUAM, et fere tempus praeteritum notat, si videlicet infinitivis praeponatur. כִּמְסֵר *Quam traderem, aut tradidissem.* Deut. XX. 9. כְּכַלּוֹרִי *secundum finire moderatores istos, seu duces exercitus i. quum finierint, vel finientibus moderatoribus loqui.* Gen. XXVII. 34. כְּשָׁמְעִי *Quam audisset Esau verba* Vulg. *auditis sermonibus.* Sic cum participio Gen. XXXVIII. 29. *Et fuit* כִּמְשִׁיב *quum retraxisset manum suam* cet.

Denique כ et שׁ coniuncta similitudinem denotant. Eccl. XII. 7. *Et revertatur pulvis in terram suam, כְּשֶׁהָיָה* *sicut fuerat.*

G g

כ Etiam



ב Etiam quandoque deficit, quandoque redundat.
Vide sup. in Hebrais. Enallag.

§. III.

De praepositione praefixa ל. et ב

Significatio primaria *ל* est AD vel IN cum adcu-
fativo, notatque 1. *Motum* ad aliquid. Psal. LXVIII.
19. *Ascendisti* לַמָּרוֹם in altum.

2. *Essentiam* rei vel *conditionem* et *statum*. Gen. II. 7.
Et factus est homo לַנֶּפֶשׁ in animam viventem. Gen. XX.
12. *Et fuit mihi* לְאִשָּׁה in uxorem.

3. *Causam finalem*. If. LVIII. 4. *Ecce* לְרִיב ad litem
et *contentionem* ieiunatis h. e. ad litigandum otium habea-
tis. Sic quando iungitur Infinitivo. Jud. VI. 11. לְחַנִּים
ut fugeret.

Praeterea ל ponitur pro IN 1. de loco et subiecto.
Psal. IX. 5. *sedisti* לְכֶסֶד in vel super solium, estque pro
ב vel על. Vide Psal. XVI. 10. Of. VII. 2.

2. De *Instrumento*, poniturque pro ב. Lev. XVI.
7. *Corruent coram vobis* לְחֶרֶב in gladio, i. per gladium.

3. De *tempore*, Gen. III. 8. *Quum audissent vocem Do-*
mini. . לְרוּחַ הַיּוֹם in aura diei. h. e. sub vesperam, quo
tempore zephyrus sese adtollere et aspirare solet.

II. INTER. Exod. XII. 2. *Mensis iste* . . . *primus erit*
לְחָרָשׁ inter menses anni,

III. Jux-



III. JUXTA. Gen. XLIX. 13. *Zabulon לְחוּף iuxta littus.*

IV. ERGA. II. Reg. XVIII. 5. *Leniter mihi לִנְעָר erga puerum istum, erga Absalon subple agite. Vulg. eleganter, servate mihi puerum Absalon.*

V. SECUNDUM. Gen. I. 21. לְמִינֵהוּ *secundum speciem suam.*

VI. CONTRA. Prov. I. 11. *Abcondamus לִנְקִי contra insontem frustra. i. sine causa. Vulg. abcondamus tendiculas cet. vocem tendiculas sensus complendi gratia adiecit.*

VII. DE Gen. XX. 13. אֲמַר־לִי *dic de me: frater meus est. Et sic in pluribus locis.*

VIII. A vel AB. II. Paral. I. 13. *Venit ergo Salomon לְבַמֶּלֶךְ ab excelfo Gabaon.*

IX. PRAE, PROPTER, SUPER. Num. XVI. 34. *At vero omnis Israel . . . fugit לְקוֹלֵם prae voce vel propter vocem eorum. If. XXVI. 9. Ol. X. 5. Lex. XXI. 11. Sacerdos magnus לְאָבִיו וּלְאִמּוֹ super patre suo aut matre sua non polluetur.*

X. PRO, notatque primo Commodum. Exod. XIV. 25. *Dominus enim pugnat לְרֶם pro eis.*

2. Loco, seu vice significat. Gen. XI. 3. *Habuerunt lateres לְאִבֵּי pro saxis. Vide cap. XVI. 3: Exod. IV. 16.*



XI. CUM I. De auxilio. Gen. XXXI. 42. *Nisi Deus . . .* *הָיָה לִי* fuisset mecum. Vide Psal. CXVIII. 6. et CXXIII. hebr. CXXIV. 1.

2. De coniunctione vel comitatu. Gen. XLVI. 26. *Animae, quae ingressae sunt* *לְיַעֲקֹב* cum Jacob in Aegyptum.

XII. SICUT. Vide supra §. VIII. de adverbis comparandi.

XIII. QUOAD, QUOD ADTINET. Prov. XXV. 3. *Ut coelo* *לְרוֹם* quoad altitudinem, et terra *לְעֵמֶק* quoad profunditatem cet.

XIV. Quamvis ל Dativi casus proprie articulus sit, aliis tamen casibus interdum inservit. Et quidem 1. *Nominativo*, quando cum verbo substantivo construitur. Sic. Ezech. XXXVII. 27. *Ero eis* *לֵאלֹהִים* Deus, et ipse erunt mihi *לְעַם* populus. 2. *Genitivo*, quum rei alicuius auctor vel possessor memoratur. Psal. III. 1. *Psalms* *לְדָוִד* Davidis. Gen. XXXII. 18. *לְעַבְדֵי יַעֲקֹב* servi tui Jacobi sunt ea. Psal. XXIII. hebr. XXIV. 1. *לְיְהוָה* Domini est terra.

ל istud cum pronomibus adfixis in eo casu coniunctum, ea interdum ex demonstrativis seu personalibus efficit possessiva. Psal. L. 10. *לִי* mea est omnis bestia sylvae. Psal. CXIX. 94. *לִּי* tuus sum ego. Denique quum quaevis alia relatio notatur. Gen. VII. 11. *Anno sexcentesimo* *לְחַיֵּי* vitae Noe. Psal. CXXI. 1. *Canticum* *לְמַעֲלֹת*

לְמַעַן *graduum.* 3. Cum *Dativo*. Idque communit. Huc pertinet, quum *officium* vel *debitum* notatur. II. Paral. XX. 17. לֹא לָכֶם *Non vestrum erit pugnare.* Vide Mich. III. 1. Vel quum *rei causa* innuitur. Psal. III. 9. לַיהוָה *Domino est salus*, i. Dominus salutis auctor est. Apoc. VII. 10. *Salus* τῷ θεῷ ἡμῶν *Deo nostro*, non enim salutem Deo precantur, sed Deum salutis auctorem praedicant.

4. *Adcusativo*, quando videlicet cum verbis hunc casum in lingua latina regentibus construitur. II. Reg. III. 30. *Occiderunt* לְאַבְנֵר *Abnerum.*

XV. ל Infinitivo praepositum diversimode exponitur. Per gerundium in *di*, et *dum*, et *do*, ac per infinitivum, tuncque supervacaneum est ל. Jud. XIX. 10. *Noluit vir ille* לָלוֹן *pernoctare.* Denique nonnunquam infinitivus cum isto ל ut nomen substantivum usurpatur. II. Paral. XVI. 13. *Et mortuus est anno* 41. לְמַלְכוֹ *regni sui.*

Demum exponitur ל per *adverbium*. Mich. VII. 3. *Ad malefaciendum manibus* לְהִיטִיב *egregie proni seu intenti sunt.* In hac phrasi ל interdum deficit. Deut. IX. 21. *Et contrivi illum* (vitulum aureum) מִן הַיֵּטֵב *molendo benefacere* h. e. bene, valde, omni studio et opera molendo. Huc refert Qimhhi Jon. IV. 4. הֲהִיטֵב *An benefaciendo ira est tibi?* i. e. an ita valda iratus es?

XVI. ל quandoque *deficit*, quandoque *redundat.*



DEFICIT. II. Reg. XV. 31. וְלִדָּוִד pro וְלִדָּוִד Davidi autem nuntiatum fuit. Psal. XLV. 7. sedes tua, o Deus, עוֹרֵי in saeculum pro לְעוֹלָם. Ose. VII. 16. Revertuntur לָא pro לָא לְעֵל non ad excelsum h. e. Deum verum. Vulg. *Reversi sunt, ut essent absque iugo*, pro לָא legeb. לָא et ita Symm. V. edit. LXX. ἀπεστράφησαν εἰς ὅντιν conversi sunt in nihilum, pro לָא legisse videntur לָא non, nihil; vel inter vertendum לָא cum לָא commutandum existimarunt.

Interdum לָא ex praecedenti membro repetendum est. Gen. XLI. 12. Interpretatus est (Joseph) לָא nobis somnia nostra אִישׁ pro לְאִישׁ cuilibet secundum somnium suum. Vide Deut. XXXIII. 4. ubi est קְהֵלָת pro לְקְהֵלָת congregationi.

REDUNDAT I. Quando nomini praefigitur et nominativus simpliciter intelligitur. Vide supra in hebraismis pleonasticis. I. Paral. XXVIII. 21. לְכָל־ omnis. Ibid. XXIX. 5. If. XXXII. 1.

2. Quando praepositionibus emphatice subiungitur. Gen. I. 6. et dividat לְמִים לְמִים בין inter aquas ad aquas, i. e. inter aquas et aquas, videl. inter aquas superiores, quae sunt nubes, et aquas inferiores, puta flumina, maria. Deut. XVII. 8. ubi לָא est pro 1 et.

Demum לָא cum duobus praefixis כָּ et כֹּ sumit syllabam מו non adsignificantem aliquid, sed expletivam tantum, idque maxime in libris poëticis, ut Psal. XI.

כֹּ מוֹ- 2.

2. כְּמוֹ אֶבֶן in caligine. Exod. XV. 5. כְּמוֹ אֶבֶן sicut lapis.

§. IV.

De praepositione praefixa מ.

Praepositionis huius significatio primaria est *A, Ab, De, Ex, Prae.*

I. *A* vel *Ab* notat 1. *causam efficientem.* Psal. CXVIII. 23. מֵאֵת יְהוָה a Domino factum est istud. 2. *Temporis circumstantiam.* If. LXIV. 3. מֵעוֹלָם a saeculo. 3. *Negationem* aut *privationem*; idque vel ante verbum infinitum, cuius constituit gerundium in *do*, fereque explicatur per *ne*, ut *non.* Vide I. Reg. VIII. 7. מִמְּלוֹךְ ne regnem. 4. *Sumitur comparative.* Psal. CXVIII. 8. bonum est (melius est) confidere in Domino, מִבְּטַח, quam confidere in homine.

Deficit *מ.* Exod. XIX. 12. Cavete מֵעֲלוֹת pro מֵעֲלוֹת ne ascendatis in montem. Huc pertinet, quando *מ* cum אַחֲרֵי post coniungitur. II. Reg. XX. 2. Et ascendit omnis vir Israelis דָּוִד מֵאַחֲרֵי a post David h. e. ne deinceps sequeretur Davidem. Sic Cap. VII. 8. Psal. LXXI. rel. Ita etiam מֵעַל. Gen. XL. 18. Tres adhuc dies sicut 19. post quos יִשָּׂא tollet Phrao caput tuum a te i. recensabit te, ita ut non sit deinceps de te recensio, neque inter ministros eius habearis; hac enim loquutione auferet seu tollet caput tuum, non innuitur caput pistorum principi amputandum; is siquidem in cruce suspensus fuit. Phra-



sis ista tollere seu auferre caput pro recensere frequens est in scriptura. Exod. XXX. 12. Num. I. 2. 49. IV. 2. 22. IV. Reg. XXV. 27. Jerem. LII. 31.

5. *Distributionem*, si cum sequente עַד usque, ad iungatur. Gen. XXXI. 24. Cave tibi, ne loquaris cum Jacob מִטוֹב עַד-רָע a bono ad malum h. e. five bonum five malum.

II. *Ex* vel *DE* indicat 1. *causam materialem*. Cant. III. 9. מִמְּצָי de lignis Libani. 2. *Motum ex loco*. מִמִּצְרַיִם Ex Aegypto vocavi filium meum Os. II. 1. Reliqua vide supra in hebraismis periphrasticis. 3. *Continuationem et incrementum*, si cum sequente אֶל iungatur. Psal. LXXXIV. 8. Ibunt מִחַיִל אֶל-חַיִּי de virtute in virtutem i. magis magisque vincent. Denique *distributionem et partem aliquam*. I. Paral. IX. 3. Commorati sunt in Ierusalem מִבְנֵי de filiis Juda i. aliquot de filiis Juda.

III. *PRAE* et significat causam Psal. VI. 8. Contabescit מִכַּעַס prae indignatione oculus meus, i. propter. In hac loquutione defectus rei saepe innuitur. Psal. CIX. Caro mea emaciatur מִשֹּׁמֶן prae defectu pinguedinis Vulg. propter oleum i. defectum olei.

Praeter haec significata מ etiam significat.

I. *PROPTER*, *EOQUOD* et causam moventem ac finalem denotat. Deut. VII. 8. מֵאַהֲבָה propter amorem Domini, וּמִשְׁמֶרֶת et propter custodire eum iuramentum.

Huc

Huc pertinet Jerem. X. 6. **כַּמּוֹד יְהוָה** *Propter non (esse) sicut tu, Domine, h. e. quia non est similis tui Domine.*

II. ANTE, de tempore, Psal. XCIII. 3. *Parata sedes tua* **מֵאֵן** *ante tunc h. e. ante ullum certum ac finitum tempus, de quo vox tunc ab homine enuntiari possit; unde sequitur: a saeculo tu es. Vide Prov. VIII. 23. Is. XLIII. 13. Mich. V. 2.*

III. POST Gen. II. 2. *Et requievit die septimo* **מִכָּל** *post omne opus suum. Gen. IV. 3. מֵאַחַר *post finem dierum i. post multos dies. Vide Os. VI. 4.**

IV. AD, VERSUS, quum motum ad locum denotat. Gen. XIII. 11. *Et recessit* **מִיָּמִין** *ad orientem. Jordanis enim versus quem profectus est Loth, fuit ad orientem Bethel et Hai, unde veniebat. II. Reg. VI. 2.*

V. APUD, quum vel locus, vel aliud substantivum denotatur. Exod. XXXIII. 6. *Deposuerunt . . . ornamentum suum* **מִדֶּר** *apud montem Horeb. Num. XXXII. 22. Psal. XXXI. 12.*

VI. IN vel de tempore vel de loco. Exod. XXV. 18. **מִשְׁנֵי** *in duabus extremitatibus. Exod. XXXII. 30. מִמָּחָר *in crastino die. Psal. LXXII. 16.**

VII. CONTRA. Jerem. III. 20. *Sicut perfide agit mulier* **מִרְעָה** *contra socium suum: sic perfide agit* **בִּי** *contra me Domus Israel. Lev. IV. 2.*



VIII. CUM Deut. XXXIII. 2. *Et venit* (Dominus)
מֵרַבְּרָה *cum decem millibus sanctorum.*

Denique מ interdum *deficit*, interdum *redundat*.

DEFICIT. Gen. XVIII. 28. *si forsitan defuerint* חֲמִשִּׁים
pro מֵחֲמִשִּׁים *de quinquaginta iustis.* Jos. X. 13. אִיְבֹי pro
מֵאִיְבֹי *de inimicis suis.* III. Reg. VIII. 32. *Tu exaudies*
מֵהַשָּׁמַיִם *de coelis* pro מִהַשָּׁמַיִם.

Methathesis טוּ מ vel מן videtur esse in illo Gen.
II. 7. *Formavit igitur Dominus Deus* אֶת־הָאָדָם עָפָר
מֵעָפָר הָאֲרָצָה מִן־הָאֲרָצָה *hominem pulverein de terra* pro
de pulvere terrae.

REDUNDAT מ in aliis vocibus quibusdam: ut מִטָּרִם
ab ante, ante, priusquam מִתַּחַת *de sub* h. e. sub, subter,
מֵעַל *de super* h. e. super, supra. מִלְּמַטָּה *de infra*, h.
e. infra. מִלְּפָנַי *de ante*, h. e. ante. מִלְּעֵימָם *de coram* i.
coram, in quibus ל et מ concurrunt. מִנֶּגֶד *de coram* i.
coram. מֵעַתָּה *a nunc*, מִשָּׁם *de illic* i. inde. מִחוּץ *de*
extra i. extra. מֵאִין *a non* h. e. non. Et sic plura alia,
quorum usus et structura in sermone hebraeo elegans est.

CAPUT XV.

De Coniunctione.

Coniunctio vel *enuntiativa* est, vel *ratiativa*. Enun-
tiativa ea est, qua orationis partes cohaerent; idque
tum *affirmative*, et haec coniunctio *copulativa* et *condi-*
tionalis



tionalis est: tum *opposite*, et ista coniunctio *disiunctiva* et *adversativa* dicitur. Rationativa est, qua enuntiationis sive orationis pars alia ex altera ratiocinando velut adferitur; estque vel *causalis*, qua antecedentis causa redditur, vel *conclusiva*, qua ex antecedente consequens concluditur.

Sex itaque sunt coniunctionum species. *I. Copulativae, II. Conditionales, III. Disiunctivae, IV. Adversativae, V. Causales, VI. Conclusivae.*

§. I.

De coniunctione copulativa.

CANON I. *Inter coniunctiones copulativas primum locum habet וַאֲ, quod praeterea in verbis mutat vulgo praeteritum in significationem futuri, et vice versa, futurum in significationem praeteriti, et vocatur וַאֲ conversivum.*

Motio genuina וַאֲ copulantis est Schevá, quod Schevá retinet ante praeteritum, quod commutat in significationem futuri, modo praeteritum illud non incipiat a labiali; tunc enim וַאֲ fit Schureq; aut modo prima eius litera non habeat (-:) tunc וַאֲ adficitur (-) וַאֲ et transibit. Si tamen praecesserit aliud praeteritum, aut futurum pro praeterito positum, וַאֲ istud praeterito praefixum copulat tantum, non vero convertit. מִי־פָעַל וַאֲ quis fecit et operatus est?

Ante



Ante futurum ꝛ conversivum notatur cum (-) et praeterea, syllabae complendae gratia imprimit daghesch forte characteristicae, quae si fuerit א, in quo utpote gutturali, daghesch istud non recipitur, pro (-) ꝛ habet (ֿ). Exod. XII. 27. וַיִּשְׁתַּחֲוֶי וַיִּקְרָ הָעָם Et inclinavit se populus et adoravit. Sic passim וַיְהִי et fuit, sine daghesch in (י) quia ex litera scheva adfecta saepe excidit, et semper, aut saltem fere semper ex isto (י) tertiae personae futuri characterē. Duo excipiuntur, in quibus ꝛ istud ante א adficitur (-) loco (ֿ) II. Reg. I. 10. Ezech. XVI. 10. sed possunt esse futura pro praeteritis posita, nec per ꝛ conversa.

Quandoque etiam adverbium temporis אָז tunc, tum futuro praepositum, illud in praeteritum mutat. Exod. XV. 1. אָז יִשְׂרָאֵל tunc cecinit. אָז יִבְרִיךְ tunc divisit. Interdum tamen ꝛ illud copulat tantum, et non convertit. Is. V. 15. וַיִּשָּׁח וַיִּשְׁפָּל et incurvabitur homo, וַיִּשְׁפָּל et humiliabitur vir. Econtrario ꝛ conversivum in praeterito et futuro, ea convertit solum, non vero copulat. Gen. XXII. 4. Die autem tertio וַיִּשָּׂא sustulit Abraham. Vide Exod. XII. 15. Quicumque comederit fermentatum וַיִּכְרֹתָ peribit anima illa.

CANON II. Praeter hunc copulandi et convertendi usum, ꝛ illud plurimis etiam aliis significationibus insignitur, ac significat

I. ETIAM. Prov. XXIV. 27. Postea וַיִּבְנֶה etiam aedificabis domum. Posset etiam ꝛ spectari eo loci ut simpli-

simpliciter convertens. Ose. VIII. 6. *Quia ex Israel*
 וְהוּא etiam ipse est.

II. SI. Exod. XII. 13. וְרָאִיתִי si videro sanguinem,
 transibo. Vide Jud. VI. 13. וַיֵּשׁ si Dominus nobiscum est.

III. AUT Exod. XII. 5. XXI. 15. *Qui percusserit patrem*
suum אוֹתוֹ aut matrem suam. Deut. XVII. 9. II. Reg. II. 19.
Ad dexteram aut ad sinistram. Prov. XXX. 8. Huc perti-
 net illud iuxta quosdam interpretes Jud. XI. 31. *Et erit,*
quod egredietur e foribus domus meae in occursum meum, quem
revertar in pace a filiis Ammon וְהָיָה לִיהוָה וְהָעֲלִיתִיהוּ עֹלָה
 aut erit Domino, aut offeram illud in holocaustum h. e. si
 fuerit homo, consecrabitur Domino, et cultui eius di-
 cabitur; si fuerit animal, quod ex lege immolari po-
 test, immolabitur. Qui hanc expositionem sequuntur,
 contendunt, filiam Jephthe combustam non fuisse, sed
 coelibatui perpetuo addicta. Id probant ex v. 37. *di-*
mitte me, ut . . . plangam virginitatem meam v. 39. *Et*
ipsa non cognovit virum, quamdiu vixit.

IV. SED, AUTEM, VERO. Gen. III. 3. וּמִפְּרִי de fru-
 ctu vero ligni. Vide XXX. 30. XLII. 10. Exod. XIII. 18.

V. TAMEN, ATTAMEN. Psal. XLIV. 18. *Haec omnia*
venerunt super nos, וְלֹא neque tamen oblitus sumus te. Vide
 Exod. V. 16. Job. III. 26.

VI. QUAMVIS Gen. XVIII. 27. *Loquar ad Dominum*
meum וְאַנֹכִי quamvis Vulg. *quum sim pulvis et cinis.* Cap.
 XVIII. 14. II. Reg. IX. 11.

VII.



VII. QUA, ENIM, NAM. Gen. XIV. 18. *Melchisedech proferens panem et vinum*, וְהוּא *Et ipse* Vulg. *Erat enim Sacerdos*, ubi Vaf sumitur causaliter. Sic Gen. XX. 3. *propter mulierem, quam tulisti* וְהוּא *quia iuncta est viro.*

VIII. UT. Exod. VII. 16. 26. וְיִשְׁבְּדֵנִי *ut serviat mihi.* Thren. I. 19. Cap. III. 26. Jon. I. 11.

IX. ITAQUE. Amos V. 27. וְהִגַּלְתִּי *itaque migrare vos faciam.* Psal. II. 10. Ezech. XVIII. 7. ult.

X. CUM. Gen. XLVI. 1. *Profectus est itaque Israel* וְכָל *cum omnibus, quae habebat.* I. Reg. XIV. 18. וְכָל *cum filiis Israel.*

XI. TUNC. Gen. III. 5. *comederetis ex eo*, וְנִפְקְחוּ *tunc aperientur oculi vestri.* Vulg. non expressit Vaf, quod potest eo loci tantum convertere. Vide cap. XVIII. 10. Exod. VII. 9. Pariter apud graecos καὶ et sumitur Luc. II. 15. et XXI. 25.

XII. DONEC. Gen. XVIII. 4. 5. וְאַתְּקָה *donec accipiens adferam* cet. I. Sam. XIV. 25.

XIII. QUUM, QUANDO. Gen. XLVII. 30. וְשָׁכַכְתִּי *quum dormiero . . .* וְנִשְׁאַתְתִּי *tunc tolles me.* cet. II. Esd. II. 6. *Et misit me (Rex)* וְאַתְּנָה *postquam dedissem ei tempus i.* quum certum reditus mei tempus ipsi designassem. Zach. VII. 2. XIV. 4. Marc. XV. 25. *Erat autem hora tertia,* καὶ *quum crucifixerunt eum* h. e. hora tertia desinens, et incipiens sexta; nam Joan. XIX. 14. a Pilato condemnatus est circa horam quasi sextam, incipientem scil. quae-

quaeque nostrae horae duodecimae respondet. Judaei enim diem ab ortu solis ad occasum in quatuor partes seu horas dividebant, et earum quaedam tribus horis constabat. Prima pars sive prima hora incipiebat oriente sole, et durabat ad horam nonam, ubi incipiebat *tertia* iudaeorum. Secunda pars ab hora nona seu *tertia*, ad horam duodecimam, seu meridiem, a quo initium ducebat *sexta* Judaeorum. Tertia pars ab hora duodecima seu *sexta* Judaeorum, ad horam tertiam pomeridianam, quae erat initium *Nonae* Judaeorum. Quarta denique pars incipiebat ab hora tertia pomeridiana sive *Nona* Judaeorum, et ad solis occasum desinebat. Christus itaque cruci adfixus fuit hora circiter duodecima, in qua desinebat *tertia* Judaeorum, et incipiebat *sexta*. Sic et nox in quatuor vigilias dividebatur. Prima incipiebat ab occasu solis ad horam nonam. Secunda ab hora nona ad duodecimam sive mediam noctem. Tertia a media nocte seu hora duodecima ad tertiam post mediam noctem. Quarta denique ab hora tertia usque ad solis ortum. Judaei, quum penes ipsos adhuc erat ius armorum, noctem in tres tantum vigilias dividebant, quarum singulae quatuor horis constabant: at postquam sub Romanorum ditione fuerunt, eorum divisionem sequuti sunt. Vigiliae autem ab arte militari dictae sunt, quod vigiles quater in nocte h. e. singulis ternis horis mutarentur. Ex his porro constat (si aequinoctium tempus excipias) noctis horas duodecim inaequales fuisse, utpote quae breviores essent in aestate, in hyeme longiores. Sic horae diei longiores erant in aestate, in hyeme breviores.



XIV. Sic in comparationis ἀρεδοσει. Vide supra §. VIII. de adverbii comparandi.

XV. IMO, QUIN. Prov. VI. 16. *sex sunt, quae odit Dominus, וְשִׁבְעָה imo septem detestatur anima eius; aequae enim coram Deo abominabilia sunt scelera, quae priori senario continentur, atque illud, quod septimo loco ponitur.*

XVI. NEMPE Jerem. XL. 8. *Et venerunt ad Godoliam in Mitspa, et Ismael filius Nataniae h. e. nempe Ismael.*

XVII. INQUAM Gen. XIV. 23. *si accepero a filio usque ad corrigiam caligae, וְאִם si, inquam, accepero ex omnibus cet. Vulg. non accipiam, idem sensus, iuramentum enim negationem heic includit. If. LV. 1. properate . . . וְלִכּוּ properate, inquam, emite.*

XVIII. ID EST, quum aliquid clarius exponitur. Gen. XXXV. 12. *Terram, quam dedi Abraham et Isaac (i. daturum me promisi) dabo tibi, וְלְיִצְחָק id est, semini tuo post te. Lev. V. 1. I. Reg. XXVIII. 3. Et sepelierunt eum (Samuelem) in Rama וּבְעִירוֹ id est, in urbe sua.*

XIX. QUI, QUAE, QUOD. Vide supra.

XX. AN? UTINAM? NUNQUID? Ezech. XVIII. 13. . . . וְהִי an vivet? Vide. ♀. 24.

XXI. 1 interdum deficit, interdum abundat, quod ex textu facile intelligitur.

CANON

CANON III. *Pro coniunctione copulativa aliae interdum usurpantur particulae.*

I. Relativum **אֲשֶׁר** qui, quae, quod. Eccl. V. 17. *Hoc itaque visum est mihi* **טוֹב אֲשֶׁר-יִפָּה** *bonum et pulchrum comedere pro* **וַיִּפָּה**. Of. XII. 9. **עֵין אֲשֶׁר-הָיָא** *iniquitatem et peccatum i.* non invenietur. Vulg. *legeb,* **חֲתָא** *quam peccavi seu peccans fui.*

II. **עַם** I. Reg. XVI. 12. *Erat autem David rufus* **וְעַם-יָפָה** *et pulcher aspectu.* Nah. III. 12. *Omnes munitiones tuae (sunt sicut) ficus,* **עַם-בְּכִינִים** *et primitivi fructus: si concussae fuerint (ficus illae) cadent in os comedentis; sic pari facilitate munitiones tuae corruent ante hostes tuos, quum te in obsidione concutient,*

CANON IV. *Coniunctio copulativa non solum coniungit, sed interdum in eo, cui additur, singulare quid designat, et per adverbia MAXIME, PRAESERTIM, POTISSIMUM exprimenda est.*

Jos. II. 1. *Ite et considerate terram et Jericho h. e. potissimum Jericho,* Marc. XVI. 7, *sed ite, dicite discipulis et Petro h. e. et cum primis Petro.*

Coniunctio copulativa quandoque adfectum emphatice exprimit, et instar interiectionis est. Act. XXIII. 3. **נָא** *Et tu sedens iudicas me cct. ubi adfectus Pauli indignantis exprimitur.*

CANON V. *Copulativae* **וְ**, *et* **וְכֵן** *ETIAM praeter copulandi officium, quandoque non carent emphasi; suntque de iis sequentia notanda.*

H h

I. Au-



I. Augendae et intendendae sententiae inserviunt. Gen. XVIII. 23. **הֲיִשְׁתָּ** an etiam perdes iustum cum impio? sic et in N. T. καὶ Et, etiam. Apoc. I. 7. Et videbit eum (Jesum) omnis oculus, καὶ etiam qui eum pupugerunt.

II. **כִּי הֲיִשְׁתָּ** in collatione rerum adfirmativa valet quanto magis; in negativa, quanto minus. Deut. XXXI. 27. *Adbuc vivente me . . . semper contentiose egistis contra Dominum: כִּי הֲיִשְׁתָּ quanto magis, quum mortuus fuero.* III. Reg. VIII. 27. *Si coelum et coeli coelorum te capere non possunt: כִּי הֲיִשְׁתָּ quanto minus domus haec.*

Extra comparationem **כִּי הֲיִשְׁתָּ** significat eo quod, quia Pro. XXI. 27. *Hostiae impiorum abominabiles (sunt coram Domino) כִּי הֲיִשְׁתָּ quia in scelere, Vulg. ex scelere offeruntur.*

כִּי וְ etiam quia significat quandoque etiam si, etsi, quamvis. Psal. XXIII. 4. **כִּי וְ** Etiam si ambulavero in medio umbrae mortis. Et sola coniunctio **וְ** Psal. XCIV. heb. XCV. 9. *Ubi tentaverunt me patres vestri, probaverunt seu tentaverunt (me inquam) וְ etiam si vidissent opera mea plena prodigiis.*

III. **וְ** etiam interdum repetitur nec sine emphasi. Gen. L. 9. *Habuit quoque (Joseph) in comitatu וְ etiam currum, וְ etiam equites h. e. tum currus, tum equites.*

Coniunctio **הֲ** interdum cum altera **וְ** pleonastice coniungitur. vide Lev. XXVI. 42.



§. II.

De coniunctione conditionali.

CANON I. *Pro particula conditionali si aliae orationis partes interdum usurpantur.*

I. In veteri Testamento pronomini relativum אשר qui, quae, quod. Lev. IV. 22. יְהוֹשִׁיָּא אֲשֶׁר נָשִׂיא יְהוֹשִׁיָּא si peccaverit princeps. Confer. 1. Reg. 3. 27. ubi in simili loquutione est אֲשֶׁר. III. Reg. VIII. 31. אֲשֶׁר אֵת si peccaverit quis in proximum suum.

II. In N. T. est μήποτε ne quando, interdum accipitur pro εἴποτε si quando, vel εἰ ἄρα si forte, tuncque negativa particula adfirmative intelligenda est. Luc. III. 15. cogitantibus omnibus . . . μήποτε ne forte ipse esset Christus h. e. si forte, num ipse esset.

CANON II. Si Conditionalis aliam quandoque significationem obtinet, ponitur saepissime.

I. Pro adverbio interrogandi. Jud. IX. 2. Quid vobis est melius, ut dominantur vestri-septuaginta viri . . . אֲנִי an ut dominetur unus vir? Job. VI. 5. אֲנִי an mugiet bos, quum ante praesepe plenum steterit? Et cum praefixo ה interrogativo. Ibid. 13. אֲנִי nonne לֹא nullum auxilium meum in me est? h. e. omni prorsus auxilio destituor. Quidam e contrario haec adfirmative accipiunt, nunquid non auxilium meum in me est?

II. Pro adverbio negandi, quod fit in formulis iuramenti ellipticis, quum membrum orationis conditio-

H h 2

nalis



nalis, quod mali imprecationem continet (si iurans fallat) per aposiopeseos reticetur: tuncque conditionalis, sensum quod adinet, idem est ac *non*. Gen. XIV. 22. *Levo manum meam ad Dominum* i. iuro x. 23. **אם** si a filo usque ad corrigiam caligae, **אם** si, inquam, accepero ex omnibus rel. h. e. iuro, quod non accipiam. III. Reg. I. 51. *Furet mihi Rex Salomon bodie*, **אם** si interficiet servum suum, h. e. quod non interficiat. In novo Testamento Marc. VIII. 12. *Amen dico vobis ei si dabitur generationi isti signum*, h. e. non dabitur.

Quandoque negativa **אם** in hac loquendi formula usurpatur. Ezech. XIV. 18. *Vivo ego, dicit Dominus, אם non liberabunt filios, neque filias*, pro **אם** si liberabunt. Econtrario **אם**—**אם** nonnunquam adfirmativum sensum habet. III. Reg. XX. 23. *Pugnemus contra eos in campis*, **אם**—**אם** si non praevalerimus eis h. e. certe praevalerimus.

Pro **אם**—**אם** quandoque est i. copulativa **et**, quae tunc vertitur quia. Ezech. XXXV. 11. *Vivo ego, dicit Dominus אֲנִי עֹשֶׂה quia faciam iuxta iram tuam*. 2. **אֲנִי עֹשֶׂה** quia, quoniam III. Reg. II. 23. *Furavit itaque Rex Salomon . . . Haec faciat mihi Deus, et haec addat, אֲנִי עֹשֶׂה quia contra animam suam loquutus est* rel. pro **אם**—**אם** si non contra animam suam. Vide Ruth. I. 17. Ezech. XXXV. 6. *Vivo ego, dicit Dominus, אֲנִי עֹשֶׂה quoniam sanguini tradam te* pro si non tradam te. Aliter vero explicandae sunt illae particulae, quae ibidem sequuntur, nempe per quia.

III. Pro



III. Pro coniunctione causali *quia*. Job. XIV. 5. **Q**uia breves dies hominis sunt. Sic *et* significat *quod* Act. XXVI. 8. Quid incredibile iudicatur apud vos, *et* quod Deus mortuos suscitavit. Item *quum*, *quandoquidem*. Act. IV. 9. *et* *hodie* quandoquidem nos hodie diiudicamur. Psal. CXXXIX. 19. **Q**uia si occideris, Deus, peccatores, h. e. quandoquidem occisurus es.

IV. Pro adverbio indeterminati temporis *etiam quum*, *postquam*. Is. IV. 3. Omnis, qui relictus fuerit in Sion . . . sanctus vocabitur, *et* 4. **Q**uia si abluerit Dominus fordes filiarum Sion h. e. postquam abluerit. Joan. XIV. 3. *et* *etiam* et si abiero, et praeparavero vobis locum i. quum abiero. Vide Joan. III. 2.

Quidam opinantur conditionem *etiam* si affirmative significare vere, utique, certe rel. suam opinionem probare nituntur ex Joan. XXI. 22. *etiam* autem *etiam* certe volo eum manere, donec veniam, quid ad te? Vulg. Sic eum volo manere. At heic mendum esse graphicum pro Si, agnoscunt interpretum doctissimi. Maldonatus fatetur, locum hunc incredibili scriptorum negligentia esse contaminatum. Jansenius Gandav. corruptionem adeo certam esse, scribit, ut protervus esse videatur, qui inveteratum errorem agnoscere nolit, aut agnitum corrigere. Et in antiquissimis codicibus habetur Si, non sic.

CANON III. Coniunctio conditionalis quandoque deest, quandoque abundat.

Deest. Gen. XLII. 38. **וְיָקָרְאָהוּ** Et (si) quid ei adversi acciderit in via pro **וְיָקָרְאָהוּ** Levit. X. 19. **וְיָקָרְאָהוּ** et (si)

H h 3

come-



comediſſem boſtiam pro peccato hodie, an placuiſſet (illud) in oculis Domini? Deut. XXX. 8. Matth. XVIII. 21. Domine quoties peccabit in me frater meus, et dimittan ei? h. e. Si peccaverit in me frater meus, quoties dimittam ei.

Redundat וְאֵין quando aliis particulis otioſe coniungitur, ut Gen. XXVIII. 15. וְאֵין עַד אֲשֶׁר usque quo ſi, pro עַד אֲשֶׁר usque quo, donec. Cap. XLVII. 18. בְּלֹתִי וְאֵין praeter ſi, pro ſolo praeter.

§. III.

De coniunctione diſiunctiva.

CANON I. *Coniunctio diſiunctiva AUT, SIVE, non ſemper ſeparandi, ſed interdum diſtinguendi tantum, imo et coniungendi vim habet.*

Lev. IV. 22. Si peccaverit princeps . . . וְאֵין אוֹתוֹיָא aut notum factum fuit ei peccatum eius. Vulg. Et poſtea intellexerit peccatum ſuum. Vide Prov. XXX. 29. Tria ſunt, quae bene gradiuntur, et quartum, quod incedit feliciter. וְאֵין 30. Leo fortiſſimus beſtiarum, וְאֵין 31. gallus ſuccinctus lumbos וְאֵין אוֹתוֹיָא aut aries i. et aries, וְאֵין אֱלִיקִים Et Rex, cum quo ſtare, ſeu comparare ſe nemo poteſt. Vox וְאֵין אֱלִיקִים quamvis in Maſſora non recenſeatur inter eas, quae coniunctim ſcribuntur, et diviſim leguntur; in duas tamen dividenda eſt hoc modo; וְאֵין קִים Praeterea videtur eſſe ellipſis וְאֵין אֲשֶׁר ſic: וְאֵין אֲשֶׁר Et rex, cum quo non (licet) ſtare ſeu componere ſe; vel cui reſiſtere nemo poteſt. Vulg. nec eſt rex, qui reſiſtat ei arietī ſive hirco; quae expoſitio commoda non videtur, in

in ea siquidem ex quatuor, quae bene gradiuntur, tria tantum recensentur.

CANON II. *Disiunctiva particula interdum deficit.* I. Reg. XX. 12. *si investigavero sententiam patris mei, crastino perendie h. e. vel perendie.* IV. Reg. IX. 32. *Et inclinaverunt se ad eum (Jehu) duo tres eunuchi h. e. duo vel tres eunuchi.* Vide Is. XVII. 6. rel.

§. IV.

De coniunctione adversativa.

CANON I. *Pro adversativa SED, aliae etiam particulae usurpantur.*

I. Coniunctio copulativa ו. Vide supra §. I. de coniunctione copulativa n. iv. Matth. IX. 39. *כי sed signum non dabitur ei.*

II. Coniunctio causalis וְ quia. Psal. XXXVII. 19. *Non confundentur (iusti) in tempore malo . . . 20. וְ sed peccatores peribunt.* CXXX. 4. וְ sed apud te est propitiatio.

Adversativa sed quandoque deest. Isa. I. 3. *Cognovit bos possessorem suum, et asinus praesepe Domini sui: Israel me non cognovit i. sed Israel.*

CANON II. *Pro adversativa ATQUI et ATTAMEN, interdum usurpatur conclusiva לְכֵן PROPTEREA, IDCIRCO.* Gen. IV. 15. *Dixitque ei (Caino) Dominus: לְכֵן atqui omnis, qui occiderit Cain, septuplum punietur.* Vulg. nequaquam ita fiet, pro לְכֵן legebat לֹא non sic, nequaquam. Ose. II. 14. לְכֵן Attamen ecce ego lactabo eum, et ducam in



solitudinem, et loquar ad cor eius, h. e. quamvis populus Israeliticus (de quo sub uxoris adulterae imagine loquitur Deus) a me recefferit, ut diis alienis serviret; attamen lactabo eum, ducam in solitudinem, et cordi eius iucunda loquar, seu consolabor eum: phrasis enim loqui ad cor, consolari significat.

CANON III. *Pro adversativa QUAMVIS, ET SI, saepius causalis ꝑ quia ponitur.*

Gen. VIII. 21. *Neque ultra maledicam terrae propter hominem, ꝑ quia figmentum cordis humani est in malum cet.*
 Vulg. *Sensus enim et cogitatio i. e. quamvis sensus et cogitatio.* Ibid. cap. XLVII. 15. et XLVIII. 14. *Intelligere fecit manus suas Jacob i. e. sciens et consulto direxit eas, posita dextera super caput Ephraim, sinistra vero super caput Manasse, ꝑ quia i. quamvis Manasse esset primogenitus.* Exod. XIII. 17. Jos. XVII. 18. Luc. XXIII. 40. *Neque tu times Deum ꝑ quamvis in eadem damnatione sis.* Act. I. 16.

§. V.

De coniunctione causalis.

CANON I. *Coniunctio causalis QUIA, ENIM, non semper notat causam rei, sed saepe etiam rationem conclusionis.*

Matth. XVI. 2. *facto vespere dicitis: serenam erit: rubicundum est enim coelum: Et mane: bodie tempestas; rutilat enim triste coelum. Coelam rubicundum causa non est sereni-*



ferenitatis, sed signum. Luc. VII. 47. *Remittuntur ei peccata multa, quoniam dilexit multum.* Remissionis multorum peccatorum causa non fuit multa dilectio; sed e contrario, ideo multum dilexit mulier illa peccatrix, quia multa illi peccata remissa fuerant. Quod liquet quum ex ipsa parabola, tum ex verbis seqq. *cui autem minus dimittitur, minus diligit.* Joan. XVI. 27. cet.

CANON II. *Coniunctio causalis QUIA, QUOD cet. aliis etiam modis, quam per ׀ exprimitur.*

I. Copulativa ׀. Vide supra §. i. de coniunctione copulativa, num. VII.

II. Conditionali Si. Vide supra §. II. de coniunctione conditionali num. III.

III. Conclusiva ׀־׀ֿ quapropter, ideo. Psal. XLIV. 8. *Dilexisti iustitiam, et odisti iniquitatem, ׀־׀ֿ quia unxit te Deus* cet. non enim unxit Deus Pater filium suum Christum, quia recte administravit regnum; sed ideo unxit, ut recte illud administraret.

IV. Pronomine ׀ֿֿֿ quod. Gen. XXXIV. 13. ׀ֿֿֿ *quia polluerat* (Sichem) Dinam sororem eorum. Vid. 7. 27. cap. XXIV. 3. III. Reg. XV. 13. rel.

V. ׀ֿֿֿֿֿֿֿֿ *Propterea quod.* Gen. XXII. 18. *Et benedicentur in semine tuo omnes generationes ׀ֿֿֿֿֿֿֿֿ quia obediisti voci meae.* Vid. cap. XXVI. 5. Num. XIV. 24.



CANON III. *Coniunctio causalis* כִּי, ὅτι, QUIA, QUOD, interdum alias etiam significationes obtinet, poniturque

I. Pro pronomine אשר *qui, quae, quod*. Vide supra.

II. Pro adverbio temporis indeterminati *quam, quando*. Vide sup. de adverbio temporis.

III. Pro coniunctione adversativa *Sed*. §. iv. *Atamen* If. XXXIX. 8. LXVI. 8.

IV. Pro particula interrogativa. If. XXXVI. 19. *Ubi est Deus Emath et Arphad* כִּי! *nunquid liberaverunt Samariam de manu mea?* Marc. IX. 11. ὅτι *quid ergo dicunt*. . . ?

CANON IV. *Coniunctio causalis et explanativa* QUIA, QUOD *cet. quandoque deest, quandoque etiam redundat*. Gen. XVII. 14. *delebitur anima illa de populo suo: pactum meum irritum fecit* i. quia pactum meum. Vid. Exod. XXIX. 14. Psal. IX. 21. Ruth. III. 12. וְעַתָּה כִּי בִי אֲנִי אֵל אֲנִי *Fam igitur vere, seu verum est, quia propinquus ego sum, ubi prius כִּי redundat, sicuti אֵל, quod idcirco puncto vocali destituitur.*

CANON V. *Coniunctio causalis* לְכַמֵּץ, *iva ut, et quae illi respondent, non semper notant causam rei finalem, sed saepius consequentiam duntaxat aut eventum.*

Exod. XI. 9. *Non audiet vos Pharaos, ut multa signa fiant in terra Aegypti, h. e. quia non audiet vos Pharaos,*

rao, inde consequetur, ut multiplicentur signa five portenta,

Exod. XVII. 3. *Quia fecisti nos exire de Aegypto, ut occideres nos?* h. e. ita ut ex nostro exitu mors sequatur. Psal. L. 6. *Tibi soli peccavi . . ut iustificeris in sermonibus tuis* i. ex eo, quod tibi peccaverim, et tu peccatum meum mihi condonaveris, sequetur te iustum in sermonibus tuis; quandoquidem promissisti veniam resipiscen-
tibus,

In Novo Testamento. Matth. XXIII. 34. *Ecce ego mitto ad vos prophetas . . . et ex illis occidetis . . . ut veniat super vos cet. i.* unde eveniet, ut super vos omnis illius sanguinis poena veniat. Joan. IX. 3. *Neque iste peccavit, neque parentes eius; sed ut manifestentur opera Dei in illo* i. sed ex eo, quod coecus natus est, manifesta fiet Dei potentia et bonitas in sanatione eius. Non ideo itaque homo iste coecus natus est, ut manifesta fierent opera Dei in ipso, sed ex eo, quod talis natus sit, manifesta facta sunt cet. Ibid. v. 39. *In iudicium ego in hunc mundum veni, ut, qui non vident, videant, et qui vident, coeci fiant* h. e. sequetur ex adventu meo in hunc mundum, ut, qui in negotio salutis oculos se esse putant, iusto iudicio excoecentur. Unde illae voces *in iudicium* spectant tantum ad posteriorem commatis huius partem, *et qui vident, coeci fiant*: Christus enim non venit ad excoecandos et iudicandos, sed ad illuminandos homines.

Matth.



Matth. XI. 25. *Confiteor Tibi pater . . . quia abscondisti haec a sapientibus et prudentibus, et revelasti ea parvulis*, h. e. Confiteor, seu gratias ago tibi, quod, quum absconderis mysteria verbi tui sapientibus huius saeculi, tamen ea revelaveris humilibus et simplicibus. Pro posteriori itaque, non pro priori, Christus Patri suo gratias agit.

I. Cor. XI. 19. *Oportet et haereses esse, ut et qui probati sunt, manifesti fiant in vobis*. Non ideo necesse est esse haereses, ut, qui probati sunt, manifesti fiant; sed ex eo, quod sint haereses, qui probati sunt, cognoscuntur.

Huc pertinent illa scripturae loca, in quibus hoc vel illud malum dicitur factum, *ut implerentur scripturae*; non enim ideo mala futura sunt, quia scriptura illa praedicit: sed quia futura sunt ex agentium malitia, Deo ad finem bonum ea permittente, a prophetis praenuntiantur. Matth. XXVII. 35. *ut impleretur cet.* i. e. sic evenit illud, quod olim praenuntiatum fuerat a Davide Psal. XI. 19. Joan. XII. 37. et 38. *ut sermo Isaiae prophetae impleretur cet.* h. e. sic verum comprobatum est Isaiae vaticinium. Et v. 39. Isaiae sermo causa non fuit impotentiae illius ad credendum, sed excoecatio et induratio iudaeorum. Pariter ibid. cap. XV. 24. Non ideo iudaci oderunt Christum et patrem eius, *ut impleretur sermo, qui scriptus est cet.* Sed ex eo, quod illum et Patrem eius oderint, impletus est. rel.

Deni-



Denique pro coniunctione causali לְכֵן ut, usurpatur interdum אֲשֶׁר. Vide Jos. III. 7. אֲשֶׁר יֵרָעוּ ut sciant rel.

§. VI.

De coniunctione conclusiva, et de interiectione.

CANON I. Pro coniunctione conclusiva עַל־כֵּן לְכֵן IGI-TUR, ERGO CET. aliae etiam particulae interdum usurpantur.

I. Causalis כִּי quia. Gen. XXII. 16. 17. כִּי igitur benedicens benedicam tibi. I. Reg. II. 25. כִּי quapropter voluit i. decrevit Dominus occidere eos.

II. Adverbium temporis עַתָּה Et nunc. Gen. IV. 11. עַתָּה igitur maledictus eris. Ibid. cap. XXI. 23. Psal. II. 10. עַתָּה itaque reges intelligite.

III. Praepositio cum pronomine demonstrativo. Matth. XIX. 5. ἐνεκεν τούτου propter hoc relinquet homo i. propterea.

IV. Adverbium similitudinis οὕτως sic. Apoc. III. 16. οὕτως itaque, quia tepidus es.

INTERIECTIONES variae sunt. I. ORSECRANTIS. נָּן quaeſo, obsecro. Exod. XII. 9. haec vox ex usu linguae arabicae crudum significat. Non comedetis ex eo (agno paschali) נָּן crudum

נָּן
נָּן



אָנאַ et sexies cum הָ in fine. אָנאַ יְהוָה *Obsecro Domine.* אָנַ הוֹשִׁיעָה נָא *salva quaeso* Ex אָנַ הוֹשִׁיעָה נָא *facta est per elisionem* vox OSANNA vel HOSANNA.

בִּי *Quaeso* Vide Gen. XLIII. 20. Jud. VI. 15. I. Reg. I. 26.

לוֹ. Gen. XXIII. 13. לוֹ *quaeso, ut audias me.*

II. HORTANTIS seu EXCITANTIS interiectio quandoque est דַּבֵּר *Da*, a verbo chald. יָדַבֵּר *dedit*, unde imperativus דַּבֵּר, et cum הָ paragogico הִדְבַּר. Gen. XI. 3. *Dixitque alter ad proximum suum הִדְבַּר agendum, agite.* Quidam alios etiam imperativos huc referunt, ut לָכֵה *ito* h. e. age. לָכוּ *ite*, agite. בֹּאוּ *venite*. קוּמִי *surge*, קוּמִי *surgite*, agite, rumpite moras.

III. ABOMINANTIS interiectio. חָלִילָה *absit*, a verbo חָלַל in piel *profanavit*. Haec autem interiectio usurpatur vel absolute, vel cum nominibus aut pronominiibus. חָלִילָה לָּךְ *absit tibi.*

Maiorem abominationem denotat vel cum repetitur. II. Reg. XX. 20. *Respondensque Joab, ait חָלִילָה חָלִילָה absit, absit a me. Vel quum nomen Dei adiicitur.* III. Reg. XXI. 3. *חָלִילָה לִּי מִיְהוָה absit mihi a Domino.* Praepositio ׀ interdum in hac phrasi desideratur. II. Reg. XXIII. 17. *Et dixit, מִיְהוָה לִּי חָלִילָה pro מִיְהוָה.*

COMMI-



COMMİNANTIS interiectio, est וָאֵ vel וָאֵי Graec. *ὦ* *vae!* quae tamen lugentis et dolentis significationem interdum etiam obtinet.

1. Comminantis et simul praedicentis particula est in prophetarum et Christi ad impios vaticiniis. If. I. 4. וָאֵי *Vae genti peccatrici!* Matth XI. 21. *ὦ* *Vae tibi Corazain!*

Comminantis, praedicentis et deplorantis particula est. Matth. XXVI. 24. *Vae autem homini illi* cet.

2. Dolentis ac lugentis. If. VI. 5. וָאֵי לִי *Heu mihi.* Vulg. *Vae mihi.* Interdum scribitur וָאֵ pro וָאֵי. Eccle. IV. 10. וָאֵי לִי *Et vae sibi vel ei i. e. soli.*


V. INSULTANTIS interiectio et EXPROBRANTIS est וָאֵי *Vab.* Psal. XXXV. 21. *dicentes:* וָאֵי וָאֵי LXX. *ὦ* *ὦ* *Euge, Euge.*

Atque hi sunt praecipui linguae hebraeae canones ac syntaxeos regulae, quarum usus frequentior si accedat, philebraeus ad huius sanctae linguae notitiam comparandam viam sibi sternet amplissimam et munitissimam, et genuinum difficiliorum intricatorumque in sacra scriptura tum hebraica, tum, quae ex hoc fonte fluxit, latina occurrentium textuum sensum facillime adsequetur. Hos vero canones ex Cl. P. Guarini opere ideo collegi, atque huic opusculo studiose adnexui partim, quia praestantissimi huius Authoris opus et rarum et carum est, partim quia illi in aliis grammaticis hebraicis, quarum non paucas perlustravi, desiderantur; maxime ve-

ro,



ro, ut id praestarem, plurium vota et incitamenta me exstimularunt, haec linguae sacrae fundamenta et necessaria subsidia subministrare. Tu vero Erudite Lector! labores meos aequi bonique habe; et si novum nihil Tibi in hoc opusculo obveniat, scias velim, me iunioribus sacram linguam aspirantibus scripsisse. In omnibus vero glorificetur Deus, Pater Luminum, cui sit honor in aeternum et ultra.





Index locorum S. Scripturae, qui in hoc opere exponuntur.

Genesis.		Genesis.	
Caput.	Pagina.	Cap.	Pag.
I. 1.	<u>91</u>	XXX. 7.	<u>118</u>
4.	<u>80</u>	26.	120
26.	<u>95</u>	38.	<u>79</u>
II. 24.	<u>370</u>	42.	<u>140</u>
III. 15.	<u>88. 352</u>	XXXIII. 10.	<u>86</u>
22.	<u>86</u>	XLI. 40.	<u>141</u>
IV. 1.	<u>78</u>	47.	371
5.	<u>86</u>	XLII. 2.	<u>77</u>
12.	<u>129</u>	12.	<u>214</u>
VIII. 4.	84	33.	84
21.	<u>172</u>	XLIII. 11.	141
IX. 5.	80	18.	<u>320</u>
25.	107	XLIV. 22.	288
X. 9.	273	XLVII. 22.	<u>114</u>
XII. 1.	<u>79</u>	XLIX. 6.	<u>129</u>
XVI. 2.	<u>314</u>	11.	<u>79</u>
XVII. 8.	118	11.	<u>269</u>
XVIII. 11.	<u>83. 362</u>	11.	<u>353</u>
21.	<u>177</u>	14.	<u>278</u>
XXI. 1.	<u>201</u>	17.	282
XXII. 12.	177	21.	<u>276</u>
XXIII. 6.	<u>109</u>	22.	111
XXV. 30.	<u>83</u>	24.	<u>281. 314</u>
XXVII. 17.	325	L. 4.	152
27.	<u>37</u>	20.	<u>180</u>
XXIX. 4.	<u>84</u>		



Exodus.

Cap.	Pag.
I. <u>11.</u>	<u>133</u>
21.	<u>315</u>
IV. <u>13.</u>	<u>85</u>
VI. <u>3.</u>	<u>82</u>
6.	<u>128</u>
8.	<u>143</u>
VIII. <u>19.</u>	<u>172</u>
IX. <u>3.</u>	<u>170</u>
6.	<u>113</u>
X. <u>17.</u>	<u>130</u>
XI. <u>7.</u>	<u>376</u>
XII. <u>40.</u>	<u>120</u>
XIV. <u>13.</u>	<u>313</u>
XV. <u>2.</u>	<u>140</u>
7.	<u>187</u>
17.	<u>261</u>
XX. <u>5.</u>	<u>177</u>
18.	<u>77</u>
XXI. <u>6.</u>	<u>118</u>
7.	<u>167</u>
21.	<u>127</u>
XXVI. <u>5.</u>	<u>309</u>
XXVIII. <u>9.</u>	<u>115</u>
41.	<u>143</u>
XXX. <u>12.</u>	<u>288</u>
23.	<u>287</u>
XXXII. <u>18.</u>	<u>138</u>
22.	<u>186</u>
XXXVIII. <u>8.</u>	<u>316</u>

Leviticus.

VI. <u>5.</u>	<u>288</u>
19.	<u>131</u>
XIII. <u>55.</u>	<u>139</u>
XVI. <u>29.</u>	<u>145</u>

Leviticus.

Cap.	Pag.
XXIII. <u>5.</u>	<u>215</u>
XIX. <u>9.</u>	<u>524</u>
13.	<u>128</u>
23.	<u>210</u>
XXVI. <u>18.</u>	<u>117</u>
28.	<u>200</u>

Numeri.

IV. <u>5.</u>	<u>316</u>
VI. <u>26.</u>	<u>142</u>
X. <u>35.</u>	<u>201</u>
XI. <u>23.</u>	<u>314</u>
XIII. <u>33.</u>	<u>216</u>
XIV. <u>9.</u>	<u>34</u>
XXI. <u>4.</u>	<u>315</u>
XXII. <u>4.</u>	<u>265</u>
7.	<u>128</u>
XXIII. <u>24.</u>	<u>311</u>
XXVII. <u>21.</u>	<u>118</u>

Deuteronomium.

IX. <u>1.</u>	<u>135</u>
XVI. <u>3.</u>	<u>136</u>
17.	<u>162</u>
XX. <u>19.</u>	<u>84</u>
XXII. <u>15.</u>	<u>136</u>
XXIII. <u>18.</u>	<u>280</u>
XXIV. <u>6.</u>	<u>130</u>
XXV. <u>4.</u>	<u>279</u>
XXVIII. <u>33.</u>	<u>128</u>
49.	<u>142</u>
XXIX. <u>17.</u>	<u>262</u>
XXXII. <u>13.</u>	<u>277</u>
23.	<u>54</u>
24.	<u>230</u>
31.	<u>162</u>

Deu-

Deuteronomium.

Cap.	Pag.
XXXIII. <u>3.</u>	173
28.	239

Iudicum.

III. <u>24.</u>	106
V. 20.	215
VI. <u>34.</u>	207
VIII. <u>2.</u>	36
IX. <u>13.</u>	44
<u>17.</u>	318
X. <u>16.</u>	175
XIV. 18.	30
XVI. <u>9.</u>	301
XIX. <u>9.</u>	317
24.	115
XXII. 7.	7

Ruth.

III. <u>2.</u>	83
<u>9.</u>	60
15.	84
IV. 8.	62

I. Regum.

I. <u>15.</u>	302
II. 1.	263
31.	291
IX. 7.	216
XXII. 17.	121
XXIII. 7.	146
XXIV. <u>20.</u>	137
XXV. <u>29.</u>	191
XXVIII. <u>18.</u>	128

II. Regum.

VIII. <u>2.</u>	336
4.	83
XII. <u>31.</u>	337

II. Regum.

Cap.	Pag.
XIV. <u>7.</u>	231
XV. <u>6.</u>	319
XVIII. <u>12.</u>	85
XX. <u>19.</u>	218
XXI. <u>17.</u>	44
XXII. <u>17.</u>	243
<u>29.</u>	44
XXIII. <u>6.</u>	83
<u>17.</u>	85

III. Regum.

IV. <u>29.</u>	321
XIV. <u>9.</u>	292
XVII. <u>24.</u>	79
XX. <u>6.</u>	209
10.	371
XXI. <u>16.</u>	83
XXII. <u>15.</u>	368
22.	104
36.	85

IV. Regum.

I. <u>5.</u>	79
II. 3.	119
9.	126
IV. 4.	130
VIII. 13.	280
XVIII. 21.	332
XIX. 28.	193
XXI. 13.	336
XXIV. 3.	153
XXV. 27.	142

I. Paralipp.

XV. <u>12.</u>	85
XXIX. 24.	143

I i 2

II. Para-



II. Paralipp.

Cap.	Pag.
VII. <u>7.</u>	<u>216</u>
XXIV. <u>6.</u>	<u>153</u>
XXIX. <u>24.</u>	<u>143</u>
XXX. <u>22.</u>	<u>84</u>
XXXII. <u>21.</u>	<u>106</u>

I. Esdrae.

IX. <u>7.</u>	<u>325</u>
<u>9.</u>	<u>323</u>

II. Esdrae.

III. <u>7.</u>	<u>216</u>
X. <u>31.</u>	<u>84</u>

Iob.

I. <u>7.</u>	<u>147</u>
10.	<u>196</u>
11.	<u>170</u>
III. <u>8.</u>	<u>29</u>
<u>9.</u>	<u>214</u>
<u>24.</u>	<u>246</u>
IV. <u>4.</u>	<u>294</u>
V. <u>16.</u>	<u>137</u>
<u>21.</u>	<u>140</u>
<u>22.</u>	<u>116</u>
VII. <u>1.</u>	<u>316</u>
<u>5.</u>	<u>59</u>
VIII. <u>14.</u>	<u>283</u>
<u>21.</u>	<u>87</u>
IX. <u>9.</u>	<u>329</u>
<u>24.</u>	<u>142</u>
X. <u>8.</u>	<u>184</u>
XI. <u>17.</u>	<u>137</u>
<u>27.</u>	<u>225</u>
XII. <u>5.</u>	<u>332</u>
<u>22.</u>	<u>222</u>
XIII. <u>14.</u>	<u>296</u>
<u>36.</u>	<u>195</u>

Iob.

Cap.	Pag.
XIV. <u>7.</u>	<u>301</u>
<u>14.</u>	<u>114</u>
XV. <u>2.</u>	<u>235</u>
<u>22.</u>	<u>222</u>
XVI. <u>9.</u>	<u>315</u>
<u>10.</u>	<u>79</u>
XVII. <u>12.</u>	<u>226</u>
<u>14.</u>	<u>308</u>
XVIII. <u>20.</u>	<u>137</u>
<u>30.</u>	<u>108</u>
XX. <u>17.</u>	<u>242</u>
XXI. <u>24.</u>	<u>73.</u> <u>269</u>
XXII. <u>8.</u>	<u>291</u>
<u>23.</u>	<u>316</u>
XXIV. <u>19.</u>	<u>85</u>
XXIX. <u>6.</u>	<u>371</u>
<u>14.</u>	<u>59</u>
<u>15.</u>	<u>297</u>
<u>19.</u>	<u>258.</u> <u>259</u>
XXX. <u>11.</u>	<u>277</u>
<u>16.</u>	<u>247</u>
<u>22.</u>	<u>336</u>
<u>27.</u>	<u>244</u>
<u>29.</u>	<u>309</u>
XXXI. <u>10.</u>	<u>33</u>
<u>38.</u> <u>39.</u>	<u>212</u>
XXXVII. <u>10.</u>	<u>85</u>
XXXVIII. <u>7.</u>	<u>212</u>
<u>10.</u>	<u>327</u>
<u>17.</u>	<u>326</u>
<u>28.</u>	<u>312</u>
<u>37.</u>	<u>48</u>
XXXIX. <u>19.</u>	<u>371</u>
<u>25.</u>	<u>301</u>
XLI. <u>5.</u>	<u>325</u>

Pfalms

Pfalmi.

Cap.	Pag.
I. <u>1.</u> et seqq.	<u>22</u>
6.	<u>75</u>
II. <u>2.</u>	23
12.	<u>74</u>
III. <u>3.</u>	142
6.	<u>141</u>
8.	265
IV. <u>1.</u>	189
7.	<u>160</u>
V. <u>3.</u>	224
7.	<u>338</u>
9.	<u>190</u>
10.	330
13.	<u>333</u>
VI. <u>4.</u>	<u>179</u>
6.	<u>134</u>
VII. <u>4.</u>	<u>127</u>
6.	253
8.	<u>201</u>
10.	134
15.	<u>78</u>
IX. <u>4.</u>	<u>145</u>
6.	<u>181</u>
15.	219
17.	167
19.	<u>86</u>
22.	204
X. <u>4.</u>	<u>166</u>
5.	<u>73</u>
14.	292
15.	144
XI. <u>7.</u>	254
XII. <u>4.</u>	<u>221</u> , 288
XIV. <u>6.</u>	<u>24</u>
XV. <u>5.</u>	<u>42</u>

Pfalmi.

Cap.	Pag.
XV. <u>1.</u> 6.	<u>141</u>
7.	<u>73</u>
11.	163
XVI. <u>3.</u>	<u>155</u> , 172
3.	<u>228</u> , 232
5.	<u>323</u>
10.	<u>232</u>
11.	238
13.	292
XVII. <u>5.</u>	<u>241</u> , 248
5.	341
8.	26.
9.	<u>26</u>
10. et <u>46.</u>	23
11.	238
16. et <u>17.</u>	131
29.	<u>44</u> , 131
XVIII. <u>2.</u>	246
5.	323
6.	141
10.	231
XIX. <u>7.</u>	141
XX. <u>2.</u>	77
4.	<u>22</u>
10.	163
12.	54
13.	<u>232</u>
XXI. <u>2.</u>	<u>213</u>
15.	213
16.	253.
22.	275
30.	263
XXII. <u>3.</u>	<u>338</u>
4.	232
5.	<u>38</u> , <u>41</u> , 107
I i 3	<u>Pfalmi</u>



Cap.	Pfalms.	Pag.	Cap.	Pfalms.	Pag.
XXII. <u>5.</u>	13.	25	XXXVI. <u>5.</u>	<u>17.</u>	<u>291</u>
XXIII. 4.		77	XXXVII. 17.		294
7.		145	XXXVIII. 3.	76.	228
XXIV. 2.		131	XXXIX. 3.	243.	<u>291</u>
15.		<u>85</u>	7.		168
XXV. <u>6.</u>		144	XL. 2.		72
XXVI. 1.		<u>160</u>	10.		267
2.	<u>296.</u>	133	XLI. 4.		33
<u>5.</u>		251	<u>5.</u>		125
XXVII. 1.		182	<u>8.</u>	<u>52.</u>	241
4.		147	XLIII. 13.		183
<u>5.</u>	185.	182	23.		199
<u>XXVIII. 6.</u>		26	XLIV. 3.	<u>38.</u>	246
10.		204	7.		207
XXIX. <u>6.</u>		<u>226</u>	<u>8.</u>		206
8.		249	<u>9.</u>		37
13.		129	12.		<u>150</u>
XXX. 4.		24	20.		299
9.		295	XLV. 4.		242
<u>16.</u>		<u>137</u>	XLVI. 10.		<u>55</u>
21.		166	XLVIII. <u>15.</u>		224
XXXI. 2.		77	XLIX. <u>11.</u>		28
4.		170	<u>L. 4.</u>		184
<u>8.</u>		<u>167</u>	9.	247.	154
XXXII. 3.		145	15.		46
7.		334	16.		116
XXXIII. 11.		275	LI. 3.		148
13.		83	4.		335
21.		329	<u>LIII. 5.</u>		<u>151</u>
22.		145	7.		<u>147</u>
XXXIV. <u>3.</u>		<u>56</u>	12.		<u>115</u>
13.		<u>57</u>	LIV. <u>6.</u>		227
<u>1.</u>		295	<u>9.</u>		224
18.		317	15.		46. 301
XXXV. 10.		<u>161</u>	22.	331.	270
12.		294			Pfalms

Cap.	Pfalmit.	Pag.
LIV. 8. 24.	223.	243
LV. 4.		224
5.		104.
9.	182.	193
LVI. 9.		129
LVII. 5.		298
10.		210
LVIII. 15.		28
LIX. 4.		216
5.		42
6.		56
8.		87
10.		336
LXI. 11.		133
12.		117
LXII. 11.		28
LXIII. 8.		194
LXIV. 4.		54
9.		86
10.		202
12.	205.	151
13.	213.	58
40.		51
LXV. 3.		72
12.	228.	275
LXVII. 11.		124
14.		303
15.		67
18.		205
23.		87
27.		240
31.	181.	25
32.	127.	208
LXVIII. 2.		240
3.	105.	241

Cap.	Pfalmit.	Pag.
LXVIII. 8. 16.		243
23.		274
LXX. 10.		147
13.		197
15.		74
LXXI. 9.		139
16.	30.	70
LXXII. 2.		247
6.		269
7.		269
9.	134.	208
14.	123.	224
18.		295
LXXIII. 11.		172
13.		286
19.		284
20.		105
LXXIV. 4.		244
9.		42
15.		132
LXXV. 5.	230.	64
6.		304
LXXVI. 5.		305
11.	171.	297
17.		215
LXXVII. 31.	27.	31
49.	124.	147
50.		192
65.		199
67.		134
70.		281
LXXVIII. 7.		135
12.		57
LXXIX. 9.		35



Pfalms.	Pag.
<u>Cap.</u>	
LXXIX. 7. 11.	<u>222</u>
14.	<u>28</u>
15.	<u>34</u>
LXXX. 8.	<u>58</u>
18.	<u>112</u>
LXXXI. 11.	<u>321</u>
LXXXII. 12.	<u>253</u>
LXXXIII. 12.	<u>205</u>
LXXXIV. 10.	<u>105</u>
LXXXVI. 8.	<u>194</u>
LXXXVIII. 3.	<u>316</u>
19.	<u>125</u>
41.	<u>196</u>
52.	<u>125</u>
LXXXIX. 5.	<u>245</u>
6.	<u>224</u>
28.	<u>108</u>
XCI. 6.	<u>180</u>
11.	<u>58</u>
XCVII. 8.	<u>214</u>
XCIX. 2.	<u>165</u>
CI. 15.	<u>122</u>
CII. 5.	<u>290</u>
16.	<u>212</u>
CIII. 3.	<u>237</u>
15.	<u>43</u>
19.	<u>213</u>
32.	<u>199</u>
CIV. 16.	<u>332</u>
18.	<u>146</u>
23.	<u>323</u>
CV. 23.	<u>202</u>
CVI. 10.	<u>227</u>
26.	<u>244</u>

Pfalms.	Pag.
<u>Cap.</u>	
CVI. 7. 27.	<u>42. 75</u>
40.	<u>247</u>
CVII. 10.	<u>62</u>
CVIII. 11.	<u>273</u>
CIX. 1.	<u>171. 173</u>
2.	<u>203</u>
6.	<u>191</u>
7.	<u>242</u>
43.	<u>49</u>
CX. 5.	<u>331</u>
CXI. 4.	<u>227</u>
7.	<u>132</u>
CXVII. 19.	<u>325</u>
22.	<u>162</u>
CXVIII. 28.	<u>72</u>
70.	<u>270</u>
82.	<u>72</u>
131.	<u>321</u>
CXIX. 4.	<u>230</u>
CXX. 3.	<u>295</u>
CXXI. 3.	<u>156</u>
CXXII. 3.	<u>68</u>
CXXIII. 5.	<u>24</u>
CXXV. 5.	<u>27</u>
CXXVI. 2.	<u>303</u>
4.	<u>53. 331</u>
CXXVII. 3.	<u>36</u>
CXXVIII. 3.	<u>29</u>
CXXIX. 1.	<u>252</u>
2.	<u>118</u>
CXXX. 17.	<u>229. 259</u>
CXXXIV. 7.	<u>207. 334</u>
8.	<u>219</u>
CXXXV. 11.	<u>169</u>

Pfalmi.

Cap.	Pag.
CXXXVI. <u>7.</u> <u>5.</u>	<u>209</u>
<u>7.</u>	<u>138</u>
CXXXVIII. <u>6.</u>	<u>85</u>
<u>15.</u>	<u>252</u>
CXXXIX. <u>4.</u>	<u>282</u>
<u>8.</u>	<u>56</u>
<u>9.</u>	<u>266</u>
<u>11.</u>	<u>229</u>
<u>12.</u>	<u>114</u>
CXL. <u>4.</u>	<u>46</u>
<u>5.</u>	<u>39</u>
CXLI. <u>8.</u>	<u>329</u>
CXLVI. <u>3.</u>	<u>297</u>
CXLIX. <u>6.</u>	<u>152</u>
<u>6.</u>	<u>320</u>

Proverbia.

I. <u>7.</u> <u>3.</u>	<u>115</u>
<u>8.</u>	<u>340</u>
<u>26.</u>	<u>140</u>
III. <u>7.</u>	<u>293</u>
V. <u>15.</u>	<u>242</u>
VI. <u>13.</u>	<u>290</u>
VIII. <u>6.</u>	<u>84</u>
<u>22.</u>	<u>81</u>
IX. <u>5.</u>	<u>43</u> <u>79</u>
<u>17.</u>	<u>34</u>
<u>37.</u>	<u>32</u>
XIII. <u>12.</u>	<u>139</u>
XIV. <u>14.</u>	<u>45</u>
<u>30.</u>	<u>298</u>
XV. <u>1.</u>	<u>302</u>
<u>32.</u>	<u>132</u>
XVI. <u>2.</u>	<u>193</u>
<u>15.</u>	<u>221</u>

Proverbia.

Cap.	Pag.
XVI. <u>7.</u> <u>27.</u>	<u>228</u>
XVII. <u>6.</u>	<u>333</u>
XVIII. <u>22.</u>	<u>83</u>
XX. <u>5.</u>	<u>248</u>
<u>26.</u>	<u>337</u>
XXI. <u>4.</u>	<u>30.</u> <u>321</u>
XXIII. <u>32.</u>	<u>264</u>
<u>23.</u>	<u>317</u>
XXIV. <u>16.</u>	<u>314</u>
XXV. <u>11.</u>	<u>337</u>
<u>15.</u>	<u>127</u>
<u>21.</u>	<u>231</u>
XXVI. <u>6.</u>	<u>312</u>
<u>7.</u>	<u>133</u>
XXX. <u>8.</u>	<u>114</u>
<u>19.</u>	<u>80</u>
XXXI. <u>8.</u>	<u>114</u>
<u>11.</u> et <u>15.</u>	<u>116</u>
<u>23.</u>	<u>326</u>
<u>24.</u>	<u>319</u>

Ecclesiastes.

IV. <u>7.</u> <u>5.</u>	<u>296</u>
VIII. <u>2.</u>	<u>85</u>
X. <u>10.</u>	<u>283</u>
<u>15.</u>	<u>327</u>
XI. <u>1.</u>	<u>132</u>
<u>2.</u>	<u>117</u>
XII. <u>2.</u>	<u>52.</u> <u>354</u>
XXXI. <u>1.</u>	<u>305</u>

Cantica.

I. <u>7.</u> <u>1.</u>	<u>180.</u>
<u>5.</u>	<u>363</u>
<u>3.</u>	<u>61</u>
II. <u>12.</u>	<u>182</u>



Cantica.		Ifaias.	
Cap.	Pag.	Cap.	Pag.
III. 7. 11.	343	VIII. 7. 16.	317
IV. 2.	83	20.	225
V. 11.	61	IX. 2.	161
		6.	291
		14.	262
		20.	291
I. 7. 3.	75	X. 18.	69. 70
5.	217	19.	72
7.	151	20.	260
10.	153	24.	250
21.	254	27.	137
22.	42	XI. 6.	28
24.	176	XIII. 1.	336
25.	170	5.	139
II. 12. 13.	249	10.	221
III. 6.	116	20.	24
14.	152	XIV. 4.	213
17.	186. 324	5.	332
26.	213	9.	281
IV. 2.	158	12.	221
6.	163	23.	197
V. 1.	263	29.	283
5.	196	30.	109. 158. 272
6.	181	31.	233
14.	211	XV. 5.	279
18.	343	8.	188
20.	223	9.	116
VI. 3.	106	XVII. 4.	298
10.	103. 269	XVIII. 2.	242
16.	289	17.	336
13.	118	XIX. 17.	75
VII. 4.	232	XXI. 1.	135
18.	285	10.	32
20.	235	XXII. 1.	105
VIII. 7.	240		Ifaias
8.	266		

Ifaias.

Cap.	Pag.
XXII. v. 8.	<u>341</u>
22.	<u>141.</u> <u>327</u>
23.	24
XXIII. 1.	<u>134</u>
12.	<u>132</u>
XXIV. 21.	<u>329</u>
22.	<u>123</u>
XXV. 7.	<u>339</u>
XXVI. 1.	327
19.	52
20.	329
XXVII. 1.	<u>286</u>
XXVIII. 9.	<u>139</u>
16.	<u>131</u>
17.	<u>38</u>
24.	<u>115</u>
XXIX. 22.	<u>142</u>
27.	<u>70</u>
XXX. 2.	222
28.	<u>186</u>
33.	162
XXXII. 9.	<u>218</u>
15.	<u>70.</u> <u>246.</u> <u>249</u>
XXXIII. 6.	<u>56</u>
9.	<u>71</u>
15.	<u>136</u>
XXXIV. 5.	<u>153</u>
6.	274
11.	191
XXXVI. 12.	<u>106</u>
XXXVII. 29.	<u>277</u>
XXXVIII. 12.	<u>24</u>
18.	<u>134</u>
XXXIX. 17.	<u>250.</u>

Ifaias.

Cap.	Pag.
XL. v. 2.	116
4.	<u>105.</u> <u>251</u>
11.	<u>172</u>
12.	<u>192</u>
16.	<u>61</u>
27.	<u>178</u>
31.	<u>307</u>
XLI. 18.	<u>242</u>
XLII. 3.	<u>262</u>
XLIV. 4.	<u>308</u>
5.	200
20.	<u>253</u>
XLV. 1.	185. <u>292</u>
XLVII. 2.	<u>33</u>
9.	<u>308</u>
11.	<u>225</u>
14.	228
19.	<u>260</u>
XLVIII. 4.	<u>288</u>
10.	<u>234</u>
XLIX. 23.	307
LI. 1.	<u>79.</u> <u>257</u>
21.	314
LII. 15.	351
LIII. 1.	<u>139</u>
4.	<u>151</u>
10.	<u>135</u>
11.	<u>77</u>
12.	55. <u>339</u>
LV. 3.	<u>152.</u> <u>343</u>
LVI. 10. 11.	280
LVII. 5.	<u>233</u>
16.	<u>161</u>
LIX. 3.	<u>282</u>

Ifaias.



Isaias.		Jeremias.	
Cap.	Pag.	Cap.	Pag.
LX. <u>7.</u> <u>13.</u>	<u>173</u>	XXIII. <u>7.</u> <u>28.</u>	<u>30</u>
20.	<u>220</u>	XXVI. 11.	<u>128</u>
LXI. <u>3.</u>	<u>253</u>	XXXI. <u>19.</u>	<u>143</u>
LXIII. <u>5.</u>	<u>36</u>	<u>27.</u>	<u>258</u>
10.	<u>175</u>	XLVI. <u>20.</u>	<u>279</u>
<u>15.</u>	<u>172</u>	XLIX. 9.	<u>36</u>
LXVI. <u>1.</u>	<u>173</u>	LI. <u>1.</u>	<u>267</u>
<u>23.</u>	<u>351</u>	2.	<u>33</u>
Jeremias.		33.	<u>31</u>
II. <u>7.</u> <u>13.</u>	<u>244</u>	<u>42.</u>	<u>240</u>
18.	<u>311</u>	<u>48.</u>	<u>212</u>
20.	<u>341</u>	LIII. 11.	<u>152</u>
21.	<u>258</u>	Threni.	
III. <u>3.</u>	<u>130</u>	II. <u>7.</u> <u>1.</u>	<u>236</u>
<u>4.</u>	<u>307</u>	9.	<u>196</u>
<u>23.</u>	<u>134</u>	11.	<u>247</u>
<u>24.</u>	<u>130</u>	14.	<u>150</u>
IV. <u>3.</u>	<u>29.</u> <u>262</u>	III. <u>1.</u>	<u>217</u>
<u>29.</u>	<u>370</u>	7.	<u>129</u>
VIII. <u>17.</u>	<u>282</u>	10.	<u>275</u>
20.	<u>32</u>	20.	<u>290</u>
XI. <u>16.</u>	<u>37</u>	V. <u>6.</u>	<u>45</u>
XII. <u>7.</u>	<u>140</u>	Ezechiel.	
<u>9.</u>	<u>284</u>	V. <u>7.</u> <u>16.</u>	<u>332</u>
XIII. <u>16.</u>	<u>295</u>	VII. <u>27.</u>	<u>136</u>
XV. <u>7.</u>	<u>197</u>	XIII. <u>5.</u>	<u>323</u>
9.	<u>220</u>	XVI. <u>4.</u>	<u>293</u>
<u>12.</u>	<u>255</u>	<u>15.</u>	<u>247</u>
XVII. <u>13.</u>	<u>195</u>	36.	<u>129</u>
XIX. <u>7.</u>	<u>190</u>	XX. <u>7.</u>	<u>153</u>
XXI. <u>9.</u>	<u>339</u>	<u>22.</u>	<u>170</u>
<u>14.</u>	<u>129</u>	XXI. <u>26.</u>	<u>215</u>
XXII. <u>19.</u>	<u>153</u>	XXII. <u>24.</u>	<u>239</u>
24.	<u>206</u>	XXIII. <u>2.</u>	<u>218</u>
		Eze-	



Ezechiel.	
Cap.	Pag.
XXIII. <i>7.</i> <u>20.</u>	277
XXIV. <u>16.</u>	<u>140</u>
XXVI. <u>2.</u>	<u>325</u>
8.	55. <u>137</u>
<u>17.</u>	134
XXVII. <u>6.</u>	<u>113</u>
XXVIII. 10.	<u>91</u>
XXX. <u>3.</u>	<u>155</u>
XXXIV. <u>23.</u>	23
XLIII. <u>15.</u> <u>16.</u>	274
XLVI. <u>21.</u>	81
XLVII. <u>12.</u>	<u>109</u>

Daniel.

IV. <i>7.</i> <u>14.</u>	<u>152</u>
VII. <u>15.</u>	340
VIII. 10.	<u>220</u>
IX. <u>21.</u>	370
XII. <u>2.</u>	<u>115</u>

Ofeas.

II. <i>7.</i> <u>6.</u>	<u>196</u>
<u>21.</u>	<u>198</u>
IV. <u>8.</u>	<u>135</u>
V. <u>15.</u>	201
VI. <u>5.</u>	<u>191</u>
<u>11.</u>	<u>31</u>
XII. <u>1.</u>	<u>130</u>
XIV. <u>1.</u>	<u>95</u>
8.	296
XX. <u>2.</u>	324

Ioel.

II. <i>7.</i> <u>28.</u>	112
--------------------------	-----

Amos.

I. <i>7.</i> <u>3.</u>	<u>117</u>
IV. <u>1.</u>	25. <u>68</u>

Amos.	
Cap.	Pag.
IV. <i>7.</i> <u>2.</u>	285
<u>6.</u>	141
VIII. <u>5.</u>	220
IX. <u>9.</u>	186
11.	328

Abdias.

<i>7.</i> <u>18.</u>	<u>32.</u> 227
----------------------	----------------

Ionas.

I. <i>7.</i> <u>3.</u>	165
------------------------	-----

Michaeas.

III. <i>7.</i> <u>1.</u>	<u>84</u>
--------------------------	-----------

V. <u>5.</u>	23
--------------	----

VII. <u>19.</u>	241
-----------------	-----

Nahum.

II. <i>7.</i> <u>3.</u>	129
-------------------------	-----

Habacuc.

I. <i>7.</i> <u>9.</u>	<u>264</u>
------------------------	------------

II. <u>6.</u>	253
---------------	-----

<u>7.</u>	<u>263</u>
-----------	------------

<u>5.</u>	<u>322</u>
-----------	------------

<u>17.</u>	273
------------	-----

III. <u>4.</u>	<u>263</u>
----------------	------------

<u>6.</u>	249
-----------	-----

11.	<u>54</u>
-----	-----------

Sophonias.

I. <i>7.</i> <u>16.</u>	<u>122</u>
-------------------------	------------

<u>12.</u>	<u>195</u>
------------	------------

III. <u>9.</u>	<u>290</u>
----------------	------------

Zacharias.

II. <i>7.</i> <u>5.</u>	<u>163</u>
-------------------------	------------

IV. <u>12.</u>	254
----------------	-----

VII. <u>11.</u>	<u>290</u>
-----------------	------------

IX. <u>1.</u>	<u>152</u>
---------------	------------

Zacha-



Zacharias.	
Cap.	Pag.
X. <u>7.</u>	<u>122</u>
XI. 17.	288
Malachias.	
II. <u>7.</u>	<u>138</u>
6.	94
III. 2.	185. <u>235</u>
19.	<u>158</u>
Matthaeus.	
I. <u>7.</u>	<u>89</u>
VIII. <u>12.</u>	<u>223</u>
IX. 37.	32
X. <u>1.</u>	152
34.	<u>127</u>
XIV. <u>5.</u>	<u>156</u>
XV. <u>11.</u>	290
XIX. <u>12.</u>	<u>370</u>
XXIII. 6.	<u>289</u>
XXVI. <u>8.</u>	<u>84</u>
XXVII. 44.	<u>84</u>
Lucas.	
L. <u>7.</u>	<u>137</u>
69.	151
VIII. <u>24.</u>	<u>181</u>
IX. <u>45.</u>	<u>299</u>
XI. <u>20.</u>	<u>172</u>
XII. <u>49.</u>	<u>227</u>
XIV. 15.	<u>134</u>
XXI. <u>28.</u>	<u>142</u>
XXII. <u>36.</u>	<u>144</u>
Ioannes.	
VI. <u>7.</u>	<u>196</u>
VII. 21, 22.	<u>156</u>
38.	242

Ioannes.	
Cap.	Pag.
XII. <u>7.</u>	<u>43.</u>
40.	300
XV. 1.	<u>158</u>
XXI. 22.	<u>313</u>
Ad Romanos.	
III. <u>7.</u>	<u>14.</u>
VI. <u>23.</u>	<u>55</u>
VII. 7.	<u>131</u>
VIII. 6.	<u>131</u>
XI. <u>32.</u>	185
XV. 2.	<u>131</u>
I. ad Corinthios.	
I. <u>7.</u>	<u>1.</u>
III. 7.	34
12.	32
X. 4.	<u>124</u>
XI. 10.	<u>136</u>
XIV. 32.	126
II. ad Corinthios.	
I. <u>7.</u>	<u>150</u>
22.	<u>197</u>
V. 21.	136
VI. 14.	280
VII. 3.	<u>144</u>
XI. 4.	135
Ad Hebraeos.	
VII. <u>7.</u>	<u>89</u>
XII. <u>1.</u>	236
Apocalypsis.	
I. <u>7.</u>	<u>109</u>
II. 17.	<u>333</u>
III. <u>7.</u>	<u>84</u>
8.	289



Quum typo opusculi huius praesens non fuerim, dignabitur benevolus lector sequentia menda, quae oculos correctoris effugerant, emendare. Errata punctorum hebraicorum lector hebraea lingua vel leviter tinctus volante etiam oculo facile detegat et corrigeret.

Pag. 5	<i>se trahat</i>	lege	<i>ad se trahat</i>
10	<i>imperium</i>	—	<i>impervium</i>
17	<i>colaturis</i>	—	<i>coelaturis</i>
19	<i>scibio</i>	—	<i>stikio</i>
22	כנוץ	—	כמוץ
25	<i>si</i>	—	<i>bi</i>
26	<i>Deodedit</i>	—	<i>Deusdedit</i>
29	<i>metuant</i>	—	<i>metunt</i>
—	<i>metuunt</i>	—	<i>metunt</i>
42	<i>boc</i>	—	<i>bos</i>
44	<i>Autbores</i>	—	<i>Author es</i>
55	<i>ex praesentissimo</i>	—	<i>qui praesentissimo</i>
56	<i>fluvias</i>	—	<i>pluvias</i>
91	<i>In principia</i>	—	<i>in principio</i>
95	לף	—	לף
143	<i>animam</i>	—	<i>manum</i>
159	<i>mulieris</i>	—	<i>mulieres</i>
161	<i>balitus</i>	—	<i>balitus</i>
—	<i>egredietur</i>	—	<i>egredietur</i>
162	<i>vocatus</i>	—	<i>vocatur</i>
—	<i>reddicit</i>	—	<i>reddidit</i>
166	<i>Origenes</i>	—	<i>Originis</i>
167	<i>oculorum Del superfluit</i>	—	
169	<i>benefacit</i>	—	<i>patefacit</i>
175	<i>manus eius</i>	—	<i>anima eius</i>
186	<i>filiorum</i>	—	<i>filiarum</i>
252	<i>repetio</i>	—	<i>repetitio</i>
274	<i>ipse</i>	—	<i>ipsi</i>
280	<i>mysterium</i>	—	<i>mysteria</i>
304	<i>virum</i>	—	<i>virium</i>
—	<i>specialibus</i>	—	<i>specialius</i>
337	ארפן	—	אופן
345	<i>metaphysica</i>	—	<i>metaphorica</i>
393	<i>indicati</i>	—	<i>indicari</i>
412	<i>patrem suum</i>	—	<i>meum</i>
439	<i>nocentem</i>	—	<i>innocentem</i>
445	<i>exletiva</i>	—	<i>expletiva</i>
456	תותה	—	אותה
461	<i>omnius</i>	—	<i>omnibus</i>
466	לחרשי	—	לחדשי
472	רע	—	רע
476	ויקרהו העם וישתחוהו	—	ויקרהו העם וישתחוהו
477	אמו	—	אמו
478	ואקרהה	—	ואקרהה

AOI
146143





108

4

39



